

The Ohio State University




3 2435 031148877

Hunlarn, Turklerin, Mogollarn v
D141G8159

001
V7

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	07	26	02	7	02	014	1

LIBRARY
OHIO STATE UNIVERSITY

A NOTE TO THE READER:

Because of its value and condition
this volume has been microfilmed
to preserve its content.

Please check the Libraries' catalog
for location of a copy of that
microform.

Thank you,
The Preservation Office

4/26/1913
D98

ھونلرک ، تورکلرک ، موغوللرک و دھا سائر
غربی تاتارلرک تادیخ عمومی

بدیعی جلد

تأليف و ترجمه انجمنی طرفندن قبول ایدلمشدر

مَوْعِدُكَ مَوْعِدُكَ وَدَعَاؤُكَ دَعَاؤُكَ


بَابُ الْحَمْدِ لِلَّهِ
عَلَى كُلِّ شَيْءٍ

مترجمی :

مسین باهم

محرری :

دو کینی Deguignes



استانبول

طنین مطبعه سی — ۱۹۲۴

STX
D141
G8193
1923
V.7

هونلرك تاريخ عمومىسى

یکرمذجی کتاب

تیمور حکومتی

نهایت ، تاتار قوملرینک صوک بر استیلا صفحه سنه واصل
اولیورز . بو، سریع برسیلدن عبارت قالدی. آزمان ایچنده
بویوک الکالری فیضان آلتنده براقدی و آنجق کندی منشأنده
بعض نتایج ابراز ایتدی. - حقیقت حالدده بو استیلا جنکیز خان
زماننده وقوعه کلن بویوک مهاجرتک بردوامندن باشقه برشی
دکلدر. موغول ملتینک مسلح بر قسمی دیگر قسمی محو ایتدی،
صوکره آسیایی و آوروپا حدودلرینی یاغمایه کیتدی . بونک
بادیسی اولان تیمور چغتایده یرلشمش اولان موغوللارک رؤسا-
سندن بری ایدی . جنکیز خان معیتنده تمایز ایدن و اوغلی
چغتایک وزیر اولان قراچارنویانک نسلندن کلیوردی. قراچار
موغول فاتحنک اقرباسندن ایدی [۱] .

[۱] تیمورلنك ابن ترغای نویان، ابن برکل نویان، ابن ایلک کیز نویان،

چغتای حکمدارلری زمانده تیمور عالمه سی سمرقندك پك
 از اوزاقده كائن اولان كش ولايتنه مالك ایدی . تیمور بو
 ولايتده خواجه ایلغار نامنده کی کویده دنیايه کلمشدر . عموجه سی
 حاجی برلاسك وفاتندن سو کره تیمور ، یوقاریده سویله دیکمز
 وجهله [۱] كش ولايتنی یدتصرفنه آلدی . نوپانلر چوقدن
 بری چغتای خانلرینی بوتون حکم ونفوذلرندن محروم براقشاردی .
 نوپانلرک برر حکمدار مطلق اولمالری ایچون یالکیز برشیلری ،
 خان عنوانلری اکسیکدی . قبيله رئیسارندن برچوغی بوموقع
 مستثنایه کوز دیکهرك بربرلریله متصل حرب ایدیورلردی .
 تیمورلنك کسب نفوذ وقدرت ایتکه باشلادیغی صیراده بوموقعی
 میرحسین اشغال ایتکده ایدی . تیمورلنك ده خان اولمق ایسته دی .
 میرحسینك سؤحرکاتی سائر رئیسارک قسم اعظمی عصیان
 سوق ایتمش اولدیغی جهتله تیمورلنك ایچون قصوای مراتبه
 واصل اولمق قولای بر ایش تشکیل ایتدی . میرحسینی
 بوزدی ، بلخ شهرینی اله کچیردی . چغتای ایمپراطورلغنك

ابن ایجل نویان ، ابن قراچار یاخود قاره شار نویان - که چغتای خانك
 وزیریدر - ، ابن قاراغان ، ابن ایردیجی نویان ، ابن قاجولی نویان ،
 ابن تومنه خان ، بایسنغر خان ، ابن قایدو خان ، ابن دوتومان خان ،
 ابن بوقا خان ، ابن بوزنجیر . امیر کله سنه فارسیده طوپال معناسنه کلن
 لنك کله سی علاوه اولونیور . کندیسنه تیمور بک ده دینمشدر .

[۱] چغتای خانلرینك تاریخنده تیمورلنكك تاریخنك باشلانغچلری
 ایچون اوبخه مراجعت ایللیدر .

بوتون نويانلری بهار موسمنده طوپلانهرق کندیسنی تخته چیتاردیلر .
 تاجی بالذات کندیسی کیدی . آياقلىرىنه قاپانمش ملتك اولولری
 مواجهه سنده حکمدارلق قیلیجنى قوشاندی . صوکره هپسی
 کندیسنى تبریک ایتدیلر ، محشم هدیهلر ویردیلر . اوزرىنه
 بر چوق آلتون مجوهرات سرپدیلر . صاحب قران عنوانی
 توجیه ایله دیلر [۱] . بو حکمدار هیچ بر زمان خان عنوانی
 طاشیامشدر . بو عنوان یالکیز جنکیزخان احفادینه مخصوص
 ایدی . او مملکتده دائماً جنکیز خان نسلندن بر حکمدار محافظه
 ایتک ایسته دی . بو عنوانی او حامل ایدی . تیمورلنک ظاهر آاونک
 بر وکیل عمومیسى ایدی . بو صورتله یالکیز میرحسینک
 مقامنه کچمش اولیوردی . بویوک بر قدرته مالک اولمقله برابر
 سیاست اونی جنکیزخان عائله سینه حرمت کوسترمکه مجبور
 ایدیوردی . خالق او عائله ایچون غریب بر حرمت و تعظیم
 حسی بسله یوردی . آنجق تیمورلنک وفاتندن صوکره -
 درکه او غوللری خان تعیین ایتمکدن واز کچدیلر . مع مافیه
 او عنوانی آلمغه جسارت کوسترمه مدیلر .

تیمورلنک ولایت والیلری ، اردو قوماندانلری ، مجلس شرف الدین
 رئیسلى نصیب ایتدی . ملتك بوتون اکابرینی ، ارکان

[۱] ۷۷۱ تاریخ هجریسنک رمضاننده . تاتار تقویمنه کوره

کوپک سنه سنده . ۷۳۶ تاریخ هجریسنده و ۱۳۳۵ تاریخ میلادیسنده
 دوغمش اولدینی جهته اوزمان ۳۴ یاشنده ایدی .

عسكریه سنی ھدیہلرہ غرق ایله دی . چكیلمش اولدیغی كشدہ .
برمدت قالدقن صوكره سمرقندہ كچدی . سمرقندہ وضعیتك
لطاقتی ، باغچهلرینك طراوتی ، بنالرینك رصانت و ظرافتی ،
نهرلرینك وجدوللرینك كثرتی اعتباریلہ دنیاك اك كوزل
شهرلرندن بری ایدی . بوراسنی ایمپراطورلغك پایتختی یاپدی .
سورلرینی تعمیر ایتدی . یكی استحكامات انشا ایتدیردی .
كوزل سرایلر ، عمومی بنالره شهری سوسله دی . بو بویوك
شهرده آسایشی تأمین ایله دی . سمرقند ، قاهره و بغداد قدر
مشهور اولمشدی . صوكره كندی طرفنی ترك ایتمش اولان
بعض نویانلری تحت انقیاده آلدی . برقورولتای ، یعنی عمومی
برملت مجلسی طویلادی [۱] . بوتون رؤسا بو مجلسه كادیلر .
كلهین و تهیدكارانه برامر آلان یالكرز زنده چشم [۲] ایدی .
اطاعت وعدنده بولوندى ایسه ده برآز صوكره تیمورلنكه
قارشى كین و خصومتك آثارینی تیموره صادق اولانلری ،
اولدیرتمك صورتیله كوستردی . تیمورلنك كندیسنی دائره
اطاعته سوق ایتك اوزره كوندردیكى آدملىرى زنجیره
اوردیریوردی . تیمورلنك باركیر قویروغنی [توغ]
طاقه رق و حكمدارلق بایراغنی آچهرق ، جیحون نهرینی كچمك اوزره

[۱] عینی سنه نك حزیراننده .

[۲] ابن محمد خواجه آپردین . خواندمیر بواسمی زنده چشم

آپردی شكندده قید ایدیور . مكرمین]

اردوسيله كشدن چيقدى . زنده چشمك تحصن ايتمش اولديغى
سفیده قلعه سنه هجوم ايتدی . بونویان کندیسنى صاران عسكرك
چوقلغندن قورقهرق النده قلیج و کفن ایله تیمورلنكك آياقلىرىنه
قایانق وتاتار عادتى موجبنجه بوصورتله اونك اوغورنده حرب
ایتمكه وحیاتى کندیسنه تسلیم ایلکه حاضر اولدیغى کوسترمك
مساعده سنى ایسته دی . تیمورلنك بوايلك موفقیتدن صوكره
کشه عودت ایتدی [۱] .

زنده چشم آنجق ظاهرأ عرض انقیاد ایتشدی . تیمورلنكك
الندن حكومتى آلق املنده ایدی . کینى محافظه ایدیور ،
بونى اظهار ایچون وسیله آرایوردی . کندیسنه برفرقه تشکیل
ایتدی . نویان ابوالعالی بی جلب ایدرك اونكله برلکده بلخ
وترمد الكالرىنى تخریبه کیتدی . فقط ختای بهادر براردو
ایله علی العجلاه اوولایتلره قوشدی . تقریبی اوزرىنه عاصیلر
ترمده دوبه لردن یاپیش کوپرونك برقسمنى بوزدقدن صوكره
قاچدی . آمو نهرىنى کچمکه وقت بولامامش اولانلر قیلجندن
کچیریلدی . زنده چشم شبه غانه قاچه رق اوراده تحصن
ایتدی . تیمورلنكك کوندردیکى نویان جا کواوراده بوتون قیش
کندیسنى محاصره آلتنده بولوندىردی . نهایت زنده چشم
قباحتنى اعتراف ایدرك عفو طلب ایتدی . وعفوه نائل اولدی .
برمدت تیمورك خدمتنه صادق و مربوط کى کوروندی .

بواغتشاشات بوصورتله تسکين ايديله کدن سوکره ،
 تیمورلنک سیحونک شمانده وقاچاقک شرقنده کائن اولان جت لر
 الکاسنه حربه کیتدی [۱] . نویان قومزه ایله اورنک تیمور
 در حال بوتون قبیله لر یله کندیسنک تحت اطاعتنه کیردیله . بومملکتنک
 اداره سنی کمپک تیموره ویردی . برآز سوکره بونک عصیان
 یکی اغتشاشلره سبب اولدی . تیمورلنک قوماندانلرندن بعضیلرینی
 اورایه کوندردی . بونلر عاصی ایله عایشه قادین نهری قربنده
 محاربه ایتدکدن سوکره پک استعجال ایددرک برصلح یاپدیله .
 تیمورلنک مظفریتک بوتون فوائدینی فوت ایتدیرن بوحر کتدن
 ممیزن اولمادی . اومملکتک اوزرینه بالذات یورومکه قرار
 ویردی . بوتون اردوسنی سمرقند جوارنده طوپلادی . سیرام ایله
 نیکی یه کیتدی . برآی ظرفنده بوتون دشمنلرینی داغیتدی . سنکه زی
 آغاجی وادون توزی یه قدر ایلر یله دی . اوراده ، زنده چشمک
 ترمه خاننک اوغلی نویان ابوالمعالی وسمرقنددن شیخ ابواللیث
 ایله برلکده برسوء قصد ترتیب ایتدکلرینی ، قراسمانده اوائناسنده
 کندیسنی اله کچیرمه نی قرارلاشدیردقلرینی خبر آلدی . بونلری
 حضورینه جلب ایتدی . نانکورلکلرینی یوزلرینه اوردقدن
 سوکرا قباحتلرینی عفو ایله دی . چونکه بر قسمی کندیسنک
 عائله سندن ایدیلر . بر قسمی ده نزدنده پک حائز نفوذ اولان بعض

[۱] ۷۷۲ تاریخ هجر بسنده و تانار تقویمنه کرره دوموز سنه سنده .

نویان عائله لرینه منسوب دیلر . زنده چشم سمرقنده نقل ایدیلدی .
اوراده دار بر محبسه حبس اولوندی .

تیمورلنكك آرتق چغتای قطعه سنه صاحب اولماسی ایچون
وقتیله بوقطعه نك ملحقا تندن بولونان خوارزمك بر قسمی تحت
اطاعتہ آلمقدن باشقه یاپه حق برشی قالمامشدی . برمدتن بری ،
قنقرات قبیله سنه منسوب حسین صوفی [۱] اسمنده بر موغول
بوقطعه یی چغتای ایمپراطورلغندن آیرمش ، کات ایله خیوق
یاخود نام دیگرله قیواقی اله کچیرمشدی . تیمورلنك بوتون مضافاتیله
بوایکی شهری کری ایسته دی . فقط خوارزم حکمداری تیمورك
سفیرینه اقتدار و قابلیت ذاتیه سی اثری اولار ق او شهر لرده صاحب
اولدیغنی ، تیمورلنكك جانی ایسترسه کلوب زورله استرداد
ایده بیله جکنی جواباً بیلدیردی . بوقدر جسورانه و مغرورانه
بر جواب تیمورلنكك ابتدا اورایه حربه کیتمك قرارینی ویردیردی .
صوکره ، مفتی جلال الدین خوارزم حکمدارینك کبر و غروری
یوزندن مسلمانلره کله جك مصائب کوزلجه تصویرایتدیکی جهتله
اونی دائره عقل و اعتداله ارجاع ایچون مفتی یی کوندردی .
بو یکی تشبث بی فائده اولدی . خوارزم قرالی مفتی یی حبس
ایتدیرمك صورتیله دهامنفورانه برحر کتده بولوندی . تیمورلنك
بهار موسمنده سمرقنددن اردوس بیله حرکت ایتدی [۲] .

[۱] ابن یونعدای

[۲] ۷۷۳ تاریخ هجریسنده . تاتار تقویمینه نظراً صیچان سنه سنده .

يولده هرات حکمداری غياث الدین پير علی طرفندن کوندرلش
 برسفیری قبول ایلهدی [۱]. سفیر قیمتدار هدیه لرله کله رل
 تیمورک دوستلغنی قازانمق ایسته یوردی . تیمورلنک بخارایه کیتدی .
 آقینجیلری اوتسوس نهری اوزرندە سپایه نامی ویریلن بر محله
 دشمن آقینجیلرینی بوزدی لر . صوکره تیمورلنک پیرام [۲] ایله
 شیخ مؤیدی کات قلعه سنده متحصن بر حالدە بولدی . اوراده
 مقاومت ایتمک نیتندە ایدی لر . ایلك هجوملر پک شدید اولدی .
 محصورین تیمورک اردوسنه غایت عظیم مقدارده اوق
 و طاش آتیورلردی . بو مقاومتدن یک قیزارق هندکلری
 دولدیرتمق ایچون اودونلر و سائره جلب ایتدیردی .
 بو سایه ده قلعه دیوارلرینه صوقولمق قابل اولدی .
 عسکرلر سورلرک اوزرندن آشدیلر . محصورین مدافعه دن
 وازچکدیلر . قلعه قیلاج الده ضبط ایدیلدی ویغما اولوندی .
 بوتون اهالی اله کچیریلدی . قادینلرله چوجوقلر اسیر آلدیلر .
 فقط تیمورلنک ایرته سی کونی بونلری آزاد ایتدی . سورلرک
 هندکنه عسکرینک اوکنده اینمک جسارتی کوستره مه مش
 اولان ضابطلردن برینه جنکیز خان قانونی موجبنجه صوپا
 اورولدی . جنکیز خان قانونی قورقاقلرک بوصورتله جزا دیدە

[۱] ابن عزالدین حسین . ۷۷۱ ذی القعدة سنده و ۱۳۷۰

میلادی تاریخنده وفات ایتمدر .

[۲] مأموریتی یسا اول یعنی والی ایدی . دیکری واروغه یعنی

حاکم ایدی .

اولماسنی آمر ایدی . صو کره بو ضابط بر اشکک قویروغنه
باغلانهرق سمرقنده کوندریلدی .

بو سفردن صو کره منقلای یعنی تیمورلنک اردوسنک
پیشداری، جوی قورلان Dgioui-Corlan ه کیتدی . اوراده
دشمنلردن بر قسمنی پریشان ایتدی . غالب اردو بوتون بو
دشمنلری مختلف ولایتلره قاچیرتدی . تکمیل خوارزم قطعه سی
ازیلدی . هر جهته مغلوب اولان حسین صوفی اورکن Urgan
[*] التجا ایتدی . اورادن ، تیمورلنکک حدتی تسکین مقصدیله
بر سفیر کوندردی . فقط عینی زمانده باشقه دورلو نصیحتلره
قاپیله جق درجه ده ضعیف قلبی اولدیغی ایچون طالب اولدیغی
صاحی اونوتدی ، اردوسیله اورکندن چیقدی . مذکور
شهردن ایکی فرسخ مسافه ده بولونان قاون نهرینک ساحلنده
صف حرب ترتیب ایتدی . یاننده پک آز عسکره مالک اولان
تیمورلنک نهره یاقلاشدی . دشمنک مقاومتنه رغماً ، ضابطانک
اک جسورلری نهری کچمکه مسارعت کوستردیلر . تیمورلنکک ده
آرقه لرندن کله سنه پک زور مانع اولابیلدیلر . دشمن اردوسی
قاچدی . حسین صوفی اورکنه قاپاندی . بر آز صو کره
اوراده یأسندن وفات ایتدی .

بونک یرینه اوغلی یوسف صوفی کچدی . یوسف صوفی
تیمورلنکی تسکین یولی بولدی . زمانک اک کوزل پرنسی اولان

[*] اورکنج در-مکرمین .

برادر زاده سی خان زاده بی [۱] تیمورلنکک اوغلی جهانگیر.
 تزویج ایتک شرطیله صلح عقد ایتدی . صلح انعقاد ایدر
 ائتمز تیمورلنک خوارزمی ترک ایله هر زمانکی اقامتگاهنه چکیلدی .
 هر شی سکونت ایچنده کورونمکده ایکن ، بعض نویانلر
 تیمورلنکک سرانی ترک ایدرک خوارزم قلعه سنه کچدیله ، اوراده
 عصیانلر چیقارمغه ویوسف صوفییه ، عقد ایتک اوزره
 اولدیغی اتقاقی اخلاص ایتدیرمکه چالیشدیله . بونلرک حیللرینه
 قاپیلان خوارزم حکمداری صوک بهارده کات الکاسنه آقین
 یاپدی فقط چوق کچمه دن وفاسزلغنک جزاسنی چکدی .
 ایلك بهار عودت ایدنجه [۲] تیمورلنک کمال استعجال ایله
 خوارزم قطعه سنه کیردی . دهشت ایچنده قالان وقباحتنی تقدیر
 ایدن یوسف صوفی صاحبه طالب اولدی . پرنسس خانزاده بی
 درحال اعزام ایده جکنی وعد ایتدی . تیمورلنک یوموشادی ،
 سمرقنده دوندی . اوراده اوغلی جهانگیرک دوکونی ایچون
 لازم کلن حاضرلقلری کورمکه باشلادی . اقرباسندن [۳]
 بادکار برلاسی Yadghiar berlas دهـا بر چوق نویانلرله
 برلکده ، پرنسسک رسماً دست زدواجنی طلب ایتک اوزره

سنه

۱۳۷۳

[۱] نکدایک اوغلی آق صوفی ایله بر اوزبک خانک قیزی
 شیرقور بکک کریمه سی ایدی . کنیج پرنسسک اصل اسمی سوسن یک
 ایدی . فقط علی العاده کندیسنه خانزاده دیرلردی .

[۲] ۷۷۴ قاریغ مجریسی رمضانده . تاتار تقویمجه او کوز سنه سنده .

[۳] اوده تیمورلنک کی قراچار ترویان نسلندن ایدی .

خوارزمه کوندردی [۱] . بونلر بر چوق هدایای حامدیلر .
 بوهدیلر، آلتون سکه لردن، یاقوت، مسک و عنبردن. قدینه لردن،
 آلتون و کوموش صیره لی قاشلردن ، چین ایسکیلرندن ، دها
 سائر قیمتمدار قاشلردن ، مرصع چین ممولاتندن ، محتشم
 خلعتلردن، جاریه و بارگیرلردن ترکب ایدیوردی. یوسف صفی
 سفیرلری کمال حرمتله قبول ایتدی ، اونلرک شرفنه مدبدب
 ضیافتلر ویردی ، پرنسسی کندیلرینه تودیع ایله دی. پرنسسه
 هدیه اوله رق غایت زنکین بر قاق تاج ایله بر آلتون
 تخت، بیله زیکلر، کوپه لر، کردانلقلر. آلتون کمرلر، مجوهرلر
 یوزوکلر، زمرد، یاقوت، واینجی ایله دولو قوطولر، آلتون
 کلیدلی صاندیقلر ایچنده اثواب و قاشلر، محتشم یاتاقلر، سنجاقلر،
 بر و متعدد ستونلی چادیرلر ویرمشدی . پرنسس سمرقنده
 واصل اولدینی زمان بوتون سرای کندیسینی استقباله چیقدی .
 پرنسسک اوزرینه عطریات، آلتون و مجوهرات سریدیلر، محتشم
 اکلنجه لر ترتیب ایتدیلر . هر طرفده غایت مکمل چادیرلر
 قورولدی. بو چادیرلر آلتون و مجوهرات ایله تزین ایدیلشلردی،
 پارل پارل پارلایورلردی . تیمورلنک سراینک بوتون ضابطاننه
 زنکین هدیه لر داغیتدی ، منجملر استفسار ایدلدکن سوکره
 دوکون یاییدی .

بوتون بو اکلنجه لر بستر بیتمز تیمورلنک اردوسنک باشنه
 ۱۳۷۵

[۱] ۷۷۵ سنه سی شوالنده تاتار تقویمنجه قاپلان سنه سنده .

كچەرك جتار Getes مملكتىنە يەنى كاشغر خانىك كاسىنە
 يورودى (۱) . او قدر مدهش بر صوغوغە معروض قالدى ،
 او قدر قاروياغمور ياغدى كە سمرقندە غودتە مجبور اولدى . ايكي
 آي صوكرە تكرار حركت ايتدى [۲] . پيشدار قوتنە قومانداندا
 ايدن اوغلى ميرزا جهانكير سیرامە ، اورادندە جاردنە كيتدى .
 اورادە ، دوغلات قىيەسى رئيسى و كاشغر الكاسى حاكىمى
 قمرالدين ك اردوسىلە كوك طوپە (تپە) [۳] دىلن بر یردە
 بولوندىغىنى ، حاجى بىكى بىكادىكى براسىردن او كرندى . على العجلە
 او موقع اوزرىنە يورودى ايسەدە قمرالدين اورادە كىندىسىنى
 تحت انىتدە كورمىدىكى ايچون بر كە غوريان [۴] دىلن ممتنع
 التسخير بر نقطەيە چكىلدى . بو موقع ايلي نهرى جوارلرندە
 ايدى . داغلردە اوچ بوغاز واردى . اوچندندە بر نهر آقيوردى .
 قمرالدين اوچنچى بوغازدە اخذ موقع ايدەرك اورادە استحکامات
 ياپدى . جهانكير ، اردوسىنك شجاعتى سايەسندە بو تەلەكلى
 كچيدلرى زورلادى . النده يالين قىليج دشمندرينە هجوم ايتدى ،
 اونلرى فرارە مجبور براقدى . طلوع شمس زمانندە ، اردونك
 قسم متباقيسىلە يتيشمش اولان تيمورلنك فراريلرك آرقەسندن

[۱] ۷۷۶ سنەسى شەبانىك برنجى كونی .

[۲] ۷۷۶ شوالندە . تاتار توقىمىزە كورد طاوشان سنەسندە .

[۳] يەنى ماوى تپە .

[۴] يەنى غوريلر حوضى .

بعض نویانلری قوشدیردی . ایلی نهرینک مجراسی تعقیب
ایدیلدی . بوتون جوار مملکتلر تحت اطاعته آلدی . تیمورلنک ده
بر طرفدن پای طاقه قدر ایلریله دی و قرالدینی اله کچیرمک
اوزره اوغلی میرزایی کوندردی . کینج شهزاده کاشغرلرک
شرقنده کائن اولان اوچه قران مملکتنده کی بوتون جت کویلرینی
تخریب ایتدی . قرالدین مملکتینی ترک ایتدی . عائله سندن
بعض پرنسسلر ، از جمله کریمه سی دلشاد آغا اسیر دوشدی .
یو پرنسس مؤخرآ تیمورک زوجه سی اولمشدر .

بو اثناده پای طاقده بولونان تیمورلنک بوموفقیتلردن خبردار
اولونجه قاره قاسمان داغنه کیتدی . اوراده جهانگیر کندیسنه
التحاق ایتدی . صکره آرپه بازی [۱] صحرالرینه دوغرو یورودى .
اوراده مکریت Mekrites لرک رئیسى مبرک شاه کندیسنه عرض
تعظیمات ایتدی . اورادن یاصی طبان طریقیه اوزکنده عودت
ایله دی . همشیره سی پرنسس قوتلوق ترکان آغا تیمورلنکی اوراده
قارشیلادی . همشیره سی شرفنه ترتیب ایتدیردیکی اکلنجه لر
اثناسنده ، بهرام جلایرک اوغلی عادل شاه سائر بعض
نویانلرله برلکده بر سوء قصد ترتیب ایتدی . فقط بوتشبت
موفقیته نتیجه لانه مدیکی جهته تیمورلنک نحشب قربنده
زنجر سراهه سالمأ واصل اولدی . الله کچمک احتیاطسز لغنده
بولونمش اولان سوء قصدجیلردن بعضیلرینی اوراده جزایه

[۱] احتمالک پایتسه پون Paitssepeon در .

چارپىردى ، دىكرلارنى عفو ايتدى . بهار كلنجە ۱۱۱ ، عفو
ايتىش اولدىغى كىمسەلر آراسىندە بولونان عادل شاهە ، صارى
بوغايە ، ختاي بهادرە ، الجى بوغايە اوتوز بىك سوارى ايله
كاشغر الكاسنە عودت ايدەرك قمرالدينى الە كچىرملرى امرىنى
ويردى . كندىسى دە اردوسىلە خوارزمە كىتدى . اورادە
وجودىنە لزوم واردى . جيحون ساحلىندە سەناھەدە اردو
قوردى . اورادە ، اردوسىنىڭ برقىسى پولادىك تىحت قومانداسىندە
فارياب ياخود اوترار دەتركن ارلاىنى و برادرى طورمىشى مغلوب
وبرمصادمەدە قتل ايتدى .

بو اثنادە ، كاشغر الكاسنە كوندرمىش اولدىغى نويانلر
آرالرىندە تيمورلنىڭ قارشى عصيان تصورىنە قالمىشلر ،
جلالير وقاچاق عشىرتلرىنى طوپلايدىرق بونلرلە سمرقندى محاصىرە يە
كەشلىردى . خوارزم قىطعەسىندە كاتك او بر طرفلرىندە بو فنا
خبرى آلان تيمورلنىڭ على العجلە عودتە مجبور اولدى . اوغلى
جەھانكىرى دىھا اول قوشدىردى . جەھانكىر دىشمىنلرە كرمىنە
نامى ويرىلن بر مىللەدە راست كلەرك اونلرى مغلوب ايتدى .
رۇسا ، قاقچاق چوللىرىنە كىچىدىلر ، اومىلكىتدە حكمران اولان
اوروس خانك سىراينە چكىلدىلر . فقط چوق كىچمەدن ،
كىندىلرىنى قبول ايتىش اولان بو حكمدار علىنە عصيان ايدەرك
ضابطلرن برىنى اولدىردىلر و كاشغر حكومتىنە ، قمرالدىنىڭ يانىنە
قاجدىلر . قمرالدىنى تيمورلنىڭ علىنە برقات دىھا قىشقىرتدىلر ،

اونی بر اردو طوپلایه رق اندکان Andekan الکاسنه کیرمه
تشویق ایله دیلر. قمرالدین بوراسنی ضبط ایتدی. فقط تیمورلنک
اندکان یولنی طوتار طوتماز قمرالدین معیتنه واردوسنه ایلی
نهرینک منصب اولدیغی پالقانی کولی جوارنده کی آت باشی موقعی
ترك ایتک امرینی ویردی. دوت بیک سواری ایله بر پوصو
ترتیب ایتدی. بوتون اردوسنی دشمنلرینی تعقیبه یوللایوب تقریباً
ایکی یوز کشی ایله قالمش اولان تیمورلنکی باصدی. تیمورلنک
عسکرلرینی برقاچ کلمه ایله ایفای وظیفه یه تشویق ایتدی، آت
ایله دشمنلرینه صالیدردی. خارق العاده بر شجاعت و قابلیت
کوستردی. فائیتنه رغماً قمرالدینی مغلوب ایتدی. ایکنجی
بر مصادمه ده یننه غالب کلدی. قمرالدین آز قالدی اسیر
دوشیوردی.

بوتون بوموفقیتلری تعقیب ایدن بر حادته تیمورلنکی صوک
درجه ده مکدر ایدی. سمرقنده عودت ایتدیکی زمان شهری
ماتم ایچنده بولدی. چونکه بویوک اوغلی میرزا جهانگیر وفات
ایتمشدی. استقبال حقنده غایت بویوک امیدلر ویرن بو کنج
شهرزاده نك ضیاعنه آجی آجی آغلادی، محتشم جنازه آلای یاپدیردی.
فقرا یه پک چوق صدقه داغتدی. برقاچ خیرات و اوقاف
تأسیس ایتدی. کشته کندیسی ایچون معظم بر تر به انشا ایتدیردی [۱].

[۱] بو کنج شهرزاده نك خانزاده دن میرزا محمد سلطان نامنده
بر اوغلی و دیگر زوجه سی بخت ملک آغادن میرزا پیر محمد نامنده دیگر
بر اوغلی قالمشدی.

تیمورلنك او قدر متأثر اولمشدى كه دولت ايشلارينه هيچ باقىيور ،
حتى فراغت تصورلرنده بيله كورونيوردى . سرايك ايلرى
كلنلرى اونى تسليه چاليشيورلر ، بر حكمدارك تبعه سنى دوشونمەسى
لازم كله جكنى سويليورلردى . مرور زمان ايله تیمورلنك
كدرى خفيفلهدى . بشریت اچون مع التأسف ، تكرار زمام
حكومتى اله آلدى . قراجق داغلرنده بولونان عادل شاهى
توقيف اچون سوق ايتمش اولديغى سواريلر بو نويانى بر داغك
تپه سنده انشا ايديش بر قله دن عبارت اولان آق صوما موقعنده
باسه رق اولديرديلر . عینی زمانده ، قرالدينه قارشى كوندريش
اولان سائر قوماندانلرده اونى قوراتو الكاسنده مغلوب ايدەرك
بر طاقم غنائم ايله دونديلر . بواردولر عودت ايدر ايتمز تیمورلنك
قرالدينه قارشى بالذات يورومكه قرار ويردى . تیمورلنك
قوماندانلرى قرالدينى بوغام عاصى كوله ياقه لايارق فراره
مجبور ايتديلر . بوتون تبعه سنى اسير آلدیلر . تیمورلنك قرالدينى
قورحصاره قدر تعقيب ايلدى . اوراده توقتمش اوغلان كلهرك
قاچاق خانى ارسة قارشى معاونتنى استرحام ايتدى . سمرقنده
عودت ايدنجه تیمورلنك اوکا عسكر ويردى وقاچاقه كوندردى .
بر آز صوكره ، اوکا مظاهرت اچون بالذات قاچاغه كيتدى .
دها صوكره [۱] صغناقده اوکا بر تاج كييديردى [۲] . ايرته سى

[۱] ۷۷۸ تاريخ هريسنده . تاتار تقويمه كوره ييلان سنه سنك
نهایتلرنده .

[۲] بوندن اولكى جلدلرده قاچاق خانلرى تاريخنه مراجعت ايدىكز .

سنه لرده يارديمه دوام ايتدى. عيني تاريخده تيمورلنك ميرزا شاخرخ [۱] اسمنده بر اوغلى اولدى. بو شهزاده نك تولدى بوتون ايمپراطورلرده بويوك برسرور حصوله كتىردى. منجملر ۱۳۷۷ افلاكى تدقيق ايله كنج شهزاده نك زايجه سنه باقديلر.

تيمورلنك، خوارزم حكمدارى يوسف صفينك حر كىتىدن ممنون دى. بو حكمدار، عتد ايتش اولديغى اتفاقمه يه رغماً بخارا جوارلرينه براردو كوندرمىش، صوكره، تيمورك سفيرينى و حقوق دولك تطبيق لزومى حننده برمكتوبى حامل اولان بر مأمورى توقيف ايتديرمشدى. يوسف صوفى يه مرام آكلاقمق قابل اولمادىغى جهتله تيمورلنك خوارزم اوزرينه يورومكه مجبور اولدى ۱۳۷۹. ار كنجى محاصره ايله كنديسى مشغول اولديغى صراده اردوسنك بر قسمى بوتون الكايه يايلاه رق كچدكلرى يرارى تخريب ايتديلر. يوسف صوفى تيمورلنكى يالكز باشنه بر مصارع يه دعوت ايتمكه قورتوله. بيله جكنى ظن ايتدى. فقط تيمورلنك خفيفجه مسلح بر حالده مبارزه ايچون كنديسى بكه ديكنى كورونجه ميدانه چيقمقدن چكىندى. قوماندانلرندن برى اك كزیده عسكرينى طوپلايه رق قلعه دن ديشارى يه شدتلى بر هجوم اجرا ايتدى. محاربه صباحدن اقشامه قدر دوام ايتدى. بوندن صوكره محاصره اوچ بوچوق آي

[۱] ۱۴ ربيع الآخر ۷۷۹ پنجنه كونى والده سى قازان سلطان خانك كريمه سى مهربان لقبيله آنيلان سراى ملك خانم ايدى.

[۲] ۷۸۰ سنه سى شوالنده ياخود تاتار تقويمه كوره قويون سنه سنده. كوش خود برجنه داخل اولديغى صيراده.

دها سوردی. بومدت اشناسنده بویله دهاباشقه شدتلی مصادمه لر
 وقوعه کلدی. بوصیراده یوسف صوفی وفات ایتشدی. محصورین
 صوك درجه یه کلنجه یه قدر مدافعه دن کری دورمادیلر. شهر
 هجوم ایله ضبط اولوندی، یاغما ایدیلدی [۱]. بوتون شرفا،
 علما، ارباب حرف و صنایع اسیر ایدیلرک کشه کوندریلدیلر.
 تیمورلنک مـنـقـطـه رأسی اولان بوشهر او تاریخن دن صوکره
 و تیمورلنک دایما اورایه علم و هنرلریله ممتاز اسرای کوندرمک
 خصوصنده کوسترمش اولدیغی اعتنا سایه سنده دنیانک اک مشهور
 ممالکتلردن بری اولدی. « قبة العلم والادب » عنوانیه یاد
 ایدیلیوردی. باغچه لرینک یشیلایکی و طراوتی دولایسیله
 شهر سبز ده دنیلیوردی. تیمورلنک بوراسنی پاتخت اتخاذایتدی.
 یازلری اوراده اوتوریردی، یکی سورلر و برسرای بنا ایتدیردی.
 دیوارلرینک بیاضلغندن دولای بوکا آقسرای اسمنی ویردی.
 بوبنای معظمک تمللری آتیله جنی صیراده منجملره دانیشلمشدی.
 خوارزم قطعه سنی تسخیر ایتمکله تیمورلنک وقتیه چغتای
 ایمپراطورلغنه تابع اولان بوتون المکارلی تحت اطاعتنه آلمش
 اولیوردی. فقط حرص جاهی بو قدر دار بر حدود ایچنده
 منون اولامیوردی. خوراسانی ضبط ایتمک ایسته یور، بونک
 چاره لرینی دوشونیوردی. هیچ دکلسه، اوراده حکمران اولان
 کورت سالاه سندن غیاث الدین پیر علی یی کندیسنه خراجگذار

[۱] ۷۸۱ تاریخ هجریسندده. تاتار تقویمنه کوره قویون سنه سنده.

ایتمك امانی بسله یوردی . بوکا موفق اولمق ، و حرب آچمغه وسیله
تشکیل ایده جك اغتشاشات چیقارتمق ایچون ، ایلك بهار ابتداسنده
طوپلامق ایسته دیکی قورولتایه بالذات کلمه سنی طلب ایتدی .
مملکتینک اوزرنده بر فیرطنه باشلایه جغنی تخمین ایدن غیاث الدین
پیر علی ، تیمورلنکک اقرباسندن سیف الدین بر لاس کندیسنه
کوندریله جك اولورسه تاتار حکمدارینک سراینه کیده جگنی
سویله دی . بوسورتله ، هیچ خوشلانمادیغی برسیاحتدن قور -
تولاییله جگنی ظن ایدیوردی . فقط اونک فیکرینی آ کلامایان
تیمورلنک سیف الدینک عزیمتنه راضی اولدی . هرات حکمداری
بو نویانی بویوک احتراماتایله قبول ایتدی . تیمورلنکه کوتورمک
ایسته دیکی هدیه لری حاضر لامق بهانه سیله هراتده کندیسنی اوزون
مدت آلیقویدی . بوسیراده شهره هردورلو لوازم وارزاق ادخار
ایدیور ، برسنه اول باشلاتدیغی سورلری ا کماله چالیشیوردی .
بوسورلر ایکی فرسخ قطرنده ایدیلر . او زمانه قدر
اسکی شهرک سورلری خارجنده قالمش اولان باغچه لری ،
واروشلری احتوا ایدیوردی . سیف الدین بر لاس بو حاضر لقلری
فرق ایتیمور کبی داوراندی . غیاث الدیندن تیمورلنکک یاننه
کیتمه یی ایسته مدی . صوکره ، هرات حکمدارینک مقاصدی
حقنده متبوعنی خبردار ایتک اوزره اورادن چکیلدی .

تیمورلنکک بو حرب به کیریشمه سی ایچون هیچ بر معقول سبب
یوقدی . جهانگیر مطلق اولمق حرصی اونک یکانه عامل حرکاتی

ایدی. یر یوزنده تڭ بر حکمدار بولونماسی لازم کله چکی ادعاسنده
 ایدی. صلح حالنده بولوندیغی مملکتلری استیلا ایتمک، بونلرک
 تکمیل ثروتلرینی آلهرق کندی مملکتنه نقل ایله مک، حکمدارلری
 تختلرندن ایندیرمک، تبعه لرینی اولدیرمک ویا اسیر آلمق،
 بر چوق فلا کتله سببیت ویرمک تیمورلنک نظرندە بر حکمدارک
 شان و شرفنی تشکیل ایله یں خصوصات ایدی. ایشته اوتار یخدن
 اعتباراً ایرانى تحت تسخیرە آلمق تصویرینی بسله مکە باشلادی.
 اوغلی میرزا میران شاهى اردوایله سوق ایتدی. میرزا میران شاه
 جیحون نهرینی دوبهلردن مرکب بر کوپرو اوزرندن کچدی [۱].
 ایلک بهارک عودتنه بلخ و شبرغانده منتظر اولدقدن صوکره،
 بهار کلنجه بادغیس شهرینی ضبط ایتدی. اوراده أله کچیردیکی
 غنائم ایله اردوسنی تجهیز ایتدی. بر آز صوکره [۲] تیمورلنکده
 اردوسنک قسم متباقیسیله آرقه سندن یورودی. دیزاق [۳]
 نهرینی بر کوپرو اوزرندن مرور ایتدی. بلخ قربنده خوراسان
 شهرلرندن اندکودده کنیدیله دلی کی کوسترن درویشلردن بری
 اولان باباسنکوی زیارت ایلیدی. درویش تیمورلنکی کورنجه
 باشنه بر قویون کوکسی آتدی. تیمورلنک، کیریشدیکی سفرک
 موفقیتله نتیجه لنه چکنه دائر بوندن احکام استخراج ایتدی.

۱۳۸۰

۱۳۸۱

[۱] ۷۸۲ تاریخ هجر سنده

[۲] ۷۸۲ نهایتلرنده، ایلک بهارده.

[۳] خوراساندن کچن بونهر جیحونه منصب اولور.

بوتون اردوسنه اللهك خراسان قطعه سنى كنديسنه احسان ايتديكنه
 دائر شايعه لر نشر ايتدى. خوراسانه من القديم « صدر » اطلاق
 اولونمشدى. تيمورلنك هر طرفى پریشان ايلدى. سرخس قلعه سنده
 چكىلمش اولان غياث الدينك برادري محمدى عرض تسليميته
 مجبور براققدن صوكره هرات يولنى طوتدى. غياث الدينك
 قوماندانلردن على بكى يولده بگله يوردى، على بك تيمورلنكه
 التحاق اتمه يي وعد ايله مشدى. فقط تبديل فكر ايله تيمورلنكك
 آدمنى توقيف ايتديرمش اولديغى ايجون تيمورلنك جام Djam
 وكوسويه يولنى طوتدى. هرات حكمدارينك اردوسندن
 قورقما يوردى. چونكه غياث الدين سربدارلره عايد اولان نيشابورى
 اله كچيرمشدى. اردوسى بو شهر جوارينه داغيلمشدى.
 كوسويه ده اوجوارلره حاكم اولان پهلوان مهدي تيمورلنكه عرض
 اطاعت ايتدى. تيمورلنك تايياد ده زين الدين ابوبكر نامنده مظنه دن
 برينى زيارته كيتدى. درويشار ومظنه دن ذاتلر ايله بو ملاقاتلر
 تيمورلنك ايجون مفيد اوليوردى. اللهك كنديلرينه معاونت
 ايتديكنه دائر عسكرلرينه اعتماد ويريوردى.

تيمورلنك بوتون اردوسنى قوشخ Fouschandge او كنده
 طوپلايه رق بو قلعه يي محاصره ايتدى. عسكرلر هندكلرى ديركلر
 وتخته لر اوزرنده كچديلر، سورلره ياقلاشديلر. طرفيندن
 بك چوق طاش واق آتيلدى. تيمورلنك ايكي كره يارالاندى.
 فقط وجودى عسكرينك شوق و غيرتى آرتيريوردى.

قاپلىرى زورلادىلار. شەر، استحكامات عظيمه سنه، سورلر كفايت
يولسكل كنه ووسائط مدافعه سنك چوقاغنه رخمأ ضبط ايدىلدى،
يغما اولوندى. پاخت اولان هرات شهرى ده كذل ك تحت محاصره يه
آلندى. قلعه نك بوتون خارج قسمى اله كچرىلشدى. بر
خروج حر كتى اجرا ايدن غورى عسا كرينه قارشى احراز غايه
ايدىلدى. شهر اهالىسى بو موفقيت سزل كدن نوميد اولارقلىرى
ايچون عرض تسليميت اتمه يي دوشونيورلردى. اونك ايچون
غياث الدينك امرينه اطاعت اتمه دىلر. غياث الدين اوغلنى بعض
اكابر ايله برلكده تيمورلنكه كوندردك تسكين حدته چالشمق
مجبوريتنده قالدى. تيمورلنك، مدافعه ده اصرار وستريله جك
اولورسه بوتون هرات قطعه سنى تخریب ايدە جكنى، سكنه سنى
قيليجدن كچيرته جكنى يان ايتدى. غياث الدين پاختنى ترك ايله [۸]
تيمورلنكه تسليم اولدى. تيمورلنك هرات شهرينك بوتون
ثروتلىنى آلدى، سورلرى ييقديردى، اويمه دميرلر و محكوكات
ايله مزىن قاپلىرى چيقارتدى، كشه نقل ايتديردى. شهر
سكنه سنك هر برندن بر پاره آلدى. بر چوق عائله لرى كشه
كوندردى. شهرى تسليم ايچون او قدر مسارعت كوسترمش
اولان اهالى بوتون امواللىرىن محروم قالدىلر. واقعا حياتلىرى
محافظه ايدە بىلدىلر سده ده بوده فلاكتلىرىنى حس ايتمكدن باشقه بر
شيئه يارامادى. غياث الدينك اشكياجه نام دىكر له امانكوه نامنده بر

[۱] ۷۸۳ سنه مى محرمنده. تاتار تقويمنه كوره كوپك سنه سنده.

قلعه سندن باشقه برشيئي قالمامشدى. بوقاچه غير قابل تسخير عد ايدىليوردى. چوققلىرىنىڭ كىنجى امير غورى بورايە تحصن ايتشدى. تيمورلنك زمانىڭ كىنجى غورى ۋاڭعاقللى اولقى اوزرە مشهور اولان بوكىنج شەزادەنى سرائىنە كىتىرمىسى اچون مىرات حىكمدارىنە امر وىردى. فقط غياث الدينىڭ قلعه يە كىرمەسە راضى اولمايوردى. چونكى اوغلنىڭ اورادە مدافعه يە قالماسىدىن قورقمايوردى. غياث الدين قلعه يى تسليم ايتمەسى اچون اوغلنە سورلىك دىيىدىن سوز سويلمەكە مجبور اولدى.

تيمورلنك ايشتە بوسورتە مىراتى ۋاشكىياچە يى ضبط ايتدىكىدىن صوكرە قوماندان جەھانشاه جاكويى كوندردى، نىشابور ايله سبزوارى الە كچىردى. كلات و طوس اوزرىنە بالذات يورودى. اورالردە حىكم سورن على بك ايله سربدارىلردن خواجه على مؤيد عرض انقياددن امتناع ايتشلىردى. بونلر تيمورلنك كى مدەش بردشمنىڭ ياقلاشدىغى كورنچە قورقەرق قلعهلىرىنى ترك ايتدىلر، تيمورلنكە كلەرك آمان دىلەيلر. مازندران حىكمدارى امير ولىنىڭ قوماندانلىرىنىڭ اندە بولونان اسفراين Esfarain عرض تسليمىت ايتدىكى اچون تامامىلە تخرىب ايدىلدى. ايجىندە كى عسكر ايله اھالى قىلىچىدىن كچىرىلدى. تاتارلر بىرلىك او بىلە براقمە يورلردى. بوشەرك آرتق يالىكىز نامى قالمشدى. بر آرز صوكرە امىرولى يە كلوب تيمورلنكە عرض اطاعت ايتمەسى اچون امر كوندردى. امير ولى وعد ايتدى. بواننادە تيمورلنك اقربالرىدىن بعضىلىرىنى

ئۆلدىرمەش اولان بەزى اشقىا چتەلرىنى مھوایدیوردى . نھايت ،
غیاث الدىنى ھرات ھكىمدارى نىصب وقوماندانلرىنى موقەلرىنە
اعادە ايتىدكەن صوكرە ، تىكرار سىمرقند يولنى طوتدى . قىشى
بىخارادە كىچىردى .

ھرب يورغونلىقلىرىنى چىقارمىق ايچون سوردىكى ذوقوصفا
ھاياتى اناسىندە قىزى اكەيىكى وفات ايتدى [۱] . كىشە انشا
ايدىلەن مەخشەم بىرتەبەيە دفن اولوندى . تىمورلەك قىزىنىڭ وفاتىدىن
دولايى اوقدر مەتەردى كە على بك ايلە امىرولىنىڭ اتفاق ايدەرك
سىزوار شەرىنى مەھسەرە ايتەكلىرى خەرىنە قارشى لاقىد قالدى .
ھەمىشەرىسى پىرانسىس قوتلوقزكان آغا امور دولەك بويە اھالى
موجب مەزىت اولايىە جەكەنى كەندىسەنە سويەكە مەجبور اولدى .
تىمورلەك خوراسان و مازندرانە كىتمەكە قرار وىردى . بوتون
اردوسىلە بىرلەكە جەيچون نەرىنى كچدى . ھرات ھكىمدارى
غیاث الدىن دە كەندىسەنە التەھاق ايتدى . تىمورلەك على بىكى ھەلم
وملايمەت ايلە طرىق وظىفەيە عودت ايتدىرمەكە چالیشدى ايسەدە
على بك كلات قلعەسەنە قاينازرق اورادە مەقاومت تەشەبەسە بولوندى .
تىمورلەك مازندران اوزرىنە يورىيور كى داوراندى . صوكرە
بىردىن بىرە كلات اوزرىنە عودت ايلە قلعەنىڭ ھەرطرفىنى قوشاتىدى .
على بك يالوارمەكە باشلادى . عرض انقىاد ايتەك ايسىتر كى
كورونەرك تىمورلەك ايلە ملاقات رەجاسەندە بولوندى . ھەقىقت

[۱] امىر موسانىڭ اوغلى مەھمۇد بىكە اولەمشىدى .

حالدہ اوکا بر طوزاق قورمق چارہلرینی دوشونیوردی . کلات سورلری یوکسک برداغک سطح مائاندہ بنا ایدیئشدی . قایالرك آراسندہ شہرہ منہی اولان بر یول واردی . علی بك شہرك قاپسی جوارندہ قرارلاشان موعد تلاقیہ تیمورلنکك پك آز لیشی ایاه کلمکدہ اولدیغنی خبر آلتجہ برپوصو ترتیب ایتدیردرك عسکرلرہ تیمورلنکی اولدیرمہلرینی امر ایتدی . فقط بو ترتیب موفقیتاہ نتیجہ لئدی . بو قدر بویوک برتہلکەدن قورتولان تیمورلنك عمومی هجوم امرینی ویردی [۱] . مکریلر ایله قایالرہ طیرمانمقدہ ماهر اولان بدخشان عسکرلری الكاول هجوم ایتدیلر . عسکرک قسم متباقیسی دە یاردیم ایتدی . دشمنک متعدد قوللرینی مغلوب ایتدیلر . علی بك صوگ درجہ صیقیشنجہ مقاتلہ یہ نہایت ویریلہ سنی طلب ایتدی وامضاسیہ محرر بر مکتوبی ایلری کلن کیمسہ لرہ تیمورلنکە کوندردی . تیمورلنك ایرتہسی کونی قلعه یہ داخل اولدی و علی بکی عفو ایلہ دی . بومعاملہ یہ رغماً علی بك کیجہ لین قاچہ رق قایالرك آراسنہ صاقلاندى . مشکل کچیدلری طوتہ رق اورالردہ تحصن ایتدی .

تیمورلنك، کلاتک تخریبندن صوکرہ غایت یالچین داغلر ایچندہ کائن اولوب غیرقابل تسخیر عد ایدیلن ترشیز قلعه سنی محاصرہ یہ کیتدی . جسارتلریلہ مشہور غوری عسا کرہی بوراسنی مدافعه

[۱] ۷۸۴ سنہ ہجریہ سی ربیع الاولی ابتداسندہ . تاتار تقویمنہ

کورہ دوموز سنہ سندہ .

ایدیوردی . مبذول ارزاق ومهماتلری ده واردی . تیمورلنك
 بونلر ك كوستردكلری مقاومتہ قیزدی . قلعه غیاث الدینہ عائذ
 اولدینی ایچون اوکا شکایت ایتدی . غیاث الدین سورلر ك دینہ
 کیدهر ك غوریلری اطاعتہ دعوت ایتدیسده سوزینی دیکتہمدیکی
 ایچون تاتارلر محاصره ماکنهلرینی قورمغه باشلادیلر . لغمجیلر
 کتیردیلر . هجوملر اجرا ایتدیلر . اطرافلرنده کی جسم ازدولردن
 دهشته دوشمه ن غوریلر هجوملری عینی شدتہ دفع ایله دیلرسده
 نهایت چوقلق قارشیسندہ زبون دوشهر ك امان دیله دیلر . جسارتلرینی
 تقدیر ایدن تیمور اونلره نوازشکارانه معاملهلرده بولندی .
 کندیلرینی مهم مأموریتلره تعیین ایتدی . بوتون ایران تیمورلنك
 بو استیلا سندن دهشت وتلاش ایچندہ قالدی . مظفریلر سلاله سی
 حکمداری اولان جلال الدین شاه شجیع اصل فارس ولایتندہ
 حکمران ایدی . شیراز بوقطعه نك پایتختی ایدی . در حال تیمورلنك
 حسن نظرینی وتوجهنی جلبه چالیشدی . زنکین هدیهلری حامله
 برسفیر کوندردی . تیمورلنك سفیری حضورینه قبول ایله اوغلی
 میرزا محمد ایچون جلال الدینك برقیزینی ایسته دی . بوصورتہ
 شیراز حکمدارینك تمنی ایتدیکی اتفاق عتد اولونیوردی .
 تیمورلنك ترشیزدن عزیمتہ مازندران یولنی طوتدی .
 بوخبردن حیرته دوشن امیر ولی برطاقم هدیهلرله قوماندانلرندن
 برینی یوللادی . امیر ولی نك بالذات قرارگاه کلمه سی ایسته نلدی .
 فقط امیر ولی بر مهلت استحصانه موفق اولدی . تیمورلنك

پایتختنه دوندی . کلات داغلرنده تحصن ایتش اولان علی بك
 بواثناده شیخ علی بهادر طرفندن مغلوب ایدلمش و عرض انقیاد
 ایله مشدی . صداقت و اطاعت کامله سنی تأمین ایچون انده برقلنج
 و بر کفن اولدینی حالدده اندکان اووالرنده تیمورلنكك حضورینه
 چیقدی . فقط تیمور سمرقنده کیرر کیرمز غیاث الدینك اوغلی
 امیر غوری ایله برلکده اونی توقیف ایتدیردك اندکانه کوندردی .
 غیاث الدین ایله اوغلی پیر محمدده حبس ایدیلدیلر . سمرقنده
 بو وقوعات جریان ایتکده اولدینی صیراده غیاث الدینك اقربالردن
 بعضیلری هراتی استرداد ایتك تشبثنده بولوندیلر [۱] . قلعه نك
 قاپیلردن برنی یاقدیلر . قاقچق ایسته ین عسا کر محافظه نی قیلیجدن
 کچیردیلر . اوجوارلرده بولونان تیمورك اوغلی میرزا میران شاه
 در حال عسکر کوندردی . بونلر عاصیلری مغلوب ایتدیلر . قتل
 اولونانلرک باشلردن بر قلعه یابدیلر . بو تاتارلرک باربارلقلرینه
 لایق غریب بر آبد . بو وقعه اوزرینه تیمورلنك غیاث الدینی
 بوتون عائله سیاه برابر اولدیرتدی .

بو حریرص جاه فاتح ، بوتون حکمدار عائله لرینی قهرایدوب
 دوریوردی . فقط ایرته سی سنه [۲] کندریسی ده نفوذ و اقتدارك
 انسانی مصائبدن تخلص ایتدیکنی بالتجربه آکلادی . زوجہ سی
 دلشاد آغا ایله همشیره سی قوتلوق زکان آغا ایکسی بردن وفات
 ایتدیلر . همشیره سی زهد حالی و خیرات و حسناتی دولایسییه

[۱] ۷۸۴ سنه هجریه سی نهایتلرنده ، قیش اثناسنده .

[۲] ۷۸۵ تاریخ هجریسنده . تاتار تقویمنه کوره صیچان سنه سنده .

خلق طرفندىن پك سويليردى . خسته خانلار ، تكيه و مكتبلر
ودعا سائر مبانى خبريه اشا ايتديرمشدى . ويرديكى نصيحتلر
فائده سنى تيمورلنك دفعات ايله تجربه ايتمشدى . تيمورلنك بو
ضياعلردن دويدينى تاثرات كچد كدن صوكره تكررار سلاحه
صاريلدى . اونك نظرندە امور دولت ايله مشغول اولمق بوندن
عبارتدى . قرالدين طرفدارلرني بوتون بوتون احسا ايچون
جت الكاسنه بر اردو كوندردى . بهرينلر تيمورك بو ايلك
اردوسنى بوزديلر . فقط امداده يتيشن ايكنجى بر اردو
ايسى كوله وايلى نهري جوارلرندە كوك طوپه (تپه) يه قدر
ايلريادى . مع مافيه قرالدين بولمق قابل اولامادى . تيمورلنك
ايسه مازندران يوانى طوتمشدى . فقط ترمده سبزوار واليسى
شيخ داودك اوراده عصيان ايتمش اولديغنى وميرزا ميران شاه
طرفندىن مغلوب ايدىلار كدن صوكره بدر آباد قلعه سنه فرار ايدەرك
اوراده تحصن ايتديكنى خبر آلنجە مازندرانە كيتمك اوزره
بعض نوپانلرى آيردى و كنديسى سبزوار اوزرينه يورودى .
بوشهرى او قدر تخريب ايتدى كه ايچند بولونانلرك قسم اعظمى
تلف اولدى . ايكي بيك اسير آندى . هپسنى جانلى جانلى طوغاه
وچا ورايله اوست اوسته ييغدى ، قاهر ياپدى . كنديسنه مقاومت
كوسترمك ايسته يه جكارى طلب مر حته سوق ايچون بوجزايى
ترتيب ايدى يوردى . صوكره ، قومانداسى آلتندە يوز بيك محارب
ايله سيستان ياخود سجستان قلعە سنه كردى . بوراسى كنديسنه

قارشی عصیان ایتشدی . فراده حکمران اولان شاه
شجاع الدین (*) کلوب عرض تسلیمت ایتدی و هدیه لر تقدیم
ایله دی . تیمورلنک باشقه اردولری بولولایته داغیلدی لر ،
شهرلرک چوغنی تخریب ایتدی لر . زرده (*) انسان جسدلرندن
واھالینک باشلرندن متعدد قله لر یاپدی لر .

تیمورلنک ، شاه قطب الدینک تحت تصرفنده بولونان ولایتک
پایتختی سیستان یاخود زرنج شهرینی بالذات محاصره ایتدیکی
صیراده بعضی امرا شهردن خروج ایله تسلیم اولدی لر . محصورین
اونلرک تیمورایله قونوشدینی زماندن بالاستفاده خروج حرکتی
یاپدی لر . تیمورک عساکری قاچیور کی کوروندی و دشمنی
برپوصویه چکدی . بونلر کال جساتله مدافعه ده بولوندی لر . بر
چوق تاتار اتلاف ایتدکدن صو کره تکرار سورک قاپیسنه قدر
دوندی لر . کیجه ک حولیله مصادمه ده نهایت بولدی . قلعه
هر طرفدن تحت محاصره یه آلدی . تاتارلر هندکلر قازارق
تجهیز ایتدی لر . محصورین ایکنجی بر خروج حرکتی یاپدی لر
و قرارگاهک تا اورتاسنه قدر کیردی لر . ایرته سی کونی بوتون
تاتار اردوسی قلعه یه یاقلا شوق هجوم حرکتی یاپدی . فقط بر
هجوم دفع ایدی لی . قارمه قاریشیق قلعه یه کیری لیدی . تیمورلنک
بر مفرزه سی محصورینی تعقیب ایله ایچری یه کیرمش اولدینی

[*] خواند میرده شاه جلال الدین قراهی - مکرمین .

[**] خواند میرده حصار دره دو یازبلی در - مکرمین .

ایچون اوراده قاپالی قالمشلردی . هپسی قیلجدن کچه جکدی .
درحال امدادلرینه قوشولدی . قاپی زورلاندى . تاتارلر
دیشاری چیقديلر . بومحاصره غایت قانلی اولدی . آرتق مقاومت
ایدومه یه جک حاله کلن شاه قطب الدین نهایت تیمورک یاننه کیتمه
قرار ویردرک اوکا شو سوزلری سویله دی :

« سکا قارشى دها زیاده مدافعه ده دوام ایتمکده هیچ بر
فائده یوقدر . سنک قوتلی قوللرک عادتاً داغلری بیله ازه بیلیرم .
سنی بیله یوکسک بردرجه سعادته چیقاران وبراسیرکه بکیزین
طالعک لطفنی بکاه مکده بنم ایچون هیچ بر فائده یوقدر . حیاتی
قورتارمق ایچون فراردن باشقه چاره کورمیورم . فقط ملجأ
زده بولمالی ؟ هرشی سنک تحت حکمکده . یر یوزنده چکیله .
بیله جک هیچ بر یرم یوق . سندن قاحق ایچون سنک قاپوکه
سیغینیورم ، لطف و مرحمتکی استرحام ایدیورم . »

تیمورلنک قطب الدینی عفوایتدی . فقط اردوسنک بر قسمنی
تفتیش ایچون آتنه بیلندیکی صیراده سیستان اها لیسندن یکرمی
اوتوز بیک کشینک سلاحه صارلقلرینی و کندیسنه قارشى
یورودکلرینی خبر آلدی . عسکرینی تشجیع ایتک ایسته دیکی
صیراده براوق احابتیله بارکیری یارالاندى . فوق العاده حدتله نن
تیمورلنک ابتدا شاه قطب الدینی توقیف ایتدیردی ، محاربیه
عودت ایتک ایسته دی . فقط باشلیجه قوماندانلر اونى کری
دورمغه زورلادیلر و دشمنه کندیلری یورودیلر . دشمنی

پريشان ايتديلر . سورلرک اوزرندن آشىلدى ، شهر هجوم ايله
ضبط اولوندى [۱] . اولرله مبانى عوميه نى ييقديلر . قادين ،
ارکک ، بوتون اهالى يى بشيکده کى چوققلره وارنجه يه قدر
کسديلر . عسکرلر قابولرک چيويلىرينه وارنجه يه قدر هرشيئى
يغما ايتديلر .

تاتارلر صوکره سجستان قطه سنک دىکر برشهرى اولان بست
وزرينه يوروديلر . يولده ، سدرستم دنيلن بر بنايى ييقديلر .
بواسى بر آبدە ايدى . هيچ براثر قالمادى . طاق قلعه سنى ضبط
ايتديلر . کوک قلعه دن کچدکلى صيراده تومان نکودرى نامنده
برعاصينک کيش ومکران طرفلرينه دوغرى ايلريله مش اولديغى
دويديلر . تيمورلنک اوغلى ميرزا ميران شاهى وسائر بعض نويانلرى
عاصى يه قارشى سوق ايتدى . قاراق چاپرلرندە عاصى يه يتشدیلر .
تومن درحال محاربه يه حاضر لاندى . تيمورک قوماندانلرندن برى
لنديسنت اسکيدن دوستى ايدى . کلوب تيمورلنکک
اياقلىرينه قاپانماسنى توصيه ايتشدى . ايلک مصادمه ده مقتول
اولدى . باشى تيمورلنکه کوندرلدى . تيمورلنک صوکره وقتيله
کنديسنى الندن يارالامش اولان باشقه بر ولايت حاکنى جزا
ديده ايتک ايچون اوق ايله اولديرلنى امر يتدى . مقتو
شهرى ايله قلعه فراق قلعه سنى ضبط ايلدى . تومنک تبعه سندن
اوچ بيک کيشينک چکيلمش اولديغى هزاريز قلعه سنى و دها

سائر بعض یرلری ضبط ایتدکدن صوکره عسکرلرینی قندهار ولایتک جنوبینده کی داغلرده کائن اوغانیان یاخود آغوان اوزرینه سوق ایله دی . بوقوملر کندی کندیلکندن تیموره عرض انقیاد ایتدکدن صوکره حصیان ایتشلر و اوزرلرینه کوندریلن ایلك عسکرلری بوزمشلردی . تیمورلنک یکی عسکر سوق ایتدی . بوقوت کوه سلیمان نامنده کی قلعه یی ضبط ایله بوتون او باربارلری قیلجیدن کچیردی . عینی زمانده قندهاره دوغروده باشقه مفرزه لر سوق ایدیلشدی . بونلر قندهارلری محاصره ایتشلر و تیمورلنکک مواصلتندن اول اله کچیرمشلردی . تیمورلنک اورادن قوتان الکاسنده کی کلات شهرینی ضبط و خاک ایله یکسان ایتک اوزره قوتلر کوندردی [۱] .

سجستان و زابلستان ولایتلرینی بوسورتله تحت اطاعته آلدقدن و باشلیجه شهرلرده قوماندانلر اقامه ایله دکن صوکره تیمورلنک سمرقنده دوندی . اوراده اوچ آی قالدی . صوکره تکرار مازندران یولنی طوتدی . سرخس طریقیه نسیاه کیتدی . اوراده . امیر ولینک دورون قلعه سنه تحصن ایتش اولدییی خبرینی آلدی . تاتارلر بوموقع اوزرینه یورویرهک بولده دشمنی پریشان ایتدکدن صوکره قلعه یی ضبط ایتدیله . صوکره جرجان نهرینی کچه رک شاه سومانده قرارگاه قوردیلر . قانلی برمحاربده مغلوب اولان امیرولی قاچغه مجبوریت حس ایتدی .

[۱] خوراسانده کی قلات وارمنستانده کی خلاطدن باشقادر .

تیمورلنك ، بو مظفریته رنما طرفده استحکامات قازدیردی ، سپرلر یاپدیردی . ولینك شجاعتی و متاتی اونی احتیاطکارانه حرکت اینمکه مجبور ایلیوردی . فی الحقیقه ولی قلعه دن حیقه روی تیمورلنك عساکری اوزرینه شدتله هجوم و بوتون انشاآتی تخریب ایتدی . یولده برچوق قویولر قازدیرمش ، ایچلرینه صو آلتنده کیزلی بر نوع سیوری شیشلر ترتیب ایتدیرمشدی . اردوسی مغلوب اولدیغی ایچون علی العجله قاچارکن کندی قازدیردیغی قویولره کندیسى دوشدی . تیمورلنك بو صورتله مازندرانك پایتختی اولان استرآباده قدر ایلریله دی . شهرى بر کول ییغینی حالنه کتیردی . قادین ، اختیار ، چوجوق هپسنی قتل ایتدیردی [۱] . امیر ولی بوتون عائله سیله ۱۳۸۴ برلکده دامغان طرفلرینه چکیلمشدی . عائله سنی کردکوه قلعه سنه براققدن صولره ری یولنی طوتدی . تیمورلنك عساکری اوقدر چابق داوران دیلر که ری جوارنده امیر ولی نی اسیرایدی بیلیمک امیدینه دوشدیلر . فقط امیر ولی رستم دار اورمانه قاچدی . اورمان اوقدر صیقدی که کندیسنه یتیشمک قابل اولامادی . غرب طرفلرنده شیمدی به قدر هیچ بودرجه ایلریله دمه مش اولان تیمورلنك ، ایلکانیان سالاه سندن حمد شیخ اویسه [۲] تابع ممالک جوارنده بولوندیغنی کورونجه اوقطعه به کیرمک قرارینی

[۱] ۷۶ تاریخ هجریسی شوالنده .

[۲] ۱۷ نجی کتابده ویردیگمز ایضاحاته مراجعت .

ویردی و سلطانیہ اوزرینہ یورویہرک شہری ضبط ایتدی [۱].
 صوکرہ، رستمداغ داغلرینہ کیردی. ورودینی کورن کوچوک
 امیرلرک ہربری برطرفہ چکیلیدی. یالوس دنیلن برموقعہ قاجش
 اولان امیر ولی بیلا کوهستان طاغلرندن کچدی، آمل و ساری
 شہرلرینہ دوغری کیتدی. اورانک حاکملری کنڈیسنی قبول
 ایتدیلر، تیمورلنککے عرض انقباد ایتدیلر. تیمورلنککے سمرقندہ
 دوندی. ہیچ برسبب اولمقسنزین حرب ایتمش اولدینی بوملککتلری
 تحت ادارہسنہ آلدیغنه قانع بولوندینی جہتلہ قاجاق قطعہسندہ
 حکمران اولان توقتمش خانک تبریز جوارلرینہ بر آقین
 یاماسنہ قیزدی. مسلمانلرک امدادینہ کیتمک بہانہسیلہ سفرہ
 چیتدی. حقیقت حالده دینلرینہ اشتراک ایتدیکی ایلمکانیلری
 تماماً حکم ونفوذدن اسقاط ایتمک مقصدینی تعقیب ایدیوردی.
 دیگر برسببده بو حکمدارلر کافی درجہده صاحب نفوذوقوت
 اولمادقلری جہتلہ امرلرینی اجرا ایتدیرمک ایچون اورادہ قوماندانلر
 بولوندیرمق مجبوریتی ایدی. تیمور، بوتون اردولرینی طوپلادقدن
 صوکرہ جیحون نہرینی کچدی [۲]، فیروز کوهہ کیتدی.
 اورادن معیتنہ برمفرزہ آلہرق لور الکاسی حکمداری عزالدین
 اوزرینہ یورودی. چونکہ عزالدین تبعہسیلہ برلکدہ مسلمانلرہ
 قارشى تجاوزاتده بولونیوردی. اخیرآدہ برمکہ کاربانی یغما ایتشدی.

۱۳۸۶

[۱] ۷۸۷ تاریخ ہجریسنده. تاتار تقویمنہ کورہ قاپلان سنہسندہ.

[۲] ۷۸۸ تاریخ ہجریسنده. تاتار تقویمنہ کورہ طاوشان سنہسندہ.

لورستان اوزرینه سرعتله یوره یهرك اورودجود ، خرم آباد
موقعلرینی اله کچیردی . بویغما کرلر اورالره التجا ایدیورلردی .
خرم آبادی تماماً یقیدیردی . اشقیانک قسم اعظمی داغک
تپه سندن آشاغی آتدیردی . بوتون بو حوالی بی تحت اطاعته
آلدقن صوکره نهاوند اوواسنده اردونک قسم اصلیسنه
التحاق ایتدی . ایلکانیانه تابع اولان بوتون آذربایجان قطعه سنی
تسخیر ایلهدی .

یاز موسمنی توریز (تبریز) ده کچیردی . سنه ابتداسنده ،
نخجوان المکاسنده ضیاءالملک کوپروسندن آراقسهس نهری
کچدی [۱] . بو کوپرو ، شرقده یاپیش کوپرولرک اک کوزل
واک متینلرندن بریدر . طاشلری بربرینه اوقدر ماهرانه ربط
ایدیشدرکه بتیشدکلری یلری کوره بیامک پک مشکادر .
کوپرونک کمرلری ایچنده بر دانه سی آلتش عجم آرشونندن
کنیشدر . اوست طرفی بر داغه استناد ایتدکده در . تیمورلنک
کرنی حصارینی ضبط ، صوکره آراقسهس نهری اوزرنده
سورمالو شهرینی ضبط ایتدی . اورادن ناقابل تسخیر عدایدیلن
قارص اوزرینه یورودی . بر آز مقاومتدن صوکره قارص
قلعه سی عرض تسلیمیت ایتدی [۲] . بومظفریاتی اتمام ایتدکدن
صوکره تیمورلنک کورجستانه کیردی ، پایتخت اولان تفلیس

[۱] شرقلیلر بونه ره ارس دیرلر .

[۲] فیروز بخت اسمنده بر تورکن بوراده حاکم ایدی .

شهری محاصره آید . عمومی بر هجوم نتیجه‌سندده بو شهر
ضبط ایدیلدی . کورجستان قرالی مهیه باغرات اسیر آلدی .
زنجیرلره اوروله‌رق تیمورلنک حضورینه چیقارلادی . صوکره ،
تیمورلنک تاتار اصولنده آواکنجه‌لرینه‌دالادی . شکی‌ده‌قرارگاه
قوردی . ویردیکی امر اوزرینه نویان جهان شاه بوتون لژکیلر
الکاسنی تخریبه کیتدی . محمد درویش برلاس شکی داغلرینه
کیره‌رک بر چوق اسیر آلدی . آرغون شاه ورمضان خواجه
تنکوت ولایتی یغما ایتدیلر . محمد بک ونویان موسا ایسه
آق‌جب ولایتی تخریب ویغما ایلدیلر . تیمورلنک اوزمان
البرز طاغلرنده ایدی . بوتون بونویانلر معیتلرندکی عسکرلره
قابالا قرارگاهنده تیمورلنکه التحاق ایتدیلر . تیمورلنک قور یاخود
سیروس نهری کچدی ، قاره باغه کیتدی . اوراده کورجستان
قرالی مسلمانلری قبول ایتدی . تبعه‌سندن بر چوغی‌ده اوکا
امثال ایتدیلر .

شیروان حکمداری اولان شیخ ابراهیم بوسفرده تیمورلنکه
بر چوق هدایا ایله کلهرک عرض تابعیت ایتدی . قدیم ایتدیکی
نادیده هدیه‌لری کوستردی . تاتار عادتی موجبجه هر هدیه‌دن
دوقوزدانه اولق شرطدی . بو هدیه‌لردن باشقه صاتون آلمش اولدیغی
سکنر کولای‌ده قدیم ایتدیکی زمان بردانه‌سنک اکسیک اولدیغی سویله .
تجه دوقوزنجینک کندیس اولدیغنی بیان ایتدی . بومداهنه تیمورلنک
خوشنه کیتدی . اونی شیروان حاکم‌کننده ابقا ایتدی . اوزمانه

قدر مستقل بولونان کیلان جا کماری ده هدیله کوندر دیلر و خرا-
جکندار اولمای قبول ایلدیله. تیمورلنک قیش موسمنده اراقسه
نهری ساحلرنده قالدی. بهار عودت ایدنجه [۱] بردع جهتنه
۱۳۸۷ یورودی، النجک یاخود ناجاقلعه سنی محاصره ایتدی. بواشاده
اردوسنک بر قسمی دربند طریقله بر آقین یاپان قاپچاقلری مغلوب
اتمشدی.

تورکمن الکاسنه ده حرباً کیرمک ایچون دین تیمورلنکه
بر بهانه تشکیل ایتدی. طبیعتلری اقتضاسی یغما کراسکه میال
اولان بوقوملر مکیه کیدن قافلدری اکثریا یغما ایدرلردی.
تیمور بونلره قارشى یورودی. بوتون مملکتی تخریب ایتدی.
بورانک حکمداری قاره محمد ایدی. ارزنجان، ارضروم
وبوتون سائر شهرلر ضبط اولوندی. قاره محمد فراره مجبور
قالدی. بربرندن آلتی فرسخ مسافه ده کائن اولان وازووسطان
شهرلری برمدت محاصره آلتنده قالدیله. واند قاپانمش اولان
ملک عزالدین اوراده بر داغک تپه سنده غایت متین بر حصار
بنا ایتدیرمشدی. ایکی کون محاصره دن صوکره نلعه دن
چیقارق عرض تسلیمت ایتدی. فقط اونک بوحرکتندن اوتانان
تبعه سی ده ا اوچ هفته مقاومت ایتدیله. وان هجوم ایله اله
کچیریلیدی. اهالیسندن بر چوغی داغک تپه سندن آشاغی

[۱] ۷۸۹ تاریخ هجریسی بدایتلرند. تاتار تقویمنه کوره تمساح

آتیلیدی . وقتیه ارزنجان حکومتنه صاحب اولان طهرتن تیمورلنكك لطف و عاطفتنی استرحام مسلماننی طوتدیغی جهتله مقامنده ابقالیدی، شهری کندیسنه اعاده اولوندی . تیمورلنك وان قلعهسنی یققدیردقدن صوکره سالماسه کیتدی . اوراده عزالدینه بوتون کوردستانك ادارهسنی ویردی . ارمیتیزوقنك حکمداری اوراده تیمورلنكه عرض تابعیت ایتدی . تیمورلنك مراغه دن کچهرک کیلانله ایندی .

حرص جاهنه حد وپایان بولونمایان تیمورلنك، پایتختی شیراز اولان فارس قطعهسنی ضبط ایتک فکرینه دوشدی . فارسده مظفریه سلسلهسی حکمران ایدی . چوق کچمه دن برهانه بولدی . وقتیه شاه شجاع ، حکومتی تیمورلنكك تحت حمایه سنه نودیغ وحین وفاتنده اوغلی زین العابدینی تیمورلنكه وصیت ایتشدی . زین العابدینی عرض تابعیت ایتمه وعلی العجله سراه کله که دعوت ایلدی . فارس حکمداری بو امرلره اطاعت ایده جکی یرده تیمورک سفیرینی توقیف ایتدیردی . بو ، تیمورک کچوق آرزو ایتدیکی برشیدی . درحال ، اوردوسنك بر قسمیه ایران اوزرینه حرکت ایدهرک [۱] اصفهان اوکنده قرارگاه تأسیس ایتدی . زین العابدینك داییمی مظفر کاشی شهرک ایلری کلنلریله برلکده آناختارلرینی تیموره تسلیم ایلدی . تیمورلنك اصفهان فاتحانه کیردی . ابتدا طبرک قلعه سنه چکیلیدی . صوکره ، شهرده بر

قوة محافظه براقه رق قرارگاهنه دوندى . اصفهانك اشرافى تأديه
ايديله جك اقچه ي قرارلاشدير مق ايچون كيدوب تيمورلنكى
بولدىلر . هر طرفه مأمورلر تعيين اولوندى . اورته لق غايت
ساكن بولونديغى برصيراده ، اصفهانك طيش قلعه لرندە بركنج
دميرجى كيجه لين برترامپت چالدى . بولورولتواوزرينه برطاقم اهالى
طوپلاندى . محله لرە صالحديردىلر . تيمورك مأمورلرندن وعسكرلرندن
برخيليسنى اولديردىلر . بو عصيانده اوچ بيكدن زياده تاتار تلف اولدى .
تيمورلنك تكررار كلوب اصفهانى محاصره مجبوريتندە قالدى . شهرى
هجوم ايله كهچردى . بوتون اهالى ن اسيرايتدى . يالكنز تاتارلرە
حسن معامله كوسترمش اولانلرە ارباب علمى عفو ايله دى .
او قدر حد تاندى كه عسكرى نى معين مقدارده كله كتىرمكه مجبور
ايدىوردى . كتىريلن باشلر ك حسابى طوتمق ايچون مخصوص
قوماندانلر تعيين ايتدى . بو قتال دن متضرر اولان عسكرلر او قدر
آدم اولديرمكدن ايسه پاره ايله انسان باشنى آلهرق حصه لرينه
دوشن مقدارى تماملامه يى ترجيح ايدىوردى . باشلانغجده بر
باش يكرمى دينار كوپكى يه ساتىليوردى . صوكره ياريم دينار
ويرىلكه باشلاندى . نهايت ساتون آلمقلا باشه چيتما يه جفنى
كورەرك راست كلدكلرى كي مسهلر ك كافه سنى اولديرمكه باشلا ديلر .
اصفهان سورلرينك خارجنده يتمش بيك باش ييغىلدى . شهر ك
مختلف محللرندە بولردن متعدد قلهر ياپدىلر [۸] .

[۱] ۷۸۹ سنه هجرىه سى ذى القعدة سنك آلتىنجى بازار ايرتە سى كونى .

بومدهش قتالدىن صولردە، تيمورلنك شيراز يولنى طوتدى.
 بوندن خبردار اولان زين العابدین پايتختى ترك ايتدى . [۱] تستر
 حاكىمى اولان عموجه زادهسى وبر مدتدن برى دشمنى شاه
 منصورك ياندا التجا ايله دى . شاه منصور اولنك بوتون عسكەرلرني افساد
 ايتدى . صوكره كنديسنى اسير ايدەرلك تستره كوندردى . شيراز تيمور-
 لنكك النه دوشدى [۲] . بوتون قطعده كنديسنك تحت تابعيته كيردى .
 شاه شجاعك برادر زادهسى ويزد حكمدارى اولان سلطان يحيا ايله كرمان
 حكمدارى سلطان احمد [۳] سیرجان حكمدارى ابواسحق [۴]
 لور اتا بكلىرى كلوب تيمورلنكه عرض تسليميت ايتديلر . تيمورلنك
 بوولايتلرك هر طرفنه مأمورلر اقامه ايتدى . قاپچاق خانى
 توقمشك عساكرى طرفندن ماوراءالنهره وقوع بولان بر
 آقین اوزرينه تيمورلنك على العجله سمرقنده كيتمك اضطرارنده
 قالدى . بيكيارق اوغلان ايلغمش اوغلان ودها سائر نويانلر
 قورماندا سنده بولونان قاپچاقلر سابران شهرنى محاصره يه آلمشلردى .
 تيمور خواجه آق بوغانك مقاومت شديدسى اونلرى محاصره يي
 رفعه مجبور ايتمشدى . اندكانده بولونان ميرزا عمر شيخ
 جواردهكى بوتون عساكرى طوپا ليارق اوتاردن بش فرسخ

[۱] بوكا شستر اسمى ده ويريلير .

[۲] ۷۸۹ سنه هجرىهسى ذى الحجه سنك برنجى كونی .

[۳] شاه شجاعك برادرى .

[۴] شاه شجاعك طورونى .

مسافه ده جوكلاك اوواسنده اونلرله حربه كيريشمىدى . فقط
جسارتى يوزندن ظفرى غائب ايتدى . دشمنك ايجريسنه دوغرو
او قدر فضله صوقولمىدى كه بوتون دشمن اردوسنى كچمش
و كندى عسكەرلرني كوزدن غائب ايتمىدى . عسكەرلر
قوماندانلرني كورمه نجه پريشان برحالده قاچديلر . تيمور خواجه
آق بوغا اندكانه چكىلمىدى . توقمشك اردوسى بخارايى محاصره
ايتشمىده ضبطه موفق اولامامىدى . صوكره زنجير سرائى
ياقمش ، جيحون قيبلىنه قدر صوقولمىدى .

بو ولايتلرده تيمورك وجودينه لزوم كوسترن ديكربروقهده
انكاتور [۱] نك عصيانى ايدى . آنكاتور صاحى اخلال ايددرك
بر اردو ايله موغولستاندن حركت ايتمش ، سیرام و طاشكند
جوارلرينه كلىمىدى . تيمورلنكك اوغلى عمر شيخ درحال ايلرى
يورومش و آخسيكت اولنده دشمنلره تصادف ايتمىدى . فقط
انكاتورا قرارگاهنده بيك كشي براقدى . بر چوق برلرده آتش
ياقديروب كنديسنك اوراده اولديغى ظننى دشمنه ويرمكى
دوشوندى . عمر شيخى آلداتمق و جيحون نهريني كچمك
يولنى بولدى . فقط عمر شيخ بر آرزوكره آرقه سندن يتىمىدى .
حربه طوتوشديلر . عمر شيخ اندكانه چكىلمك مجبوريتنده
قالدى . دشمن آرقه سندن تعقيب ايدىيور و قلعه يى محاصره يه
حاضر لانيوردى . اوراده يكي بر محاربه وقوعه كلىدى . بونك

[۱] امير حاجى بك ايركانونك برادر زاده سى .

نتیجەسندە انكاتورا عظیم ضایعات ایله مملکتته دوندی. شیرازده بولغان تیمورلنك بو وقایعدن خبردار اولونجه برآز عسکر تفریق ایدوب اولدن بوللادی. فارسك تکمیل ایشلرینی تسویه ایتدکن صوکره سمرقندیولنی طوتدی [۱]. سمرقنده واصل اولونجه جوکلک محاربەسندە اشتراك ایدن قوماندانلری محاکمه آلتنه آلدی. قورقاقلق یاه اتهام ایدیلن برات خواجه گوکلتاشك صقالی تراش ایدیله رك اوستویچ و قرمزی بویایله یوزی بویاندی. باشنه برقادین اورتوسی قونهرق یالین آیاق شهرک ایچنده دولاشدیریلدی. جسارت آثاری کوسترمش اولانلره مکافات ویریلدی.

تیمورلنك بر مدت سمرقنده قالدقن صوکره اردوسیه برلکده خوارزم یولنی طوتدی [۲]. قاپچاقلر اورایه داخل اولمشلردی. فقط تیمور کلیر کلمز بونلر چکیلمش اولدقلری ایچون تیمورلنك اوغلی میران شاهی آرقه لرندن یوللایه رق تعقیب ایتدیردی. برچوغی قیلیجدن کچیرلدی. تیمورلنك بر قاج کون خوارزم پایتختنده قالدی. شهرک تکمیل سکینه سنی سمرقنده نقل ایتدیردی. صوکره بوقوجه شهری خاک ایله یکسان ایتدی. اسمنی بیله اونوتدیرمق ایچون اوزرینه آرپه اکدیردی. بو حکمدارک دستوری هر طرفه دهشت ویرمشدی. دنیایي تماماً تخریب ایتک صورتیه صلح و سکون تأمین ایله مک فکرندە ایدی.

[۱] ۷۹۰ سنه هجریه سی محرمنک نهایتنده.

[۲] ۷۹۰ تاریخ هجریسندە ، تاتار تقویمنه کوره تمساح سنه سندنه.

انسانلری مسعود یامق و اقوامك باباسی عنوانه مستحق اولاق
ایچون او قدر بویوک ظلم اثری کوستریوردی . ینه بو مقصدله
برمدت سوکره قاپچاق قطعەسندە حرب ایتمکه قرار ویردی .
قوماندانلردن میرکەیی خوارزمه کوندەرك او قطعەدا ھالی اسکانی
مسئلەسنى حل ایتمک ایستەدی . کات ، خیوق شەرلرینە و چغتای
ایمپراطورلغنه تابع سائر خوارزم اقسامنه قلعهلر یاپماسی امرینی
ویردی .

تیمورلنک خوارزم ایشاریله مشغول اولدینی صیراده میرکەنک
برادری ابوالفتاح سمرقنددن قاجش ، قاپچاق چولنه کیتمشدی .
فقط آرقەسندن او قدر سرعتله تعقیب ایتدیلرکە صغانیان ولایتی
شەرلردن بری اولان حصارکده یتیشدیلر ، طوتدیلر و بخارایه
کتیردیلر . آکلاشیلادی که ابوالفتاح میرکە ایله مشترکدی ؛
میرکە تیمورلنکک دامادی اولقله برابر والیسی بولودینی ختلان
ولایتندە اعلان استقلال ایتمک ایستەیوردی ؛ او ولایت عساکری
میرکە لهنده سلاحه صاریلارق ترمذ شہرینی ضبط ایتمکه تشبث
ایله مشلردی . عمر شیخ عسکرلرینی سمرقند قریبندە ایلغازیغا
موقمندە طوپلامغه و معیتندە بر اردو بولونان میرکەیی اورمغه
کیتمکه چالیشیوردی . عمر شیخک ایلری یورومەسی عاصینک
بوتون ترتیباتی بوزدی . میرکە فراره مجبور اولدی . تیت
حدودلرندە حکمران اولان شاه جلال الدینک نزدینە التجا ایله
اونک حمایەسنى رجا ایتدی . تیمورلنکک حدتی جلب ایتمکدن

قورقان شاه جلال الدین بو عاصی یی قبولدن استنکاف ایتدی. میرکه یاقالانندی. فرار ایتک ایسته دیکی صیراده اتلاف ایدیلدی. سائر بعض عاصیلرده کذلک جز الاندیرلایلر. عینی زمانده، سیورغتمش خان نامنده کی چغتای خانی وفات ایتدی. نعلش کشه نقل و کندیسنگ بنا ایتدیرمش اولدییی تربیده دفن ایدیلدی. چغتای ایمپراطور لغنگ برولیانندن باشقه برشی اولمایان تیمورلنک سیورغتمشک اوغلی محمود خان عنوانی ویردی.

تیمورلنک نهایت قاپچاق اوزرینه حرکت ایتدی (۱). اوراده توقتمش خان چغتای قطعه سنی استیلا و اوقطعه خانلرینی آلتنده ایگله دکلیری بویوندوروقدن تخلص ایچون بویوک بر اردو طوپلامشدی. تیمورلنک سیحون ساحلارنده بویوک بر مظفریت احراز ایتدلدن صوکره پایتخته عودت ایتدی (۲). قیش کچر کچمز تکرار قاپچاق قطعه سنه دوندی (۳). کلات و طوس شهرلرینک قوای محافظه سیله خوراسانده عصیان ایتش اولان سربدار حکمدارلرینه قارشى اوغلی میران شاهی بر مفرزه ایله سوق ایتک مجبوریتنده قالدی.

۱۳۸۹

میران شاه سمرقنده اسیر صفتیله طوتولان بعض خوراسان امیرلرینک باشنی کسیدیردکن صوکره یولنه دوام ایله طوس قربنده بحر آباد صحرالرنده سربداریلره مصادف اولدی. اردولرینی

[۱] ۷۹۰ سنه هجریه سی نهایتنده .

[۲] ۷۹۱ سنه هجریه سی صفرنده .

[۳] ۷۹۱ سنه هجریه سی ربیع الاولنده و تاتار قویمنه کوزده ییلان آینده .

هر طرفدن واردی ، هپسنى قىلىجىدن كچىردى . طوس ضبط ايدىلدى . ايچىندە تىمورلنك قاقچاق اولان عاصىلر قاقچاق ايتىدەكلرى صىراىدە اولدىرلدىلر .

بو اثناده تيمورلنك قاقچاق اووالمىدى ، فقط قوماندانلرىنىڭ مطالعاتى اوزىنى بوزالمىدى . اونلر جىلر ياخود لوجوك بخارا خانى خىزىر خواجه اوغلان (۱۱) ايله آنكاتورايى تامامىدە ازالە ايتىك دىھامناسىب اولاجىنى مطالعه سىندە بولونمىشلىرىدى . تيمورلنك اوصىرالمىدى بولوندىغى آلتوشون موقعىنى ترك ايله شىرق يولىنى طوتىدى (۲) . ايرتىش نەرىنى قدر ايلرىلەدى . بر چوق اسىر آلدى . چولى كچىدى . جىلر خانىك ايمىل كوچو (۳) ادە كائن سىراىلرندە ساكن اولدى . اورادە اردوسىنى مختلف قوللارە آيىردى . بونلر هر طرفە يايىلدىلر . هپسى يول دوزدە بولوشمىق اوزرە امر آلمىشلىرىدى . اوغلى عمر شىخ قوبشىن آندورداغى كچىدى ، تورفانك شىمال غىرىپسىندە قارە خواجه نام دىكرلە آراموتە قدر ايلرىلەدى . نوپان جهان شاه ايله شىخ على بهادر قارە آرتە و شور اوغلو قە كىتىدىلر . عثمان عباس سىكىزغان ، صوغولان ، لىغ ، كودىار الكالرىنى تخرىب ايتىدى ، خداداد حسين ايله مباشر بهادر بىقونە قدر ايلرىلەدىلر . بوتون بوقوماندانلر تصادف ايتىدەكلرى جىلر طرفدارلرىنى بوزدىلر . تيمورلنك دە ايرتىش ساحلىنى تعقيب

[۱] توغاي تيمور خانك اوغلى .

[۲] تاتارستانك تصوير احوالى بىخىندە بويول كوستىلمىشدر .

[۳] ايمىل كوچو صايسىان كولانك غىرىبندە و ايللى نەرىنىك شىرقىندە در .

ایدیوردی، متعدد مصادماتده دشمنی مغلوب ایتدی . قاپچاقدن کیتیرتمش اولدیغی سائر قوماندانلر دوردابان داغنی ، ایلی نهرینی کچدیله . سوت کولی ۱۱۱ چیچه لکی، بالایقانی تخریب ایتدیله . مولوزدو شهرینی کچدلدن صو کره موغولستان یاخود جتارخان خضر خواجه اوغلان ایله قارشیشدیله . بونک معیتنده بویوک براردو واردی . هرایکی طرفدن مساوی بر غیرتله قرق سکنر سیاعت حرب ایدلدی . نهایت برائتلاف حصوله کلدی، تیمورلنکک قوماندانلری موعد تلاق اولان یولدوزه دوندیله .

تیمورلنک کیتوده کسندی قوماندانلرینک جتار خانیه برحربه کیریشمش اولدقلرینی خبر آلهجه علی العجله قونغز کچیدینی کچدی ، یولدوزه کیتدی . اوراده قوماندانلرینی بولدی . اردوسنک اک جسور عسکرلرینی سچهرک قوماندانی الیه آلدی . اولا قیاناور نهرینی هرور ایله خضر خواجه اوغلانی تعقیب ایتدی . بویوک چولی کچدی ، قارابولاقه ، صو کره تبرکاشه کیتدی و قوشونقایده دشمن اردوسنی بولدی . دشمن اردوسنی قورقدی ، تاتارستان چوللرینه قاچدی . تیمورلنکک عسکرلری اونلری اوراده قسما احسا ایتدیله . تیمورلنک یولنه دوام ایله نایرین کوتل طاغنی کچدی ، قاردطاشه قدر دشمنلرینی تعقیب ایلدی . خضر خواجه اوغلان بو بویوک استیلا نتیجه سنده خراب اولان مملکتنی تماماً ترک ایتدی . تاتارلر قولاق کوتله

قدر ايلريله ديلر . بوداغك چين طرفنده موغولستانك نه ايتنده
كائن اولديني سويله نيور . بو تعقيباتده مظفر اولان تيمورلنك
يولدوزه نام ديكركله كوچوك يولدوزدا [۱] دوندى . منبع صولرينك ،
تازه يشيلاكلرك ومبذول چاپرلرك موجوديتى حسبيله بوتون
اردوسى اوراده توپلاندى . تيمورلنك اوغلى عمر شىخى اندكانه
كوندردى . قولوغا نامى ويريلىن دمير قاپيدن كچمه سى ايچون
امر وىرمشدى . كنج شهراده او موقعده بر جت اردوسى
بوزدى . قوزان ، اوچه صامان ، كاشغر طريقيله ايلريله يەرك
اندكانه كلدى . تيمورلنك كوچوك يولدوزى ترك ايله اولوغ يىلديزه
كلدى . اوراده قرارگاهنى قوردقدن صوكره سمرقنده دوندى [۲] .
كاربانلرك على العاده ايكي آيدە قطع يتدكلرى بر مسافه يى يكرمى
ايكي كونده قطع ايتدى .

تيمورلنك قيشر موسمنى بخارا جوارلرنده كچيردى . سرائنده
قادينلرى اسكان ايچون بخاراده متعدد بنالر ياپديردى . او ملكتت
كوللرنده چوق مقدارده موجود قوغو آويله اكلندى . طورونى
ابوبكرى [۳] اوراده اولنديردى . صوكره سمرقنده عودت

[۱] ژاليش ، قازيرتو وبلاژير داغى طريقيله . هيچ بر خريطه اوزرنده
بوموقعلرى بولا مايورز . احتمالكه اسملر دكيشم شدر . احتمالكه بوموقعلر
مجهولدر . كوچوك يولدوز دنيا مەسى اولوغ (يعنى بويوك) دنيلن ديكرك
بر يولدوزدن تفريق ايچوندر .

[۲] ۷۹۱ سنه هجرية سى شعبانك ۱۵ نده .

[۳] ميران شاهك اوغلى .

ایله کش جوارنده آقیاره کیتدی . کسب ایتدکلری ثروت
 دولایسیله پک کستاخاق کوسترمکه باشلامش اولان قوماندانلری
 تادیب ایچون اوراده بر قورولتای طوپلامق قرارینی ویردی (۱۱).
 بوقییل اجتماعلرده معتاد اولان ضیافتلردن صوکره اردونک
 تکمیل آلایلرینک تزییدی قرار کیر اولدی . بوتزییدک غایه سی
 قوماندانلری عسکر ایچون دها چوق مصرف اختیارینه مجبور
 ایله یارالری . حکمدارلر نزدنده حمایه لرینی جلب ایچون انقیره
 یامغه صرف ایتدیرمه مک ایدی . عینی زمانده تیمورلنک جتلر
 الکاسنه یکی بر اردو کوندردی (۱۲) . بو اردو طاشلاند ،
 ایصی کول ، کوک توپا ، آرژاتو داغی طریقنی تعقیب ایدهرک
 آمالغه قدر کیتدی ، ایلی نهرینی یوزهرک کچدی ، یرتیش نهرینه
 قدر قرالدینی تعقیب ایلدی . یرتیش نهرینی صالار اوزرنده
 مرور ایلدی . قرالدین تولا س جهتلرینه دوغرو قاچمشدی .
 تیمورلنک قوماندانلری ، یرتیش نهرینک اوتیه طرفنده توقف
 ایله تصادف ایتدکلری چام اورمانلرنده آغاچلره قیزغین دمیر ایله
 آرمه لرینی باصدیلر . بوسوریه مذکور نهرک اوتیه طرفلرنده
 تیمورلنک اردوسنک مظفریانته بر آبدیه وجوده کتیردیلر .
 تیمورلنک موغولستان طرفنده بوتون دشمنلرینی بر طرف
 ایتدلدن صوکره قاپچاق الکاسنی تحت تسخیره آلمق فکرینه

۱۳۹۰

[۱] ۷۹۲ سنه هجریه سی شوالنده .

[۲] عینی سنه ایتداسند .

دوشدى (۱) ، طاشكەندك شىمالىندىكى اوۋالردىن كېچىدى (۲) ،
۱۳۹۱ وولغا نەرىنىڭ ئايى ساھلىنىدە كائىن اولان الكارك كافەسىنى
تەخرىب ايتىدى . صوكرە ، سەنە نەپائىتە دوغرو عودت ايله (۳)
طورونى پىر محمدە (۴) غەزەنە ايله كابلىدىن ھىندىستانە و قەند ھاردىن
ايندوس نەرىنە قەدر اولان بوتون ممالىكى وىردى .

بوقدر ولاياتك صاحى اولان تىمورلنىڭ دىھا ھەنوز بوتون
تەسۋىرات تەخرىبكارانەسىنى نەپائىتە ايردىرمەشىدى . سەمرقەندە
عودت ايدىر ايتىمىز اردولرلە تەكرار ايرانە كچمك تەسۋىرنەندە
بولوندى (۵) . بۇدە كەندىسنىڭ ادارەسىدىن قورتولمىق ايسەپىنلرى
۱۳۹۲ تەدىب مەقسەدىنە مەنى ايدى . فقط بخارا قەربىندە جوى زر Jouidez
شەرىندە وخىم بىر خەستەلغە طوتۇلەرق توققە مەجبۇر قالدى . بۇ
خەستەلقدىن آز قالدى وفات ايدە جەكەدى . اىنى اردونجە اردوسنىڭ
باشىنە كېچىدى (۶) ، استرآبادە ، صوكرە سارىيە ونەپائىت آمەلە
كەتسى . بۇ صوك ئايىكى شەرك حەكمدارلرى آمەلدىن دەرت فرسەخ
مەسافەدە ساھلىدە كائىن ماھانەسەرە چەكىلەرك اورادە تەحصەن
ايتىشلردى . اورادە بىر تەپە اوزۇرىندە بىر قەلئە يامىشلردى . قەلئە

[۱] ۷۹۲ سەنە ھەجرىيەسى صوك بەھارندە .

[۲] ۷۹۳ سەنە ھەجرىيەسىندە .

[۳] ذى القەعدە آينەدە

[۴] جەھانكەرك اوغلى

[۵] سەمرقەندىن ۷۹۴ سەنە ھەجرىيەسى رەجەبىنىڭ ۱۵ ەندە حەركەت ايتىدى .

[۶] ۷۹۴ سەنە ھەجرىيەسى رەمزاننىڭ آلتىسىندە .

اۈچۈرۈملەرلە محاط اولوب بورايە هوا فنا اولديغى زمان صولر دولاردى . قلعە بر آطە كې ايدى . سورلر ك خارجنە پرە يان يانە بويوك آغاچلر قاقشلر ، اوزرينە ايكنىجى بر سور انشا ايتشلردى . اك اي عسكرلرني ومملككتك تكميل ثروتى آلەرق چكىلدكلرى قلعە ايشته بوايدى . تيمورلنك ابتدا جوارلرى ضبط ايتمكە باشلادى . صوكرە دشمنك بحر حزر اوزرندە مالك اولديغى مراكب بحريەدن بعضيلرني الدە ايتدى . بونلرلە ماھانەسرى محاصره آلتە آلدى . اشرافدن بعضيلرى قلعەد . چيقەرق عرض تسليميت ايتديلر . قلعەدە تيمورلنكە تسليم اولدى . تيمورلنك بولديغى بوتون ثروتلرى آلدى . صوكرە فدائى نامى آلتندە جوارلرە يالمش اولان اشقيادن بر قسمنى اتلاف ايتدى . بونلر راست كلكلرى كيمسەلرى و بالخاصه ارباب علمى قتل ايتكى كنديلرينە غايە اتخاذا ايتشلردى . قديم اسماعيليلرك بقاياسى اولملرى محتملدى . آمل شهرى يغما ايديلدى . مدەش بر قتالە معروض قالدى .

مازندران تحت اطاعتە آلدقدن صوكرە تيمورلنك جرجان قريندە محتشم شاسمان سراينى ياپدى [۱] . سراينە منسوب بوتون پرنسسارى بورايە كتيردى . قيش كچد كدن صوكرە مازندران ولايتنى ترك ايلە [۲] بعض مفرزەلر سوق

[۱] ۷۹۵ سنە هجرىەسى محرمندە .

[۲] ۷۹۵ سنەسى صفرينك ۲۴ ندە .

ایلدی . بونلر قزوین ، سلطانیه و بغدادده قدر کیتدیله ، بوتون کردستانی تخریب ایتدیله . کندیسیده لورستان خوزستان ولایتلرینه دوغرو بورویدرک کیو ، ماردان ، خرم آباد شهرلرینی آلدی ، ایزال نهری اوزرنده کی مشهور کوپرونی کچدی ، تستره کیتدی و بوتون بو شهری ضبط ایتدی . اوغللری وقوماندانلری بو ولایتلرک فتحنی اتمام ایتدیله .

تیمورلنک تسترجوارلرنده اولدیغی صیراده مظفریه سلالهسی حکمدارلرندن شاه منصور شیراز ، اصفهان وارکوه شهرلرینی اقرباسندن زین العابدینک الندن ضبط ایتمش وزین العابدینک کوزینه میل چکدیرمشدی . بو اغتشاشات تیمورلنکی شیراز اوزرینه بورومکه سوق ایلهدی (۱) . یولده مشهور قلعه سفیدی ضبط ایتدی . بو قلعه غایت یالچین برطاغک تپهسندده کائن ایدی . قلعهیه آنجق دار بریولدن چیقیلایلیردی . تپهده تقریباً بر فرسخ وسطنده بویوک وکنیش بر اووا واردی که اوزرنده چایلر ، منبعلر یمش آغاچلری و بر چوق صیفیهلر بولونیوردی . اوچ کشی مدافعه ایچون کافیدی . بوقاریده کی اراضی مبذول ییه جک تأمین ایدردی . تیمورلنکک عسکرلری قایالرک آراسندن چیقهرق قلعه یی آلدیلر (۲) . برقاق کون صوکره تیموردشمن ایله قارشیلانیدی . شاه منصور شجاعتلرینه یقیندن واقف اولدیغی اوچ درت بیک

[۱] ۷۹۵ سنه سی ربیع الاولنک ۲۵ نده .

[۲] ۱۱ جمادی الاول .

آتلىك باشنده ایدی. سواريلرك هپسنى باشدن آشاغى زرهلرله
 مجهز اولدقلرى كې باركېرلرینه ده زره كچيرېلشدى. شاه
 منصور بوجسور قوت ايله تيمورلنكك اوتوز بيك كشيلا
 اردوسنه شدتلى بر هجوم ياپدى، بوتون صفلىرى بوزدى،
 دشمن اردوسنكك ايچندن كچهركك آرقه ده مهم بر موقعى ضبط
 ايتدى. صوكره اورادن ايكنجى دفعه تكرر بر هجوم اجرا
 ايدركك بوتون دشمنى فراره مجبور ايله دى. تيمورلنكك باشنده كى
 زرهه ايكى قلىچ ضربه سى اوردى. تيمورلنكك ياننده آنجق
 اون درت اون بش كشى قالمشدى. بونلرده كوردكلرى اثر
 جسارتدن اولدقلرى رده دوكه قالمش كيديلر. شاه منصورك
 ايكى جناحى ده عىنى صورته حركت ايتش اولسه ايدى تيمورلنك
 مغلوب اولاجقدى. فقط جناحلى فرار ايتشلردى. تيمورلنكك
 امدادينه يتيشهركك قالقان كتيرديلر. بوتون تيمورلنكك عساكرى
 طوپلاندى. شاه منصورك اطرافى قوشا دلدى. او زمان
 تيمورلنكك آنجق اون يدى ياشنده بولونان اوغلى شادرخ شاه
 منصورك باشنى كسهركك باباسنكك آياقلىرىنكك آلتنه آتدى. بونك
 اوزرينه بوتون عجمار فرار ايتديلر. فقط بو بويوك مظفريتدن
 دولايى تيمورلنكى تبريك ايچون بوتون شهزادىلر وقوماندا نلر يانسه
 كيتدكلرى صيراده يكى بر دشمن اردوسنكك صف حرب ترتيب
 ايتديكى كورولدى. تكرر على العجله سلاحه صاريلديلر.
 دشمنك اوزرينه يورويديركك داغيتديلر. تيمورلنكك شيرازه كيردى

و مظفریه سلاله سی حکمدارلرینک کافه سی عرض انقیاد ایتدیله .
 بونلر ایران و عراق ایران و ولایتلرینک حاکملری ایتدیله .
 بریرلرینه او قدر دشمندیله که آرارنده کی اغتشاشی تسکین ایچون
 تیمورلنک هپسینی توقیف ایتدیردی [۱] ، مالک اولدقلری
 ولایتلره والیلر اقامه ایتدی و بونلره تاتار اصولجه برات ویردی .
 یعنی تیمورلنکک الی قرمزیه بویادیله ، مهریرینه براتلره الی
 باصدی . صوکره تیمورلنک مظفریه خاندانی کاملاً قتل ایتدیردی ،
 اصفهانه کیتدی [۲] . ارادنده کشان قریبده آنقوان قصبه سینه
 چکیلدی . کشان سکنه سی بر نوع ملحد مذهبنه سالیکیدیله .
 قایا قووقلارنده تحصن ایتشلردی . تیمورلنک داغلرک اتخلرده
 جدولر آچدیردی . داغلرده مبدول صولر واردی . بورالره
 طوپلایه رق دشمنارینی صو آلتنده براقدی .

تیمورلنک بو بویوک سفردن صوکره آذربایجان ، ری ،
 دربند قریبده باکو ، شیروان ، کیلان و آناطولیده عثمانلیلرک
 اداره سنده بولونان مالکه قدر بوتون ولایتلری اوغلی میران
 شامه ویردی و اوئی مستقل حکمدار یاپدی . مع مافیه بو مملکتلر
 تماماً تحت انقیاده آلتاماشدی . بعض قطعهلرده استقلاللرینی
 محافظه ایدن حکمدارلر واردی . هاشان سارق یاخود سارق
 محمد دنیلن بر تورکمن کردستان طاغلرنده تحصن ایتمشدی .

[۱] ۲۳ جمادی الآخر .

[۲] رجبده بورایه واصل اولدی .

اوراده حبش دنیان بر قلعه سی واردی . بو تورکمنلر یرلرندن
یوسکور تولدی . باشقه داغلره قاچدیلر . صوکره باشقه بر قلعه ده
تخریب ایدیلدی . بوراده بر مقدار مجوسیلر متحصنندی .
بوتون بو مجوسیلر قتل اولوندی . تیمورلنک بوتون بو کوچوک
حکمدارلری محو ایتدندن صوکره بغدادده حکم اولان
سلطان احمدی تعقیب ایله مملکتی ترکه مجبور ایتدی . بواثناده
میرزا محمد سلطان کوردستانک فتحی اتمام ایدیوردی . میرزا
میران شاه بصره یه قدر ایاریله دی . بغداد شهریدن بویوک برپاره
طلب اولوندی . تیمورلنک ایکی آی بغدادده قالدی . بغدادده
هیچ بر مقاومت مصادف اولمغیزین کیرمشدی .

بو مملکتلرده آرتق تیمورلنکه مقاومت ایدمیهلرک مصر
سلطانلرندن باشقه کیسه قالمامشدی . تیمورلنک دیگر حکمدارلرک
ضعفندن استفاده ایدرک کی میسینی تحت اطاعتنه آلمش ، کی میسنک
یرلرینی ضبط ایتشدی . فقط جسیم اردولره مالک اولان مصر
سلطانلرینه قارشى عینی موفقیتی احراز ایده جکی امید ایدیله .
مزدی . تیمورلنک او تاریخده مصرده وسوریه ده حکمران
اولان بر قوکه بر سفیر کوندره رک ایکی ایمپراطورلق آراسنده
مناسبات تجاریه تأسیسی تهلیفنده بولوندی . سفیری مصر سراینده
بولوندیخی صیراده تکریت شهری اوزرینه یورودی . بوتون
کاربانلری یغما ایدن بر طاقم اشقیا بورایه چکیلمشلردی . حتی
تجارلر غایت مستحکم اولان بوقلعه نک تخریبی تیمورلنکدن رجا

ایدیورلردی [۱]. تیمورلنک تکریت قلعه سنی بالذات محاصره
ایتدی [۲]. برقایا اوزرندە کائن بولونان ساسانیان سلالە سنە منسوب
قدیم بر ایران حکمداری طرفندن بنا ایدیش اولان بوقلعه غیر قابل
تسخیر دییه معروف اولمقە برابر ایچندە کی امیر حسن آتشی اوج کون
محاصره یە دایاندی. صوکرە تسلیمیت تکلیفندە بولوندی. تیمورلنک
امیر حسنک کندی نزدینە کلمه سنی ایسته یوردی. امیر بوتهلمکە نی
کوزە آلمادی. صوکرە حده قدر مقاومت ایتکی مرجع بولدی.
تیمورلنک قلعه یە لغم قازمق ایچون قایلرک آردە سنە یتش بیک
کشی کوندردی. بو حاضر لقلردن قورقان حسن ینە عرض
تسلیمیت تکلیفندە بولوندی. فقط والدە سنە و قارداشنە حسن
معامله کوسترمش اولان تیمورلنکک حضورینە کیتمکە بردورلو
راضی اولمادی. کرک کندیسی کرک اجدادی طرفندن صویولمش
اولان کیمسە لرک بوفرصتدن استفادە ایله طلب حته قالدیشمالرندن
وبو سببە اعدام ایدیلکدن قورقیوردی. معیتندە کیلردە عینی
شیدن قورقدقلری جهته تسلیم اولمقدن امتناع ایدیورلردی.
تار عسکرلری تعلیق ایدیش اولان عملیاته تکرار باشلادیلر.
آلتە لغم قازدقلری سورلرە مسند خدمتنی کورن بویوک دیرکلرە
آتش ویریادی، سورلرک بر قسمی ییقیلدی. آچیلان کدکلردن
شهره کیردیلر. بو صورتە شهر ایچندە دە مدافعە یە دوام ایتدیلمر.

[۱] ۲۴ ذی الحجە دە حرکت ایتدی.

[۲] ۱۹۶ سنە یی محرمک دردنجی کونی اورایه واصل اولدی.

صوكره داغك تپه سى قاجدىلار . اوراده نهايت كاملاً استيصال
ايدىلدىلار . حسن زنجيرله تيمورلنك حضورينه كوتورلدى [۱]
تيمورلنك بوتون معيتىدە كىلرله برابر حسنى قتل ايتدىردى .
قفالرندىن قلعه لر ياپدىردى . فقط شهر اهالىسنه دوقونولمادى .
تيمورلنك قرارگاه عمومىنىك بولوندىغى حربى طرفلرىنە
كىتدى [۲] . عراق عرب طرفلرىنە و سائر جهتلره آقینه
كىتمش اولان بوتون مفرزەلر اوراده توپلاندىلار . مذکور
ولايت تامامىلە تحت انقياد آلدىقدىن صوكره تيمورلنك واسطە ، بصرە ،
بغداددە والىلر اقامە ايله ديار بكر طرفنە يورودى . عىنى زماندە
سوق ايتدىكى مفرزەلرله دجلە اوزوندىكى بوتون موافقى ضبط
ايتدى . كندىسى دە دجلە يى كىچدى . جوارده ئى حاكمدارلارك
كامەسى عرض انقياد خصوصىدە سارعت كوستردىلار . وبالخاصه
تيمورلنك كىتمش اولدىغى اربل حاكىمى شيخ على تيمورلنكە
تابع اولدى . تيمورلنك موصلا كىردى . صوكرە ، رجا ياخود آدەسە
بولنى طوتدى . ماردىندىن كچر كن ملك عيسا كندىسنە عرض
احترامات ايتدى . تيمورلنك مقصدى سورىە و مصر قطعە سىندىكى
شەرلرى تحت تسخيرە آلدى . چونكە سلطان برقوق كندىسنك
سفيرىنى قتل ايتدىر مشدى . رأس العيندە قرارگاه تأسيس ايدىغى
بوللادىغى مفرزەلرله جوارلرى تخریب ايتدىردى . تيمورلنك

[۱] ۷۹۶ سنەسى محرمىك ۲۵ نە . تاتار تقويمىنە كۆرە طاووق
سنە سىندە .

ابن
شحنه

[۲] صفر آينك برندە .

تقریبی خبر آلیز آماز ادسه حا کمی کزلی شهری ترک ایله شرف الد
 تیمورلنکه براقدی . یوکسک بر طاغ تپه سندن قاقش اولان
 کزل یاقالاندی . کیفا ، ارزن [۱] بطمان ، جزیره بن عمر [۲]
 حا کمیری کلوب تیمورلنکه عرض تعظیبات ایتدیلر . یالکیز
 ماردین حا کمی تیمورلنک حضورینه کلمکدن استنکاف ایتدی .
 بونک اوزرینه تیمورلنک کندیسینی بر عاصی کی تلقی ایله
 ماردینی محاصره یه حاضرلاندی . فقط عیسی بونی خبر آلنجه
 کلوب تیمورک آیاقلرینه قاپاندی [۳] .

۱۳۹۴

بوتاریخده تیمورلنک اوغلی عمر شیخ وفات ایتدی . سوریه
 سفری اثناسنده عمر شیخ فارس قطعه سنده قالمشدی . اسطخر ، قرک
 شهرلرینی ودها سائر بعض شهرلری ضبط ایله مشغولدی . سیران
 محاصره سیله مشغول اولدینی صیراده دیار بکره کلمک ایچون
 امر آلمشدی . کوردستانده قارماتو دنیان کوچوک بر قلعه یه
 مواصلت ایتدیکی زمان قلعه یی تفتیش ایتک اوزره کوچوک بر
 تپه یه چیقدی . مجهول بر الک آتدینی بر اوق کندیسنه اصابت
 ایتدی . عمر شیخ آلدینی جریحهدن وفات ایلدی . قرق یاشنده
 ایدی . اوغلی پیر محمد ومعیتنده کی عسا کر قلعه یی خاک ایله یکسان
 ایتدیلر وایچنده بولدقربنک کافه سنی اولدیردیلر . تیمورلنک

[۱] اسمی سلطان علی در .

[۲] عزالدین .

[۳] ربیع الاولده .

بو خبری ماردینی محاصره ایدرکن آلدی . شهری بر ویرکو
 ویرمکه اجبار ایتدی . فقط یوالادیغی تحصیلدارلر پارده
 آلاجقلری صیراده بعض عسکرلرده احتیاجلری اولان اشیائی اشترا
 ایچون آرقه لرندن کیتدیله . سلاحسز ایدیلر . بعض کنجلر
 کندیلرینی تحقیر ایتدیله . تیمورلنک در حال سلطان عیسایی
 حضورینه جلب ایلا بونک کندی امریله می یاپیش اولدیغنی آلامق
 ایسته دی . صو کرده دن عیسا شهر دن چیقارکن معیتنده کیلر
 سلاحلرینی براقمالرینی و کندیسندن مکتوب آلسه لر بیله تسلیم
 اولمالرینی امر ایتدی اولدیغی خبر آلدی . تیمورلنک سلطان
 عیسایی زنجیره اورمقله ا کتفا ایدرک ماردینک محاصره سنی
 باشقه بر وقته براقدی . چونکه قیش موسمی بیتمک اوزره
 ایدی . جوارلرده بارکیلر ایچون کافی اوت یوقدی . تیمورلنک
 اسپنجه اوزرینه یورودی . یولده او قدر شدتلی بر فیرطنه یه
 و او قدر شدتلی بر یاغموره یاقلاندی که بوتون اوردو صوید غرق
 اولاجقدی . دودلر ، قاطیرلر ، بارکیلر باشلرینه قدر صو ایچنده
 قالمشردی . ایچارندن یک چوغی تلف اولدی . سواریلر یر
 اینمکه مجبور اولمشلردی . تیمورلنک اوغلارینک اداره سی آلتنده
 بولونان دیکر بر مفرزه یرلره حصیرلر و کچه لر یایدیرارق بو
 مصیبتدن دها قولای صورتده قورتولمق چاره سنی بولدی . بوتون
 تیمورلنک اردوسی قدیم موصله کیده رک اورادن جزیره بن عمره
 یورودی . بونکده سببی ملک عزالدینک تیمورلنکک خوشلانمادیغی

بر آدمی حمایه ایتمکده اولماسی ایدی . مذکور شهر ایله بوتون مملکت تخریب ایدیلدی .

بوسفردن صوکره تیمورلنک ماردین اوکته عودت ایتدی [۱]. شهر قولایجه ضبط ایدیلدیسده قوه محافظه کوه دنیلن ایچ قلعیه چکیلدی . اوراده یکی بر محاصرهیه مقاومت کوستردکن صوکره تسلیم اولدی . تیمورلنک اوصیراده دنیایه بر حفیدی کلدیکنه دائر الدینی خبردن دولانی قوه محافظه نک حیاتلرینی باغیشلادی . حفیینه اولوغ بك [۲] نامنی ویردی . ماردین شهرینک حاکمکنی عیسانک برادری سلطان صالحه احسان ایلدی . صوکره تیمور اردوسی بوتون کردستانه یایلدی و آمد اوزرینه یورودی [۳]. تیمورده بالذات اورایه کیتدی . چونکه شهرک استحکاماته کووه من اهالی تیموره عرض انقیاد ایتمکدن استنکاف ایدیورلردی [۴]. آمد قلعه سنک قوتی سورلرینک یوکسلکنده ایدی . سورلر کسمه طاشدن یاپیلمشدی . او قدر قالیندی که اوزرندد ایکی بارکیر یان یانه یورویه بیلیردی . برنجی سور اوزرندد ینه کسمه طاشدن ایکنجی بر سورده واردی . بوسور بر آدم بوینده ایدی . عسکرلر اوراده وهردرلو

[۱] ۷۹۶ سنه سی جاذی الاخره سنک ایتداسنده .

[۲] میرزا شاه رخک اوغلی .

[۳] الیوم قرهجه - نواجه یاخود دیار بکر دیرلر .

[۴] ۷۹۶ سنه سی جاذی الاخرینک ۳ نده .

شدائد هوائیه دن مصون بولونورلردی. بوندن باشقه یریر بویوک
قلعه لر یاپیشدی. شهر ایچنده کی برقایدن اهالی به لفایت ایددجک
درجه ده صو نبعان ایدیوردی. بوسورلر انشا ایدیلدیکی
تاریخدن بری [۱] جبراً ضبط ایدیله مه مش اولان بوقلعه تیمورلنک
عسکرلرینک صولتنه مقاومت ایددمدی. تیمور اردوسی آچدیغی
برقاج کدیگدن شهره کیردی. تیمورلنک صو کره خللاط قریبنده
آلاطاغ یدی ده ضبط ایتدی. بوجوارده کی حاکم لک قسم اعظمی
وبالخاصه بتلیس حاکمی [۲] تیمورلنکه عرض تعظیاته کلدیله.
بوندن صو کره، تیمورلنک بوتون قوتلرینی تورکمنلر
حکمداری قارده یوسف علینه چوردی. النجق اوزرینه
برفرقه عسکریه کوندردی. اخلاطه یاقلاشدیغی صیراده عادالجواز،
آیدین، ارزنجان حاکملری تیمورلنکک حضورینه کلدیله.
تیمورلنک آونیک یاخود وان حاکمی [۳] قارده محمدک اوغلی
مصره سائر حاکملر لی حضورینه کلمک ایچون امرلر کوندردیکی
حاله اطاعت ایتهدیکنی کوردیکی ایچون اوکا قارشی یورودی.
معروض قالدیغی هجوملر درغماً مصر ایشک صوکنه پک آز برشی
قالمش اولقله برابر، ینه تیمورک قرارگاهنه کلمه دی. آونیک
سقوط ایتدی. حتی عسکرلری مصری ترک بیله ایتدیله. بونک

[۱] سورلرک درت بیک سنه اول انشا ایدیش اولدیغی ادعا اولونیور.

[۲] حامی شریف.

[۳] آونیک ارضرومده پاسینلر جواریده بوقلعه اولوب وان شهرینک

نام دیکری دکلدر. [مکرمین]

اوزرينه تيمورك حضورينه كلهرك طلب عفو مجبور اولدى .
تيمورلنك عفو ايتدى .

تيمورلنك كورجستان جوارنده بولونمقدن بالاستفاده اوزادن
حرب ايتك فكريله قارصه كيتدى . قوماندانلىرى كورجستانه
كىردكلرى صيراده كنديسى قارصده قالدى . شاه رخك اوغلى
ابراهيم سلطانك تولدى مناسبتيله قارصده بويوك شىركلر ياپىردى .
صوكره بالذات كورجستان اوزرينه يورودى . قاره قالقانلقى
تحت تسخيره آلدى . مملكتك پايتختى اولان تفليس او كندن
كچهرك تفليس ايله سيروس نهري آراسنده كائن شكى شهرى
جوارنده قرارگاهنى قوردى . مختلف مفرزله داغلر داغيدىلر .
اوصيراده تيمورلنك قاچاق خانى توقتمش خانك دربندى كچديكنى
وشىروانى تخریب ايتديكنى خبر آلتجه على العجله دشمنه قارشى
يورودى . فقط قاچاق خانى تيمورك ورودينه انتظارى مناسب
كورمه مشدى . تيمور قيش موسمنى سيروس نهري جوارلرند
كچبرمكه قرار وىردى . توقتمش ايله صلح عقد ايتك ايستهدى
ايسهده موفق اولامادىنى جهتله بهار موسمى كلنجه سفره

چىقدى [۱] . قاچاقلىلرله متعدد مصادماتده بولوندى ، روسيه
۱۳۹۵
ايچريلرينه دوغرو ايجه كىردى . توقتمشى خلع ايله خان عنوانى
قورچاق اوغلانه وىردى . آزاق ياخود آزوف طريقه عودت
ايدرك قوبان الكاسنه كىردى . چرلسستانك هر طرفنه عسكر

کوندردی . بورا بردی یاخود آنجاس الی کاسنه بالذات کیتدی .
 کورجیلری بالدفعات بوزدی ، قلعهلرینی ییقیدی ، بر چوق
 غنیمت آلدی . یالچین داغلرده کائن اولان کچیلمز یوللاردن
 کیدیلن کولاق و طاوس قلعهلرینی محاصره ایتدی . داغلام
 طیرمانمقده ماهر اولان مکریتلر یول بولامانجه ایچلرندک
 جسورلری اوزون ایپ و مردیوه نلرله ذروه لره طیرماندیلر . صوکره
 بللرندن ایپلر باغلادیلر . بو ایپلری قایالره ربط ایتدیلر .
 قلعهیه صوقولدیلر . محصورین کندیلرینی طاشلرله ازدیلر . فقط
 بو تهلکهیه رغماً هجوم دوام ایتدی . محصورین تفوق عددی
 آلتنده ازیلدیلر . قلعهلر ضبط اولوندی . تیمورلنک عسکرلری
 بو یالچین داغلرده کی قلعهلرک کافه سنی تسخیر ایتدیلر . قاپچاقده
 ظهور ایدن یکی اغتشاشات تیمورلنکی آستراخان اوزرینه یوروومک
 مجبور ایتدی . استراخانی تخریب ایله دی . اورادن عودتنده ۱۱
 کورجستانه کیره رک قاسیقو موقلری ، آوارلری وجوارده کی سائر
 قوملری مغلوب ایتدی ، شماخییه کلدی . اوغلی میران شاهه
 آذربایجان حکومتی و دربنددن بغداده قدر و همداندن عثمانلی
 حدودلرینه قدر اولان بوتون مملکتلری ویردی . قاره باغ
 و تخجوان الخالرینه صاغ جناحنک عسکرلرینی و تبریزدن همدانه
 قدر اولان برلرده صول جناحنک عسکرلرینی اقامه ایتدی .
 تیمورلنک کورجستان و قاپچاق محاربایله مشغول اولدینی

۱۳۹۶

صیراده یزد و نهاوند شهرلری عصیان ایتیشلردی. فقط چوق
لچمه دن تکرار دائرۂ اطاعتہ کیرمک اضطرارنده قالیشلردی .
بو عاصیاردہ تأدیبار لو نمشدی. تیمورلنک طورونی محمد سلطانی هر مرز
الکاسنه سوق ایتدی. تمامیه خراب بر حالده بولونان یزدی تعمیر
ایتدکدن صوکره سمرقنده عودت ایتک اوزره همداندن حرکت
ایله دی [۱] . خلق کندیسنی سمرقنده پک بویوک آثار سرور
ایله قارشیلادی . تیمورلنک سمرقندک جوارنده باغ شمال نامیه
محتشم بر سرای یاپیدردی [۲] . تبریزدن صورت مخصوصه ده
مرمرلر کتیر تیلیمشدی . ایرانک وبغدادک الک مشهور رساملری
دیوارلره رسملریا یمشلردی. اولویه مرمر طاشلری دوشنمشدی.
دیوارلرک آلت قسملری کرک داخلدن کرک خارجدن چینیلرله
تزین ایدیلشدی .

تیمورلنک او زمان بویوک بویوک دولترلرک صاحبی اولدینی
و اولو مندن صوکره اوغوللری آراسنده نفاق ظهورندن قورقدینی
ایچون اوغلی شاه رخه خوراسانی ویردی. اوقطعه یی ایمپراطورلغک
مقری اولمق اوزره الک مناسب بولیوردی . فیروز کوه ایله ریه
وارنجیه قدر مازندران ایله سجستانی ده بورایه الحاق ایتدی .
شادرخ کیدوب هراتده اقامت ایتدی . تیمورلنک کشه کیتدی.
اوراده ، هر مزدن عودت ایدن محمد سلطان کندیسنه ملاقی

(۱) ۲ شوال .

(۲) ۷۹۹ سنه سنده .

اولدی . محمد سلطان مذکور قطعه حکمداری محمد شاهی غامرونه چکیلمکه و صلح عقدیله هر سینه آلتی یوز بیك دینار ویرکو تأدییه سنی قبول ایلمکه اجبار ایتشدی . تیمورلنك اوسنه یی شنلکله ایچنده کچیردی . اوغلارندن برینه (۱۱) جتله خاننك قیزی [۲] آلدی . کندیسیده عینی حکمدارک بر کریمه سیله اولندی . (۱۳) . چین ایمپراطوری طرفندن کلمش بر سفیری قبول ایتدی .

۱۳۹۷

تیمورلنك طورونی پیر محمد تا هندستان حدودینه وارنجیه قدر قندز ، باقلان ، کابل ، غزنه و قندهار ولایتلرینی ویرمشدی . بو ولایتلرک قریبتی تیمورلنکه هندستانده محاربه وسیله سنی ویردی . اوغلی ، هندستان اوزرینه یورومک امرینی آلدی . پیر محمد ، سلیمان کوه طاغلرنده اوطوران اوغانیلر یاخود آغوانلر اوزرینه یورودی . بونلرک مملکتلرینی کاملاً تخریب ایتدی . صوکره ، ایندوس نهرینی کچدی . نهرک شرقنده کائن اوچاق شهرینی ضبط ایلهدی . اورادن صولره ، هندستانک باشلیجه شهرلرندن بری اولان مولتان ی محاصره ایتدی . بورانک والیسی سارتک ملوخانک برادری ایدی . ملوخان ایسه کنج سلطان محمودک [۴] نائب حکومتی ، دها دوغروسی بوتون مملکتک صاحب مطلق

[۱] جوزا اسکندر .

[۲] بکیسی سلطان نامنده ایدی .

[۳] ۸۰۰ سنه سی ربیع الاولنک اوچنده .

[۴] فیروز شاهک طورونیدر . ظن ایدهرم که غوریلره خاف اولان .

ايدى . فيروز شاهك وفاتىدىن سوكره بوايى قاردهش ، تخته
فيروزشاهك طورونى محمودى اجلاس ايدىرك بوتون حكمنونفوذى
اللىرىنه كچىر مشلردى . ملوخان ، سلطان محمودك ياندىدە دلهيدە
اوتورييور ، برادرى دە مولتاندى بولونيوردى .

چىنە حربە كىتمكە قرار وىرمىش اولان تيمورلنك بوسفردن
خبردار اولونجە فكريى دكىشدىردى وهندستان اوزرىنە يورومكە
قرار وىردى . شمدى يە قدر هندستانە بر چوق فاتحلىر نفوذ
ايتىشلر ايسەدە فتوحاتلىرىنە دائىر تفصيلاتە دسترس اولونە مامشدر .
تيمورلنك طورونى ميرزا عمرى اشناى غىيوبتندە سمرقندى
اداره اچون اورادە براقدىن سوكره هندستان يولنى طوتدى [۱] .
۱۳۹۸ اندراب شەرىنە واصل اولدىنى زمان خلق سياهپوشلردن شكائتدە
بولوندىلر . بونلر بدخشان ولايتنك جنوبندەكى طاغلردە ساكن
بتپرست برملت ايدىلر . هر سەنە اھالىدن بويوك بر وىر لو آليرلردى .
تيمورلنك بو فرصتدن استفادە ايلە بواشقىيا اوزرىنە كىتمكە
قرار وىردى . اردوسىنك اچىندن اك اي افرادى سچەرك

كولەرك نىسلىدىلر . [ملوك غوريە كولەلىرىنك هندستاندى حكومتى
۶۸۹ دە ختامە ايرىمش واونلردن جنجىلر ياخود قالاچلر سلالەسى باشلامش
و ۷۲۰ سەنە قدر دوام ايتىشدر . بونلردن سوكرادە تغلىق شاهان
عائەسى حكمران اولمشدر . ذكر ايدىان حكمدار يعنى سلطان محمود
بو عائەنك سكرىنجى حكمدارىدر [مكرمىن] .]
[۱] ۸۰۰ سەنە هجرىەسى رجبندە وتاتاز تقويمىنە كورە قاپلان

سرعتله سیاھپوشلرک مملکتته یورودی . اون بیک کشیلاک بر
 ر دفرزه بی صول طرفدن سوق ایتدیکی صیراده کندیسیده
 بدخشان ایله کشمیر آراسنده کتوژ داغنه دوغری ایلریله یوردی .
 ضابطلردن ، عسکرلردن بر چوغی بارکیرلرینی بو طاغاک اتکندده
 کائن کاوک نامندەکی بر کویده براقیدیلر . موسمه رغماً بوراده
 اوقدر چوق قاره تصادف ایدلای که داغه چیقارلق ایستەنیلن
 بارکیرلرک چوغی ییقایوردی . مع مافیە کیجه لین پک شدتلی
 بر طوک اولدیغی جهتله بارکیرلرک بر قسمی ایلریله ییقایوردی .
 کونش دوغدیغی زمان توقف ایدیلیوردی . بارکیرلرک اوزرینه
 کچه ساریلیوردی . چونکه او یله بوز طوتمش حالده یورومک
 قابل دکلدی .

بوصورتله بر چوق زحمتدن صوکره طاغاک تپەسنە قدر
 چیقیدیلر . سیاھپوشلرده دیکر طرفده کی بوغازلره و اوچوروملره
 چکیامش اولدیغی کوردیلر . داغدن آشاغی اینمک چیقماقدن
 مشکل ایدی . بعضیلری ایپلرله ایندیلر . بعضیلری قارک اوستنه
 باتهرق قایدیلر . تیمورلنک ایچون خلقه لی بر نوع صال یایدیلر .
 بوکا اوزون ایپلر باغلادیلر . ایپلری یوقاریدن طوتیورلردی . اوکدن
 عسکرلری یورویهرک قارک قاتی و صاغلام اولدیغی یرلری آرا یورلردی .
 تیمورلنکک صالی اوراده دوریور ، یه قاریده ایپک اوچلرینی
 طوتانلرک اینه سنه انتظار ایدیلیوردی . اونلر کلنجه تکرار صالی
 قایدیرمغه باشلا یورلردی . بوصورتله بش توقفدن صوکره تیمورلنک

طاغك اتكەنە مواصلت ايدەيىلدى . باركىرلر ك قارنلرندىن
بويونلرندىن خلاطلر كچىرەرك سارقىدىلر . فقط ياللىكز ايىكى
باركىر ساغلام قالدى . دىكرلرى اوچوروملرە دوشدى . تيمورلنك
بردكنىكە داينلر قارلر ايچىندە ايىكى فرسخ يايان يورودى .
يوصورتلە سياهپوشلر ك اوتوردىنى يره قدر كىتدى .

بوملت افرادى كوربوز ، غايت اوزون بويلى كىمسەلردىر .
چرچىلاق كىزىلر . خصوصى بر لسانلرى واردركە نە عجمجە
نە تور كجە نە ھىندجەدر . حكمدارلرى اودا ياخوداوداشو O lachou
عنوانى تاشىر . جوار قوملرلە پك آزمنا سبتدە بولوندىقلىرى ايچون
لسانلرىنى آكلايه جق ترجمان بولمق پك زوردر . تيمورلنكك
ورودىدىن يكرمى درت ساعت اول خبر آلمش اولان بو آدملىر
داغك اتكەندە كائن بر قلعه يى براقه رق اورادن كچن بويوك بر
نهر ك اوتە طرفنە چكىلمىشلردى . اشىالرىنى دە اوتە طرفدەكى بر
داغك تپەسنە چىقارمىشلردى . قلعه دە آنجق بر قاچ قويون
قالمشدى . تيمورلنك عسا كرى بونلرى ضبط ايتدىلر . اولرى
ياقىلدى ، نهر كچىلدى . تاتار عسكىرلىرى مختلف محللردن داغە
طرماندىلر . سياهپوشلىرى صوك تحصنكاھلرىنە قدر تعقيب
ايتدىلر . اينانلمايه جق درجە دە معندانە جريان ايدن اوچ كونلك
بر مجادلەدن صوكرە سياهپوشلر امان دىلەدىلر . تيمورلنكك
كوندرمش اولدىنى قوماندانە عرض اطاعت ايله يهر ك طرز حياتلرىنى
تماماً دكىشد يره جكارىنى وعدا ايتدىلر . فقط بو بر حيله دن عبارتدى .

چونكه دها او كيجه بر تاتار آلاینى باصه زق هان بوتون عسكرى
اولدیردیله . بو دسیسه دن فنا حالدده حدتله ن تيمورلنك يکيدن
هجوم امرىنى ویردى . الله کچیریلن يوز اللى سياهيوش اعدام
ایدیلدیله . صوکره دها ایلریله دوغرى کیدیلدى . بوتون
ارککلر قیلیچدن کچیریلدى . يالکز قادینلره دوقونولمادی . تيمورلنك
طاغك تپه سنه ، برکوپرونك نهایتنه بوسياهيوش قفالرندن قلعه لر
یایدیردى . مرمر اوزرىنه بو سفرک تاريخنى حك ایتدیردى .
تاريخ هجرى ايله بو باربارلرک قوللاندقلى تقويمك تاريخلرىنى
آتدیردى [۱] .

صوله دوغرى يورومك اوزره آيرمش اولدیغى عسکر عىنى
موفقيتى احراز ایدمه مشدى . مفرزه يه قوماندا ايدن نويان ميرزارستم
ايله برهان اوغلان بر پوصويه دوشمشلردى . برهان اوغلان
فرار ایتمشدى . اونلردن آريلالى برى هيچ بر خبر آلمادیغى
جهتله نه اولدقلىنى پك مراق ايدن تيمورلنك ايشى آکلامق
اوزره محمد آزادى کوندردى . محمد آزاد درت يوز تورک
واوچيوز تاجيک ايله غايت مشکل يوللاردن بو طاغلر آراسينه
دالدى . سياهيوشلره راست کلدی . بونلر تاتارلردن آلدقلى
غنائى حاملدیله . سياهيوشلره هجوم ایتدى ، مغلوب ایتدى ،
الارنده کنك هپسنى آلدی . برهان اوغلانك جباتى يوزندن
دها بويوک فوائده ایديله مشدى .

كه توئر الكاسنك بو صورتله فتحندن صوكره بوتون عسكر
طوپلاتجه تيمورلنك كاوكه دوندى . بوراسنى تحكيم ايتديرمشدى .
بوراده بر قوه محافظه براقدى . هندوكش طاغلرني كچهرك
كابه دوغرو يورودى . اوراده پنجير ايله كابل شهرى آراسنده
بش فرسخ اوزونلغنده بر قانال [۱] قازديردى . مقصدى ايكي
نهرى برلشديرمك و تجارتي تسهيل ايتمكدى .

بوراده تيمورلنك قايچاق حكمدارلرى تيمور قوتلوق اوغلان
وايدكوايله كوچك بخاراده حكمران اولان خضرخواجه اوغلان
طرفندن كوندرلمش سفيرلرى قبول ايتدى . بونلر تيمورلنك
دوستلغنه طالب ايديلر . تاتارستان اچلرندە اولوغ يورت [۲] ده
حكمران اولان خانلرك اقراسندن تاپزى اوغلان حس ايتديكي
اغبراردن دولاني اوخانلرك سراينى ترك ايدەرك تيمورك زرينه
كلدى و معيتمده قالدى . عيني زمانده ايرانده قالمش اولان
شيخ نورالدينك كتيرديكي خزينه لرده واصل اولدى . تيمورلنك
سراينده بولونان اجنبى حكمدارلرى بو مناسبتله تشهير ايديلن
ثروت عظيمه يه حيران قالديلر . بوتون بو قيمتدار شيلر باشليجه
قوماندانلر و سفيرلر آراسنده تقسيم ايديلدى . صوكره ، تيمور ،
چغتاي خانى اولمقله برابر قوماندان صفتيله اردوسنده خدمت
ايدن محموده صول جناح عسا كريله هندستان اوزرينه يورومك

[۱] بوكا ماهكير قانالى ديورلر .

[۲] شرف الدين بو حكومهته قالموقلر حكومتى ديور .

امرىنى وىردى . كىركە قىمى حىكىمدارى موسىانىڭ غىزىنى وقىندى .
جىوارىنىدى ئىرىيىب شىرىنى يىغما ئىتمەسى ويولچىلىرى ازىچا ئىتمەسى
حىسبىيە وقوعە كىن شىكايت اوزرىنى تىمورىنىڭ موسىانى حىزورىنى
دعوت ئىتدى . اوكا ئىرىيىب شىرىنى تىكرار احيا ئىدرىسە حوالى
مىز كورىنىڭ ادارەسىنى كىندىسەنى توجىيە ئىدەجىكى وعدىنىدە بولۇ .
نىمىشدى . بووعىدىن پىك مەفتىخرومىنۇن اولان موسىانىڭ كىلۇب دىشمىنىڭ
آياقلىرىنى قىيىمىق احتىياطسىزلىغىنىدە بولۇندى . تىمورىنىڭ ئىتدا اوكا
بەئىز ھىدىلەر وىردى و اوچ بىك تانار ئىلە كرى كوندردى .
بويۇك بىر سىرەت ئىلە ئىرىيىب تەمىر ئىتدىردى . موسىانى بوتۇن
مەئىتىلە توقىف ئىتدىرىمىڭ آرزوسىنىدە بولۇن تىمورىنىڭ ئىرىيىبە
كىتدى . انشاآتى كىزدىكى سىرادە بىنانىڭ بىر طرفىنى تەمىر ئىلە
مىشغۇل اولان موسىانىڭ آدملىرىنى يىدى كىشى كىندىسەنى بىر اوق
آتدىلەر . تىمورىنىڭ بىر شى اولمادى . شىرە كىردى . موسىانىڭ
تەكىمىل آدملىرىنى توقىف ئىتدىردى . باشلىرىنى كىسىدىردى .
قارىلىرى ، چوقچىلىرى ، ماللىرى مەدەش بىر سورتىدە تەغىب
ئىتمىش اولدىقلىرى ئىرىيىب سىكىنەسەنى وىرىلدى .

تىمورىنىڭ بومىلىكتىك ئىشلىرىنى انتظامە سوقىدىقۇن سوكىرە
شەنوزان وبانو شىرلىرىنى ضبطە كىتدى [۱] . اردوسىنىڭ بىر قىسمى
اولجە ناغاز ياخۇد ناغاز شىرىنى ضبطە ئىلە تەكىم ئىتدىلدى .
اوزمان او جىوارلىرىدە پرويانلار اسمى وىرىلن بىر قوم واردى كە

[۱] ۸۰۰ سەنە ھىجرىيەسى ذى الحجە سەنە ۱۸ نىدە حىركەت ئىتدى .

آغوانلرک بر شعبه سندن عبارتديلر . تیمورک اردوسنه عسکر ویرمکدن امتناع ایتیشلر و اوغلی پیر محمد هندستانه یاپدیغی آقیندن دوزرکن اوکا هجوم ایشلردی . صوکره ، هیر نهری ، کچه رک بر قسمی یوکسک داغلرده بر قسمی ده اورمانلرده تحصن ایله یولجیلره تجاوزه باشلامشلردی . بونلری محو ایتک مقصدینی بسله یین تیمورلنک اردوسنی یوروتدی . هپسینی قیایجندن کچیرتدی . بوراده تیمورلنکه آغوانلرک دیگر بر شعبه سی اولان اوبل قومی عرض انقیاد ایتدی . ناغار شهرینک تعمیری ایله مشغول اولان قوماندان سلیمان شاه عرض اطاعتدن استنکاف ایدن کلاتلی آغوانلره هجوم ایتدی . غایت اوزون بویلی اولان بو آدملر دنیا نک اک جسور قومی دییه معروف ایدیلر . سلیمان شاه اولرک بوتون مملکتلرینی تخریب ایتدی . مسکنلرینی یاقدی . پک چوقلرینی اولدیردی ، ناغاره مواصلت ایتش اولان ۱۱۱ تیمورک یاننه عودت ایتدی .

سلیمان شاه اردوسیله برابر مولتانه دوغری سوق اولوندی . تیمورلنک ایندوس ساحلرینه کیتدی [۲] . اوراده دوبالردن بر کوپرو یاپدیردی . وقتیه مشهور سلطان جلال الدینک جنکیر خان اوکندن قاچارکن یوزه یوزه کچدیکی نقطه دن بو جسم نهری مرور ایتدی . جلال الدینک مرورندن بری چول جلالی

[۱] ۸۰۱ سنه سی محرمنک برنده .

[۲] ۸ محرمد .

نامیاد ایدیلن ژرو چولی مدخلنده قرارگاه قوردی. جوارده کی
 بوتون رایا Raya لر و کشجرك جنوب غربیسنده کائن کوه جود
 داغلری سکنه سنک اشرافی کلوب تیمورلنکه عرض بیعت ایتدیلر.
 بونلردن بعضیلری تیمور اردولرینه مولتان اوزرینه یورو.
 دکلری وقت (۱۸) ذاتاً معاونتده بولونمشلردی. تیمورلنک کندیله
 هیچ بر فنالق یا پلاماسنی امر ایتدی. جمد نهری اوزرنده کائن
 بر آطه نك حاکمی اولان شهاب الدین مبارک شاه اوزرینه یورودی.
 شهاب الدین مبارک شاه، پیر محمد مولتانه کیتمک اوزره اورالردن
 کچدیکی زمان اوکا عرض انقیاد ایتشدی. صوکره، تحکیم
 ایتدیکی آطه سنه کووه نهرک، تیمورلنکه قارشى عصیانہ قالمشدی.
 تیمورلنک شیخ نورالدینی اوزرینه سوق ایتدی. پک شدتلی
 بر محاربه وقوعه کلدی. بو محاربه ده شهاب الدین نهرک دونوم
 یرلرندن استفاده ایدهرک اون بیک کشی ایله تاتار اردوسنک
 دمدارینه بردنبره هجوم ایتدی. فقط هجوم دفع ایدلدیکی جهته
 عسکرلرندن بر چوعی صولرده بوغولدی. تیمورلنک ده بالذات
 محاربه موقعنه کیتدی. شهاب الدین مغلوب اولدی. فقط اولجه
 آلتی دوز ایکی یوز قاییق طوپلامق کی بر احتیاطکارلقد بولنش
 اولدیغی جهته معیتنده کیلرک بر قسمیله اوچایه قاچه بیادی. شیخ
 نورالدین آرقه سنندن تعقیب ایدیوردی. مولتان حدودینه

[۱] او سفرده تیمورلنک اردوسنک قوماندانک اسمی رسم طفی

واصل اولدینی زمان اوراده بولنان باشقه تاتار اردوسنك الله
دوشدی . معیتندە کیلرک هپسینی غائب ایتدکدن صو کره قاریسینی
وچو جوقلرینی نهره آتدی ، یاری اولو برحالدە ساحله چیقدی .
تاتارلر دوکوئی افرادی اورمانلرک و باتاقلقلرک ایچنه قدر تعقیب
ایله هپسینی امحا ایتدیله .

تیمورلنك بو حوالی یی ترك ایله بش آلتی کون جمده نهری
ساحلنی تعقیب ایتدی و ژناوه نهری [۱] ساحلندە بر قلعه
قربندە قرارگاه قوردی [۲] . ایکی نهر بو موقعك قارشیسندە
بربرینه انصباب ایدیوردی . بو نقطهده ، صولرک شدت جریاننه
رغمآ لوپری یاپدی ، نهری کچدی . موتاندن ۳۵ میل مسافهده
تولوباده قرارگاه قوردی . بوتون رایالر حضورینه کلهزك یر
اوپدیله . تولوبادن بویوک بر ویرکو طلب ایدیله . فقط متباقی
مبلغ تحصیل ایلدیکی صیراده بعض عسکرلر شهره کیردیله ،
هر طرفه آتش ویردیله . صو کره ، عرض انقیاد ایتمه مش رایالری
(راجا) لری دردست ایتك اوزره اطرافه مفرزه لر کوندریلدی .
تیمورلنك بیاه نهری اوزرندە ، شانناواز کویی قربندە بر کول
کنارینه قرارگاهنی نقل ایتدی [۳] . اورادن ، نصرت نامندە
بر رایایه هجومه ایتدی . بورایا (راجا) بو کولک اطرافنه بر سورچکمش

[۱] ژناوه نهری مولتان اوستندە راوه نهرینه منصب اولور .
بو ژناوه نهری موسیو دانویلك آسیا خریطه سندە کوروان نهردن آیری
اولمق لازمدر . یاخود بو خریطهده بر خطا واردر .

[۲] ۲۷ محرمده .

[۳] ۸ صفرده .

ایک بیک کشی ایله اورایه تحصن ایله مشدی . یانه قدر وارمق
ایچون باتاقلاردن کیتمک لازمدی . یوللرک صوک درجه ده مشکل
اولماسنه رغماً نصرتک بولوندیغی موقعه قدر صوقولمق قابل اولدی .
نصرت مغلوب ایدلدی . شاناوازه کیتمک ایچون عینی مشکل یوللاردن
کچمک لازم کلدی . شاناوازه بیوک اون دپولری اله کچیردیله .
هندلیلری صوک درجه محرومیته دوشورمک ایچون سائرده پولر
احراق اولوندی .

تیمورلنک ، اردوسبله کچمش اولدیغی بیاه نهری ساحلرندە
جنجیان کوینده مولان ولایتی پاختی اولان مولتان شهرینک
آلتی آی بر محاصره دن صوکره نهایت ضبط ایدلیدیغی خبر
آلدی . بو مظفریت راجالری او قدر منفعل ایتدی که عرض
انقیاد ایتمش اولانلرک قسم اعظمی تاتارلره قارشى عصیان ایله
تعین ایدیش تاتار والیلرینی اولدیردیله . حتی مولتان شهرى
قایلارینه قدر ایلرله مکە جرأت ایدیور . دی . چونکه خسته لقلر
بوزندن بوتون بارکیلرینی غائب ایتمش اولان تاتارلر کندیلرینی
دفع ایده جک حالدە دکلدیلر . فقط تیمورلنک اردوسنک قریبتی
اونلری داغیتدی . مولتان اردوسی باش قوماندانی پیر محمد بی پایان
خزینهلرله تیمورلنکه التحاق ایتدی . بو غنائم تاجلردن ، کمرلردن ،
آلتون اکرلردن ، قاشلردن ، قیمتدار وازولردن ترکب ایدیوردی .
تیمورلنک بونلرک بر قسمنی قوماندانلرینه و سکرلرینه مکافات
مقامنده توزیع ایتدی .

صوكره ، تیمورلنك دىپالپور شەرىنە ھجوم ھاضرلقلىرىنى كوردى . بو شەر خلقى پىر محمدك اردوسندە بارلىرلك تلف اولاسى حىبىلە اوکا قارشى عصيان ايتدكدن صوكره هندستان سلطانى فيروز شاھك عساكر خاصەسندىن بر فرقه ايله بطير قلەسنە چكىلمىشلردى . بطير چول ايچندە هندستانك اك مستحكم موقعلرىدن برى ايدى . ياغمورلردن تشكل ايتىش بر كولدن باشقە صويوقدى . شمدىيە قدر ھىچ بر اردو اورايە كىرمەمش اولدىغى جەتتە دىپالپور، آجودان شەرلىرلە سائر جوار شەرلر اھالىسى غايت امين بر محل اولق اوزرە اورايە تحصن ايتىشلردى . فقط مقدارلىرى او قدر فضلە ايدى كە چوغى اشىلارلە خارجدە قالمغە مجبور اولدىلر .

تیمورلنك آجودانى ضبط ايتدكدن صوكرە بطيرە ياقلاشدى (۱) وبوتون جوارى الە كچىردى . قلەنك قوماندانى بولونان دولجىن سورلركتانتنە ، عسكروضا بطانك چوقاغنە ، ذخائر كىمبذوليتنە كوونەرك تسليم اولق تىكلىفنى رد ايدى . ايلك هجومدە تاتارلر خارجى محلەلرى ضبط ايتدىلر وبر چوق ھندلى اولدىردىلر . صوكرە عمومى بر هجوم ياپلدى . شەر ضبط ايدىلك اوزرە ايكن قوماندان تعطيل مخاصمات تىكلىفندە بولوندى . ايرتەسى لون تسليم اولماي وعد ايتدىكى جەتتە بوتكىلف قبول ايدىلدى . حالبو كە او ، قازاندىغى زمانى يكى بر مدافعە ھاضر لغنە حصر ايتدى . تاتارلر كى جسارتى

هر شيئه غلبه چالدى . قوماندان، تيمورلنكه بطيرى تسليم ايدەرك
عاطفت و مرحمتنى استرحامه مجبور اولدى . دىپالپور اهالىسى
تاتار والىسىنى قتل ايتدېرەش اولدۇلارندىن دولايى تيمورلنكه
بالخاصه غضبى تحريك ايتىش ايدىلار . تيمورلنكه اچلارندىن بش
يوز كيشىنى قتل ايتدىردى ، قاديىنلارنى وچوچقارنى آلدى .
آجودان سىكەنەسى دەخزا كوردىلار . دولجىنك برادىرى كمال الدين
بو جزانك كندىسەندە تشمىل ايدىلەسەندىن قورقەرق سالاخە
صارىلدى و شەرك قاپلىرىنى قاپتدى . بو عصيان ، تيمورلنكه
نزدەندە بولۇنان برادىرىنىڭ سەبب قىلى اولدى . تەكرار محاصىرە
حرەكەتە حاضرلاندىلار . فقط اهالى شەرك هجۇم ايلە ضبط
ايدىلەسەندىن قورقەرق بر عفو عمومى طاب ايتدىلار و شەرك
آناختارلىرىنى تسليم ايلەدىلار . شەيخ نورالدين ايلە اللەداد ھەركەسك
فدىئە نجات اولەرق وىرەجكى شىلەرى آلمق اوزرە شەھەر كىردىلار .
رايالىلە سائىر رۇسا بو وىر كويى قبول ايتىك ايسەندىلار . اچلارندىن
بر قىسمى مجوسى پىرست اولدىنى جەتە بر برلىلە مجادالەيە
كىرىشىلار . تيمورلنكه بو طرز حرەكتەلەردىن قىزارق ھەپسە
قىلىجەن كچىرلەسەنى امر ايتدى . تاتارلار اللەندە قىلىجەن شەھەر
آتلىدىلار . مجوسىلارە مسلمانلارنى بر آرادە ، اولىكە عزم ايتىش
بر حالە بولدىلار . مسلمانلار قارىلارنى وچوچوقلارنى كندىلەرى
اولدىرىيورلردى . مجوسىلار ايسە اولرىنى ياقىشلار ، آتە
آتيورلردى . ھەيى مەشى كورۇلمەش بر شەتە تاتارلارە قارشى

دو كوشدیلر . بو مسئله ده اون بىك ھندى اولدى . بطير شھرى
بر كول يىغىنى حاله كلدى .

شھرك تخرىبىدىن صوكره ، ھوائى افساد ايدىن نەشرك
چوققى تيمورلنكى اورادىن ھان حر كته مجبور ايلدى ۱۱۱ .
سرسى وفتح آباده كىتدى . بوشهرلر ده بىتپرستلر سا كن ايدىلر .
ھىسى قاچىلاردى . فقط تيمور عسا كرىنك الە دوشدىلر و قتل
ايدىلدىلر . آھرونى شھرىنك سىكنەسى ايسە كىندى مەلىكتلرى
داخلىدە قىلىجىدىن كىچىرىلدىلر . تيمورلنك اورادە جت قىيەلر يە
مصادف اولدى . بونلر اوزون مدتدن برى اورادە سا كن
ايدىلر . ايندو سىتلك نساندىن كلىورلردى [۲] . ھىچ بر دىنلرى
يوقدى . مشغەللىرى اوجوارلردىن كچمك مجبور يتىندە قالانلرى
صومقدىن عىبارىدى . اىچلردىن تەقىباً ايكى بىك دانەسى قتل
اولوندى . دىكلرلى چوللرە واورمانلرە چكىلمش اولدقلىرى
جەتتە آرقەلردىن تەقىبە مفرزەلر كوندردى .

بو صورتلە ، غانژ نھرى آياقلردىن كھكى قىيىلر يە
مواصلت ايدىلدى . بوتون اردو بو نقتەدە طوپلاندى . كھكى
نھرى كچىلدى . قارشى قىيدە تيمورلنك اردوسىنە بر رسم كچىد
ياپدىردى . ھىسى بىتپرست اولان سامانە ، كوتەيل ، آسندى
شھرىلرىنك سىكنەسى اولرىنى ياقھرق دھلى طرفلر يە قاچدىلر .

[۱] ۳ ربيع الاول .

[۲] باشقە طرفدە بونلردىن بحث ايدىلشدر .

تاتارلر تغلق پور شهرینی یاقدیلر . بونک اهالیسی خصوصی بر
مذبه منسوب اولوب سولون اسمنی طاشیورلردی . کائناتی بری
انی یاخود نوردن دیکری فنا یاخود ظلمتدن عبارت ایکی اساسک
اداره ایتدیکنه ایمان ایلورلردی . برنجی اساسدن خیرایکنجی
اساسدن شر وجوده کلمشدی . پانیپات ده غایت چوق مقدارده
ذخیره بوله رق استفاده ایتدیلر ۱۱۱ .

تیمورلنک ، اردوسنک صول جنا غنی آیرارق آقینلر یامغه
سوق ایلادی . بو مفرزه ، دهلیدن ایکی فرسخ مسافهده برداغک
تپه سنده فیروز شاه طرفندن بنا ایدلمش محشم بر سرای اولان
جهان نمایه قدر ایلریله دیلر . طاغک اتکندن ژائون نهری کچر .
تیمورلنک بو نهره یاقلاشدی . ژائون ایله هیلن آراسنده کائن
لونی شهر اوزرینه دوغروجه یورودی . هیلن ، فیروز شاهک
قالینی نهری ژائون نهرینه بر اشدیرمک ایچون قازدیرمش اولدیغی
بر قنالدیر . فیروز آباد شهری اوراده کائندر . شهر سککنه سی
آتشپرست ایدیلر . اهاالی قاریلرینی وچو جو قلیرینی یاقدیلر . فقط
کوستردکلری عزم و متانت هر غماً تاتارلر شهری ضبطه موفق اولدیلر .
یالکز مسلمانلره دوقونولمادی .

تیمورلنک بویوک بر مجلس عقد ایدهرک هندستانک پایتختی
اولان دهلی شهرینک صورت ضبطنی مذاکره یه قویدی . برچوق
ذخیره و مهمات طویلامغه ، بونلری جهان نما سراینده ادخارا اتمک

وصوگره شهری محاصره آلتنه آلمغه قرار ویردیلر . جوارلری
تخریب ایچون بعض مفرزه لر کوندردکلری صیراده هندیلر بر
خروج حرکتی یاپدیلر . بو ، دوت بیک سواری ایله بش بیک
پیاده دن و یکر می یدی فیادن مرکب بر قوت ایدی . اوچ یوز
تاتار هند پیشدار قوتنه هجوم ایدرک اونی برنهر کنارنده توقیفه
موفق اولدیلر . تیمورلنک 'مداد کوندردی . تاتارلر قیلیج الده
دشمنه صالدرلر . دها ایلاک مصادمه ده هندیلر کری
چکیلدیلر .

دهلی محاصره سی پک قانلی اولاجق کی کوروندیکی ،
تیمورلنک قرارگاهنده یوز بیکدن زیاده مجوسی یاخود بتپرست اسیر
بو اندیغی جهتله قوماندانلر بر محارب ائنا سنده بوتون بو هندیلرک عصیان
ایده بیلمه لری و تاتارلر علیهنده حرکت ایله مه لری احتمالی
دوشوندیلر . تیمورلنک بوملحوظ اولان محذوره چاره یی انجق
کندی ظلمکارلغنده بولدی ، بوتون بو یچاره لرک قتلنی امر
ایتدی . قتل امرینی اجرا ایتمین اولورسه اعدام ایدیله جک ،
قاریلری ، چوجقلری ، بوتون ماللری مخبره ویریله جنکدی .
بر ساعتدن از بر مدت ظرفه یوز بیکدن فضله هندلی قتل
اولوندی .

تیمورلنک بو ظالمانه احتیاطدن صوگره دهلی محاصره سینه
يورودی [۱] . ژائون نهرینک اوته طرفنده قرارگاه قوردی .

عسکرلری اوراده قرارگاهك اطرافنده برهنگك قازدىلر، سپرلر ياپدىلر. برسدو جوده كتيرمك ايچون ايرى ماندالرى قويروقلارندن و بويونلارندن باغلاديلر . آرقه لرينه چاديرلرني قورديلر . تيمورلنك صوكره صف حرب ترتيب ايتدى . صاغ جناحنك قومانداسنى اوغلى پير محمد جهانكيره، صول جناحك قومانداسنى ميرزا سلطان حسين و خليل سلطانه، دمدار فرقه سنك قومانداسنى ميرزا رستمه و يردى و كنديسى مركزده قالدى . محصورينك صاغ جناحى طغى خانك و مير على خواجه نك ، صول جناحى ده ملك معين الدين و ملك خانك قومانداسى آلتنده ايدى . هند سلطاني محمود خان [۱] ملو خان ايله برلكده مركزده بولونيوردى . اردوسى سوارى اون بيك صاحب [۲] ايله قرق بيك پياده دن وزرھلى برچوق فيللردن تركب ايدى يوردى . فيللرك ديشلارنده زهرلى خنچرلر واردى . صيرتلىرندده طاييه شكلنده قلهلر ياپش ، ايچنه متعدد تيراندازلر يرلشديرلمشدى . فيللرك ياني صيرا آتش فشانلر ، آلهولى زيفت دوكنلر و هوائى فشنك آتاكلر يورويورلردى . بوفشنكلرك اوچلرى دميردندى . دوشدكلرى يره برقاچ ضربه بردن اينديرييورلردى . فيللر تاتارلرى چوق قورقوت يوردى . او آنا قدر هيچ بريفيل كورمه مشلردى . بو حيوانلرى يارالامق غير قابل اولديغنى ظن ايدى يورلر ، اغاچلرى يرلرندن

[۱] فيروز شاهك طورونى .

[۲] بو صاحبلك معيتنده متعدد نفرلر بولونديغنى ظن ايدى يورم .

سوکه بيله جكارينه اك محكم بنالرى يىقاجقلىرىنه ، محاربه ايدركن بار دىرايله سوارىسنى هوايه قالدىراجقلىرىنه احتمال وپرييورلدى . بومدهش حيوانلرى كورنجه هپسى قورقو ايچنده قاليوردى . تيمورلنك ، عسكرينك قوه معنويەسنى ارتىرمق ايچون اجباب ايدن تدابيرى اتخاذايتدى . برهنگ قازدىردى . صوكره قالقانلارله برسپر وجوده كىتىردى . ماندالرى اوزون مشينلارله بويونلارندن وياقلارندن برىرلىرىنه باغلالتدى . بوحيوانلرك ايكي ياننه وباشلارىنه چالى دمتلىرى طاقدىردى . صوكره ، اوچ ديشلى چىنگىللىر ياپدىرتدى . فيلار هجوم ايتدىكى زمان بونلر يره آتياچقلىدى . عىنى زمانده ، ماندالرك اوزرىنده كى چالى دمتلىرى ده طوتوشدىر يلاچقلىدى .

دشمنلارله قارشىلاشقلىرى زمان تيمورلنك مركزز قوتىندن بر مفرزه آلهرق صاغ جناح ايله دمدار قوتى تقويه ايتىك لزومنى حس ايتدى . بو مانوره عسكرلرىنك جسارتى آرتىردى ، هندىلرله هجوم ايتدىلر . هندىلرك بورولر ، ترامپلر وفيللرك اوزرىنده طاشىدقلىرى سائر آلتلر واسطه سىيله چىقاردقلىرى كورولتواك جسورلرك بيله قلىنى تېترەتيورلدى . مجادله دوام ايتدىكى صيراده پىشدار قوتى ، ايلرياهىن بر سوارى قولنى كورنجه صاغ جناحك آرقەسنە چكىلدى واوراده پوصوقوردى . دشمنك پىشدار قوتى بويلا يول وىردىكن صوكره اوزرلىرىنه شدتله صالدىردىلر . آز زمان ايچنده بش آلتى يوز هندىلى اولدىردىلر . پىر محمد جهاندىر صول جناحى پوسكورتى .

تاتارلار كرى دونمكه اجبار ايتدكلرى فيللىر هند عسكرلرينك
صفرلىنى بوزمغه سبب اولمشلردى . دىكر تاتار عسكرلرى ده
عبنى صورتله وظيفهلىرى ياپدىلر . هندلىلر محاربه ميدانى ترك
ايتدىلر . حرب ميدانى نعلشلىر وميل خورطوملىرله اورتولو
ايدى . محمود خان كيدوب پايتختنه قاپاندى .

تيمورلنك شهر ك قاپىسنه ياقلاشدى ، حوض خاص دىلان
بر بويوك حوضك ياننده اخذ موقع ايتدى . بو بر مدور
حوضدى . سلطان فيروز شاه طرفندن ياپدىرلاشدى . او قدر
بويوكدى كه غايت قوتلى بر ال طرفندن آتيلان بر اوق قطرى
قطع ايدى . فيضان زمانلر نده صوايله دولاردى . دهلى
سكهنهسى بوتون سنه بو صوي استعمال ايدرلردى . حوضك
كنارنده سلطان فيروز شاهك تربهسى واردى .

محمود ايله قوماندان ملوخان ارتق بر چاره قالمادىغنى كورنجه
كىجه لىن دهلىنى ترك ايله چوللاره چكىلدىلر . بعض تاتار
مفرزلرى اونلرى تعقيب ايتدىكى صيراده تيمورلنك پايتخته
كىردى . هند امپراطورلرينك تختى اولان آيد جاہ اوزرىننه
اونوردى . بوتون اردوسى اچون بويوك بر شنك ترتيب ايتدى .
صوكره بوتون فيللىرى وكركدانلىرى چيقارتهرق مختلف اكبره
هديه ايتدى . قوماندانلر سكهنه دن هر برىنك ويره جكى فديۀ نجاتى
قرارلاشدىلر . بر قسمى ده تحصيلاته مأمور اولدىلر . اردو
ذوق وصفا ايله مشغول اولدىغى صيراده بر تاتار منرزهسى دهلى

قایلرندن برینه یاقلاشدی [۱] ، طیش محله اهالیسنی تحقیر
ایتدی . بو ایلك پاتیرتی تسکین ایدلدکن صو کره تیمورلنکک
حرملری سلطانلر بو کوزل شهرى و بیك ستون ایله مزین
محتشم بر سرانی [۲] کورمک ایسته دکلری ایچون بوتون سرای
ایله ایچری کیرمکه قالقدیلر . شهرک قاپیسی آچلدى و فرقه
وارلادن اون بش بیك تاتار ایچری کیردی . دهلی شهرى
دهلی ، سیری وجهان پناه اسمنده اوج مملکتدن ترکب ایدر .
بو اوچنک آراسنده کی بویوک بر میدانده بولونان تاتارلر مجوسیلری
اوقدر تحقیر ایتدیلرکه بونلر یأسلرندن تاتارلره هجوم ایتدیلر .
بعضیلری اولرینی طوتوشدیردی . قاریلری و چو جوقلریله برلکده
ایچنده یاندیلر . تاتارلر یغما کرلکه قویوله رق و ایچری یکی عسکر
ادخال ایدرک بوقاریشیقلمغی آرتیردیلر . بو عسکرلر حواریده کی
قصبات و قرا اهالیسندن اولوبده دهلی یه چکیلمش اولانلری
طرده مأمور ایدیلر . تاتار قوماندانلری متباقی قسمک کیرمه سنه
مانع اولق ایچون قایلری قاپاندیلر سده ایلك کیرن عسکرلرک
سبب اولدقلری قاریشقلمغه مانع اولامادیلر . دهلی تمامیه یغما
ایدیلدی . بعض عسکرلر قادین ، ارکک ، چو حوق یوز اللی قدر
اسیر صاحبی اولمشلردی . غنائم پک عظیم ایدی ، قیمتنی تقدیر

[۱] ۱۶ ربيع الآخر .

[۲] قدیم هند حکمدارلرندن ژونا طرفندن انشا ایدیلشدی .

قابل اولامادی . چونکه بومملکتک قادینلری وقیزلری آياقلىرىنه
واللىرىنه الماس طاقازلردى .

ايكى كون صوكره (۱) اسكى دهلى شهرى ده عىنى عاقبتىه معروض
قالدى . آتشپرستلردن بر قسمى بر جامعہ التجا ايدىرك اوراده
مدافعىه عزم ايلشلىردى . تاتارلر قىلىج اللرنده جامعہ كىردىلر
وكندىلرىنى دوغرا دىلر . سائر اهالى زنجىرلرہ اورولدى ، شهر
خارجىه كوتورلدى . هر تاتار ضابطى بر مقدارىنى كندى خدمتنه
آلدى . اصناف شىزادهلر آراسنده تقسىم اولوندى . طاشجىلر
بر جامع انشاسى ايچون سمر قنده كوندىلدى . ايشته اوچ
مملكتدن مركب اولان هندستان پاختنك مقدراتى بويىه ظهور
ايتدى . سىرى شىرىنك اطرافنده بر سور واردى . الكبوىوكى
اولان اسكى دهلى ده سور ايله محاط ايدى . شمال شرقىده كائن اولان
سىرى سورندن جنوب غربىده كائن اسكى دهلى به وارنجىه قدر
هر طرفدن بر ديوار چكىلدى . ايشته اسكى دهلىدن دىهابوىوك
اولان بو فاصله جهان پناه شىرىنى تشكيل ايدىوردى . سىرىنك اوچ
قاپسى واردى كه جهان پناهه آچىلدى . درت قاپسى ايسه
صحرايه چىقاردى . جهان پناهك قاپىلرى اون اوچدى . آلتىسى
شمال غربىده ، يديسى جنوب شرقىده .

تىمورلنك دهلىده بر والى براقدى ، اوچ ميل اوزاقده
بولنان فىروز آباد اوزرىنه يورودى . بو كوزلرلى تماشا

ایچون بر ساعت توقف ایتدی . فیروز آباددن چیقارکن قوتله شهرینه سفارتله یوللادیغی قوماندانلردن بعضیسینه راست کلدی . بونلر، او حوالیده حکمران اولان بهادر نهارك قریباً کلرک تیمورلنک حضورنده یراوپه جکنی خبر ویردیلر . فی الحقیقه، بو حکمدارک سفیرلری چوق کچمه دن ایکی بیاض پایاغان هدیه ایتدیلر که تغلق شاه زماندن بری هند حکمدارلرینک اوطه سنده بولونیورلردی . دهاایلریده بهادر نهاره تصادف ایتدی . قیمتدار هدیه لرله تیمورک حضورینه کلیوردی .

صوکره ، تیمورلنک هندستان ایمپراطورلغنک اک مشهور قلعه لرندن بری اولان میرت اوزرینه یورودی . برطاق مجوسیلر بوراده تحصن ایتشلردی . قلعه نک متانتنه او قدر اعتمادلری واردی که تیمورلنکک تسلیم امرینه مغرورانه جوابلر ویردرک وقتیه چغتای خانی ترمه شیرینک قلعه یی ضبط ایدمه مش اولدیغنی، تیمورلنکک ده عینی موفقیت سزلکه اوغرایه جغنی بیان ایلدیلر . بوکا حدتله نن تیمورلنک سورلرک آلتنه لغم قازدیردی ۱۱۱ . دها ایکنجی کوندن ایشار او قدر ایلر یلادی که هجوم باشلادی . جسور، جرئتکار بر دلیقانلی مازغاللره بر ایپ آتدی . برنجی اوله رق سورک اوزرینه چیقادی . آرقه سندن دیکرلری ده یتشدیلر . سورلره صاحب اولان تاتارلر الده قیلیج شهره کیردیلر والی بی اله کچیردیلر . بو شهرک بوتون آتشیپرستلرینک دیری دیری

دربلری یوزولدی . قاریلری ، چوجوقلری اسیر ایدلدی . شهر
برکول ییغینی حالنه صوقولدی .

بو قلعه نك ضبطندن صولره نوپان جهان شاد بر مفرزه ایله
ژائون نهری اوزرنده قایقلارله حرکت ایتدی . مجوسیلرک
اشغال ایتدکلری مملکتلری تخریبه کیتدی . تیمورلنك ده غاثر
نهرینه دوغرو یورودی . بو بویوک نهرک غرب ساحانده فیروز
نوره کیتدی [۱] . اوچ میل مسافه قطع ایتدکن صوکره کچید
نقطه سنه واصل اولدی . مع مافیله بورادن کچمک زور و تهلکلی
ایدی . بعض سواریلر نهری یوزه رک کچدیلر ، بونلر تهلکه یه
معروض قالمش اولقله برابر تیمورده کندیلرینی تعقیب ایتک
ایسته دی . فقط قوماندانلری تهلکه یه کیرمه سنه رجا ایلدیلر .
عسکر دن بر قسمی قارشیه کچدی . تیمورلنك ساحل بونجه
ایلر یامکده دوام ایدهرک توغلوق پوره دوغرو یورودی . اون
بش میل مسافه قطع ایدنجه ساحلک اوتیه طرفنده کلیتلی مقدارده
مجوسی بولوندیغی کورولدی . تیمورلنك بونلری داغیتیمق ایچون
اللی بیک سوارى تفریق ایله یولنه دوام ایتدی . یولده برچیپان
چیقاردی و بوندن پک راحتسز اولدی . فقط چیپان کچدی . قرق سکنر
سفینه ایله برچوق مجوسی ، تاتارلره هجوم ایچون غاثر نهری اوزرندن
کلدیلر . تاتارلر یوزه رک نهره آتلدیلر . مجوسیلری اوق یاغمورینه طوتدیلر .
حتی بعضیلری سفینه لره قدر کیده رک ایچلرینه کیردیلر . بولقلری

۱۳۹۹

مجوسيلرى اولدير د كدن صو كره مجوسى ايله دولو، محاربه يه حاضر
ديكر اون سفينه يه هجوم ايچون قوللانديلر . بومجوسيلر مغلوب
اولديلر .

تيورلنك نهايت توغلوق پوره مواصلت ايتدى [۱]. اردوسندن
برقسنمك غاثر نهرنده قولاي بر كچيد بولديغنى ، مبارك خان
نامنده بر قوماندانك تحت اداره سنده بر چوق هندلى يه تصادف
ايديلديكنى اوراده خبر آلدى . تيورلنك بيك صاحب ايله غاثر
نهرينى كچدى، دشمنلره دوغرو يورودى. بونلرى صف حرب
ترتيب ايتمش بر حالده بولدى . اون بيك سوارى ايله بر مقدار
پياده دن تركب ايدىيورلردى و صوك درجه يه قدر مقاومه
حاضر لاشمى كورونيورلردى . ياننده پك آز عسكر بولنان
تيورلنك محاربه نك نتيجه سى حقنده پك مترددايكن آقينه كيتمش
مفرزله ر بردن بره عودت ايتديلر . تام وقتنده يتيشن بو قوه
امداديه تيورلنكى آرتق دشمندن قورقمه يه جق برحاله كيتردى .
دشمن ، تيورلنكك ياننده كى عسكرك آنجق بويوك اردونك بر
پيشدارى اولديغنى ظن ايله دهشت ايچنده قالدى . كيدوب
اورمانلره صاقلانديلر . اوراده تاتارلر بونلرك قسم اعظمى
اتلاف ايتديلر .

تيورلنك صو كره غاثر ساحلنده كائن قوپله بوغازى اوزرينه
يورودى . اوراده طوپلانمش اولان بر چوق مجوسيلرى پریشان

ايتدى . فقط غايت بويوك بر تهلکه يه معروض قالدى . اطرافنده
 آنجق يوز كشيلىك بر قوه محافظه واركن باصقينه اوغرادى .
 محاربه نك جريان ايتديكى موقعدن ايكي ميل اوزاقده اولان
 بو بوغازده غايت كشيلىك اورمانلرده تحصن ايتمش بر چوق مجوسى
 واردى . تيمورلنك بو كچيده ياقلاشدى ، بوتون مجوسيلرى محو
 ايله يك چوق غنائم آلدى . بر كونده اوچ محاربه ياپمشدى .
 قوپا بوغازى بر طاغك اتكسند كائندر . آلتندن غاثر نهري
 كچر . اون بش ميل يوقاريدة طاشدن بر اينك واردركه ادعا
 اولونديغنه نظراً بو بويوك نهرك منبى اوراده در . فقط نهرك
 چوق اوزاقلردن كلديكى وتيت طاغلرندن چيقدىغى محققدر .
 او جوار اهاليلىك كافهسى بو اينكه قارشى بويوك بر حرمت
 كوستريرلر و دعا ايدرلن او طرفه دوزرلر . تيمورلنك اونقطه يه
 قدر كيتدى ، اورايه چكىلمش اولان مجوسيلرى ده احا ايتدى .
 عودتنده بوتون اردوسنى سوالك طاغى اوزرينه سوق
 ايتدى [۱] . بر چوق مجوسى ايله هندلينك بهروز اسمنده بر
 راجانك قومانداسى آلتنده اوراده طويلانمش اولدقلىنى خبر
 آلمشدى . بونلرك هپسنى بوزدى ، صوكره يكهري نام ديكركله
 مليايوره كيتدى . ژائون نهرينى كچدى [۲] ، سوالك و كوكه
 داغلرندە تحصن ايتمش اولان رايانانى مغلوب ايتدى . تيمورلنك

[۱] ۱۴ جاذى الاول .

[۲] ۷ » » .

هر طرفده كنديلريله محاربه ايتك لازم كلن مجوسيلرله هنديليره
تصادف ايدىوردى . بو سفر اچون اوتوز كون لازم كلدى .
برمدتن برى استقلال اچنده ياشايان متعدد رايالرى تحت اطاعته
آلدى . صكره ، جمو ولايتنه كيردى . اوراده كشمير حكمدارى
شاه اسكندر ك كنديسنه عرض اطاعت اچون يوله چيقمش
اولديغنى دويدى .

بو اثناده ، لوچوك جمو حكمدارى مغلوب ، اسير و مملكتى تخریب
ايدىلدى . تيمورلنك ، عصيان ايتش اولان لاهور حكمدارىنى ده
تأديب ايتدكن صوكره نهايت سمرقند يولنى طوتدى . خلقك
آلقیش آوازلى ايله استقبال ايدىلدى [۱] . تيمورلنك سمرقنده
بويوك و محتشم بر جامع ياپىردى . جامعك دوت يوز سكسان
ستونى واردى . قبه تماماً مرمر قاپلى ايدى و غايت يوكسك ايدى .
قبه لرك كمر برينه آيات كريمه حك ايدىلشدى . قاپى طونچدن
ايدى . جامعك هر گوشه سنده بر مناره واردى .

بو قدر بويوك بر مظفر يتدن صوكره تيمورلنك صلح و سكون
اچنده ثمرات غلبه دن مستفيد اولمق و يورغونلغنى ديكلنديرمك
لازم كليردى . فقط حرص جاهى اوكا چوق كچمه دن سوريه
طرفلر نده حرب و سيلاه سى احضار ايتدى . وقتيله هلاكو خانك ادا . مى
آلتنده بولنان ممالكى اشغال ايدن اوغلى ميرزا ميران شاهك حركتى
هر كسى بيزار ايتشدى . بو لنج شهراده آتدن سقوط نتيجه سنده

بر خسته لغه طوتولمش ، اخلاقی دکیشمش ، پک ظالم بر آدم اولمشدی . اوافق بر شبهه اوزرینه قوماندانلری اعدامه محکوم ایدیوردی . بعضاً چیلغینجه و بی فائده مصرفلرله خزینه بی توکه تیوردی . بعضاً عسکرلرینک باشنه کچر ، موسمک سفره مساعد اولمادیغی بر زمانده اونلره جبری یورویش یاپدیریدی . تبریزده بر عصیان وقوعه کلدی . کورجیلر سلاحه صاریلدیلر ، کلوب آذربایجانی تخریب و تاتارلری مغلوب ایتدیلر . بوتون بو اغتشاشاتک مسببی اولان میران شاه هر درلر ذوق و صفا و سفاهته ده منه مک ایدی . کوستردیکی طرفدارلق و مداهنه دولایسیله مورخ نامنه لایق اولمایان بر مورخ [۱] بووقایغی بوشهزاده نک عقلنده وقوعه کان بوز و قلغه عطف ایدیور . عینی صورتده طرفکیر ، فقط تیمورلنکی ذمه مفتون دیکر بر مورخ [۲] ده میران شاهک پدرینک حرکاتندن اوتانیدیغی و عصیان فکرینی بسله دیکنی سویله یور . بو مورخک روایتنجه میران شاه باباسنه شو مکتوبی یازمشدر :

« یاشکیزک پک ایلریله مش اولماسی حسبیله آرتق بار حکومته تحمل وامور ادارهیه نظارت ایدم بیلجک بر حالد دکلکیز . ایچکیزده حسیات زهد و تقوا غالب ایسه بر جامعه چکیله رک اوراده جناب رب العالمینه دعا ایله وقت کچیرمه کز و حلول اجل موعوده انتظار ایتمه کز مناسب اولور . ممالککیزی اداره

[۱] شرف الدین .

[۲] عربشاه .

ایده جگ اولاد واحفاد کنز واردر . بر آرزو کره براقوب
 کیده جگ کنز فتوحات عظیمه یه هوس ایده جگ یرده عالم آخرتی
 دوشون کنز . شداد حکومتنه مالک اولسه کنزده ، غلبه وظفر
 سزی اوج اعلاى شرفه اصعاد ایتسه ده . شو دنیا نك بوتون
 ثروتلری خزینهلر کنزده . طویلانسده ده ، یاپدیغکنز تخریبات
 بخت النصر ککیله مسوی اولسه ده ، دائره حکم و نفوذ کنز
 بوتون دنیای قاپلاسه و بوتون حکمدارلر آیاقلر لیزه قاپانسه ده
 نهایت بونلرک کافه سی بیه جگ و صوگ سرایکنز مزار اولاجقدور .
 بر پاموق کوملک ، بر اثواب ، تمیز بر صو واکمک ، ایشته کلوب
 کچیجی بر آدمک آرزو ایده بیه جگی شیلر بونلردن عبارتدر .
 اوله جگ بر آدم ایچون ایسه بونلر بیه چوقدر . «

تیمورلنک کندی موجودیتنک او حوالیده الزم اولدیغنه
 قناعت کتیردیکی ایچون محتاج اولدیغی استراحتی هیچ دوشونمیدی .
 یوله چیقدی (۱) . نویان سلیمان شاه دها اول داورانمش ، همدانه ،
 اورادن تبریزه کیتیمشدی . اوراده میران شاهی او قدر حسن
 اداره ایتیمشدی که پدرینی استقباله کیتمکه کندیسنی قاندرمشدی .
 تیمورلنک میران شاهی باردانه قبول ایتدی . تبریزه قوماندانلر
 کوندردی . بونلر مصارفاتی تدقیق ایتدیلر . میران شاهی بوتون
 بومفرطانه حرکاته سوق ایدن موسیقیشناسلری و سائر کیمسه لری
 قتل ایتدیردیلر . تیمورلنکده بالذات قاره باغه ایتدی . اوراده

میران. شاه سراینک بوتون اکبری عرض احتراماته شتابان اولدیلر.
ایچلر نده عصیان ایتش بعضیلری ده داخلدی. بونلر عفوایدیلدیلر.
تیمورلنک بوحوالیده بولوندیغی صیراده کندیسنی علاقه دار
ایدن بعض خبرلر آلدی. کندیسی طرفندن تخته چیقارلدیغی
حالده صوکره عصیان ایتش اولان تیمور قوتلوق اوغلان وفات
ایتشدی ۱۸۱. مصر سلطانی برقوق وفات ایتش وبونک اوزرینه
اورالرده برقوق اغتشاشات ظهوره کلهشدی. چین ایمپراطورینک
وفاتی ده بر طاقم محاربات داخلیه سبیت ویرمشدی.
کاشغر خانی خضر خواجه اوغلان وفات ایلش، عمر
شیخک اوغلی میرزا اسکندر براردوايله موغولستانه کیرمشدی.
بوکنج شهزاده کاشغره کیددرک اوراده کی اغتشاشاتدن
بالاستفاده یارکندشهرینی دهاسا اربع شهرلری یغما ایتشدی (۲).
برقوق اسیر آلهرق آقصویه کوتورمشدی. آقصوی ده ضبط
ایله مشدی. آقصو غایت مستحکمدی. بربريله مربوطیتی اولان
اوچ حصاری واردی. بوتون جوار اهالیسی حرب زماننده
اورایه چکیلیرلردی. تجارتی غایت یولنده ایدی. چین تجارلری
امتعهلرینی بورایه کتیریرلردی. میرزا اسکندر هر طرفه آقینلر

[۱] روسلر ده مؤخر وفات ایتدیکنی سویله یورلر.

[۲] صاریق قامش، کلاپین، علی کول، یارقورغان، چارداق،

قیوق باغ، ده صوکره آدجه ولایتی.

یادیردی (۱) . بالذات خوتی ضبط ایتدی . شهر خلقی کندیسنه
بر چوق هدایا تقدیم ایتدیلر . بوتون جوار مملکتی دولاشدی .
فقط ، دشمنلردن بر چوغنك چکیلمش اولدیغی قاران غوتاق
داغنه هجومه جسارت ایدهمدی ، قیشی کاشغرده کچیردی .

بو اثناده تیمورلنك تکرار کورجستانه کیرمك تصورنده
ایدی . اردوسنده هراون بیك نفردن اوچ کشی انتخاب ایتدی ؛
ون کونلك ییه جك آلدی ، سیروس نهریغی کچدی . شروان
حکمداری ابراهیم ، شکی حکمداری سیدی احمد اوراده کندیسنه
التحاق ایتدیلر . غایت صیق اورمانلر آراسندن توث کچیدندن
کندیسنه یول آچدی . یکر می کون دوام ایدن قاره رغماً کورجی
مسکنلرینه قدر ایلر یله دی ، بونلری آق صوبو غازی نه قدر تعقیب ایتدی .
بوتون اوحوالی بی تخریب ایله یه رک بر چوق اسیرا لدی . اهالی مسکراته
بك مبتلا اولدیغی ایچون مبذول بر صورتده بولونان باغلری یاقدی .
بو کچیدلرده بر آی اوتوردقن ، بوتون به غازلری تمیزله دکن
واورالره چکیلمش اولان تکمیل ازناورلری (۲) تحت اطاعته آلدقن
صولره دوام ایدن صوغوقك شدتی ، یوللری قاپایان قارلرک کثرتی
حسبیه سیروس ساحلنه عودته مجبور اولدی . عسکرلری
بو سفرده ارزاقك آزاغندن بك مضطرب اولمشلر ، بارکیلر

[۱] صیفیه محلی اولان یای ایله قیش موقعی اولان قوزان ؛ دها
صوکره طارم .

[۲] کورجی حکمدار ورؤساسنه بونام ویریلیر .

آغاچ قابوغندن باشقه ييه جك برشی بولامامشلردی . حکمدارلرک حرص جاهلرینک مشئوم نتیجه لری انسانلری بر چوق مصائبه ومهالکه مروض قیلار واونلری بدبخت یاپار . حالبوکه انسانلری مسعود یایمق اوغورنده اوغراشان بر حکمدار اولسه نه اعلا اولوردی . عینی زمانده میرزا رستم ، بغدادده حکمران اولان سلطان احمد اوزرنده بعض موفقیات استحصال ایتدی .

۱۴۰۰

قیشی قاره باغده کچیردن تیمورلنک ، بهار کالنجه عمومی بر مجلس طویلادی . بونده کورجیلره قارشى حربه دوام ایتکه قرار ویریلدی . تیمورلنک اوقدر اهمیت ویرمه دیکی اسلامیت غیری بروسيله تشکیل ایدیوردی . صوکردهده نفوذ وحکومتی کیتدکجه توسیع آرزوسنه تابع اولیوردی . تیمورلنک بوتون یوللری وقرارگاه قورابیه جک موقعلری تحقیق ایتدکن صوکره بر دع اوواسنده قرارگاه تأسیس ایتدی . ارزنجان حکمداری طهرتن بوراده کندیسنه عرض انقیاد ایتدی . تیمورلنک اوکا عثمانلیرک حرکاتی غایت دقتله تعقیب ایتیهی توصیه ایله کور - جستان حدودلرینه یاقلاشدی وقرال جورجیدن ۱۱۱ بغداد حکمداری احمدک اوغلی طاهری کندیسنه یوللاماسنی طلب ایتدی . ایسته دیکی شی بو آرزوسنک رد ایدیلایسی ایدی . فی الحقیقه بویه اولدی . تیمورلنک عصبی بر حدتله کورجیلرک اراضیسنه کیردی . هرطرفی تخریب ایتدی . عسکرلری اولری

يېقىورلر ، آغاچلرى سوکيورلر ، هر طرفى آتسه ويريورلردى .
 كورجىلر اك يوكسك طاغلر ، مغا دلر اك قيمتدار اشياريله
 التجا ايدىيورلردى . فقط تاتارلر چويكلكى ، جسورلغى
 اونلرى تحصن ايتدكلرى يرلردن چيقارييورلردى . تيمورلنك
 عسكەرلىر صانديقلر اعمال ايدىيورلر ، ايجلرينه بر قاجى بردن
 يئورلر ، بوسانديقلرى مقارهلرله ايلالچين داغ تپهلرينه چكييورلر ،
 قايلار آراسنه اينيورلر ، اللرنده قيايج مغاره قايلرنده كورونييورلر ،
 ايجرى يه مواد مشتعله آتييورلردى . كورجىلرده عيني درجه ده
 شجاعتله كنديلرني مدافعه ايدىيورلرسه ده تفوق عددى قار -
 شيسنده مغلوب اوليورلردى . بو صورتله كورجىلردن اون
 بشدر زياده قلعه ضبط ايدىلدى . بر چوغى اسلاميتى قبول
 ايتديلر . امتناع ايدنلر باشلرى كسيادى . پاخت اولان تفليس
 تحت اطاعته آلندى . كليسالر ييقيلدى ياخود جامععه تحويل
 اولوندى ، قرال جورجى خالى داغلرده سرسريانه دولاشمغه
 باشلادى . او زمان كورجستانده متعدد كوچوك حكمدارلر
 بولونديغى جهته تيمورلنك بو حوالينك بنده حكمران اولان
 جان بيك اوزرينه يورومك فكريله تفليسى ترك ايتدى .
 جان بيك تحصن ايتديكى حصارى ترك ايله عرض تسليميت
 ايتدى . جوار الكالرله مختلف مفرزلر داغيلار ق تخرىباتده
 بولونديلر . اردو سماوه قربنده بيل قلعه سنى محاصره و ضبط
 ايله درحال تخرىب ايتدى . صوكره تيمورلنك بر داغ تپه سنده

کائن سریت قلعه سنه یورودی. از ناوړلردن بر چوغی بورایه چکیلمشدی.
شجاعترى هیچ بر شیئه یارامادی، تیمورلنکک هجوملرینه،
ماکنه لرینه دایانه مادی.

تیمورلنک قرال جورجینک سوانیت شهرنده بولوندیغنه
دائر شایع اولان بر خبر اوزرینه او شهره علی العجله یورودی.
آغیرلقلرینی آرقه ده بر اقمشدی. جاسوسلری واسطه سیله کیفیتدن
خبردار اولان جورجی آنجاسلر نزدینه قاچمشدی. سوانیت
ایلك هجومده ضبط ایدیلدی. جورجی کندی مملکتی ایچون
بو قدر فنانلی دوقرآن بر حکمداری حمایه ایتمدن نهایت بیقهرق
صلح طلب ایتمک اوزره تیمورلنکه بر سفیر کوندرمکه قرار ویردی.
عینی زمانده طاهری قوغدی. اوده عثمانلیله التجا ایتدی.
تیمورلنک جورجینک اظهار ایتدیکی منلیتی حسن قبول اینه
مملکتی ترک ایتدی. دیدر بر کورجی حکمداری اولان ایوانک
ممالکنی تخریبه کیتدی.

بورادن عودتنده تیمورلنک بعض آوروپا حکمدارلرینک
سفیرلرینه تصادف ایتدی [۱]. بونلر مراد اولک اوغلنی کتیریورلر
و عینی زمانده کندیسيله اتفاق یامق ایسته یورلردی. آوروپا
حکمدارلرینک مقصدی استانبولی تهدید ایدن بازیده هجوم ایچون
تیمورلنکی تشویقندن عبارت اولدیغی آکلاشیلیور. تیمورلنک سفیرلری

[۱] اغلب احتماله کوره استانبول ایمپراطورینک سفیرنری ایدی.

اونک اوغلی ذاتاً تیمورلنک سراینده بولونیوردی.

شرق عادتى ، و جېنجه بويوك حرمتلرله قبول ايتدى . بوسفيرلر
 طربزون طريقيه عودت ايتديلر . تيمورلنك آرتق عثمانلى
 ايمپراطورلنى ومصر سلطانى ايله حرب ايتمه قرار ویرمىدى .
 يىلديرم بايزيد ، ايمپراطورلنك حدودلرني اسلافتدن زياده توسيع
 ايتدكن و آيدىن ، منتشا ، گرميان ، قره مان ولايتلرني ضبط
 ايله سباست ياخود سيواس بكي قاره عثمانى [۱۱] اسير آلدقن
 صوكره سيواسى ده اله كچيرمش و فتوحاتى ملاطيه به قدر تشميل
 ايله مىشدى . ملاطيه چوقدن برى سوريه ملحقاقتن ايدى .
 يىلديرم بايزيد ملاطيه به صاحب اولدقن صوكره ارزنجان و ارضروم
 اميرى « طهرتن » د مالكتنك قيدرله برابر ديوانه كلمه سى امرى
 و یرمىشنى . طهرتن ايسه تيمورلنك حيايه سى آتقنده اولديغى
 اچون در حال كنديسنى خبردار ايتدى . تيمورلنك بايزيد
 نصيحت و سرزنش لرله دولور مکتوب يازدى . بايزيد (مندیسنه)
 منتظر اولديغنه و كلمه به جك اولورسه اردوسيله تبريزه و سلطانيه به
 كیره جكنه دائر جواب ویردى .

بو قدر مغرورانه بر جواب تيمورلنكى پك قیزدیردى . در حال
 عثمانلىلر ك اراضيسنه كیردى [۱۲] غایت مستحکم اولان سيواس
 شهرى محاصره ايتدى . تيمورلنكك تقریبى اوزرينه بايزيدك اردوسنك

[۲] قاضى برهان الدينك اوغلى . [قرا عثمان آق قيونلى عشيرتى رئيسى در

قاضى برهان الدينك اوغلى دكلدر . - مكرمىن .]

[۳] ۸۰۳ سنه سى محرمنك برنده .

اوغلى كيريشى و تيمور طاش قومانداسنده كى پيشدارى آناطولى يه قاجدى. فقط تيمورلنك عساكرى، قاپادوسيا قيصريه سنك اوتە سنده بونلره يتيشديلر و قيليجدن كچيرىدن صوكره سيواس او كنه عودت ايتديلر. فوق العاده متانتلى اولان بو شهرك سورلرى تاتملاردن تپه يه قدر كسمه طاشدن ياپلشدى. شهرك شرق، جنوب و شىمال طرفلرى صو ايله دولو بر هندكله محاط ايدى. بوسبيله سورلره هجوم اولونه مازدى. قاعه يه قوماندان ايدن مصطفى نك معيتنده درت بيك سوارى واردى. تاتارلر بوتون شهره حاكم يوكسك بر موقع بنا ايدى و اوزرينه آتش صاچان ماكنه لرينى، منجيقنيلرينى يرلشديرديلر و غرب طرفندن سورلرى تخريب عمايه سنه باشلاديلر. اون سكز كون محاصره دن صوكره سورلر آتيلان طاشلر و قونولان لغملر ك تاثيريله تزلزله باشلامشدى. تيمورلنك بو سورلره دستك خدمتى كورن قازيقلره آتش ويريله سنى امر ايتدى. اهالى بر جلرك ييقلايغنى كوردى و شهرك هجوم ايله ضبط ايديله سندن قورقدقلىرى اچون والى ي قوغديلر و تيمورلنكك آياقلىرينه قاپانديلر. اوده مرحمت ايتدى. فقط قسم اعظمى ارمني لردن مركب اولان قوه محافظه نك اعدام ايديله لرينى امر ايله دى. بو صورتله تقريباً درت بيك كشى يى جانلى جانلى چوقورلره آتەرق اوستلرينه طوپراق اورتديلر. بوتون خريستيانلر اسير ايدى. مسلمانلر بر مقدار پاره ويرمكه مجبور اولديلر. صوكره تيمورلنك كيمسه يه دو قونمايه جغنه دائر ويردىكى سوزە

ابن شحنة رغما شهرى طوتوشديرندى.

تیمورلنك ، سیواس محاصره سی ایله مشغول اولدیغی صیراده
شرف الدین آبلستان = البستان [۱] حیدودلری بعض تاتار عسکرلرینه تجاوز
 ایتیش اولدقلری ایچون انتقام آلمغه قرار ویردی : بر مفرزه
 عسکرله میرزا شاهی او حوالییه کوندردی . تور کمنلر داغله
 چکیلدیلر . آرقه لرندن تاتارلر تعقیب ایتدیلر و صوکره بر طاقم
 غنائم ایله قرارگاهه دوندیلر .

تیمورلنك صوکره ملاطیه یه هجوم ایله دی . ملاطیه شهری
 تسلیم اولمقدن امتناع کوسترمشدی . تیمورلنك ملاطیه یی ضبط
 ایله کاختا حصارینه قدر بوتون اطرافی تخریب ایتدیردی .
 بو سفردن صکره سوریه یه کیردی . او زمان سوریه ، مصر سلطانی
 فرجك تحت تابعیتنده ایدی . بو حکمدارک پدری وسافی اولان
 بر قوق تیمورلنك کندیسنه یوللامش اولدیغی بر سفیری قتل
 ایتدیرمشدی . فرجك کندیسی ده یکی تاتار سفیرلرینه عینی
 معامله یی یاپمشدی . بناءً علیه تیمورلنك بویهك بر اردو ایله کیده رک
 بهسنی [۲] ، عینتاب ، حلب ، حمص ، حما ، بعلبک شهرلرینی
 ضبط ایتدی [۳] . صوکره سوریه یی ترك ایله ارتق خاندانك
 الکاسنه کیردی و ماردینی تحت محاصره یه آلدی . بورانك حاکمی ،
 تیمورلنك طرفندن موقعنه اصعاد ایدلمش اولمقاه برابر تیمورلنکی

[۱] بورایه الیوم ذوالقدریه الکاسی دیرلر .

[۲] ۸۰۳ سنه سی صفرینک یدیسنده .

[۳] بونك تفصیلاتی مملوكلرك تاریخنده واردر .

استقبالدن استنكاف ايتىشدى . تاتار فاتحى شهر ك آشاغى قسمنك
تكميل اولرىنى ياققله اكتفا ايتدى . غايت يالچين برقايا اوزرندە
كائن اولان قلمەيى ضبطە موفق اولامادى . تپەنك اوستندە
بر اووا واردى . اورادە بوغداي يتيشيردى . قوۋە محافظەيى
ادارەيە كافى صونبعان ايدردى . تيمورلنك ماردىندىن بعض مفرزەلر
كوندرەرك كورجستانە آقینلر ياپدیردى . كندیسى بغداد شەرىنى
ضبطە كیتدی (۱) .

۱۴۰۱

تيمورلنك صوكرە تبریزە كیتدی . يولده كوردلر كندیسنى
ازعاج ايتدیلر . قوۋە اصلیدەن آیریلاڭ عسکرلری اتلاف ایدیورلردى .
بایزیدك ارزنجانی آلدیغنه و شرق استقامتندە ایلریله دیکنه دائر
آلدیغی خبرلر تيمورلنكى على العجله میرزا شاه رخى اورالره
امدادە كوندرمەك مجبور ایتدی . فقط شاه رخ يولده بایزید
طرفندن صلح تەكلیفنه کلن طهرتنك یکننه تصادف ایدنجه دها
ایلری یورومدى . طهرتن ، صلح موافقتنى استحصال ایچون
تيمورلنكك نزدینه كیتدی . تيمورلنكى كورجستانە یكى بر سفر
ایچون يولده بولدى . تيمورلنك طهرتنك رجاسی اوزرینه بایزیدك
یاپدقلىرى اونوتمغه راضی اولدى ولورجستانە کیردى . قرال
جورجى برچوق هدایا ایله برادرینی كوندردى و بوصورتله
مملکتنى تهديد ایدن یكى تهلكهلىرى برطرف ایتدی . تيمورلنك

قیشی قاره باغده کچیردی ۱۱۱. اورادن کوندردیکی مفرزله
 بغداد سلطاننک مملکتلرینی و کوردستانی تخریب ایتدیلر .
 تیمورلنک اوراده بایزیدک تورکمنلر حکمداری قاره یوسفک
 التجاسنی قبول ایتدیکنی خبر آلتجه حرکاتندن دولایي مؤاخذه ده
 بولونمق اوزره بایزیده برسفیر کوندردی واسکی برقانالی قازدیرمقله
 مشغول اولدی . آراقس نهرینک صولری بوقاناله دولیوردی .
 چوقدن بری قانال دولمشدی . برآی ایچنده اون فرسخ مسافه یه قدر
 قانالی حفر و تعمیر ایتدیلر . ایچنده برکمی سنر ایدیه جاک
 قدر دریناشدیردیلر . [۲] تیمورلنک بوکا نهر برلاس نامنی ویردی .
 کیریشه جکی محاربه تیمورلنکی اندیشه یه دوشوریوردی . عثمانلیلرک
 سطوتی و اردوسنک چوقدن بری معروض اولدیغی یورغونلق ،
 مملکتدن اوزاق بولونماسی عسکرلرینک حربی آرزو ایتیه جکلری
 قورقوسنی ویریوردی . فی الحقیقه ، بویکی محاربه یه تشبیه
 بولونان قوماندانلر تیموری بوتصورندن واز کچیرمه یه ایچلرندن
 برینی مأور ایتدیلر . حتی نجمومک بیله بو حربک تاتارلر ایچون
 اوغورلی اولمایه جغنی سویله دیکنی بیلدیردیلر . تیمورلنک بر
 منجم جلب ایتدی . بو ، بالعکس حربک نتیجه سی ایی ظهور
 ایدجکنی ادعا ایتدی . صوکره تیمورلنک قیش قرارگاهنی براقدی .
 مع مافیله کماخ قلعه سنی ترک ایدرسه حرب یتمه یه جکسه دائر

۱۴۰۲

[۱] ۸۰۴ سنه سی ربیع الآخرینک ۲۲ سنده .

[۲] قانالک باشلادیغی یره سورقایبل ، آراقس نهرینه ملاقی اولدیغی

نقطه یه کوشاک چنجیشی دیرلر .

خبر كوندردى . تيمورلنك ائىساي راهده طرطوم نامنده بر
 قلعه يي ضبط ايتدى . بورايه چكىلمش اولان بعض كورجىلر
 جوارلره آقېن ياپمقدن كرى قالمايورلردى . صوكره، ارزىجاندىن
 آز بر مسافه ده كائن كاخ حصارينه كيتدى . بو يالچېن بر تپه
 اوزرېنده بنا ايدىلشدى . در حال محاصره ايتدى . اېپ مرديوه نلرله
 قلعه يه طيرماندىلر . اېچنده كىلر ك مقاومتنه رغماً قلعه ضبط اولندى .
 صولرله بايزىدك جوانى كلدى . بۇده اولكىلر كېي پك مغرورانە
 ومتعظمانە ايدى . تيمورلنك سيواس اوواسنده اردوسنه رسم
 كچيد ياپدىردى . جوارده كائن هاروك حصارى ده ضبط ايتدى .
 تاتار اردوسى سيواس جوارنده بولوندىغى صيراده بايزىدك
 كليتى بر عسكر ايله توقاته واصل اولدىغى وقىزىل ايرماق كچيدىغى
 طوتدىغى خبرى كلدى . بو حوادث تيمورلنكى آناطولىنك جنوبى
 طريقى طوتمه يه وقايا دوسيا قطعه سنده كى قيصريه كىتمكه مجبور
 ايتدى . اوراده بر مدت اوتوردى ، تارلاردن قالدېرلماش
 بوتون محصولاتى اردوسنك احتياجاتى اېچون آلدى . صوكره
 آنقره اوزرېنه يورومكه باشلادى .

قىر شهره واصل اولدىغى زمان بايزىد اردوسنك كورولمكه
 باشلامش اولدىغى خبر وىردىلر . تيمورلنك اردوكاهنك اطرافنه
 هندك قازديرارق قالقانلر وسپىرلر ايله تحكيم ايتدىردى . صوكره
 آقېنجىلر كوندردى . بونلر بايزىدك سوارىلرغى باصدىلر
 وقلايدىن كچىردىلر . تيمورلنك آنقره يه ياقلاشدى . ا دوسيله

آنقره او كنده قرارگاه تأسيس ايتدى . آنقره نى ضبط ايتك
اوزره ايكن كشف مفرزه لى كلهرك بايزيدك دمدار فرقه سنى
باسمق اوزره على العجابه كەمكده اولديغنى اخبار ايتديلر . تيمورلنك
على العجابه محاصره نى رفع ايتدى . عثمانلىلر كيانىدىن كچه چكلىردى .
بر چشمه نك صوينى زهرله دكدن صوكره چكىلدى . مقصدى
اوزون بر سىر ايله عثمانلىلر يورمقدى . نهايت محاربه يه حاضر .
لاندى . احتياط عساكرى نك باشنه كچدى . هندستاندىن
كتيردىكى متعدد فيللرله جبهه سنى تقويه ايتدى . فيللر ك اوزرندە
قللر و ايچنده تيراندازلر واردى . غرەژوا آتشى آتان عسكەرلردە
بو قلعه لردە بولونيورلردى . عثمانلىلردە صف حرب اوزره
دیزیلدىلر . بو بويوك كونك عاقبتى نه اولديغى معلومدر . بايزيد
مغلوب اولدى ، اسير دوشدى . اللرى باغلى تاتار فاتحنك او كنه
لوتورولدى . تيمورلنك اللرىنى چوزديردى ، محتشم بر خاغت
هديه ايتدى ، كندى سنى خصوصى بر چاديرده اوتورتدى .
بو بويوك مظفريتدن صوكره تيمورلنك آنقره يه صاحب
اولدى . بروسه يه ، قونيه يه . آقشهره ، قاره حصاره ، اولاييه ،
ساتاليايه دوغرو هر طرفه مفرزه لر كوندردى ، بومظفريتك بر
تاريخنى ياپديردى . بواثرى تيمورايىمپراطورلغنى هر ولايتنه توزيع
ايتديلر . تيمورلنك آلتى كونده سيور حصاره صوكره لوتاھيه يه
كىتدى . اوراده بر آي قالدى . احراز ايتدىكى مظفريتدن دولايى
اوراده بوتون سراينه بويوك شىكلىلر ياپديردى .

میرزا محمد سلطان اوتوز بیک سواری ایله بروسهیه کیتمک
ایچون صوڭ درجهده استعجال کوستردی . فقط بازیدک اوغلی
سلیمان چلبی بویله بر هجوم احتمالی دوشونهرک عثمانلی ایمپرا -
طوراغنک پایتختنده کی بوتون ثروتلری قالدیرمشدی . اهالی ده
بوتون اموالریله کشیش داغنه چکیلمشردی . مع مافیله ایچلرندن
بعضیلری طوتولدی .

یکیشهرده بر اوده صاقلانمش اولان بازیدک زوجیه سیله ایکی
کریمه سی وبغداد سلطانی احمدک کریمه سی اله کچیریلدی .
تورکمن قاره یوسف حلبه اورادن ده عربستان چولنه قاچمشدی .
بروسهده بر چوق غنائم بولوندی وضبط ایدیلدی . اولره آتش
ویریلدی . تاتارلر ازنیه قدر ودکیز کنارینه قدر ایلریله دیلر .
راست کلدکلرینی یغما وقتل ایدیورلردی . سلیمان چلبی یی اله
کچیرمک ایسته یورلردی . فقط او آوروپایه قاچمشدی .

میرزا سلطان حسین دیگر طرفه ، آناطولینک جنوبی قسملرینه
آقین یاپه رق آقشهری ، قاره حصاری ضبط ایتدی . اهالیدن
برر فدیة نجات ایستدی . کندیسسی قونیهده توقف ایتدی .
مفرزه لری آیدین الکاسنی تخریبه کیتدیلر .

تیمورلنک بازیده بویوک بر حلم ایله معامله ایتدی . اونی
تسلیه ایچون لندیسنه آناطولی حکومتی توجیه ایلدی . مع مافیله
اسارتدن آزاد ایتدی . مصر سلطاننده خبر کوندره رک (۱)

[۱] بو وظیفه ایله مأمور اولان سفیر ۸۰۵ سنه سی ربیع الاولنک
بریده حرکت ایتشدر .

عرض انقياد ایتمه سنی و بوتون ممالککنده کندی نامه خطبه
اوقوتما سنی طلب ایتدی. استانبول ایمپراطورندن ویرکوايسته دی.
ایمپراطور سفیرلر کوندر درك بو تکلیفه موافقت کوسـتـیر کـی
اولدی .

چغتای ایمپراطوری عنوانی طاشیان و آقینه چیقمش اولان
سلطان محمود بو سفردده وفات ایتدی . تیمورلنك بو ولایتلرده
قیشلامق ترتیباتی آلدیغی صیراده از میر شهرینك زنکینلکنی
ومستحکم لکنی خبر آلدی . بر چوق آوروپالی تجارت ایچون
بو شهره کلیورلردی . تیمورلنك بویوک غنائم الده ایتک امید
ایلدیکی بویله بر شهری ضبط ایتک قرارینی ویرمکده کجیکمه دی.
از میر روملرک النده ایدی. بوتون عسکرلرینی طوپلایه رق از میر
پیشگاهنه واردی [۱] . قره طرفندن از میره هجوم ایله متعدد
ما کنه لر قوردیردی . بونلرله غره ژوا آتشی دولو مر میلر
آیوردی . قوماندانلرندن شاه ملک نامنده بری صویک
ایچنده متعدد اسکله لر یاپدیردی . بونلرک اوزرینه
تخته لر قویدی و بو صورتله قلعه نك ده کیز ایله ارتباطنی
کسدی. محصورینده اوقلر و نفت ایله دولو قابلر، غره ژوا آتشلری
ودخه حالنده اوقلر ، طاشلر آتمقدن خالی قالما یورلردی . فقط
مهاجرلرک ما کنه لری قلعه ده بویوک بر کدیک آچدیغی جهتله
تاتارلر از میره کیردی لر . اهلیدن راست کلدکلرینی اولدوردیلر.

[۱] ۸۰۵ سنه سی جهازی الاولنك ۶ نجی جمعه کونی .

أولر وقلعه خاك ايله يكسان ايدیلدی . انقاض دكيزه آتیلدی .
قلعه ابداء ایچون آوروپادن كلن كمیار كندیلرینه آیلان
روم كلهلرندن و كوردكلری خرابیدن فلاكتی آ كلا دیلر .
تیمورلنك بوسفر ایچون اون بش كون صرف ایتشدی . حالبوكه
بایزید از میری یدی سنه محاصره ده طوتمشدی .

تیمورلنك از میره صاحب اولادقن صوكره ، بایزیدك اوغلی
سلیمان چای تمامیه عرض اتقیاد ایده حكمنی تأمین ایچون كندیسنه
سفیرلر كوندردی . بوسورتله ایصره یاقه یاخود آوروپا قلعه سنده کی
تورکیه حكومتده قالدی . بایزیدك دیگر اوغلی عیسا چلمینك
سفیری ده كذاك حسن قبول ایدیلدی . صوكره تیمورلنك
میرزا محمد سلطانی از میر كورفرزنده فوچه قاعه سنه هجومه كوندردی .
برچوق خرستیان بورایه چكیلمشردی . فوچه قاعه سی عرض
تسلیمیت ایتدی . طلب اولونان ویرتویی تأدییه ایتدیجی جهته
تاتارلردن قورتولدی .

تیمورلنك از میری ترك ایدركن ساقیز آطه سنده حكمران
اولان ذات طرفندن ۱۱۱ بر مأمور مخصوص كلدی . بوسفر
متبوعنك تیمورلنكه عرض اطاعت ایتدیكنی تبایغه كلیور و ویركو
ویرمك تكلیفنده بولونیوردی . تیمورلنك اثنای راهده اولوغ بورانچی
[اولوبورلو؟] صوكره ، فلك آباد كولی كنارنده حمیدایلی ولایتنده
كائن اكر دیری و بو كول اوزرنده بر آطه ده كائن اسبینی ضبط ایتدی .

۱۴۰۳

آقشهره واصل اولديغى زمان بايزيد خسته لاندی و فجئته وفات ايتدی [۱]. تیمورلنك، اوغلى موسا چابى يه برچوق هديهلر ويردك پدرينك نعلنى بروسه يه نقله مأمور ايلادی . صوكره، خسته اولان طورونى ميرزا محمد سلطانى كورمك اچون آقشهردن چىقدی . يولده طورغود قبيلاه سینه منسوب تورلملرى بوزدی . بونلر ك رئيسلرى حضر بك ايله ابراهيم عصيان و برطاغده تحصن ايتمشلردی . تیمورلنك قاره حصاره واصل اولديغى زمان طوروتى حالت نزعه بولدی . وفاتى كندىسنى بك متأثر ايتدی . بوتون سراى ماتم طوتدی . عىنى زمانده مصر سلطانى طرفندن سفىراركلهرك هديهلر تقدیم ايتديلر و متبوعلرينك عرض انقياد ايتديكنى بيلدیرديلر . تیمورلنك اوزمان قاره تاتارلر ك نزدنده ایدی . هلاكو خان وقتيله بونلرى تاتارستاندن كتىرمشدى . صوكره اناطولى و سوريه حدودلرينه يوللايه رق يانندن اوزاقلاشديرمشدى . ابوسعيدك وفاتندن صوكره بوتاتارلر توركلرك خدمتنه كيرمشلردی . هيچ بر ويرلو ويرمدكلرى جهته غايت كسب قوت ايتمشلردی . مقدارلرى تقريباً قرق بيك عائله يه بالغ اوليوردى . بونلرى توركستانه يوللاق نيتنده بولونان تیمورلنك اطرافلرينى عسكربيله چويرتدی ، اردوسنه آلدی . آماسيه ، سيواس و قيصريه جوارلرينه يايلىشلردی .

تیمورلنك بوسفردن صوكره تكرر شرق يولنى طوتدی .

[۱] ۸۰۵ سنه سى شعبانك ۱۴ نجى پنجشنبه كونی .

کورجستانه کیرمک ایچون یکی وسیله لر بولدی . قرال جورجی
 وعدی موجبنجه سرايه کلمه مشدی . بناءً علیه تیمورلنک منکول
 طرفلرینه کیتدی . اوراده ماردین حاکمی عیسا کندیسنه عرض
 احترامات ایتدی . شمدی به قدر تیمورلنکك حضورینه چیتمغه
 جسارت ایدمه مشدی . برچوق سنهك ، تراکم ویرکولریله
 قیمتدار هدیه لر کتیریوردی . کورجستان حکمدارلرندن
 آق بوغانك اوغلی ایوان ایله جورجینك برادری کوستندیلده
 کلدی . تیمورلنك قارصه واصل اولدیغی زمان میرزا ابوبکره
 بغدادك وبوتون جوار ممالکك اداره سنی ویردی وبغداد شهرینی
 تکرار بنا ایتمه مأمور ایله دی .

کورجستان قرالی تیمورلنکك کندی اراضیسنه کیرمش
 اولدیغی خبر آلیر آماز تاتار حکمدارینی تسکین ایچون
 سفیرلر کوندردی . فقط سوزلرینی دیکله تهمدی . سرايه بالذات
 کلمه سی ایچون امر کیتدی . تیمورلنك کرتین قلعه سنه یاقلا شەرق
 محاصره ایتدی . بوقاعه مرتفع ، دیک ، یالچین برداغ تپه سنده
 ایدی . اطرافنده دزین اوچوروملر واردی . جنوب طرفنده کی
 برقایا قلعهدن ده مرتفع ایدی . بوقایا به آنجق مردیوهن ویا ایپ
 ایله چیقیلایلیردی . دولامباجلی . غایت دار و اوچوروملرله محط
 . یولدن داغه چیقماق قابلدی . کورجیلر هر طرفی تحکیم ایدهرک
 یوقاریده اولر یاپمشار ، صهرنجلر قازمشلردی . ترال نامنده کی
 رئیساری اولدقجه چوق ررقوه محافظه یه قوماندا ایدیوردی .

بو قلعه نك محاصره سنده تشبث ايديلمه سي مشكل كورونيوردى .
 بردشمن مملكتى اورتەسندە اوزون مدت اچون ذخيره يە وحتى
 صويه مالك اولمق ايجاب ايدىوردى . فقط اك بويوك مانعەلرى
 اقتحام ايتىمكە آليشمش اولان تيمورلنك مايوس اولمادى [۱] .
 اهالى بر طاقم هديه لرويره ك تيمورلنكى اوزاقلاشدىرمق ايستەدىلر .
 تيمورلنكك هجوم نيتىدن فارغ اولمادىغنى كورنجه آنجق اوزمان
 مدافعه يە ، مدەش صورتە اوق وطاش ياغدىرمغە باشلادىلر .
 تاتارلر ، اچنە قوۋە محافظە قويىمق فكريلە متعدد كوچوك قلەلر ياپدىلر .
 قيشى اورادە كچيرمك احتمالى دوش-ونيورلردى . صوكرە
 آلتىرىنى ، ماكنەلرىنى قوردىلر . شاتويه حاكم مرتفع صحنەلر
 بنا ايتدىلر . كيجه لين برمكرىت غايت يوكسك بر قاينك
 اوزرىنە چىقمق چارەسنى بولدى . ايلرلە طيرمانىق سايەسندە
 قاينك اوزرىنە اللى كيشى چىقايلىدى . بو قايدان قلعه يە دار
 بريول واردى . يولدن آنجق يان يانە اوچ كشى كچه بىلىردى .
 ايلرى يورومك جسارتى كوسترنلر ك پيشدارلرى تلف اولدى .
 نهايت بعضيلرى قلعه نك قايسىنە قدر ايلرلەدىلر . شدتە بر
 مجادله دن صوكرە قاپىنى قىردىلر . محصورين چارە قالمادىغنى
 كورنجه امان دىلەدىلر . بوتون رؤسا توقيف ، قلعه ضبط
 اولوندى [۲] .

[۱] ۸۰۶ سنه يى محرم نك ۱۴ نده محاصره ايتدى .

[۲] ۲۳ محرمده .

تیمورلنك آجاسلار مملكتنه مفرزدلر كوندردى. عسكەرلىرى
 كندىلرینه يول آچقايچون آغاچلىرى كسمك مجبوريتىندە قالدىلار.
 تیمورلنك دە بالذات كورجستان ايجريلرینه كىردى ، ىدى يوز
 كوى وقصبه يغما ايتدى . خرستيانلارك مناسترلىرىنى يىقتى ،
 مرمردن وكسمه طاشدن معمول متعدد كليسالرى خراب ايلادى.
 كورجيلر اك يوكسك داغلردە مغارەلرە وقايالرە قاقچىلردى .
 مع مافيه بورادەدە تانارلردن قورتولامادىلار . چونكه تانارلار
 صاندة ، كىرييورلر، ايلرلە صاندىلرى قايا تپەلرینه چكىيورلردى .
 بو صورتە كورجيلرى تعقيب ايتمكدە ايدىلار . كورجستان
 قرالى جورجى بوتون مملكتنك خراب اولدىغى كوردەرك
 تیمورلنكدن صلح استرحام ايتدى . تیمورلنك بيك ناز ايله
 بوكا راضى اولدى . تفليسدە ايكي كون قالدقن صوكرە قارە
 باغە كىتدى . بىلقان شەرىنك يكىدن انشاسيله مشغول اولدى .
 صوكرە قىشى قارە باغدە كىچىردى . جوار حكمدارلارك كافەسى .
 كيلا ن حكمدارلارى مستىنا اولمق اوزرە، بورايە كلدىلار . بوندن
 دولاي تیمورلنك ميرزا شاه رخك قومانداسى آلتندە كيلا نە
 عسكەر سوق ايتمكە قرار وىردى . تانارلارك قىربى بو حكمدارلارى
 دائرە اطاعتە ادخال ايتدى . بوتون قىيايلر عرض تسليميت
 ايتدىلار . نهايت، تیمورلنك غرب مملكتلرندە ىدى سنە قالدقن
 صوكرە سمر قندە دونمكە حاضر لاندى ۱۱۱ . وقتيله ۵۱۱ كو

۱۴۰۴

[۱] قارە باغدن ۸۰۶ سنهسى رمضانك ۱۴ نده حركت ايتدى .

ایمپراطور لغنی ترکیب ایتمش اولان الکالرك كافه سنه برر والی تعیین ایتدی .

تیمورلنك بر مدت اول دیرزا رستم ایله نویان سلیمان شاهی ری طرفه کوندر شدی . اوراده اسکندر شیخ عصیان ایتمش ، فیروز کوه حصارینی تحکیم ایدرک بوتون عائله سنی قلعه یه طویلا مشدی . صوکره کندیزی رستم دار داغلرینه واورمانلرینه چکلم مشدی . تاتارلر بو الکایه یاقلاشدیلر . نور قلعه سنی آلدیلر . اسکندرک دشمنی اولوب اوراده کندیلرینی بولمغه کلن کیومرثی توقیف ایتدیلر . اسکندرله اوزلاشماق ایسته دکلرینی اثبات ایچون بونی اسکندره کوندر دیلر . فقط بو ایکی امیر تاتارلره قارشى برلشدیلر ، مختصات قالدیلر . کیفیت تیمورلنكه بیلدیرلدى . اوده درحال یوله چیقدى ، فیروز کوه پیشگاهنه کلهرك قلعه یی محاصره ایتدی [۱۱] . بر قاچ هجومدن صوکره قلعه تسلیم اولدی . تیمورلنك اسکندرک اوزرینه یورودی . عینی زمانده قوماندانلردن بعضیلرینی ، دامغان جوارنده عصیان ایتمش اولان قاره تاتارلره قارشى - سوق ایتدی . قاره تاتارلری بحر خزر ساحلنه قدر تعقیب ایتدیلر . اوراده ایچلرندن اون بیکدن فضله سی اتلاف اولوندی ، متباقیسی اسیر آلدی .

تیمورلنك جلاو داغنه دوغرو یورودی . اسکندر بوراسنی ترکه مجبور اولدی . اسکندرک تعقیبنده دوام ایدیلدی . بعض

آقینجیلر اسکندری بحر حزره جوار اورمانلرده معیتده ایکی یوز کشتی ایله بولایلر . فقط غایت جسارتله مدافعهده بولوندیغی جهتله اله کچیریلهمدی . حتی میرزا سلطان حسینیه قارشى شدتلى بر هجوم یاپدی . بوندن صوکره یینه قاچدی . کیلان اورمانلرینه کیردی . اوراده پیشنی براقغه مجبور اولایلر .

تیمورلنك سمر قنده کیتدی (۱۱) . پاختدن اوزون مدتدن برى اوزاقلاشمیشدی . سمر قنده بولوندیغی مدتجه اکلنجهلر وشنایکلردن باشقه برشيله مشغول اولمادی . متعدد حکمدارلرک سفیرلرنی قبول ایتدی . بالخاصه قاستیل قرالی کندیسنه زنکین هدیهلر کوندرمیشدی . بومیانده خایلرده واردی . خالیرک رسملری برعجم مؤرخه نظراً او قدر انجه یاپيلمیشدی که وقتیه رسام مانى (۲) نك آرتن لوحهلری اوزرینه یامش اولدیغی رسملرله مقایسه ایدیلسه ایدی مانى حجابندن یرلره کچهجک و آثاری پک چیرکین کورونه جکدی . تیمورلنك، باغ شمال دنیلن سرايک جنوبنده محتشم بر سرای یاپدی . هر کسمکده پک ماهر اولان وسوریه دن کتیریلن عمله یی انشا آتده قوللاندى . بو عمله موزاییق و قاقه ایشلر اعمالنده ده پک صاحب اختصاص ایدیلر . مختلف رنگده طاشلرله دیوارلره و دوشه مهلره آبنوس وفیل دیشی اوزرینه یاپیلان قاقه لره مشابه قاقه لر یاپیورلردی .

[۱] ۸۰۷ سنه سی محرمنده .

[۲] بوراده موضوع بحث اولان مانى ، مانیکه ئیزم = مایجیلاک .

مؤسسیدر . شریک اک مشهور رسامی اولقله معروفدر .

ایمپراطورلغنىڭ پايتختىنىڭ عودت ايتدىكى زمان بوتون آسيانى
 يد ضبطنىڭ آلىق وبالخاصە جنكيز خان ۽ ئلەسنىڭ طرد ايدىلىش
 اولدىغى چين الكاسىلە حرب ايتىك تصويرىنە دوشن تيمورلنىڭ
 بو بويوك تصور حقنىڭ مەدا كراتىدە بولونمىق اوزىرە بر قورولتاي
 طوپلادى . مجلسك انعقادى مناسبتىلە بر طاقم محتشم شىركىر
 ياپىلدى . تيمورك چوقۇلارندىن بعضىلارى اولندىرلدى . صوكرە
 تيمورلنىڭ مجاسىدە بويوك بر نطق ايراد ايتدى وچىنە هجوم ايتەنك
 نە قدر لازم اولدىغى كوستردى . بوتون رۇسا ، بوكا راضى
 اولدىلار . صوكرە عسكرىك مىقدارى كمال سىتە تەعداد ايدىلدى ،
 بولوكىر تزييد اولوندى . ايكى يوز بىك كشىدن مركب براردو
 وجودە كىتىرىلدى . تيمورلنىڭ ، طاشكەندىك اداره سنى آرغون شاهە
 تودىيە ايتىد كىن صوكرە چين سىفرىنە چىقىدى [۱] . آقسولاتە كىتىدى .
 بوزلر اوزىرىدىن سىيخون نهرىنى كىچىدى ، اوتزارە واصل اولدى [۲] .
 اورادە شىتلى بر حمایە طوتولدى واکتساب عافیت اميدىنى غائب
 ايتدى . طورونى پىر محمد جهانگیرى لىندىسنە خلف اولمىق اوزىرە
 كوستردى و بر مدت صكرە ، یتىش بر ياشىنىدە وفات ايتدى [۳] .

۱۵۰۵

[۱] ۸۰۷ سنه سى جىزى الاولنىڭ ۲۳ نە

[۲] ۸۰۷ سنه سى رجبىنىڭ ۱۲ سىندە .

[۳] ۱۷ شعبان . جلالى تقویمنىڭ ۳۲۶ نجى سنه سىنىڭ اسفندماز

آينىڭ ۱۴ نە .

اوتوز آلتی سنه حکومت سورمشدی [۱] .

بر مورخ [۲] تیمورلنکی بزه شو صورتله تصویر ایدیور :

تیمورلنک اوزون بویلی ، یوکسک آلتلی ، بویوک باشلی ، بیاض
و قرمزی رنجللی ، اوزون صاقلالی ایدی . چولاق و صاغ آياغی
طوپال ایدی . سسی مبدول و نافذیدی . بیوک بر متانت فکریهیه،
لایتزلزل بر اعتماد نفسه مالکدی . اولومدن قورقمازدی ، یالاندن
نفرت ایدر ، حقیقتی-وردی . اویله بر اعتدال روحی به مالکدی که
نه موفقیتده، نه فلاکتده کندیسسی شاشیرمازدی . قونوشورکن،
لطیفه ایدیله سندن ، ظلمدن بحث اولونماسندن خوشلانمازدی .
جسور آدملری تقدیر ایدردی . فعال ، متیقظ ، یورولماز ،
کوربوز ایدی . سلیم بر محاکمه سی واردی . کندیسندن کیزلنمک
ایسته نن شیلری آکلاردی . ارباب ادب و صنعت به بالخاصه حرمت
کوستیردی . ممالکی داخلنده جریان ایدن احوال دن تمامیله خبردار
ایدی . مقصدینی کتم ایدر ، حدید مشرب و حریص جاه ایدی .
مهرنده حقیقت ، سلامت (النجات فی الصدق ؟) کلمه لری محکوک

[۱] درت اوغلی اولمشدی : (۱) - غیاث الدین جهانگیر که کندیسندن

اول وفات ایتش و محمد، پیر محمد جهانگیر نامنده ایکی چوجوق براقمشدی .

(۲) - معزالدین عمر شیخ که پدرندن اول وفات ایتش، پیر محمد، رستم،

اسکندر ، احمد و بایقرا نامنده بش چوجوق براقمشدر . (۳) - میران شاد .

بونکده بش اوغلی اولمشدر : ابوبکر عمر، خلیل، نام ایجال دیکرله محمد

یاخود محمود ، سیه رشتمش . (۴) - شادرخ . چوجوقلری آشاغیده

کوروله جکدر .

[۲] عربشاد .

ایدی . ضرب ایتدیکی مسکوکاتده شو صورتله موضوع اوچ
خلقه کورولور : ۰۰

تیمورلنک وفات ایدنجه ، اوزاقد بولونان اوغوللرینه و بالخاصه شمس الدین
طاشکندده بولونان خلیل سلطان ایله کندیسنه خلف اوله جق
پیر محمد خبرلر کوندریلدی . تیمورلنک ایله برابر اوتارده بولانلر
نعشنی سمر قنده نقل ایچون آنبوس بر تابوت ایچنه قویدیلر .
ایلك تأثرات براز کسب سکون ایدنجه قوماندانلر چین سفرینه
دوام ایدوب ایتهمک مسئله سنی قونوشدیلر . تیمورلنک وفاتی
کیزی طوتمه نی ایستیمورلردی ، چینلیلرله قالموقلرک بوندن
خبر آلامانجه چارچاق عرض اتیاد ایده جکلرینی امید ایدیلیو .
ردی . بونک اوزرینه بوتون اردونک تیمورلنکک طورونی
ابراهیم سلطان قومانداسنده طاشکندده خلیل سلطانک نزدینه
کیتمه سی قرار کیر اولدی . خلیل سلطان اوزمان یکرمی بر یاشنده
ایدی . بوتون سفر اتناسنده خلیل سلطان ایمپراطور نامنی
آلاجقدی ، بر مجلس نیابت تعیین اولونا جقدی . چیندن عودتده
تیمورلنکک وصیتنامه سی اجرا ایدیه جکدی . فقط اردونک
برقسمنه قوماندا ایدن تیمورک طورونی میرزا سلطان حسین سمر .
قندی باصمق اوزره بیک کشی ایله آریله رق بو تصوراتک
اجراسنه مانع اولدی . میرزا سلطان حسینک سمرقنده لیرمه سنه
مانع اوله جق تدابیر اتخاذا ایدیلد کدن صوکره طاشکندده بولونان
خلیل سلطان احوال دن خبردار ایدیلدی . ایشلری تسویه ایچون

عمومی بر مجلس عقدینه قرار ویریلدی. ابراهیم سلطانك عصیانی. بوتون اردویی سمرقندك امدادینه کیتمك اضطرارنده براقدی. بو اثناده، خلیل سلطانایله طاشکندده بولونان نویانلر احوالدن قورقورق اردونك قسم متباقیسنك نصیحتنی دیکله مکسرین خلیل سلطانی اتفاق آرا ایله تخته چیقاردیلر. بو خبر شایع اولونجه هر طرفده اغتشاشات ظهور ایتدی. ایلری کلنلرک پک چوغی بو حرکتک علیهنده بولوندیله. تیمورلنك وصیتنامه سنه رعایت ایدیله سی فکرند، ایدیله. مختلف فرقهلر تشکل ایتدی. تیمورلنكك طورونی اولوغ بك بر اردو ایله سمرقند اوزرینه یورودی. ابراهیم سلطان دده معیتندده کی عسکرله ایلریله دی. هرا یکی ده پایتختی اله کچیرمک نیتندده ایدیله. فقط سمرقند والیسی آرغون شاه خلیل سلطانك تشویقاتنه مغلوب اوله رق قاپلری قاپاتدی. اونك بو ممانعتی خلیل سلطان علیهنده بولونانلری شاشیرتدی. یوجه اور، خلیل سلطانك حکمدارلغنه ایلك موافقت ایدنلردن بری اولمقله برابر نویان برندق خلیل علیهنده بروضعیت آلنجه دهها باشقه لری ده کندیسنه امثال ایتدیله، آرالرنده بر معاهده یاپدیله. بونلر تیمورلنكك وصیتنامه سنی اجرا ایتیه ییمین ایله تعهد ایدیورلردی. خلیل سلطان ده دهها مساعد بر زمانه انتظاراً بوکا موافقه مجبور اولدی. صوکره تیمورلنكك، میرزالرک و اردودده کی نویانلرک بوتون بارکیلرینی، قاطیرلرینی و دوهلرینی ضبط ایله کندیسنه بالخاصه مربوط اولان عراق

عسا كرى رۇساسىنە توزىغ ايتدى . اونلر ك باشنە كچدى ،
 سمر قند بولنى طوتدى . نوپان برندق ايله صاخ جناح عسا كرى
 ايلرىدن كوندردى . بونلر دوبالردن مركب بر كوپرو اوزرىدن
 سيحون نهرىنى كچه جكلردى . فقط خليل سلطانك كىزلى
 دشمنلرى نهر ك اوتە طرفنە كچر كچمز كوپرونى بوزدىلر ،
 بوتون پارچەلرىنى داغيتدىلر . خليل سلطان كوپرونى تعمير
 ايتدىردىك ايرتەسى لون نهرى كچدى . برندق سمر قندە كىتمك
 فىكرندە ايدى . فقط يولده حكومتك خليل سلطانە مربوط
 اولدىغنى اوكرە نجه شاشىردى . حالندن رنك ويرمەمك يولنى
 طوتدى . تكرر خليل سلطانك يانە كلەرك اوكا صداقت يىمىنى
 ايتدى . تيمورلنكك وصيتنامەسىنى اجرا اچون ياپلان ميثاق
 بوزولدى . خليل سمر قندە دوعرو ايلرىلەدى .

بو صيراده ، على آباددە طوپلانمش اولان مخالف فرقه لر رۇساسى ،
 سرائى يعنى قادينلرى سمر قندە يوللايەرق تيمورلنكك يربنە كچه جك
 ميرزا پير محمدك يانە كىتمەنى قرارلاشدىردىلر . بونك اوزرىنە ،
 اولوغ بك ايله ابراهيم سلطان على آبادى ترك ايله [۱] بخارا يولنى
 طوتدىلر . پير محمدە التحاق ايدە جكلردى . يولده سمر قند
 واليسى طرفندن بر مکتوب آلدىلر . والى بو مکتوبىندە شەرك
 قايللىرىنى خليل سلطانە قايماق و شەرى آنجق ايمپراطورلغك
 وارث مشروعى اولان پير محمدە تسليم ايتك نيتىندە اولدىغنى

[۱] ۸۰۷ سنەسى رمضانك اوچىندە .

بیلدیریوردی. اونك وعدلرینه پك اعتماد ایتەن میرزاالرویردکلی
جوابده بونیتده دوام ایتەسی ایچون تشویقاتده بولوندیله. فقط
چوق کچمه دن خلیل سلطانك سمر قنده کبردیکنی ، اوراده
بوتون رؤسا طرفندن استقبال اولوندیغنی ، تخته اجلاس
ایدلك اوزره بولوندیغنی خبر آلدیلر . بخاراده تحصن ایتەکه
قرار ویرهرك سورلری تعمیر ایتدیردیله .

خلیل سلطان سمر قنده آلاى ايله کیردی ۱۱۱ . مملکتك
بوتون ایازی کلنلری کنديسنى سلطان اوله رق قبول ایتدیله ،
آیاقلرینه قایاندیلر . خلیل سلطان تخته چیققدن صکره بومعامله
غاصبانه سنى ستر ایچون ، او زمان اوتوز یاشنده بولونان میرزا
محمد جهانگیره خان عنواتی ویردی ۱۲۱ . صوکره بویوک پدری
تیمورلنك مزارینی زیارت ايله بوتون خزائى اردو قوماندانلری
آراسنده تقسیم ایلهدی .

خلیل سلطان حلیم ، عالیجناب ، مشفق ، خیره میال بر
طبیعتده ایدی . فقط تیمورلنك طویلامش اولدیغنی خزائى
پك مبدول صورتده داغیتیوردی . نویان حاجی سیف الدینك
مستفرشه سى شاد ملك نامنده بر قادینی چیلغنجه سوییوردی .
وقتیله اونکله یزلیجه اولنشدی . تیمورلنك اوقادینی اولدیرتمك
عربشاه ایسته مشدی . خلیل سلطان تخته چیقنجه قادینی بولدیردی .

[۱] ۱۶ رمضانده .

[۲] میرزا محمد سلطانك اوغلی ومیرزا پیر محمدك یکنی ایدی .

آرتق ھې اونك نصيحتياھ عامل اولمغه باشلادی . تیمورلنك شرفالدين
 زوجهلرندن چوغى بو قادىنى استحقار ايتدكلرى جهته اوده هم
 اوللرى تذليل ايتك هم قوجهلرىنى كنديسنه جلب ايله مك اوزره
 بعض نويانلره تزويج ايتمه سنى خليل سلطانە سويلەدى . خليل سلطانك
 اسرافى وبوقادينه قارشى محبتى كنديسنك باعث فلاكتى اولدى .
 تیمورلنكه پك بويوك بر مربوطيت قلیيه بسلا مش اولانلر عصيان
 ايتديلر . خدا داد ، شيخ نورالدين و دها برچوقلرى خليل
 سلطانى ترك ايلديلر . الله دادده بر چوق كشى ايله اوللره پىرو
 اولدى . هپسى سلاحه صاريلديلر . خليل سلطان خداداد ايله
 باريشمغه چالیشهرق بو عصيانى تسكين ايتك فكرينه دوشدى .
 الله داد عاصيلرى ترك ايتدى ، اونك باشنه كلدى . خداداد ايله
 شيخ نورالدين سیرام ، اندكان ، خوجند ، شاه رخيه ، صغناق
 شهرلرىنى و دها سائر مملكتلرى ضبط ايتديلر . قالموقلر ، جواردهكى
 سائر بوتون قوملر سلاحه صاريلديلر و ايشلرىنه كلن الكالى
 اله كچيرديلر .

تیمورلنك طرفندن ولى عهد سلطنت اعلان ايديش اولان
 پير محمد قند هاردن چيقمىشدى ، بويوك بر اردوايله سمر قنده
 يورويوردى . حكومتى كنديسنه براقاسى ايچون خليل سلطانە
 خبزكوندردى . نويانلردن بر چوغى اونك طرفنى التزام ايتديلر .
 خليل سلطان پير محمدە شو جوابى ويردى :

« اكر ايمپراطورلق ازث طريقه انتقال ايدە جكسه پدرم

شرفالدين

عربشاه

میران شاه ایله عمومجه م شاهرخك سزدن زیاده حق واردر .
حکومت بونلر آره سنده تقسیم ایدیلک لازم کلیر . بو تقدیرجه
ایمپراطورلق بنده قاله جقدر . اونلر کندی اللرنده بولنان پارچه ایله
اكتفا ایدهرک ایمپراطورلغی یا کندیلر کلبدن بکابراقه جقلریا خود
بنی کندی و کیللی نصب وتلقی ایله یه جکلردر . تیمورلنك
سزی خلف اوله رق اراثتیدیکی یولنده کی ادعا کزده اساس سزدر .
چونکه تیمورلنك بو ایمپراطورلغی نردن بولمشدر ؛ اوکا قوت ایله
صاحب اولمش دکمیدر ؛ ذاتاً ، اثنای حیاتنده قرارلاشدیردیغی
شیلر و ممالکی اولادلری ، طورونلری آراسنده تقسیم ایتیه سی
تصدیق و قبول اولونمق لازم کلیر . پدرمه آذربایجانی ، عمومجه مه
خوراسانی ، عمومجه زادهم پیر عمره عراق عجمی ، سزده
قندهاری ویردی . بکا هیچ برشی بر اقاماسی حق سزلقدر . ضبط
ایتدیکم قسمی بکا براقکز . هرکس النده کی ایله اکتفا ایتسون .
شاید پدرم ایله عمومجه م سزك مطالبه اتکزی قبول ایده جك اولورلر سه
نیم بوکا بر اعتراض یوقدر . فقط دوشونکزر که حقکز پك باهر
اولسه ایدی جناب حق حکومتك باشقه اللره کچمه سنه مساعده
ایتمزدی . الیوم حکومته بن مالکم ، سزدن باشقه
اعتراض ایدن یوقدر . بناءً علیه حکومت بکا عائددر «
ویردیکی حکملر بویوک بر اهمیتی حائز اولان علمادان بر
ذات ، حکومتك خلیفه عائد اولدیغنی ، چونکه جناب حقك اوکا
حکومته صاحب اولمق امکائی ویردیکنی بیان ایله دی .

صرف تقدیر الہی اوزرینہ مؤسس اولان بو حکمہ طرفیندن
مطاوعت کوسترلمہ دی. قوتلی اردولر طوپلانندی. خلیل کنندی
عسکرینک قومانداسنی عموجه زادہ سی سلطان حسینہ تودیع
یتدی. بو درحال آرغون شاه، الله داد وسائر قوماندانلرله
بلخ اوزرینہ یورودی [۱]. حسین بلخه واصل اولدیغی زمان
بوتون بو قوماندانلری یانہ طوپلایه رق قتل ایدیلہلری ایچون امر
ویردی. الله داد، شایان حیرت براعتدال دم ایله بو تہاہکہ دن قور تولدی.
سلطان حسینہ صورت خصوصیه ده بعض معروضاتده بولونہ جغنی
سویله دی. مقاصدندن دائمًا خبردار بولوندیغنی، فقط بونی کندیسنه
آچاسنه انتظار ایلدیغنی، تیمور خاندانہ قارشی بسلاہ دیکی حرمت
سائقہ سیله او آنہ قدر خلیل سلطانہ قارشی اطاعت ایتدیکنی،
فقط قلبندن اوکا مربوط اولما دیغنی تأمین ایتدی. حسین بوسوزلرہ
کور کورینہ ایناندی. حتی اوتہ کیلرینی قتل ایتدیروب ایتدیرمه مک
ایچون فکرینی صورتی. الله داد خلیلک اونلری حلم و ملایمتی
سایہ سندہ کندیسنه ربط ایتمش اولدیغنی، خلیل تقاید ایتک لازم
کلدیکنی بیان ایله بوکا صورت قطعیه ده مخالفت کوستردی. کندیسنک
جسارت واحتیاطنی صوک درجه مدح ایله سائر شهرزادہ لرک فوقندہ
اولدیغنی آکلاتدی. نہایت، حسین بونلرہ صداقت یمینی ایتدیرد کدن
صوکرہ سمرقندہ یولنی طوتدی. بوصیرادہ الله داد جریان ایدن
بوتون وقوعاندن خلیل سلطانی خبردار ایتشدی. ایکی طرف

کش جواریده قارشیلانیدیلر . حسین ایکی جناحك قوماندانی
الله داده و جبراً کندی طرفنه الحاق ایتدی قوماندانلره ویردی .
مصادمه باشلار باشلاماز ، بونلر کندیسینی ترك ایتدیلر . بوتون
اردو قاجدی . حسین هراتده شاه رخك یانه التجا ایتدی .
برمدت صوکره اوراده وفات ایلهدی .

۱۴۰۶

دیگر طرفدن پیر محمدك اردوسی نهایت جیحون سابلنه
مواصلت ایتشدی . بونهری کچدکدن صوکره نخشب جوارلرینه
کلدی . بوتون قوتلرینی طوپلامش اولان خلیل سلطان بوشهر
اوکنه کیتمکده تأخر ایتمه دی ۱۱۱ . پیر محمدك جسور عسکرلرینی
غائب ایتدی ، قاجغه مجبور اولدی . بومظفریته رغماً ، عراقك
تاتار حکم ونفوذینه قارشى عصیان ایتش اولدیغنی خبر آلان عراق
عسا کړندن بر قسمی برمدت صوکره خلیلك طرفنی ترك ایله ۱۲۱
دجاهیه دوغرو چکیلدیلر . قندهاره عودت ایدن پیر محمد بویوک
بر اردو طوپلامق ایچون یکی بر غیرت صرف ایله بو اردوی
آلهرق جیحونه یاقلاشدی . فقط ایکنجی دفعه ینه مغلوب وخلیل
سلطانك عاطفته دخالته مجبور اولدی . هربرینك مملکتلرینی
محافظه ایتهلری آرارلنده قرارلاشدی . بوقرار اوزرینه آیریلدیلر
[۳] . پیر محمد قندهاره دوندی . اوراده وزیراعظمی پیر علی طاز

[۱] ۸۰۸ سنه سی رمضانك برنجی بازار کونی .

[۲] شوالك برنجی بازار ایرته سی کونی .

[۳] ۸۰۹ تاریخ عجزیسند .

کندیسنه قارشى عصيان و مملکتى ضبط امليله قتل ايتدیردى. فقط قوماندانلردن قسم اعظمى بوتصورانه اشتراك ائتمه دکلری ایچون پیرعلی طاز، هراته شاه رخك ياننه چکیلدی. شاه رخ دخی کنديسنى صلب ايتدیردى و کلوب بوتون قندهاره صاحب اولدی. چغتای ایمپراطور لغنده هرشى سکونت ایچنده کورونديکی صیراده خداداد ايله شیخ نورالدین خلیل سلطاننه قارشى عصيان ایدهرک سمر قنده دوغرو ایلریله دیلر و تکمیل جوارلرینی یغما ایلهدیلر. چونکه اهالی قلعه قاپیلرینی آچقدن امتناع ایتشلردی. خلیل سلطان، طبیعتنک ملایمتنه رغماً ینه عسکرینک باشنه کچمک مجبوریتنده قالدی. شاه رخیه و خجنده طرفلرینه کیتدی. بو شهرلر تسلیم اولدیلر. طاشکندى محاصره یه آلدی. قلعه عرض تسلیمیت ایتدی. صوکره عاصیلری تعقیب ایلهدی. بونلر چوللره قاچدیلر. اوراده آرالرینه نفاق کیردی. بربرلرندن آریلدیلر.

شیخ نورالدین کلوب صغناقی ضبط ایلدی و خلیل سلطان ايله صلح یاپدی. صوکره ۱۱۱، خلیل سلطان الله آبادک معیتنده ۱۴۰۷ برمفرزه کوندره رک قدیم شهردن تخمیناً برفرسنک مسافه ده ترمده قصبه سنی یکیدن بنا ایتدیردی. شاه رخ درحال شهرک اوتیه طرفنده باشقه بر حصارى تعمیره قالقدی. بو ائنده سلطان احمد ايله قاره يوسف، تاتارلری بغداددن و جوارلرندن قوغه رق بوتون

آذربایجانی فتح ایتدیلر . عینی زمانده پیر عمرکالندن عراق عجم
الکاسنی اقرباسندن اسکندر نامنده بری آلدی و کندیسنی
قتل ایتدیردی . شاهرخ اسکندر اوزرینه یورودی . عاصی
اولدیردی ، مملکتی ضبط ایتدی . بو صورتله تیمور عائله سنک
اک قوتلی حکمدارلرندن بری ایلدی .

خلیل سلطان حکومت اداره سندن زیاده شاد ملکه قارشی
عشقیله مشغولدی . مالک اولدیغی مزیات عظیمه یه رغماً بو
یوزدن محو اولدی . هرشی بوقادینک امریله وقوعه کلیوردی .
الله داد ایله آرغون شاه اداره دن غیر ممنون اولدقلری ایچون
خداداد ایله اتفاق ایدرک اونی سمرقندی محاصره یه تشویق
ایله دیلر . خدادادی طرده الله داد ایله آرغون شاه مأمور اولدی .
دشمن قارشیسنه کلدکلی زمان کافی درجه ده قوتلی اولما دقلری
بهانه سیله محاربه دن امتناع ایتدیلر . یکی امداد ایسته دیلر .
خلیل سلطانک بالذات اردویه کلمه سنه لزوم کوستردیلر . خلیل
سلطان معیتنده آز کشی ایله یوله چیقدی . حرکتندن
خبردار اولان خداداد اک ای عسا کر یله اوکا دوغرو یورویه رک اله
کچیردی . بو خیانت الله داد ایله آرغون شاه طرفندن ترتیب
اولونمشدی . خلیل سلطان بوتون قوماندانلرینه دشمننه تسایم
اولمالری ایچون امر ویرمک اضطرارنده قالدی (۱۱) . خداداد
سمرقندی ضبط ایله سلطان عنواتی الله داد نامنده کی براوغلنه ویردی .

شاه رخ بوفنا خبرلری دویونجه عسکرینی طوپلایه رق شاه
ملک قوماندا سنده سمرقند جهتلرینه سوق ایتدی . قوتنه پک
اعتماد ایدمه ین خداداد انتظاری موافق کورمدی . خلیل سلطانک
زوجه سی شاد ملک اورداده براقدی . برمدت صاحبسز قالان
سمرقند شاه ملک کورونور کورونمز قایلرینی آچدی . برآز
صوکرده شاه رخ شهره کیردی . سمرقندده بولونان بوتون
خزائی اله کچیردی ، شاد ملک توقیف ایتدیردی . خلیل
سلطانک سبب فلاکتی اولمش اولان بوقادین زنجیره اوروله رق
بیک درلو حقارت ایچنده سمرقند سوقاقلرنده تشهیر ایدیلدی ،
خلقک حقارتنه معروض قالدی .

خداداد اندکان الکاسنه قاچش ، خلیل سلطانده برلکده
کوتورمشدی . خلیل سلطان برفنالق ایتیه جکسده دایریمین ایتمشدی .
فی الحقیقه یدادار سنده بولونان بوتون ممالکده اونی سلطان اعلان
ایتدیردی . خلیل سلطان نامه امداد طلب ایتک ایچون جتله
الکاسنه کیردی . فقط یاپه جنی ایشلردن خبردار اولان جتله
کندیسنی توقیف ایله قفاسنی کس دیلر . بوتار یخدن سوکره خلیل
سلطان اورداده قالدی ، شاد ملک هجرانندن دولایی شعرلر
یازمغه باشلادی . نهایت شاد ملکدن اوزاقلرده یاشامقدن بیقه رق
عموجه سی شاه رخک یاننه کلمکه قرار ویردی . شاد رخ شاد ملک
کندیسنه اعاده ایتدی . سوکره خراسان والیکسده نائل اوله رق
برمدت کیچنجه اورداده وفات ایتدی وری شهرنده دفن اولوندی .

کندیسنی سون و آرقه سینه قالمق ایسته یین شاد ملک کوکسینه بر
خنچر صاپلادی ، خلیل سلطان ایله عین مزاره دفن ایدیلدی .
ایشته داها مسعود بر حیاته مستحق اولان بو حکمدارک عاقبتی بویله
اولشدر .

۱۴۱۵ بوسورتله شادرخ [۱۱] پدری تیمورلنک بوتون ممالکنه صاحب

دربلو اولویوردی . عدالتی ، دیانتی ، سخاوتی ، جسارتی ودهاسائر

فضائل جنکاورانه سی ایله مشهور اولان بو حکمدار ، هراتک پدری

طرفندن تخریب ایدیش اولان مشهور اختیارالدین قلعه سنی تکرار

۱۴۳۱ انشا ایتدیردی [۱۲] . بوایش ایچون یدی بیک عمله قولالاندی .

هرات و مرو سورلرینده تکرار یاپدیردی . صوکره [۱۳] اوغلی

بایسنغری [۱۴] براردو ایله جرجانه کوندردی . کنج شهزاده بو

الکانک پایختی اولان استرآبادده قرار قیلدی . تورکمن قاره

یوسفک اوغلی اسکندرک تکمیل آذربایجانی استیلا ایتیش اولدغنی

اورده خبر آلدی . بوحوادث اونیشاه رخدن امداد ایسته مک

اوزره خوراسانه عودته مجبور ایتدی . بوتورکمنلرله تاتارلر آراسنده

[۱۱] کندیسنه شاه رخ بهادر یاخودشادرخ میرزا دیرلر . تیمورلنک

۴ نجی اوغلی ایدی . تیمورلنک شطرنج اویناردی . شطرنجده عجملرک شاه رخ

دیدکلری او یونی یاپاردی . یعنی رخ ایله شاهه کیش دیر و مات ایدردی .

اوغانه بواسمی ویرمشد . جهانگیرک اوغلی محمدک حجنده ویاخود سیحون

اوزرنده کندی امریله یاپدیردیغی شهریده شاهرخیه تسمیه ایتشد .

[۲] ۱۱۸ تاریخ مجریسنده .

[۳] ۸۳۵ » »

[۴] عنوانی غیاث الدنیا والدین میرزادر .

شدتلی بر حرب باشلادی . اسکندر مغلوب اوله رق ولایت
ولایت دولاشمق مجبوریتنده قالدی . شاد رخ آذربایجانی اسکندرک
برادری جهان شاهه اعاده ایتدی .

شاه رخ اوتوز سکیز سنه حکومت سوردی . ری جوارنده ،

۱۴۴۶ یتیمش بر یاشنده ، وفات ایتدی (۱) . برقاچ اولاد براقدی .
بویوک اوغلی اولوغ بك کندیسنک یرینه کچدی . ایکنجی اوغلی
ابوالفتح ابراهیمدرکه پدرینک صاغلغنده یکریمی سنه ایرانی اداره
ایتمشدی (۲) . بوشهزاده شیرازده بر چوق مبانى یاپدیرمشدی .
یزدلی شرف الدین علی ، یازدیغی تیمور تاریخنی اوکا اتخاف ایله مشدی .
شاه رخک اوغلارینک اوچنجیسی بایسنغر درکه پک چوق شراب
ایچدیکی ایچون وفات ایتشدی . عادل ومنصف بر شهزاده دییه
معروف ایدی . ادبایی حمایه ایدردی (۳) . دردنجی اوغلی
غزنه وهندستان والیسی سیورغتمشدر (۴) . بشنجیسی
وصو کنجیسی ده میرزا محمد جو کیدر (۵) .

[۱] ۸۵۰ تاریخ هجریسنده .

[۲] ۸۳۸ تاریخ هجریسنده و ۱۴۳۴ تاریخ میلادیسنده وفات ایتشدی .

[۳] ۸۳۷ تاریخ هجریسنده ، ۱۴۳۳ تاریخ میلادیسنده ۳۷

یاشنده وفات ایتمش ، رکن الدین علاءالدوله ، سلطان محمد ، ابوالقاسم بابر
نامنده اوچ اوغل براقشدر .

[۴] ۸۳۰ تاریخ هجریسنده و ۱۴۲۶ تاریخ میلادیسنده وفات ایتشدی .

[۵] ۸۴۸ تاریخ هجریسنده ، ۱۴۴۴ تاریخ میلادیسنده وفات

ایتشدی . بعضیلری شاه رخک ابراهیم سلطان نامنده باشقه براوغلندزده
نحت ایدرلر .

اولوغ بك پدری شاه رخك خلفی اولدی. پدری زمانده
 برمدت ماوراءالنهر و تورکستان ولایتلرینی اداره ایتمیشدی. شاه
 رخك وفاتندن سوکره طورونی علاءالدوله خوراسانك پایتختی
 هراتی وعینی زمانده اولوغ بكك اوغلی عبداللطیفی اله کچیردیکی جهتله
 اولوغ بك اوغلی قورتارمق ایچون یکننه بر سفیر کوندردی
 واونکله صلح یاپدی. فقط بوصلح چوق سورمدی. خوراسانك
 کندیسنه عائد اولماسی لازم کله جکنی ادعا ایدن اولوغ بك قوتلی
 بر اردو و ایکی اوغلی عبداللطیف و عبدالعزیز ایله برلکده
 خوراسانه کیردی و هراتدن ۱۴ فرسنگ مسافهده مرغاب قریبنده
 علاءالدوله بی مغلوب ایتدی. اوده برادر بیبارک یاننه التجا ایله دی. بو ایکی
 قاردهش اولجه دشمن دیلر. جرجان والیسی بابر، شاه رخك وفاتندن
 سوکره خوراسانه لیرمیشدی. هراتی علاءالدوله نك الندن آلمق
 ایسته یوردی. محاربه ایتک فیکریله هراته یاقلاشمیشدی. فقط
 مشترک دوستلر توسط ایدهرک کندیلرینی باریش دیرمشلردی. خبوشان
 الکاسنك آرالرنده حدود تشکیل ایتمه سی قرارلاشمیشدی (۱۱).
 بابر قاردهش نك امدادینه قوشدی. قوماندان خلیل هندوکه بی،
 تعقیب ایچون مرو طرفلرینه یوللادیعی کی کندیسیده هرات
 طرفلرینه یورودی. اولوغ بك ایکی قاردهشك اوزرینه کیتدی،
 اونلری بوزدی، حتی استر آباددن بیله چیناردی، هر ایکسینه ده
 عراقده حکمران اولان سلطان محمدک یاننه التجایه مجبور ایتدی.

صو لره هراته دوندى . اوراده و خودينه لزوم واردى . طيش محلات اهاليسى عصيان ايتمشلر ، باشلرينه توركمن اسكندرك اوغلى يارغلى يي كچيرمشلردى . بونك مقصدى هراته صاحب اولمقدى . فقط اولوغ بك هراته يتيشنجه آسايشى تأمين ايتدى .
 طيش محلاتى عسكرلرينه يغما ايتديردى ۱۱۱ . صوكره
 بخارا طرفلرنده افامت ايتمك اوزره هراتدن چيقدى . پدرى شاه رخك سمر قنده كوتورولمكده اولان توتنه تصادف ايله سمر- قنده قدر اوكا رفاقت ايتدى . شاه رخى تيمورلنكك ياننه دفن ايتديردى .

۱۴۴۸

بابر اونك غيپوبتندن استفاده ايله استرآباده و صوكره هراته كيردى . هرات اهاليسى طيش محلاتك يغماسندن قيزغين اولدقلى جهتله كنديسـنه قاپيلرى آچمشلردى . همان درحال عبداللطيف پدرى اولوغ بكه قارشى عصيان ايله بلخى اله كچيردى . عيني زمانده ، اصل فارس ولايتنده پدرى ابراهيمك يرينه حلاومه كچمش اولان ابو سعيد [۲] ي ميرزا محمد ۱۳۱ حكومتدن اسقاط ايله ديكي جهتله اوده قاين پدرى اولوغ بكك نرينه التجا ايله مشدى . اولوغ بك بر قاچ ولايت ضبط ايچون بو اغتشاشاتدن استفاده ايتمك ايستهدى . مملكتك اك قوتلى اركانندن ايل آرغون ايله برلشهرك اردوسيله برلكده سمرقند

[۱] ۸۵۲ تاريخ هجريسنده .

[۲] ابن محمد ابن ابن ميران شاه ابن تيمورلنك .

[۳] ابن باسنغر ابن شاه رخ .

طرفه يورودى . پدرى اولوغ بىك غىيوتى اثناسنده بو شهرده بولونان عبدالعزيز مقاومت ايدى بياجك برحاله اولمادىغى اچون فراى مناسب كوردى . بونك اوزرينه اولوغ بك ، قلعهك امدادينى قوشمق اچون آموكچىدىنى براقدى . اوغلى عبداللطيف بو فرصتدن بالاستفاده نهري كچدى ، پدرينه هجوم ايله مغلوب ايلهدى . پدرينى قتل ايتديره جك درجده وجدانسزاق كوستردرك تخته صاحب اولدى ۱۸۱ . اولوغ بىك بويوك عزيتلىرى واردى . بالخاصه ، علوم وفنونه بك منسوب ايدى . شرقك اك مشهور هيئت شناسلىرى اونك امريله برلشرك ا مشهور هيئت جدوللارنى تنظيم ايتشلردر .

۱۴۴۹

عبداللطيف ابو سعيدى سمرقنددن طرد ايتدى . صوكره اونكله بر حربى طوتوشدى واسير آلدى . فقط ابو سعيد قاقچق چاردسنى بولهرق بخارا يالتيجا ايتدى . اوراده ، عبداللطيفك آلتى آى سۈرن بر حكومتدن صوكره كندى عسكەرلى طرفندن اتلاف ايدىلدىكى خبرنى آلدى [۲] . اونك يرينه سمرقنده عبدالله [۳] تخته چيقمىشدى . ابو سعيد ياپدىغى انتريقهلر نتيجه سنده بخارا يه صاحب اولدى . صوكره سمرقنده دوغرو يورودى ايسه ده مغلوبىته اوغرا دىغى جهتله توركستانه

۱۴۵۰

[۱] ۸۵۳ تاريخ هجرى سنده .

[۲] ۸۵۴ تاريخ هجرى سنده .

[۳] ابى اراهيم ابن شاه رخ .

۱۴۵۱ قاجدی، ایرتهسی سنه ۱۱۱ کلیتی امداد آلهرق ینه کادی. متعدد حصارلری اله کچیردی. بویوک بر محاربه ده عبداللهی بوزدی. عبدالله تلف اولدی، بوسورتله ابوسعید ماورای سیحون قطع سنک بوتون ولایتلرینه صاحب بر وضعیته کیردی. ابو سعیده قوه معاونه ویرمش اولان اوز بکار سمرقنده کیردیله، برچوق مظالم یاپدیله. ابو سعید اونلری اورادن قوغمق ایچون یالکیز باشنه شهرک قاپیسنه کادی، کندیسینی اهالییه طانییدی. اهالی باشلیجه موقعلری ابو سعیده تسلیم ایتدیله. صوکره یاری جبراً یاری هدیه ویرمک صورتیه اوز بکارلری و خانلرینی اورادن چکیلیمکه اقناع ایتدی. خوراسان اوزمان، یوقاریده بحث ایتدیکمز بابرک النده ایدی. بو حکمدار، اولوغ شاهک رجعتندن صوکره هرات شهرینه صاحب اولمش، چوق کچمه دن اوراده تورکمنلرک رئیس یارعلی طرفندن محاصره آلتنه آلتشدی. اهالی بوتورکمن رئیسینه شهرک قاپیلرندن برینی آچمش اولدینخی ایچون بابر اختیارالدین قلعه سنه چکیلیمک مجبوریتنده قالمشدی. چوق کچمه دن بو قلعه یی ترک ایتدی. یارعلی بو قدر عظیم بر شهرک صاحبی اولونجه حربی بیتمش ظن ایدهرک تمامیه ذوق وصفایه قویولدی، هراتی محافظه یه چالیشمه یی عقلنه کتیرمدی. جوارده دولاشان بابر عساکری یکریمی کون صوکره قاپیلردن برینی اله کچیرمک

یولنی بولدیلر . ذوق وسفاقت ایچنده یار علی یی غافل باصدیلر .
یار علی بابرہ تسلیم ایدلدی . اوده شهرک میداننه کوندردرک
اوراده باشنی کسیدردی .

بوصورتله بوتون خراسانه صاحب اولان بابر، طوس شهرینی
برادری علاءالدوله یه ویردی . فقط بر آز صوکره برادرندن
شبهه لندیکی ایچون اوغلی ابراهیم ایله برابر توقیف ایتدیردرک
ایکیسنی ده هراتده حبس ایله دی . آرتق ذوق وصفادن باشقه
بر شی دوشونمدی . هرات قوماندانلرک ارتکاب ایتدکلری
قاریشقلقلر ایچنده قالدی .

سجستان قطعه سنده شاه حسینک عصیان اونی بو رخاوتدن
اویانیدردی . سلاحه صاریلدی . عاصی یه قارشی سرعتله
یورودی . شاه حسین بابرک پیشدارلرینی کورمکدن حیرته
دوشهرک هر سنه برویرکو ویرمک تکلیفنده بولوندی و قیمتدار
هدیه لر کوندردی . بابر، یوموشادی، خوراسانه دوندی . اوراده
هرشی قارمه قاریشیق برحاله بولدی . بابرک حدت وشدتندن
غیر ممنون اولان امیر هندوکه بر مقدار قوتک باشنه کچمش ، اوزکله
استر آبادی ضبط ایله مشدی . بابر ابتدا غلبه چالامادیسه ده قوماندانی
علی بهادر، هندوکه نی کندی ایله اولدیرنجه غلبه بابرک طرفنده
قالدی .

عینی زمانده ، محبسدن قاچش اولان برادری علاءالدوله ،
عراقده و فارس ولایتنده حکمران اولان برادری میرزا محمدک

يانه عراقه كيتمك اوزره سجستان يولنى طوتدى . علاءالدوله شاه رخك وفاتىدىن سوكره فارس الكاسنى الله كچيرمشدى . ايكي قارداش براردونك باشنه كچدىلر ، خوراسانه ياقلاشدىلر . بابرى مغلوب و ادماد حصارينه التجايه مجبور ايتدىلر . محمد هراته كيردى . اوراده محبوس بولونان علاءالدولهك اوغلى ابراهيمى قورتاردى .

بابر بر مدت قلعه سنده قاپلى قالقدن سوكره استرآباده كچمك اوزره آيورد يولنى طوتدى . محمدك استرآباد والىلىكنى ويردىكى امير حاجى غناشبريندن خلقك ممنون اولمايىغنى بيايوردى . استرآبادى ضبط ايتك اوزره ايكن والى عراقدن اردو ايله يتيشنجه اونىكه حربه طوتوشهق اقتضا ايتدى . بابر غالب چيقدى ، بوتون دشمن اردوسنى قياچدن كچيردى . والى يى ايرآلدى . برحرب وقوعه كاهجكنى خبر آلهرق قوماندانه يارديم ايچون قوشان محمد ، والينك مغلوبىتنى يولده خبر آنجه او قدر استعجال كوستردىكى بابرى قرارگاهنده باصدى وايكنجى دفعه اولهرق ادماد حصارينه چكىلمكه مجبور ايتدى . محمدك ياننده اوچ يوز سواريدن فضله برقوت اولمايىغنى ايچون دشمنى يك زياده تعقيب ايتيى موافق كورمهدى .

محاربه دن اول كرمسيره كوندولمش اولان علاءالدوله بابر ك رجعتندن بالاستفاده هرات اوكنه كيتدى . خلق كنديسنه قاپلىرى آچدىلر . محمد ، كنديسنه مظفريتكنك تكميل شمره لرينى

غائب ایتدیرن بو حرکتی پک قیصقاندی . بر مجلس عقد ایدرک
 بونده خوراسانی ترک ایله عراقه دونمک قرارینی ویردی . اونک
 عزیمتدن خبردار اولان بابر ادماد حصارینی ترک ایله هرات
 یوانی طوتدی . علاءالدوله اوراده کندیسینه انتظاری موافق
 کورمه مشدی . قلعه نك محافظه سنی احمد یساوله براقدی ، بلخه
 قاجدی . هرات ایله قلعه سی ضبط ایدلدی . بوموفقیته اکتفا
 ایدمه ین بابر برادرینی بلخه قدر تمقیب ایتدی . او شهری ده
 برائمه اونی زورلادی . علاءالدوله بدخشان داغلینه النجا
 ایتدی . قار دولایسییه کچیدلر قاپانجه یه قدر بابر کندیسینک
 پیشنی براقادی . بلخی ، قندزی . باقلاقی ضبط ایله بوراده بر
 والی براقدی وهراته دوندی . قلعه نك محافظه سینه مأمور اولان
 اويس بك هراتده عصیان ایتمشدی . فقط بابر اونی علی الغله
 باصدی وخنچرلیدی . عینی زمانده برادری علاءالدوله یی ده
 توقیف وحبس ایتدیردی .

بو اغتشاشات سکونت بولور بولماز برادری محمدک کندیسینه
 هجومه حاضر لاندیغنی خبر آنجه [۱] نه بایا اولورسه اولسون
 صالح عقد ایتک اوزه سفیرلر کوندردی . محمدک نامنی سکه لرد ،
 ضرب ایتمه ، خطبه لردده ابتدا اونک اسمنی اوقوتمه مجبور
 اولدی . بومنافعی استحصال ایتش اولمغله برابر محمد ، خوراسانک
 بر قسمنی اشغال ادعاسینه دوشهرک اسفراین ، بعده خابوران

اوزرینه یورودی. بوراده برادر یله قانلی بر محاربه یاپدی. ایکی حکمدار
صوك درجه ده شدتله چارپشديلر. محمد، جسارتی یوزندن
يك فضله ایلر یلمش اولدیغی جهتله اطرافى احاطه ایدیلدی و
اسیردوشدی. بار قطنی صورتده اندیشه دن قورتولمق ایچون
قاردهشی اولدیرتدی. عین زمانده دیگر قاردهشی علاءالدوله نك
کوزلرینه میل چکیلمه سی ایچون امر ویردی. بونی اجرایه
مأمور اولانلر مرسته کله رك صیجاق دمیری علاءالدوله نك
کوز قاپاقلرینه او قدر خفیف سورتدیلرکه کوز بیکنه برشی
اولادی.

صوکره، بابر ایران قطعه سنه تصرف ایتک اوزره حرکت
ایتدی. ایرانده هرکسی کندیسنه عرض انقیاده میال بولدی.
فقط شیرازه کیرر کیرمز تورکمن جهان شاهک کایتلی بر قوت
ایله عراقه کیرمش اولدیغی خبر آلدی. بوکا قارشی یورومکه
حاضرلاندیغی صیراده برادرى علاءالدوله نك کندیسى علیهنده
یورودیکنی دویدی. در حال عراق عجمک مدافعه سنی ترك
ایله خوراسانک مدافعه سنه قوشدی. فقط هرات والیسی پیر
درویش او کلمه دن اول علاءالدوله یی ری طرفلرینه چکیلمکه
مجبور ایتشدی.

ایرتیه سی سنه لرده بابر ایرانى الندن غائب ایتدی. جهان
شاه بونی ضبط ایلامشدی. برمدتدن بری تورکمنلرک الله کچمش
اولان آذربایجان ایله عراقی استردادده حاضرلاندیغی صراده

سلطان ابوسعیدك جيحونی كچدكدن صوكره خوراسانه كيرديكنی،
اوراد. قوماندانلرینی مغلوب ایتدیكنی خبر آلدی. بونك
اوزرینه عرافی ترك ایله خوراسانه دوغرو قوشدی. ابو سعید
اوکا اوراده انتظار ایتیهی موافق كورمه دی. بابر ابوسعیدك
پیشنی براقایه رق هان آرقه سی صیرا ماوراءالنهره كیردی، ابو
سعیدك تكلیفاته قولاق آصمادی، سمرقندی محاصره یه
باشلادی. بوقلعه اوکنده بوش یره قرق کون قالدقن صوكره
صلحه راضی اولدی. شرائط صلحیه موجبنه جیحون نهری
ایکی حکومت آراسنده حدود تشکیل ایدجکدی.

مؤخرأ ۱۱۱، بابر قوماندانلرنندن برینی کوندردرک سجستان
حکمداری شاه حسینی تحت اطاعته آلدی. شاه حسین خدمتجیلری
طرفندن قتل اولونماسی اوزرینه خوراسانده چیقان بعض قاریشقلقلر
تسکین ایدلدی. بابر، آرتق قورقه جق هیچ بردشمن قالمامش
کبی کوروندیکی صیراده شدتلی برخسته لغه طوتولدی (۲) و بوندن
قورتولدی. بر مدت تبدیل هوا ایچون طوسه کیتدی. امام
رضانك تربه سنی زیارت ایله بر چوق تقدمه لرده بولوندی. بو
اشنده هیچ شراب ایچمه دی. کونلرجه جامعدن چیقما دی.
موزیقه طاقی امام رضانك یادمعالیسی ایله ترنمساز اولیوردی.
مع مافیه بو صوفیلق چوق سورمدی. اسکی طرز حیاته

۱۴۵۵

۱۴۵۶

تکرار باشلادی ۱۱۱، ذوق و صفایه، عشرته قویولدی. بو ۱۴۵۷
 سفاهتک نتیجه سنده بر خسته لغه طوتوله رق ایکی کون ایچنده
 وفات ایتدی. تبعه سی کندیسنه تأسفلر ایتدیلر. خلف اوله رق
 اوغلی میرزا شاه محمدی براقدی. بابرک وفاتی دویولوردویولماز،
 چوقدن بری خوراسان ایله ایرانی ضبط ایچون فرصت بکله یین
 ابو سعید براردوايله هرات اوزرینه ایلریله دی. والی، اختیارالدین
 قلمه سنه قاپاندی. ابو سعیدک تکلیفاته رغماً بورادن حیقما دی.
 شهرک ضبطندن سوکره ابو سعید بو ایچ قلمه یی محاصره ایتدی،
 فقط اله کچیره مدی. حتی احتیاطسزلق یوزندن نیرتو قلمه سنی
 بیاه غائب ایتدی. بورایه کیجه لین مجهول بر شخصی قبول
 ایتشلردی. اوده دشمنه قاپیلری آچشدی.

بوفنا خبر ابو سعیدی کندی مایکتنه دونمکه مجبور ایتدی.
 سلطان عبداللطیفک اوغللری اوراسنی ضبط ایتک تشبشنده
 بولوندقلرندن ابو سعیدک وجودینه لزوم واردی. بوشهزاده لرك
 بلخ اوکنده طوپلادقلری اردوی داغیتمق ایچو. عسکرینک الک
 ایی قسیمیله قوماندانلرندن برینی اوکدن یوللادی. احمد و جوکی
 اسمنده کی بوشهزاده لر انضباطی یرنده اولمایان عسکرلریله بر حربه
 کیریشمک احتیاطسز لغنده بولندقلری جهته مغلوب اولدیلر. احمد
 بر مصادمه ده مقتول دوشدی. دیکری بیك زحمتله قاچه بیلدی.
 سعید قیشی بلخده کچیردی. اقربالرندن علاءالدوله ایله میرزا

ابراهیم حیقاردقلری اغتشاش و بالخاصه آذربایجان و خوراسان
طرفلرینه تورکمنلر حکمداری جهان شاهک یاپدیغی آقین یوزندن
بلخی ترک ایتمکک مجبور اولدی. هراتی دشمن استیلاسنه معروض
براقدی. اهالیسی ده تورکمنلرک مظالمه معروض قالماق ایچون
شهری تخلیه ایتدیلر. جهان شاه هرات جوارنده بولوندیغی
صیرالرد، یکی قوت طوپلامش اولان ابو سعید مرغاب نهری
قربنده اونک اردوسنی باصدی. ابوسعیدک حرکاتی ترصد ایتمک
اوزره پدری طرفندن کوندرلمش اولان پیر بوداق، قرارگاهنه قدر
پوسکور تولدی. بو موفقیتسزک، آذربایجاندن کلن فنا خبرلر ده
انضمام ایدنجه جهان شاهی اورالری ترکه وقومانلارندن برینی
صلح مذاکره سی ایچون ابو سعیده کوندرمکک مجبور ایتدی.
سمرقند سلطانی ابتدا جهان شاهک آذربایجان ایله اکتفا
ایدرک عراق عجمده و خوراسانده مالک اولدیغی یرلرک کافه سنی
کندیسنه ترک ایتمه سنی ایسته دی. نهایت، اوزون مذاکرادن
صوکره مراقک جهان شاهه قلماسی، سمنان شهرینک خورا-
سانده کی حکومتنه حدود تشکیل ایتمه سی قرارلاشدی. بونک
اوزرینه تورکمنلر عراق دوندیلر ۱۱۱۰. مع مافیه، کمال تأسفله ترک
ایتدکلری خوراسانده بویوک تخریبات پامتدن کری قالمادیلر.
بو تهلاکلی دشمنلردن بوزولان ابو سعید هراته کیردی.
تورکمنلرک استیلاسی یوزندن بوزولمش اولان آسایشی اعاده ایتدی.

۱۴۵۸

کندی محافظه سی ایچون ایکی بیک سواری آلیقویہ رق اردوسی
ماورای سیحون قطعہ سنہ کوندردی .

مع مافیہ چوق کچمہ دن ابو سعید تکرار سلاحہ صاریغہ
مجبور اولدی . مملکتلرینی متصل توسیعه چالیشان علاءالدوله
ایله میرزا ابراهیم ومیرزا سنجر ابو سعیدک عسکر سز اولدیغی
زمانی فرصت بیلرک کلوب کندیسنه هجوم ایتدیلر . ابو سعید
ایکی بیک عسکرله حربہ کیریشمک اوزره اولرہ قارشى یورودى .
حرب باشلا یا جفی صراده ، قوماندانلرنندن بری یکی قودا امدادیہ
کتیردی . بو غیر منتظر امداد سایه سنده دشمنلرینی سرخس
ایله مرو آراسنده بوزدی . میرزا سنجر اسیر وقتل ایدلدى .
دیگر ایکیسی قاچدیلر . ابو سعید مظفرانہ ہراتہ دوندى . آرتق
ہر درلو اندیشہ دن آزادہ بولوندیغی جہتلہ علی الغفلہ النندن
آلنش اولان نیرہ تو قلعه سنی استرداد ایتمکی دوشونمکہ
باشلادی . قلعه نك ایچندہ کی طرفدارلری آز وقت ظرفندہ اونک
ضبطنی تسہیل ایتدیلر . قلعه پی الہ کچیریر کچیرمز ، اولکی
بوزغونلق اوزرینہ دامغانہ قاچش اولان میرزا ابراهیمک
طوپلادیغی عسکرلہ طوس شہرینہ دوغرو یورودیکنی ، بوشہری
ضبط فکرنده اولدیغی خبر آلدی . فقط میرزانک ناکہانی وفاتی
اونی بو حربدن قورتاردی . بونک اوزرینہ مازندرانہ عسکر سوق
ایتدی (۱) . اورادہ سلطان حسین (۲) حکمدار ابدی . ۱۴۵۹

[۱] ۸۶۱ تاریخ ہجریسنده .

[۲] ابن منصور ، ابن بایقرا ، ابن عمر شیخ ، ابن تیمور .

سبزوار طرفلارنى تخریب ایتىشدى . ابوسعیددە براردوايله آرقەدن
يورودى . بوبوك بر محاربه دە دشمننى بوزدوق حسينك پاختى
اولان استر آبادى اله كچىردى . استر آبادك ادارە سنى اوغلى محمودە
براقدى ، هراتە دونمك ايچون استعجال كوستردى . چونەكە
سجستان ولايتى واليسى شەرى محاصرە ایتىشدى . اونك غىبوتى
اتناسندە اھالى بر قول عسكەر تشكيل ايدەرك دشمننى قوغمشلردى .
بناءً عليه ابوسعیدد عودت ايتدىكى زمان اھالى يە صداقتلارندن
دولايى تشكردن باشقە ياپەجق برشى قالمامشدى . صوكرە، عاصينك
اوزرينە يورودى . عاصى ايچون طلب عفودن باشقە چارە نجات
يوقدى . سلطان كندىسنى عفو ايتدى . والىلكدە ابقايله دى .

۱۴۶۰

ايرتەسى سنە ۱۱۱۱ بوتون ماوراي سىيخون قطعە سنى تخریب
ايتەك دە اولان ميرزا محمد جوگىيە [۲] قارشى يورومك مجبور ايتندە
قالدى . على العجلە سمرقندە كيتدى . مواصلتنى دويونجە جوگى
شاخرخىيە قلمە سنە قاپاندى . ابوسعیدد كندىسنى اورادە محاصرە يە
حاضر لاندیغى صیرادە مازندرانده اردو طوپلامش اولار . سلطان
حسینە قارشى يورومك ايچون بو محاصرەدن واز كچمەكە مجبور اولدى .
ابوسعیددك استر آباددە براقش اولدىغى محمود حسينە قارشى دورمق
ايستە مشسەدە مغلوب وخوراسانە فرارە مجبور اولمشدى . حسين دە
استر آباد پاختتە كىرمشدى . صوكرە، ابوسعیددك ماوراي سىيخون

[۳] ۸۶۵ تاريخ هجرىسندە .

[۴] عبداللطيفك اوغلى

قطعه سنده مشغول اولماسندن استفاده ایتک ایسته نه رک خوراسان
اوزرینه یورودی . بو قطعه نی قولایلقه اله کچیره جکنی امید
ایدیوردی . ابوسعیدک بولایته کوندرمش اولدیغی قوماندانلر
حسینه مقاومت ایده جک قوتده اولماق لرندن هراته قاپانه رق
قلعه نی تحکیم ایتدیلر . حسین هراتی محاصره ایتدی . یکر می کون
قاعه نی دولدی . فقط قوه محافظه نک جسارتی ، ابوسعیدک مواصلتی
محاصره نی فکه کندیسنی مجبور ایتدی . حسین مرغاب نه ری
کچیدنی محافظه ایتک اوزره ابوسعیده قارش یورودی . محمد
جوکی ایله صلح یامق ایچون مسارعت کویسترمش وجیحون نه ری
کچمش اولان ابوسعید ، حسینی عسکری اطرافه داغیلدرق
تخریبات یامقابه مشغول اولدیغی صیراده غافل باصدی . حسین
بر محاربه یه کیریشمه ی موافق احتیاط بولمادی ، استر آباد یولنی
طوتدی . ابوسعید آرقه سندن یورودی ، استر آبادده محاصره
آلتنه کیرمک قورقوسندن شهری ترک ایتمکه اونی مجبور ایتدی .
جرجان و مازندران ولایتلرینی استرداد ایله دی .

۱۴۶۲ . بواشناده ، شاهرخیه یی مهم صورتده تقویه و تحکیم ایتمش .
اولان محمد جوکی محاصماته تکرار باشلامشدی . ابوسعید در حال
هراتدن حرکت ایتدی [۱] . مازندران سفرندن صوکره اورایه
کیتمشدی . ابوسعید اول سمرقنده عزیمت ایله اوراده اوزون
بر محاصره ایچون ایجاب ایدن بوتون تدارکاتی یاپدی . صوکره ،

قوتلى بر اردو ايله شاهرخيه يه ياقلاشدى . قلعه برسنه الكشدتلى
هجوملره مقاومت كوستردى . نهايت ، محمد جوكى صوك درجه يه
كلنجه عرض تسليميت ايتك ايسته دى . فقط سلطان بلاقيدو شرط
تسليم اولماسنى شرط قويدى ، كنديسنى اختيارالدين قلعه سنه
حبس ايتدى . صوكره اوراده ترك حيات ايله دى .

ابوسعيد ، شاهرخيه نى اله كچيردكن صوكره هراته عودت
ايتدى ۱۱۱ . سلطان حسينك خوراسانه يكي بر آقن يامش
اولديغنى وراده خبر آلدى . خوراسانه بالذات كېتمه يه ترك قوماندانلرى
كوندرمكله اكتفا ايتدى . قوماندانلرى مغلوب اولدىلر . فقط
حسين اردوسنك بعض قوماندانلرىنك فرارى حسيني خوارزمه
چكلمكه مجبور ايتدىكى اچون ابوسعيد ، ضايعاته دوچار اولمقله برابر ،
دشمنندن قور تولدى . تأسس ايدن سكون ومسالمتدن استفاده
ايدمرك مرو ۱۲۱ شهرينه كيتدى . اوراده چوقلرينك سنت
دوكونى مناسبتيله بويوك شللكلر يابدىردى . دوكون بش آى
سوردى . هردرلو اويونلر ، كورشلر ياپىلدى . طاق ظفرلر
قورولدى ، شهر آينلر اجرا ايدىلدى . ضيافتلر وىرلدى . چالغىلر
چالندى . شاعرلر تبريكه لر يازدىلر .

ابوسعيد مرو ده بولوندىغى صيراده ، قاره قويونلى توركمىلرى
حكمدارى جهان شاهك وفاتى خبر آلدى ۱۳۱ . بونى حسن بك

[۱] ۸۶۸ » تاريخ هجرىسنده

[۲] ۸۷۰ » »

[۳] ۸۷۱ » »

نام دیگر له اوزون حسن اولدیرمشدی . جهان شاهک اوغلی
اولان حسن علی دشمننه قارشى ابوسعیددن امداد رجا ایتکه
کلدی . ابوسعید بو وسیله ایله عراق عجمک واذربایجانک فتحی
اوکا تبلیغ ایله کندیسنى تکرار موقعنه اصعاد ایدمچکنی وعد
ایله دی . بومقصدله مرو دن یوله چیقدی (۱) . ده ا اوخه ،
امور عالمه پک واقف اولان و بوتون ماوراءالنهر قطعه سنده
مشهور بولنان نصیرالدین عبیداللهک رأینی آلمشدی . آذربایجان
حدودینه واصل اولدیغی زمان برطاقم مفرزه لر تفریق ایتدی .
بونلر کیدوب عراق عجم ایله فارس ولایتی ضبط ایتدیلر .
بوصرده حسن بک صالح تکلیفاتنده بولونیوردی . . ابوسعید
سفیرلری کمال رعایتله قبول ایدیور ، هدیه لرله کری کونده ریوردی .
فقط حسن بکک بالذات نزدینه کلمه سنى ایسته یوردی . ابوسعید
صوکره قاره باغه یوردی . حسن بکک قرارگاهى اوراسی
ایدی ، حسن بک بوتون منبعلری قوروتدی ، ذخائری اورته دن
قالدیردی . ابوسعیدک اردوسی هر کون تلفات ویریوردی .
بو شهرده محاصره ایدیلکدن قورقه رق ابوسعید بردن بره فرار
ایتدی . حسن بکک ایکی اوغلی کندیسنى تعقیب ایله اسیر
آلدیلر . حسن بک ابوسعیدک حیاته دو قونماق ایسته یوردی . فقط
بوتون قوماندانلر بوکاجواز ویرمدیلر ، اولدیرمک لازم کلدیکنی

سویلدیله . باخصوص حسن بك ميرزا يادكارى [۱] مشروع
 حكمدار و جيحونك اوتته طرفنده كى اراضیده تیمورلنكك خلفی
 اوله رق طانیشدی . بناءً علیه ابو سعید ، حسن بكك طلب ایتیش
 اولدیغی صلحه موافقت ایتهدیکندن دولایى ، حیاتی غائب
 ۱۴۶۸ ایتدی [۲] . حسن بك ، ابو سعیدك چادرینك یغماوزوجه سنه حقارت
 ایدیله سنه ماع اولدی . خوراسان قوماندانلرینه یادكارى حکمدار اوله رق
 طانیملری ایچون امر ویردی . حسن بك نرذنده ونديك جمهوریتی
 قانتارینی سفيری اولان قونتارینی اصفهانده حسن بكك سراینك بر
 اوطه سنده ابو سعیدك بر رسمنی کوردی . قونتاری ابو سعیده
 بوزدك Buzech دیر . حسن بكك اوغلی اوغورلی محمد بورسمی
 بر ایپ ایله چکیوردی . دیگر بر اوطه دده ابو سعیدك باشی
 نه صورتله کیلیمش اولدیغی کوستریلیوردی .
 دربلو ابو سعیدك وفاتندن صوکره اون بر اوغلی قالمشدی . میرزا
 محمد ایله میرزا شاه رخ حسن بكك انه دوشدیله و عراق
 ولایتی حصارلرندن برنده اوزون مدت محبوس قالدیلر . صوکره
 محبوسدن چیقارق عراقده قالدیلر . بدبخت بر حیات سوردیله .
 نهایت ، خوراسانه [۳] کچدیله . شاه رخ ساری الکاسنده
 اولدی ، نعشی هراته نقل اولندی . محمد سلطان حسینك

[۱] ابن محمد ابن بایستغر

[۲] ۸۷۳ تاریخ هجریسنده .

[۳] ۸۹۹ تاریخ هجریسنده و ۱۴۹۳ تاریخ میلادیسنده .

النه دوشدى ، حبسه آتلى [۱] . پدرى ابو سعیددن
کابل وغزنه ادارهلرینی استحصال ایتیش اولان اولوغ
بك بوولایتلرک حاکمی اولهرق قالدى [۲] . عمر شیخ
بولوندیغی اندکان الکاسنده قالدى . وفاتندن سوکره ۱۳۱
اوغلی بابره براقدی . بابر مؤخرأ هندستان ایمپراطورلغنی تأسیس
ایتشدر . ابوبکر بر مدت بدخشانی محافظه ایتدیسدهده سلطان
حسین بوراسنی الندن آلدی و کندیسنی قتل ایتدیردی ۱۴۱
کرمسیر وقندهار ولایتلرینی اداره ایتیش اولان سلطان مراد
پدری ابوسعید طرفندن عراق عجمه چاغیریش و پدرینک امریه
کرمان ولایتی ضبط ایتشدی . ابوسعیدک وفاتندن سوکره
قندهاره عودت ایتدی . فقط ، یوسف ترخان اسمنده برعاصی
سلطان حسینک یانه التجایه اونی مجبور ایلهدی . سلطان حسین
سلطان مرادی بر قوه محافظه ایله برادری احمد میرزایه ، سمرقنده
کوندردی ، برادرینک کوستردیکی معامله دن پک منون اولمادیغی
جهتله سلطان حسینک یانه خوراسانه دوندی . اوراده راحتجه
اوتوردی . مؤخرأ [۵] سلطان حسینک بعض قوماندانلریله
نیره تو حصارینه کیتدی . بردها کندیسندن بحث ایدیلدیکی

[۱] ۹۰۵ هجری و ۱۴۹۹ میلادی تاریخنده بر حیات ایدی .

[۲] ۸۹۹ هجری و ۱۴۹۳ میلادی تاریخنده بر حیات ایدی .

[۳] ۸۹۹ تاریخ هجریسنده و ۱۴۹۳ تاریخ میلادیسنده .

[۴] ۸۸۴ تاریخ هجریسنده و ۱۴۷۹ تاریخ میلادیسنده .

[۵] ۸۸۰ تاریخ هجریسنده و ۱۴۷۵ تاریخ میلادیسنده .

ایشیدیلده دی . هراتده قالمش اولان میرزا سلطان خلیل پدری
 ابوسعیدك وفاتندن صوكره بو شهری محافظه ایتك ایسته دی .
 فقط حسین هراتی اونك انندن آلدی . و کندیسنی برادری
 احمدك حکمدار اولدیغی ماورای سیحون قطعه سنه یوللادی . فقط
 بردرلو راحت دورمادیغی ایجون احمد اوکا قارشی عسکر سوق
 ایتدی . مصادمه ده مفتون دوشدی . سلطان ولد ، ارلات
 قبیله سی تورکلری نزدنده خصوصی بر فرد صفتیله یاشادی . کندی
 قوماندانلرندن بری طرفندن زهرلنهرك وفات ایتدی . سلطان
 عمر میرزا پدری ابوسعید اولدیریلدیکی وقت سمرقندده ایدی .
 احمد کندیسنی طرده مجبور اولدی . مرو جوارنده قرارگاه
 تأسیس ایتش اولان برادری ابوبكرك نزدینه چکیلدی . فقط
 ابوبكر ، حسین طرفندن قتل ایدیلدیکی جهتله عمر ابوردونسا
 طرفلرینه چکیلدی . اوراده اسیر ایدیلدی . هپسنگ بویو کی
 اولان و ابوسعیدك خانگی کی تلقی ایدیله بیلن میرزا احمدایله پدرینك
 وفاتندن صوكره هراته قاچان و خوراسانی ضبط ایتش
 اولان سلطان حسین طرفندن طردایدیلن میرزا سلطان محمودی ده
 ذکر ایدرسهك ابوسعیدك شهزاده لرینی تعداد ایتش اولورز .
 سلطان حسین ، عینی تاریخلرده [۱] حسن بك طرفندن
 ایمپراطور اولق اوزره قبول ایدیلن یادگار میرزایی استر آباد اوزرنده
 بسله دیکی امللردن فراغته و حامیسی نزدینه تبریزه التجایه مجبور ایتدی .

مع مافیه ایرته سی سنه (۱) حسن بکک ویردیکی یکی قوه امدادیه ایله جهانگیر حسینیه هجوم ایتدی واونی قاریاب و بلخ طرفلرینه فراره مجبور ایله دی. حسین اوراده یکی عسکر طوپلادی ، ذوق و صفایه دالمش اولان یادکار اوزرینه علی الغفله بر هجوم یاپدی . یادکارک بوتون مملکتلرینی اله کچیردی و کندیسنی اولدیرتدی (۲) .

۱۴۷۰

دیگر طرفده ، سلطان احمد سمرقنده حکمران اولیوردی . خوراساندن طرد ایدیش اولان برادری محمود اورایه کیتدی . ایکی قارداش برمدت پک کوزل کچیندیلر . صوکره محمود . بر آو بهانه سیله طرفدارلرینی آلهرق شهردن چیقادی ، کیدوب بدخشانی ضبط ایتدی . احمدک وفاتنه قدر (۳) ایشلر بومرکزده قالدی . صوکره ، محمود اونک ممالکنی ده کندی حکومتنه الحاق ایله دی . فقط اونسنه ، درت اولاد براقهرق ، وفات ایتدی . چو جو قلرینک اسمی مسعود ، بایسنغر ، علی و اویس ایدی . مسعود پدرینک یرینه کچدی . قارداشلری بایسنغرایله علی عصیان ایتدیلر . علی طوتولدی ، کوزلرینه میل چکیلیدی . فقط رؤیتنه خلل کلمه دیکی جهتله سلطان حسینک نزدینه قاچدی . بایسنغر سمرقنده اوزون مدت مقاومت ایده مدیکی جهتله مسعودک دشمنی خسرو شاه ایله برلکده قندزه فرار ایتدی . مسعودده راحتجه ماورای سیحون قطعه سنده قالدی .

۱۴۹۳

[۱] ۸۷۴ تاریخ هجریسنده .

[۲] ۸۷۵ تاریخ هجریسنده .

[۳] ۸۹۹ » »

۱۴۹۹ بواڭئادە ، كەندىسىنى ھىسەنە سودىرەك قىزى ايله اولمش اولان على قاين پەردەن آلدىغى قوۋە معاۋنە ايله كلەرك مسعودە ھجوم ايتدى ۱۱۱. ماوراي سىيخون قطعەسنە كىردى . تىبەتلىك موفىق اولق اوزرە ايكن خسرو شاھك كوندردىكى اداملك سوزلىرىنە قايلىدى . خسروشاھ عرض انقياد فىكرىندە ارلايغىنە دائر خبر يوللايور و بو وعدلرلە اونى آۋوتىوردى . نتيجەدە ، ھىسەنە نەزىنە دونىكە مەجبور اولدى . خسروشاھ بو ھىلەلرلە ايشلىرى برباد ايتىلدن سوكرە قەندزدە بولونان بايسىغىرە پوصولر قوردىردى . اونى اولدىرتدى و بو صورتلە بوتون بدخشانە صاحب اولدى . اويس بواغتشاشاتى كوردەك توركىستانە ، والدەسنىك اقربالرى نەزىنە چكىلدى . مسعودك ھانكى تارىخىدە وفات ايتدىكى ويرىنە كىمك كچدىكى مەھولدر . مع مافىيە ، اويلە كورونىوركە عىنى عائەدن واحتمالكە كەندىسنىك اولادلرندىن بولمەن ايله كىل مىرزا وفاتىدن سوكرە ماوراءالنھرە صاحب اولمشلردر . بوسلطانلر ، قەندھار ھكىمدارى آرغونك تشويقى اوزرىنە اوزبك خانى شىيەكە قارشى ھربە كىرىشىدىلر . بر محاربەدە مەقتول دوشدىلر . ھكىومتلىرى غالبك ىد تىسخىرىنە كىردى .

دىكر طرفدن ، پەردى ھىسەنە ۱۲۱ يىرنە كچمش اولان بديع الزمان ، شىيەك طرفىدن مغلوب ايدىلدى ، ابرانە اسماعىل ۱۵۰۵

[۱] ۹۰۵ تارىخ ھىرىسەندە

[۲] ۹۱۱ » » وفات ايتىشدر .

صوفينك يانە قاچدى . اوده تيريز شەرىنى كنديسەنە اقامتگاه
 اولەرق وىردى . صوكرە ، عثمانلىلار كىمپراطورى سلیم . شاه ۱۵۱۴
 اسماعىلدىن بوشەرى ضبط ايتدىكى زمان ۱۱۱۱ بديع الزمان استانبوله
 كوتورلدى . اوراده وفات ايتدى [۱۲] . بوقت سايەسندە جنكيزخان ۱۵۱۷
 احفادى تيمورلەنگ كندىلەردىن ضبط ايتىش اولدىغى ماوراى سىحون
 قطعەسىنى الارىنە كچىردىلەر ومتعدد حكومتلر تشكيل ايتدىلەر كە
 بونلار ك تاريخى يوقايدە كوردك . بو حكومتلر سمرقند ، بخارا ،
 بلخ وخوارزمده كى اوزبك حكومتلرىدر .

[۲] ۹۲۰ تاريخ هجرىسندە

[۳] ۹۲۳ » »

بويوك موغولار

تيمورلنك نسلندىن كلەرك ھندىستاندە يرلشەن وبوكون بويوك موغول حكومتلىرى دىدىكىمىز واسەك ايمپراطورلىقى تىخت تىسخىرە آلان موغوللار ك تارىخىيە اوزون اوزادى يە مشغول اولمايدىجىم . بو ايمپراطورلار ك تارىخى حەققىدە المزدە بولونان تارىخلىرىدە دوغرو بر شىئە مصادف اولمايورم . مىراجەت ايدە بىلە جكم شرق اثرلىرىدە يوقدر . بورادە بو ايمپراطورلاردىن بىر ايدىشم اونی اونو تىمش كورونمەكك اچوندر . عىنى زمادە بوتاتارلار ك مىخلف شىعباتى تامما بىلدىرمك مقصدىنە مېنىدر .

دربلو عمر شىخك، پدرى سلطان ابوسعید طرفندىن ماورای سیحون قطعە سىندە اندكان والىسى نصب ايدىلدىكىنى كورمىشك . حسن بك ابو سعیدى مغلوب ايتىدكن صوكرە عمر شىخ وفاتىنە قدر [۱] اندكان حاكىمى اولەرق قالدى . يوكسىك بر یردن دوشمەسى باعث موتى اولمشدى . اندكان الكاسندە یرىنە اوغلى بابر كچدى . بابر ، عائله سىنە مىنسوب بوتون حكمدارلار ك عاقبتىنە اوغرادى ، اندكان ولايتىندىن شىبك خان طرفندىن طرد

ایدلی [۱]. بو تورکمن حکمداری ماورای سیحون قطعہ سنی ۱۴۹۸
تیمور احفادینک الندن کاملاً آلمشدی .

بابر غزنہ یہ چکیلدی، اورادن کابلہ، ونہایت دہلی یہ کیتدی
ودہلیدہ یکی بر ایمپراطورلق تأسیس ایلہدی . دہلینک اوزمان
پاتان خانداننک اوتوز ایکنجی حکمداری اولان آموی شاه
الندہ اولدینی سویلہ نیور [★] . اغلب احتمالہ کورہ غوریلرک
کولہ لرندن برینک نسلندن ایدی وچوق زمان اول دہلی یی الہ
کچیرمشدی . بو بویوک شہرہ و هندستان ایمپراطورلغنه صاحب
اولان بابر وفاتنہ قدر [۲] اورادہ حکمران اولدی و حکومتی
اوغلی ہمایون بن میرزایہ براقدی [۳] .

۱۵۳۰

ہمایون میرزا تختہ چیقنجه شیر خان اسمندہ بر
پاتان رئیسنہ پک چوق اعتبار ایتدی . شیرخان ،
ہمایونک برادری کامران ایلہ اونی تختندن محروم ایتک ایچون
اویوشدی . شیرخان یاخود شیر شاه ، افندیسنی هندستانی ترک
ایلہ ایرانده حکومت سورن شاه طہماس زردینہ التجایہ مجبور
ایتدی . ایران شاہی ہمایونی عالیجنابانہ قبول ایدہرک بہرام خانک
قومانداسندہ بر اردو ایلہ هندستانہ کری کوندردی . ہمایون

[★] دہلی دہ او تاریخدہ (لودی) خاندانندن سلطان ابراہیم
اجرای حکومت ایتکدہ ایدی . مکرمین .

[۱] ۹۰۴ » »

[۲] ۹۳۷ » »

[۳] قاموران اسمندہ دیکر بر اوغلی دہا واردی .

۱۵۵۳ تکرار هند تختہ چیقہرق وفاتہ قدر ۱۱۱ حکومتی محافظہ
ایتدی .

منوشی اکبر اقبیلہ یاد ایدیان جلال الدین محمد پدیری ہمایونک یرینہ
کچدی و موغول ایمپراطورلغنگ حدودینی توسیع ایتدی . اکبر
ایتدا کجرات حکومتیلہ حرب ایتدی . بورادہ دین اسلامہ
منسوب سلطان بہادر حکمران ایدی . پورتکیزلیلر سلطان بہادرک
الندن سورات قریبندہ دیرشهرینی آلمشردی . موغولک تقریبی
بربرلرینہ دشمن اولان ایکی ملتی قوتلرینی برلشدیرمکہ مجبور
ایتدی . پورتکیزلیلر بہادرہ قوۂ معاونہ ویردیلر . فقط متفقہلر
مغلوب اولدیلر . بو مظفریت نتیجہسندہ اکبر بوتون کجرات
قطعہسنی الہ کچیردی . صوکرہ عسکرلرینی دہقان حکومتہ
قارشى سوق ایتدی . اورادہ متعدد کوچوک حکمدارلر واردی .
برامپور و آسردہ مصطفی حکومت ایدیوردی . قاندہ اسمندہ
برقادرین آماد ناغاردہ حکمدار ایدی . دولت آباد ایسہ عنبرک
الندہ ایدی . بونلرک ہپسنی اسکی خصومتلرینی اونوتدیلر ، قرق
بیگ سواریدن مرکب بر اردو طوپلادیلر . ایکی کوچوک
حکمدارایلہ قادین حکمدار بالذات اردونک باشنہ کچدیلر . معافیہ
مغلوب اولدیلر . ہر بری کندی مملکتلرینہ چکیلہرک پاتختی
اوزون مدت مدافعہ ایتدیلر . معافیہ نہایتندہ مغلوبیت کندیلرندہ
قالدی .

اکبر بو مظفريتلردن صوکره سرايی آغرابه نقل ايتدی.
اوزمان بوراسی کوچوک بر شهر ایدی. صوکره، هند حکمدارلاردن
رعنانک زیر اداره سنده بولونان کیتوری ضبط ایلهدی. اوغلی
جهانگیرک چیقاردیغی بر عصیان باصدیردی و اوغلی عفو ایتدی.
کابل جهتنه سکسان بیگ کشیک بر اردو کوندردی. پاتانلرک
قسم متباقیسی اورایه چکیلمشردی. فقط بو اردو چوللرده
محو اولدی. اکبر، مملکتی معمور ایتک ایچون سراينه بر چوق
اجنبی جلب ایتدی. خدمتنه متعدد انکلز طوپچیلری ایله غوآدن
اصنافلر آلدی و بالخاصه بنکاله میسیونرلرینی قوالاندی. اکبر
خرستیانلغه یک میال کوروندیگی جهته راهب ژهروم قساویه
اونک ایچون عجم لسانیه بر تاریخ عیسا یازدی. مسلمانلر
بوندن مرلاندیلر و اوغلی فارابی باشلرینه کچمکه تشویق ایتدیلر.
فارای، مراد نامنی آلدی. فقط قامبایا قربنده وقوعه کلن مصادمه ده
مقتول دوشدی. اکبر دائما اوزرنده زهرلی حبلر طاشیر و
شبه لندیگی قوماندانلرک وجودینی بونلرله ازاله ایدردی. طاشیدیغی
باشقه حبلردن ظنیه بوزهرلی حبلردن بردانه آلدی والی دوت
سنه لک بر سلطنتدن صوکره کندی کنديسینی بلا اختیار زهرله مک
صورتیه وفات ایتدی [۱]. قندهار، کابل، کشمیر، کجرات،
سیندیا خود تاتتا، خندش، برامپور، برامه، بنکاله، اوریقسا

۱۶۰۵

مالوه ، آغرا ، دهلی ولایتلرینک ودها سائر حوالینک صاحب
مطلق ایدی .

اکبر اوله جکی زمان صاریغنی اوغلی سلیمک باشنه قویدی .
اوده سلیم شاه جهانگیر نامنی آلدی . شهرزاده لر دن بعضیلری
جهانگیرک اوغلی سلطان خسرو طرفنی التزام ایتدیلر . خسروک
عصیانندن صوکره اکبر طرفندن میراثدن محروم براقلمش اولماسنی
بهانه ایدیورلردی . جهانگیر ای برمسامان دکلدی .
راحتجه شراب ایچه بیلیمک ایچون خرسنه انلغی سورکورونیوردی .
اغرابی ترک ایله دهاشمالده کائن اولان و بناء علیه هواسی معتدل
بولان لاهوره چکلیدی . نور محال نامنده برقادین کنديسنی استه .
دیکی کی اداره ایدیوردی . اوکا نور جهان عنواتی ویردی .
قادین ، بسله دیکی حرص جاهدن دولایی ایمپراطورلق داخلنده شدتلی
اغتشاشاته سببیت ویردی . انتریقه لری نتیجه سنده سرایدن تبعید
ایدیش اولان شهرزاده لر عصیان ایتدیلر . جهانگیر ذوق و صفا
و عطاالت ایچنده یاشایوردی . ایران حکمداری شاه عباس قندهاری
انندن آلدی . اوغلی سلطان تورون باباسیله محاربه یه کیریشمک
جراآتیی کوستردی . اوزبکلر کابل طرفلرینه آقین یاپدیلر .
و کلاسندن بری سلاحه صاریلدی ، کنديسنی اسیر ایتدی .
ایشته بو قدر اغتشاشاتدن صوکره بر چوق عصیانلر ایله پارچه
پارچه بر ایمپراطورلق براقه رق وفات ایله دی .

شاه تورون ، نام دیکرله ، شاه جهان پدیری جهانگیرک پرینه

کچدی . اوندن دهازياده بختيار اولامادی . پورتکيز ليلر اوزر رنده
 بعض مظفريتلر احراز ايتدی . ذوق وصفایه دالدى ، پک فضله
 مصر فلر یاپدی ، صوکره خسیس اولدی . سرای طاقم طاقم
 آریلدى . چو جو قلى بربرلى علیهنده سلاحه صاریلدی .
 شاه جهان اللرینه اسیردوشدی . اونلرک تخت غوغاسی ایچون
 مصادمه لرینه سیرجی اولدی . نهایت اورنک زیب طرفی غلبه
 چالدى . پدیرینک یرینه او کچدی . ۱۶۶۰ تشرین اولنده ، پدری
 بر حیات اولدیغی حالده تاج کیدی . اورنک زیب هندستانک اک
 قوتلی حکمدار لرندن بری اولمشدر . ویساپور = یجاپور غولقندا ، قارنات
 حکومتلرینی تحت اطاعته آلدی . آلتون تخت معناسی افاده ایدن اسمنی
 اوکا پدری شاه جهان ، یاپدیردیغی محشم بر آلتون تخت مناسبتیه
 ویرمشدی . قیمتی یکر می میلیوندن زیاده تخمین اولونیوردی .
 اورنک زیب دو قسان یاشنده وفات ایتدی . تختی اوغلی شاه عالمه
 براقدی . سلطنتی الندن آلمق ایسته ین قار دشرینه قارشى شاه عالم
 غالب کلدی و آلتش سکز یاشنده وفات ایتدی .

۱۷۰۲

۱۷۰۸

وفاتندن صوکره درت اوغلی هندستان تختی ایچون چارپیشدی .
 وعینی سنه ایچنده ترك حیات ایتدی . ایچلرندن معزالدینه هندستان
 ایمپراطوری نظریله باقیلیور . بونک یرینه یکنی فرخ سیر کچدی .
 ۱۷۱۹ تاریخنده خلع ایدلدى . صوکره شاه عالمک طورونی
 رفیع الدرجات حکمدار اولدی و اوچ آی صوکره قتل اولوندی .
 یرینه کچن برادری رفیع الدوله ۱۷۲۳ تاریخنده وفات ایتدی .

بونك اوزرينه ، شاه عالمك طورونى محمد شاه تخته چىقدى .
 بونك زمان حكومتنده طهماسب قولى خان ، نام ديكرله نادر شاه
 هندستانه كردهرك اوقطعهنى تحت اطاعته آلدى وبرقاچ ولايتى
 الحاق ايله اكتفا ايدهرك محمدشاهى تخته بر اقدى وايرانه دوندى .
 بومو غول حكمدارلرينه تابع مملكتلر برچوق سياحتنامه لرده
 تصادف ايدىلن تصويراته نظراً پك واسعدر . اهالى اچنده قسماً
 تاتارلر ، مسلمانلر ، ايراندن كمش مجوسيلر كى اجنييلرده واردر .
 اهالى محليه كنديلرجه مخصوص بر دينه سالكددرلر . راهبلىرینه
 مسعودى براهمن نامى ويريلير . معبود اعظملى براهما ، ویشنو ، اسوارا
 ياخودايسورتدر كه بوكاشيو مان ده تسميه ايدىلكددر . بو برنجى درجه
 معبودلردن صوكره اوچ يوز اوتوز مليون معبود دها قبول
 ايدىورلر . بونلرك بر قسمى ملائكه در ، بر قسمى ارواح خيسته در . بعض
 محررلرك افاده سنه نظراً براهمان ياخود براهمن بر هند حكمدارى ايدى .
 بوتون هند ايلرك رئيسى و واضع قانونى اولمش ، علومى ايلر يلمش ،
 معادنى و بونلرك استعمالنى كشف ايله مش ، معبدلر ياپدیر مشدر .
 بومعبدلره اون ايكي بر جى و سياراتى ترسيم ايتدیر مشدى . سيند
 هيند يعنى « كتاب عصر الاعصار » نامنده بر كتاب وجوده كتير مشدر .
 براهمن كواشك هر بر جده اوچ بيك سنه قانديغنى و تام دورى اوتوز
 ايكي بيك سنه ده ياپديغنى ظن ايدىوردى . بو بويوك دوردن
 صوكره دنيا تماميله تبديل حال ايدهرك هر ج و مرج اولاجق ،
 شمالده بولونان جنوبه كيچه جك ، چوللر قابل اسكان حاله كله جك ايدى .

فقط هندلیلرک کافه سی دنیانک بوتجددی مسئله سنده متفق دکلدرلر .
بعضیلری یتیش بیک سنه صو کره وقوعه کله جگنی سویلیورلر و بوانقلاب
عظیمه هزاروانی نامنی ویریورلر . حکمدار صفتیله براهانک
اوچ یوز سنه [۱] حکمران اولدینی ادعا ایدلمکده در . سیاحلرک
یازدقلری سیاحتنامه لر واسطه سیله طانیدیغمر هند دینی حقنده
تفصیلاته کیریشمه یه جگم . بونلره علاوه ایده جک خصوصی
بر معلوماتم یوقدر .

[۱] یرینه اوغلی بهبود کچمش اولدینی سویله نیور . معبدلرک مقداری
بونک زماننده تزیاید ایتشد . اونک دورنده انسانلر علمه پک میال ایدیلر .
فارد نامی ویریلن او یون اووقت ایجاد ایدلدی . بهبود یوز سنه حکومت
سوردی . یرینه کچن اوغلی زمان ایران و چین حکمدارلریله پک چوق
حرب ایتدی . ۱۵۰ سنه حکومت سوردی . صو کره فوز یا خود فور
۱۴۰ سنه حکومتده بولوندی . یعنی اسکندر مغلوب ایتشد . صو کره
دابلیم حکمدار اولدی . بونک دورنده پیایابی « کلیمه و دامنه » یی یازدی .
بواثر هندلیلرک اخلاق و سیاسباتی احتوا ایدر . خلفی یالهیتم دورنده
شطنج ایجاد اولوندی ۱۲۰ سنه سورن حکومتدن صو کره هندلیلر آیرلدیلر .
برسند حکمداری ، بر قانوج ، بر کشمیر ، برده مانلیر حکمداری ازلدی .
بوصو کنجی یه باله ارا دیه لرلردی . مسعودینک نقل ایتدیکی عنعنه بودر .

قالموقلر ياخود ألتلر

قالموقلرک وياخود نام دیکرله ألتلرک تاریخی ، بالخاصه
اونلرک حکومتی تولید ایدن ایلک انقلاب زمانلرنده بزم ایچون
هیچ معلوم دکلدر . بعض محررلرک بیاناتنه نظرأبوقالموق خانلری
غوبیل تیمورلنک نسلنددرلر . فقط هانکی شهراده دن کلدکلرینی بیامه یورز .
بونلری جنکیز خان نسلندن عد ایتک دها حقیقته یقین
اولوردی . چونکه جنکیز خان احفادی تیمورلنک زماننده
بو مملکته حاکم ایدیلر . تیمورلنک قالموق ایمپراطورلغنی محو
ایتدیکی ده پک معلوم دکلدر . تیمورلنک اوراده بویوک آقینلر
یاپدی ، حکمدارلری قاجغه مجبور ایتدی . مع مافیه تاریخ
بزه تیمور اولادینک تاتارستانک بو قسمنه صاحب اولدقلرینی
بیلدیرمه یور . یالکز اویس ابن احمد ابن ابو سعید تورکستانه
والده سنک اقربالری نزدینه چکیلمشدی . بلکه صوکره یاکندلسی
یاخود اولادلری اوقطعه یی ضبط ایتش اولابیلرلر . هر حالده ،
بو حکمدارلره قونتایش یاخود دها طوغروسی خان تایش
وچونغ کار Tchong-kar یاخود خونغ کار Chiong-kar نامنی
ویریورلر . معناسی « شرق مملکتلرینه حاکم » دیمکدر [*] .

[*] عجا بزم « خنکار » کلمه سی بورادن می کلیور ؟

كچن عصر ك بدايتلرينه دوغرو بو واسع الكالر باتور قونتاييش طرفندن ادارايدىكده ایدی. بونك: وقوز زوجه سندن اون ايكي اولادی قالدی. سىغا اسمنده كى الكويوك اوغلى كىنديسنه خلف اعلان ايدیلدی. تبعه سنك بويوك قىسمى وديكر اولادلى اوزرنده حكم ونفوذ حقنى اوکا ویردی. قارداشلى اطاعته مجبور اولدىلر. باتور قونتاييشك وفاتندن سوكره سىغا تخته چىقدى. تاتار عاداتى موجىبنجه بارانتولا ياخود لاهساده اوتوران دالای لامادن قونتاييش عنوانى آلدی. قارداشلى اونك حكمدارلغى قىصقانه رق بر كىجه كىندىنى قتل ايتدىلر. عقللى وجسور بر قادين اولان زوجه سى، كوچك ياشنده كى اوچ چوچوغى ايله [۱] سايسانلىرى يعنى مملكتك اكابرىنى طوپلادی، قاتللىرى ياقه لادی واونلىرى اعدام ايتدىردى. سوكره، حكومت سىغانك قاردهشلى اولوب بارانتولاده بولونان جهنم تكملىف اولوندى. فقط بوشهزاده كىندىسنك بر علم آدمى اولدىغى، عسكرلك اچون دكل بر لاما اولمق اچون چالیشدىغى جوا بایلىدىردى. مع مافیه بويوك لاما نهايت كىندىسىنى برادرینه خلف اولمق اوزره تاتارستانه لچمكه اقناع ايتدى. تخته اوتورور اوتورماز آرقه سندن باشتوخان عنوانى ده كوندردى. اونك حكومتندن اول قالموقلر مختلف رؤسا طرفندن اداره ايدىلیرلردى. باشتوخان بو رؤسانك برچوغى تحت اطاعته آلدی. خلفى ايسه هپسىنى تحت تابعیتنه آلمغه موفق اولدى.

[۱] تساهان آراپتان ، سولوم آراپتان دانشین آمو .

صوئەلەرى بو حکمدار سايسان گولى جوارلرنده ساکن
چچن خان ايله سترې ایدیوردی . چچن خان باشتو خانك
الکاسنه کیردی . لهت گولى قربنده کائن سوئی چولم نامنده بر
موقعی ضبط ایتدی . جوارده کائن بویوک بر داغی اوچ گونده
کچمک ایچون حاضریق کوردیکی صیراده باشتو خان اونک اوزرینه
یورویدرک گرویه پوسکوریدی وکچیدی محافظه ایتک اوزره
داغده اوچ یوز قالموق ايله بر سايسان براقدی . چچن کلدیکی
زمان سايسان اونى گرییه طرد ایتدی . باشتو خانده سواری
قوتیاه امداده یتیشدی . چچن خانك بوتون اردوسی پریشان
کندیسی ده اسیر اولدی . کول ایچنده بر آطه ده معیتنده کی قوتدن
اون بش بیک کشی ايله بر لکده باشی کسیدى .

باشتو خان صوکره تالانغوتلری ، قیرغیزلری تحت اطاعته
آلدى . بورتال نهری قربنده ایکی بیک نفرله بر سايسان
براقهرق موغول قالقاسی (۱۱) اوزرینه یورودی ، بونک بوتون
ممالکنی تخریب ایتدی . بو ملتک ایلری کلنلری چینه چکیلدیلر
وچین ایمپراطورینک معاونتنی استرحام ایلهدیلر .

قونتایشک اوغلی اولان تساهان آراپتان وقاردشلی سولوم
آراپتان ودانشین آمبو باشتو خانك کین وحسدینی تخریک ایتکه
باشلادیلر . بونلر بویومشیلر ، باشتو خانه سفرلرنده رفاقت

[۱] بو مخطره محرری ۱۷۲۲ تارینخنده تقریباً قرق سنه اولدیغنی

سویایور .

ایدهرك بر چوق شهرت قازانمشلردی. باشتوخان بو شهرزاده لرك
جسارت و حربده اکتساب ایتدکلری تجربه کندیسى ایچون مضر
اوله جق دییه قورقیوردی. تساهان آراپتان بولونمادیغی برکیجه
قاردشی سولوم آراپتانی برلامانك توصیه سی اوزینه بوغدیردی.
تساهان آراپتان عودت ایتدیکی زمان باشتوخان قاردشنك بردن
بره وفات ایتدیکنی سویله دی. فقط آرانزا با نامنده برلاما
هرشیئی تساهان آراپتانه آکلاتدی و کندیسنى قاقچغه تشویق ایله دی.
تساهان بولاماو صادق یدی قالموق ایله بورونتانا نهرینه دوغرو
قاجدی، اوراده اقامتگاه تأسیس ایتدی. بعض سایشانلرك
و یارکنددن سیریاده تجاربه کلن بخارایلرك معاوتی سایه سنده
بویوك بر قوت قازاندی.

بو صیرالرده چین ایمپراطوری باشتوخانه قالقارده قارشى
حربدن واز کچمه سنى توصیه ایچون بر سفیر کوندرمشدی.
فقط باشتوخان چین ایمپراطورینك قالقارده معاونتدن واز
کچمه سنى واونلردن التجا ایدنلر اولورسه کندیسنه
کوندرمه سنى او قدر متعاضمانه سویلیدی که چینلیرا یله قالموقلر آراسنده
حرب ظهور ایتدی. ابتدا باشتوخان بویوك موفقیاتیه نائل اولدی.
چینلیرى کندى مملکتلرینه قدر سوردی، بعض چین شهرلرینی
تخریب ایله دی. فقط صوکره اردوسنده قیطلق وخسته لقیوز
کوستردیکی جهتله ضعیف وضعیتده قالدی. اوتار یخده تساهان
آراپتان بارانتولاده کندیسنك خان اعلان ایدیلمه سی ایچون بر

چین سفیری ایله مذاکره ایدیور ، چین ایمپراطوری قیزلردن
برینی کندیسنه ویرمک شرطیله باشتو خان قتل ایتدیرمه یی تعهد
ایله یوردی . بومعا هده میدانه چیقنجه برچوق قالموق باشتو خان
ترک ایتدیلر . اردوسی چینلیلر طرفندن مغلوب ایدیلدی . باشتو خان
قیرغیزلرک الکاسنه قاچدی . اوراده کندیسنی زهرله دی .

بونک اوزرینه ، تساهان آراپتان تخته چیقدی ودالای لامادن
اردنی زور وکتو باتور قونتایش عنواتی آلدی ۱۱۱ . یار کند ، تورفان
کاشغر ، آق صو شهرلری و باشتو خانه خفیف بر ویرکو ویرن
دهاساثر جوار شهرلر کندیسنی طایمقدن امتناع ایتدکلری جهته
بونلره هجوم ایتدی و ارکده خان نامنده کی خانلرینی ملتک ایلری
کلنلری واهالینک بعضیلری ایله برلکده حضورینه کتیرتدی .
اوندن صوکره آرتق هپسی قونتایشک یاننده قالدیلر . بعده ،
قوزاقلر جوارنده طوزکول ساحلرلرنده ساکن اولان بوراتلری
تحت اطاعته آلدی . بوراتلره قوزاقلر اکثریا حرب ایدرلر .
قونتایش عینی زمانده آژوکی خانک اوغلی سانزیپک اون
بش بیک چادر ایله پدرینک اراضیسنه کچدیکنی ، یامیشنس کوی
قربنده یرتیش نهری جوارلرنده قوزاقلرله باشقیرلر آراسنده قرارگاه
قوردیغنی خبر آلدی . سانزیپ اورادن صوکره ینه کندی

[۱] ایکی قادین ایله اولمشدر . برنجیسی برتایشک یعنی کوه نور

خانک قیزی چونغو آراپتان در . ایکنجیسی آژوکی خانک قیزی سادره .
زاپدر . چینلیلر بوکاساوانغ راپتان دیورلر .

الکالری داخلنده ایمیل قییلرنده قیشلامق اوزره تبدیل موقع
ایلمشدی . همشیره سیله اولنش اولان تساهان آراپتان کندیسنی
سرایه دعوت ایتدی . فقط سازپ رد ایله دی . یالکنز، دالای-
لامای زیارت ایچون تیمته کیتمک اوزره اراضیسندن کچمک
مساعده سنی ایسته دی .

قونتایش سازپک مقصدی دالای لامادن کندیسنی
اولدیرمک مساعده سنی استحصال ایتمک اولدیغنی خبر آلتجه
سفیری توقیف ایتدیردی و سازپه نزدیکه کلمه سی حقنده
بیهوده یره بر خبردها کوندردکن صوکره بر اردو طوپلادی
وبو اردوی آلتون ایمیل داغلرند صاقلادی . صوکره، مقصدینی هیچ
بلای ایتمه مک ایچون سازپک یانه کیتدی . ایکی کون اونکله وقت
کیچیردک اکلندکن صوکره کندیسنی توقیف ایتدیردی، بوتون
تبعه سنی ممالک مختلف یرلرینه داغیتدی، سازپی پدری آژوکی
خانک نزدیکه کوندردی .

چوق کچمه دن تساهان آراپتان چینلیله اوزون بر حربه
کیریشمک مجبوریتند قالدی [۱] . روایت اولوندیغنه کوره ،
چین ایمپراطوری [۲] قام هییه بر سحر باز قونتایشک ایمپراطورلغی
کندیسنک الندن آله جغنی خبر ویرمشدی . ایمپراطور بوکھانتدن
متأثر اوله رق اوغللرندن برینه قونتایش عنوانی ویردی و کندیسنه

[۱] ۱۷۰۳ تاریخلرینه دوغرو .

[۲] کندیسنه آموغلی خان عنوانی ویریلور .

ولی عهد اعلان ایتدی . صوکره بو اوغلی کندیسنک علمینده
 ترتیبات یاپدیردی و باباسنی حبس ایتدیردی . بونک اوزرینه چین
 ایمپراطوری ، عنوانی کندیسنه ویرمه سنی و کندیسی باشقه بر عنوان
 آلماسنی رجا ایچون قونتایشه برسفیر کوندردی . قونتایش
 بوتکلیفه رضا کوسترمدی . اونى اللهك یعنی دالای
 لامانك ویرمش اولدیغنی سویله دی . روایت اولوندیغنه نظراً
 چین ایمپراطوری وقتیه قونتایشه قیزلرندن برینی ویرمه نی
 وعدايش فقط صوکره بو وعدنی طوتماشدی . ایشته بو ایکی
 سبب ایکی ملت آراسنده بویوک بر حرب تونید ایتدی . عینی
 زمانده [۱] ، قونتایش قیزی جنکیز خانك اوغلی اولوب
 بارانتولا جوارنده بویوک لامانك نزدنده اقامت ایدن هولدان
 چره نایه ویردی .

هولدان چره نا کزیده اوچ یوز دلیقانلی ایله قونتایشك
 سراینه کیتدی . فقط دوکون بیتر بیتمز قونتایش دامادینی
 نزدنده آلیقویدی ، جنکیز خانقارشى چرن دوندوقك قومانداسنده
 براردو کوندردی . جنکیز خان مغلوب اولدی . بوتون عسکرلری
 قتل و پریشان ایدیلدی . روایت اولوندیغنه نظراً چرن دوندوق
 دالای لامانك یانه قدر ایلیله یهرك اونى تختدن ایندیردی ، یرینه
 باشقه برینی چیقاردی . بونک ایچون کوستردیکی بهانه ده شوایدی .
 دالای لاما اولوقو قونتایشك وسائر کوه نورتایشلرینك موافقتی

اولتسزین اصعاد ایدینشدی . یالکیز جنکیزخان راضی اولمشدی .
عینی زمانده دالای لاما وظیفه سنی ده لایقیله ایفا ایتمه یوردی .
ایرته سی سنه قونتایش دامادی هواندان چره نایی اولدیرتدی .
اونی تمکس نهرینک صولرینی زهرله مش اولمقله اترام ایدیوردی .
قونتایشک موفقیاتندن تلاشه دوشن چین ایمپراطوری تاتارستانه
بویوک براردو کوندردی . چینلیلر هامی یی کچدیله . تورفانه قدر
ایلریله دیله . اونلرک حرکتندن خبردار اولان . قونتایش
چرن دوندوق ایله سائر سالیسانلرک قومانداسنده اورایه اردو
کوندردی . چین اردوسنی باصدیلر ، پریشان ایتدیله . تاتارلر
چینلیلری هامی یه قدر تعقیب ایله بوشهری اله کچیردیله .

ایکی سنه صوکره ، چین ایمپراطوری ایکی یوزبیک کشیک
براردو کوندردک هامی یی استرداد ایتدی و تورفانه دوغرو
یورودی . چینلیلر متعدد قلعه لریا دیله . بخارالیلر طرفندن مسکون
اولان تورفان شهرینی ضبط ایله دیله . تورفانی تحکیم ایتدکدن
صوکره سیالیس قربنده قاره شام نهری قییسندن ایلریله دیله .
صوکره ، چوللر آراسندن کچه رک سالیسان کولنه قدر نفوذ ایتدیله .
قونتایشه تابع اک صوک قوملرک ساکن اولدیلری آلتون ایمیل
داغلری قربنده ایمیل نهرینک منبعلرینه قدر ایلریله دیله . اوراده
تقریباً بیک چادر اسیر آلدیلر . بو استیلادن برمدت خبر آلمانان
قالموقلر مملکتلرینک امدادینه قوشدیله . فقط اسیرلری قورتارمغه
موفق اولامادیله . حتی روایته نظر آقونتایشک اوغلی قالدان

چرين [۱] اسير دوشمشدر. فقط صوكره فراره موفق اولدى.
بومحاربه ۱۷۲۳ سنه سنه قدر دوام ايتدى.

چين ايمپراطورى قامهى وفات ايدى كى يرينه كچن اوغلى
پوم چينغ صلح يامق ايچون قونتايشه سفيرلر كوندردى.
عيني زمانده بدايت حكومتدن برى اونكله حرب ايدن قوزاقلر
كنديلرينه قارشى اولان اردونك قوماندانى و قونتايشك اوغلى
سونو دايه يه عرض انقياد ايتديلر. ۱۷۲۷ تاريخنده تساهان
آراپتن وفات ايتدى. يرينه اوغلى قالدان چرين كچدى.
قيرغيزلر، اورونكوتلر، تالونخولر، منغتلر، قويوتسلر، قوشاقوتلر،
بخاراليلر، باراينتسيلر بو حكمدار ك تحت ادار سنده ايديلر [۲]. بو
صوكره كيلر چاردهده ويركو ويريرلردى. حكومتى شمالا روسيه، شرقا
چين تاتارستانى، جنوبا تانغوتلر، غربا قوزاقلر ايله محاط ايدى. آلتش
بيك كشيلاك براردوسى واردى. ايجاننده يوز بيك عسكر چيقار ايليردى.
حكومتك اكايرينه سايسان نامى ويريليردى. ايجلرندن اك ايلرى
كلنى حكمدار ك برادرزادهسى چرن دونوق ايدى. روسيه
طرفلرندى اوتوروردى. اونكده قونتايش قدر تبعهسى واردى.
قونتايش مهم ايشلرده آنجق سايسانلر ك رأينى آلهرق حركت
ايدى ايليردى. خصوصات سائرده ايكسجى درجهده قومندانلرله
استشاره ايدردى. آلتى سايساندن مركب بر محكمهسى واردى.

[۱] بولكله نك مستعمل اولدينى اسملر ك كافه سنه تسهرز ياخود
چاردهده ديرلر.

[۲] ۱۷۲۳ تاريخنده.

حکمر شفاها ویریلیر . مجرملره جرملرینه کوره دایاق آتیلیر
یاخود بارکیر قویروغنه باغلانیردی .

قالموقلر برقاج سنه دن بری حبوباتسز قالملریدی . چونکه
اراضی یی زرع ایله اشتغال ایتمزلردی . فقط بخارالیلری تحت اطاعته
آلدقن صوکره مبذول صورتده بوغدای ، پرنج ، داری ، آریه
ومیوه بولونیوردی . برچوق مواشی بسرلردی . شمال جهتنده
روسرله ، شرق طرفنده چینلیرله ، جنوب طرفنده تانغونلرله
وحتی هندلیرله تجارت ایدرلردی . روسیه دن مختلف رنگده
ماشلر ، سیاه و قرمز دریلر ، ایکنه ، مقاص ، آینه و کورک کی
شیلر آیلرلردی . بوکامقابل باشقه کورکلر ، یارکننده یاپیلان پاموق
بزلر ، ایپکلی ماشلر ویریلردی . کندیلرنده دمیر معدنی بولوندیغی
جهتله سلاح ، زره و مغفر یامغه باشلامشلردی . چادر ، چوخه
و کاغده اعمال ایدرلردی .

بو قومک برسنه سی اون ایکی آیدن ترکب ایدر . هراوچنجی
سنهیه بر اون اوچنجی آی علاوه ایتیکده درلر . بو صورتله اوچ
سنه اوتوز یدی آیدن ترکب ایدیور . برنجی آیه تساهان سارا
یاخود بیاض آی نامنی ویریلر . بومناسبتله عمومی شنلکلر
یاپارلر . بونلرده قونتایش حاضر بولونور . برقیده طیش طرفی
چین ماشلریله مزین برچادیر قورولور . اوکنده مدور و چوقور
بر میدان براقیلیر . یر اوزرینه رنگلرله لامالرك رقص ایدرکن
یاپه جقلری آدیملر اشارت ایدیلیر . لامالر و بوتون خلق طوپلانیدیغی

زمان آلتی دانه بویوک بایراق کتیریلیر . بونلرک هر برینی اوچ مانزی
یعنی لاما چومزی طاشیر . هپسی قرمزی اثواب کیمشلردر .
آرقه لرندە طونجبدن برنوع اهرام ایله ایکی بورو واردر . بونلری ده
عینی صورتده ملبس درت آدم طاشیر . آرقه لرندە دها کوچوک
بورولر طاشیان اوچ کشی کلیر . اک نهایت صاریلر کینیمش
بش کنج لاما ترامپتیلر و باقیر قابیلرله یورورلر . ایکیشر ایکیشر
دیزلشلردر . آرالرندە متعدد اختیار لامالرواردر . بونلر هر زمانکی
اثوابلرینی کینیمشلردر . ایکی طرفده یکریمی قالموق بولونور .
بربری آرقاسی صیرا یورورلر . قالقان ، مغفر ، مزراق و خنچیر
ایله مسلحدرلر . صوکره ، زره ، تفک و قیلیج ایله مسلح اون
بش قالموق دها کلیر . ب آلایک اطرافنی بونلر قوشاتمشلردر .
بونلری ترخان یوروکتولریا خود مشاورلر آت اوستنده اولدقلری
حاله تعقیب ایدرلر . هر برینک رکابنده ایکی پیاده یورور .
بوتون بو آلائی چادرک اوکنه کیدر ، کوچوک میدانک اطرافنه
دیزیلیر . صوکره بر دعا ایدیلیر . اک اختیار لامالر اوچ کره
سجده یه قاپانیرلر . صوکره ، دانس باشلار . یوزلری پچه ایله اورتولو
ایکی آدم چادیردن چیئارلر . میدانده باقر چالغیلرک و ترامپتیلرک
آهنکیله رقص ایدرلر . صوکره چادیره کیررلر . باشقه
ایکی کیشی دها چیقارق عین صورتله رقص ایدرلر . بو صورتله
بش رقص یاپدقدن صوکره یوزی آچیق بر آدام میدانه چیقار .
یالکز باشنه اون دقیقه کاه یاواش کاه سریع رقص ایلر .

آرقه‌سندن بری کلیر. بونکله برابر اوینار. نهایت، میدانک
برکنارینه چکیلیر. بوصورتله اون چیفت متعاقباً نمایان اولورلر
و نهایت هپ‌بردن رقص ایدرلر. عینی‌جنسدن دها برقاچ رقصدن
صوکره باشقه بریره کیدرلر. بوراده بر ماصه حاضر لاشدر.
اوزونده باروت واردر. بوکا آتش ویریرلر. مسلح بر چوق
قالموقلر حال حربده ایسه‌لر دشمنلری بولونان طرفه دوغرو
یوزلرینی چویره‌رک بویوک کورولتو یاپارلر. حزیران آینده
مواشیلرینک محافظه‌سنى تأمین ایچون ینه‌شنلرک یاپارلر. بر ضم
اوکنده یرلره قاپانیرلر. چیپلاق بر قاچ قالموق کبرا فارشیسنده
کوردشیرلر. موفقیتی اونلر تعیین ایدرلر. موفق اولمق ایچون
خصمنی صیرت اوستی یره یاتیرمق لازمدر. فقط پهلوانلرک
بربرلرینی یارالامه‌لرینه دقت ایدرلر.
قالموقلر اوچ شعبه‌یه منقسمدرلر. برنجیسی قالموق چونغارلردر.
ایکنجیسی قالموق قوش‌وتلردر. اوچنجیسی ده قالموق
طورغودلردر. اک کثیرالعددلری واک اهمیتیلری اولان
چونغارلر بر سورو قبیله‌لردن ترکب ایدرلر. بونلر ساییسان
کولی وایل نه‌ری جوارلرنده ساکن ساییسانلره تابعدرلر.
ایکنجیلر تانغوت حکومتی اشغال ایتمکده‌درلر. ایکی خانلری
واردر. بری تبیتی دیکری تانغوتی ایدر. ایکسی دالای لامایه
یاخود بویوک لامایه تابعدرلر. اوچنجیلر بو عصرک ابدالرنده آیوقی
خانک اداره‌سنده دیکرلرندن آریلارق یاییق‌دن کچن و آستراخان
اووالرینه کیدوب اوراده ساکن اولان بر قالموق شعبه‌سیدرلر.

هونلرك تاريخ عمومىسى .



يکرمی برنجی کتاب

بحریہ مملوکاری یاخود مصرده قاپچاق تورکاری
صلاح الدین ، مشهور نورالدین اردولرینک قوماندانی صفتیه
فاطمیلردن مصری ضبط ایتمش ، صو کره کندیسى مصره صاحب
اوله رق نورالدینک احفادی الندن سوریه نك بر قسمنی آلمشدی .
وفاتنده اوغللرینه غایت واسع بر ایمپراطورلق براقدی . اولادلری
بو حکومتی تقسیم ایتدیله . بونلر اسلامیتک مشترک دشمنلرینی
طرد ایچون بر اشمکه مجبور اولدقلری بر زمانده آرالرنده کی نفاق
وشقاق ایله کندى عائله لرینه قارشى عادتاً خیانت ایدیورلردى .
تاتارلر ایرانى و خلیفه نك ایمپراطورلغنى تهدید ایدیورلردى .
فرانقلر سوریه ده یرله شیورلردى . خوارزمیلر فلسطینی ، سوریه یی
وبوتون جوار ممالیکی تخریب ایله یورلردى .

ابوالمحاسن	صالح لقبیه یاد ایدیلن نجم الدین ایوب مصر تحتیه یکی جلوس
ابوالفدا	ایتمشدی . اوده ، سائلرندن بعضیلرینک یاپدیغى کی کندیسنه
ژوانویل	امین عسا کر خاصه بولمق ایچون بونلری اجنیلردن سچمک فکرینه
هایتون	دوشدی . موغوللرک قاپچاق الکاسنه یاپدقلری آقینلر او قطعه
	سکمنه سنی راست کله بر طرفه قاچغه مجبور ایتمشدی . بر چوقلری
	مجارستانه کچمشلردى بر قسمی ده اسیر تجارلرینه صاتیله رق اولر

واسطه سیاه مصره کتیرلمشردی . صالح بو کوله لردن برچوغنی
اشترا ایله ساحل بحرده کائن روضه شهرنده اونلری تربیه
ایتدیردی . بوراده برده قلعه بنا ایتدیرمشدی . ساحل دولایسییه
بوعسکره بحریه نامی ویریلدی . بوندن دولای بو کوله لره «بحریه»
نامی ویردک .

بونلر مؤخرأ مختلف قسملره آیرلمشردر . هربری منسوب
اولدقلری ذاتک اسمنی طاشیرلردی . فرضا عزیزیلر ، صالحیلر ،
الح . دینلیردی . بو کوله لردسلاح استعمالی تعلیم اولوندی . صوکره
بویوک مناصبه تعیین ایدیلدیلر . مصر سلطانک عساگر خاصه و محافظه سی
ایدیلر . کندیلرینه « خلقه » نامی ویریلیوردی . اوزرلرنده
سلطانک آره سی واردی . آلتون زمین اوزرینه کل یاخود قوش
ایشلنمشدی . منشائی شرق کی کورونن بزم آرمامن اوزرنده
اولدیغی کی مختلف اعل چیزکیلرده واردی .

مملوکلردن بعضیلری سلطانک قاپیسی اوکنده بکلرلردی .
بعضیلری سلطان قالقدیغی زمان ویاتدیغی زمان عسکری موزیقه
چالارلردی . باشقه وقتلر خلقه قوماندانک اذن اولمقسزین
بو چالغیلری چاله مازلردی . محارباده تمیز ایدن مملوکلر اک بویوک
مناصب دولته نائل اولورلردی . سلطانک بوخاصه آلای برنوع
مکتب ایدی . اردو قوماندانلری . حکومت آدملری اوراده
یتیشدیریلیوردی . اوزمانلر بو مؤسسهنک پک چوق علیهنده
بولوندیلر و بواجنیلرک صلاح الدین عاتله سنک سبب محوی اوله جغنی

سویله دیلر. بر شاعرك بياناته نظرأ صالح كندی حکومتی داخلنده ابوالمحاسن بوتورکلی تزیید ایتکه نامتناهی فلاکتلر دعوت ایتشد. اگر جناب حق مصر سلطانلرینه معاونت ایتزسه تبعه‌لری ایله برلکده محو اولاجقلردی.

اوزمانلر شام یینه صلاح‌الدین عائله‌سندن اسماعیل اسمنده بر حکمدارک النده ایدی. بونکده لقبی صالح ایدی. صالح اسماعیل فراتقلره دوست ایدی. اونلره قدسی، طبرییه، عسقلانی و یرمشدی. بوندن دولای مصر سلطانی کندیسنه او قدر قیزمشدی که صالح اسماعیل قارشی خوارزمیلره برلشدی، رکن‌الدین بیبرس قومانداسنده کندی عسکرلرینی ده خوارزم عسکرلرینه الحاق ایتدی. بو اردو فراتقلره و شام سلطاننه عائد ممالکی تخریب ایتکه باشلاذی. غزه، قدس و سائر شهرلر بو باربارلرک تخریباته معروض قالدی. سوریه حکمدارلرندن برچوخی مصر لیلره و خوارزمیلره هجوم ایچون فراتقلره برلشدیلر. غزه قربنده بویوک بر محاربه وقوعه کلدی. سوریه اردوسنه قوماندایدن و فراتقلره برلشمش اولان منصور ابراهیم مغلوب اولدی. فراتق اسیرلری بر نشانه ظفر اولدق قاهره‌یه کوتو. رولدی. مصر لیلر صوکره عسقلانی آلدیلر و شام اوزرینه یورودیلر. سوریه مسلمانلری مصر سلطاننک و خوارزمیلرک موفقیات سریعه‌سنه قارشی دورمقده منفعتدار اولدقلری کبی، بوتون ارض مقدسک استیلایه اوغرا دیغنی کورن و اورالردن طرد

ایدیك درجه لرینه کلن فرانقلرده فتح ایچون اوقادر قان
 دوکدکلی و اوزون بر مدتدن بری اللرنده بولوندیردقلى بر
 مملکتی مدافعه آرزوسنده اونلردن آشاغی قالمایورلردی .
 دینک مدافعه سی ، سلاخلرینک شان و شرفی ، شرق فرانقلری
 و اوزمان حکمران اولان مسلمان حکمدارلرندن ده قديم
 بر فرانق دولتینک موجودیتنی مدافعه لزومی بالطبع یکی
 فداکارلقلر ایجاب ایتدیریوردی . ارض مقدسی تهید ایدن
 بو فلاکتلر پایایی لیونده بر محاس روحانی طویلایمغه مجبور
 ایتدی . اوراده شرقه امداد کوندرمکده قرار ویردیلر . بوتون
 برانسلرک ، رؤسای روحانیه نک و بارونلرک حاضر بولوندقلى
 بر جلسده سن لویی اوچ برادری ایله اهل صلیب اعلان ایتدی .
 برادرلری آلفونس ، قونت دوپواتیه : روبر ، قونت دارتوا ؛
 شارل ، قونت دانثرو ایدی . ده بر چوق فرانسز کبراسی ده
 واردی . سن لویی بر قاچ سنه صوکره یاننده قرالیچه ده اوندیغی
 حالده حرکت ایتدی . قبریس آطه سنه کیتدی . اورادن ،
 بویوک بر فیرطنه یه معروض قالدقدن صوکره ، دمیاط پیشگاهنده
 کوروندی [۱۱] . صالح بورایه هر درلو ارزاق ادخار ایتشدی .
 ثروانویل قلعه ده جسارتلریله مشهور کینایلردن بر قوه محافظه وار ایدی . امیر
 عربشاه فیخرالدین بر اردو ایله جوارده قرارگاه تأسیس ایتشدی .
 ابوالفرج قلعه یه تقریبه وقارده یه عسکر اخراجنه مانع اولمغه حاضر لاشدی .

۱۲۴۹

سن لوی النده قلیج ایله ده کیزه آتیدی . ساحله چیقدی .
تقریباً الی بیک محاربیدن مرکب اولان اردوسنی غرب طرفنده
یرلشدیردی [۱۱] . فخرالدین بر مقدار غایعات ویرد کدن صوکره
بوراسنی ترک ایله شرق طرفنه چکیلمشدی . فرانسه قرالنک
شجاعتی اطرافه دهشت ویردی . دمیاط سکنه سی وسن لویینک
هجومنه سور آرقه سندن انتظار جسامرتی کوستردمه یین کناییلر
قاییلری آچدیلر . کیجه لین علی العجابه چیقدیلر . بو صورتله
ترک ایدیلن شهر فرانقلرک انه کچدی . ایچریده بولونان بوتون
ثروتلری وسلاحلری الدهایتدیلر . دمیاطک ضیاعی مصر سلطانی
ایچون قابل تصور فلا کتیرک ال بویوکی ایدی .

مصر سلطانی سوریه ده ایدی . اقربالرندن برینه عائد اولان
حصص شهرینی محاصره ایدیوردی . دمیاطک سقوطنی خبر آلنجه
مصره عودت ایچون درحال محاصره یی رفع ایتدی . فقط منصورده
وخیم صورتده خسته لاندی . دمیاطک اشراف واعیانی اوراده
کندیسنه ملاقی اولدیلر . کوستردکلری جبانیدن او قدر حد تاندی که
ایچلرندن الی دوت دانه سنی آرقه لرنده کی قیافتلریله آصدیوردی .
ایرتیه سی کوزده کندیسی وفات ایتدی [۱۲] .

بوتون قادینلر آراسنده امثالسر اولان کوزلرکنندن زیاده

[۱۰] صفر آینه ده .

[۱۲] شعبانک اون دردنجی بازاراقشامی . تقریباً ۴۴ یاشنده ایدی .

۹ سنه ۸ آی ۲ کون حکومت سورمشر .

ذکاوت و احتیاط کارلغیه ممتاز اولان زوجه سی شجرة الدرك
ایلری کلن امرای دولتی طوپلادی ، سلطانک وفاتی اونلردن
کیزله یهرك دیار بکرده حصن کیفاده بولنان اوغلی معظم توران شاه
ایچون زوجی سلطان طرفندن صداقت یمینی طلب ایتدیکنی
بیان ایله دی . عین زمانده فخرالدین ۱۱۱۱ بوتون اردولرک قوماندانی
اعلان ایتدی . سلطان نامه اونک امضاسیله بوتون ولایتلره
مکتوبلریزدی . توران شاهک ولی عهدلغی خبر ویردی . بوایشلر
ایچون سهیلی اسمنده برکوله دن استفاده ایتدی . کوله نک یازیسی
سلطانک یازیسنه او قدر بکزییوردی که کیمسه وفاتندن شبهه لمه دی .
بو احتیاط کارلغی سایه سنده مصر حکومتی قورتاران
شجرة الدرك برتورک قادینی ایدی . مملکتی عاقلانه اداره ایتدی .
فخرالدین ایله مشترکاً ، هیچ بر اغتشاشه میدان ویرمدی .
فخرالدین زمانک اک جسر امراسندن ایدی . ایمپراطور
طرفندن شووالیه پایلمشدی . بایراقلرنده ایمپراطورک آرمه سنی ،
حلب و مصر سلطانلرینک آرمه لرله بر ایکده طاشیردی .

یکی سلطانک غیوبتی ائناسنده عسکر طوپلامشلر و فراتقلره
دوغرو صوقولمشلردی . حتی بر فراتق باشی کتیرنه مکافات نقدیه
وعد ایتمشلردی . بویوزدن فراتقلر بویوک ضایعاته اوغرا دیلر .

[۱] سن لویینک بر مکتوبنده بوکا فارهاردن Farhardin دنیلیور .

ژوانویل Scedun دییور . فقط عزالدین اسمنی بویله تخریف ایتدیکی
آشکاردر . عزالدین باشقه بویوک برامیردرکه حکومتی اداره ایتمشر .

مصر عسکرلری کیزلیجه فرانق اردوگاهنه کیریورلر ، غافل
 اولایه بیلدکلرینک باشلرینی کسیونرلردی . سن لونی ، محافظلری
 تزییده واطرافنه استحكام یاپمغه مجبور اولدی . بو صیراده
 فیرطنه نك تأثیریه تأخرایتش اولان دونانمانك قسم متباقیسنی فرانق
 اردوسنی دمیاطه تماماً چیقاردی . کلن اردو قونت دو پواتیه نك
 قومانداسی آلتنده ایدی . فرانقلر دوغروجه قاهره اوزرینه
 یورو یوب یورومه مك ایچون مذاکره ایتدیله . بعضیلری اسکندریده
 هجوم ایتك فیکرنده ایدی . فقط قرال برنجی شقی ترجیح
 ایدرك کانون اول ایتدالرنده دمیاطدن چیقدی ۱۱۱ . یولده بش
 یوز تورك سواریسنه راست کلدی . بونلر تسلیم اولدیله . فقط
 بونلر کندیسنی اغفال ایچون کلدکلری آ کلاشینجه مارده شال
 دو تامیل ، تامپلیه افرادیه تورکلره هجوم ایتدی . بر قسمی
 قیلیجدن کچیردیله . متباقیسی صوده بوغولدیله .

قرال یولنه دوام ایتدی . نیلك روزت ایله دمیاطدن کلن ایکی
 قوی آردسنده قرارگاه قوردی . ایلری مفرزلر متعدد مصادماتده
 بعض مسلمان قوللرینی بوزدیله . اوزمان فخرالدین اردوسنی
 ده لثایه یعنی خرسیتیانلرک قرارگاه تأسیس ایتدکلری روزت
 و دمیاط قوللری آراسنه کچیردی . صف حرب ترتیب ایتدی .

[۱] ب. بوجرکتی سلطانك وفاتندن سوکره وقوع بولش دییه
 کوستریورم . ژوانویل ایسه اول دییه تعیین ایدر . چونکه فرانقلر
 سلطانك وفاتی برمدت خبر آلامشلردی .

متعدد چارپیشمه‌لر اولدی . بونلرده قونت دانژو ایله قونت
دوپواتیه بویوک یارارلقلر کوستردیلر . مسلمانلر خرسیتیان
استحکاماتی قارشیسینده طاشدن برموقع یاپه‌رق اورادن غره‌ژوا
آتشی آتیورلر و فرانقلری پک‌ازعاج ایدیورلردی . بو آتیلان
آتش بر فوجی قدر بویوک کورونیوردی ، بر بوچوق « اون »
طولنده بر قویروغی واردی ، کوك کورولتوسنه مشابه برسس
چیقاریور ، حتی کیجه این بیله بوتون قرارگاهى تنویر ایدیور ،
فرانقلرک یرلرینی ییقیور ، کول حالنه کتیریوردی . بزم
بومبالرمزه تشبیه ایدیله بیلن بومدهش مرمیلر ضایعات عظیمه یه
سببیت ویریورلردی . فرانقلرک بر بدوی قلاغوزلری واردی .
پاره مقابلنده کندیلرینه بر کچید کوسترمکی تعهد ایتشدی .
بو قلاغوزک دالاتیله فرانقلر نه‌ری کچدیلر ، مانع اولمق ایسته‌ین
اوچ یوز کشیلک بر مسلمان قوتی داغیتدیلر . قونت دارتوا
بونلری منصوره شهرى ایچندن تعقیب ایتدی . فقط عودتنده
شهر سکنه‌سنک ظاملره چیقارق اورادن فرانقلره طاشلر
آتدیغنی کوردی . بومصادمه‌ده تلف اولدی .

ابوالفرج
ژواویل
ابوالفدا

فرانقلر سوکره شارمشاهده ۱ قرارگاه قوردیلر و منصوره یه
یاqlاشدیلر . سن لویى ، اوردوسنک باشنده مسلمانلره هجوم ایتدی .
عادى بر نفرکی دولوشدی ، اک بویوک تهلکهلره عرض نفس ایتدی .
بومصادمه‌ده پک چوق کشی تلف ایلدی . نهایت مظفریت

۱۲۵۰ فرانقلر طرفنده قالدی [۱] . اوزمان حمامده بولونان فخرالدین بارگیره بندی . فقط برفرانقل مفرزه سنه تضادفایتدی . فرانقلر فخرالدینی اولدیردی . حصن کیفادن حرکت ایتش اولان یکی سلطان توران شاد بومحاربهدن ایکی کون صوکره [۲] منصورهیه واصل اولدی و ایرتهسی کون اردوسنی صف حرب اوزره ترتیب ایتدی . اوکلهیه دوغرو ایلک مفرزدر حرکت کلدیلر . یکی برمصادمه وقوع بولدی . هرایکی طرفده مظفریتت کندیسند . قالدیغنی ادعا ایتدی . هر حالده فرانقلرک مسلمانلری بوسکور تدرکری محققد . فقط ده کیزده متعدد سفینهلری اولان مسلمانلر فرانقلرک اوتوز ایکی سفینهسنی ضبط ایتدیلر . بونلرک ایچنده دوقوزی غایت بویوک ایدی . بوضیاع خرسیتیانلری پک ضعیفلاتدی . قدسک وسوریه نك بوتون فرانقلری سن لوی دمیاطی مسلمانلره اعاده ایتمهسی ایچون رجالدده بولونمشلردی . قدس قراللغنی راحت برافماسی ، دمیاطده بولونان خستهلره دوقونماماسی وبوتون آلات حربیه نك چیقارماسی شرطیه دمیاطی تسلیم ایچون سلطانه تکلیف یاپیلدی . قرال رهینه اوله رق یا قونت دوپواتیه یی یاخود قونت دائترویی ویرمک ایسته یوردی . فقط سلطان بالذات قرالک رهینه خدمتنی کورمهسنی طلب ایتدیکی

[۱] ذی القعدة آیی ایچنده برصالی کونی . ژوانویه نظرأ ماردی غرا کونی .

[۲] پینشبه کونی

جهتله قرال بوكا راضى اولمادى . اولولرك باعث اولديغى
تعضاتدن دولاي بوتون اردوسى غائب ايتك تهاكه سنه
معروض قالدیغى بربرى ترك ايتكه حاضرلاندی . عینی زمانده
بيه جى ده قالمامشدى . چونكه مسلمانلار دمياط ايله هردورلو
مواصله يي كسمشلردى .

سن لويى باستقاليه هفته سى كچدكدن صوكره صالى آتشمى
حركت ايدلمه سى اچون امرووردى . دمياطه عودت اولونه جتدى . [۱]
نيل اوزرنده بركوپ و ياپديره قله مشغول اولديغى صيراده مسلمانلار
سن لويى نك اردوگاهنه كيرديلر ، بوتون خسته لرى اوليرديلر .
قرال ، اك زياده تهاكه معروض قالان دمدار فرقه سى نك
امدادينه قوشدى . خسته اولمقله برابر ژوفروا دو سرژين ايله
برابر دشمنك مصادماتنه قارشى دوردى . عسكرلرني قورتارمق
اچون اولمكه عزم ايدهرك مبارزه نك اچنه آتيلدى . يانندن
هيچ آيرلمايان و كنديسىنى مدافعه اچون اك بويوك تهاكه لره
نفسنى عرض ايدن جسور سرژين نهايت قرالى قورتارهرق
منيات ابو عبداللهه كوتوردى . اوراده قرال خسته لغك ويرديكى
ضعفيتدن ويورغونلقدن باييلدى . مسلمانلار كنديسىنى اوراده
اسير آلدیلر . اوندن صوكره بوتون فرانسزلرده اسيردوشديلر .
كميلرده بولونانلار بيله سلطانك سفائن حربيه سى طرفندن اسير

[۱] ابوالفدايه نظراً ۶۴۸ تاريخ هجرى سى محرم نك اوچنجى چارشنبه

كونه تقدم ايدن كيجه ده .

ایدلایلر. بر قسمی اولدیرلدی. بر قسمه اسلامیت تکلیف اولاندی. ابوالفدا سن لوی ابتدا، التجا ایتدیکی یرک حاکمی محسن الصالحی نزدنده ژوانویل تحت امنیتده ایدی. فقط صوکره کلن مسلمان مفرزه لری ابوالمحاسن کندیسنی منصورهیه کوتوردیلر. مسلمانلر بیله سن لویینک قاچه بیله جگنی، اسیر دوشمه سی عسکرلرینی مدافعه ایچون اصرارندن، اونلرک نهردن کچمه لرینی و قاچه لرینی تسهیله چالیشمه سندن ایلری کلدیکنی اعتراف ایدیورلر. مسلمانلرک انه یکر می بیك اسیر دوشمش، یدی بیك کشیده مقتول اولمش یاخود بوغولمشدر. مصر سلطانی سن لوییه و مقداری الی یی بولان اکبره خلعتلر کییدیردی. سن لویینک بومعامله دن حیرته قالدیغی و: تحفشی! مملکتک صاحبی اولان بکا بر اثواب کییدیریور! دیدیکی روایت اولونیور.

ایرته سی کونی سلطان بویوک بر ضیافت ویردی. سن لوی بوضیافتده حاضر بولونمق ایسته مدی. معاصیر بر عرب مورخی اولان صلاح الدین، ابوالمحاسنک افاده سنه نظرأ، سن لویینک غایت احتیاطکار، متین، دیندار، حلیم بر ذات اولدیغی، بوفضائلندن دولای بوتون خرسیتیانلرک کندیسنه قارشى حرمت بسله دکلرینی سویله یور. مصر سلطانی صوکره ارباب صنایعی ابوالمحاسن بر طرفه آیرارق دیگر اسرآنک قتلنی امر ایتدی. سن لوی منصورهیه حبس ایدلدی. بر روایت کوره قاهرده فخرالدین ابن نعمانک اوینه حبس اولونمشدر. محافظه سنه ده توران شاهک

مملوكلارندن صدييح اسمنده برچاوش مأمور ایدی. بوچاوش سن لویی یه
غایت حرمتکارانه معامله ایتشد.

کوچوک مملوكلار یعنی حصن کیفادن توران شاه ایله برابر
کان وکندیسنک خصوصی ضابطلری اولان مملوكلار بو فرصتدن
استفاده ایدهرک توران شاهه شجرة الدرك و تورکمن عزالدین
ایبک تکمیل حکم و نفودی الیرینه آلمش اولدقلرینی، کنندیسنه
یالکیز قورو برسلطان عنوانی قالدیغنی آ کلاتدیروشوسوزلری
سویله دیلر :

« ا کر اسکیزی کی حصن کیفاده بولونسه ایدیکنز دها
راحت ایلیه جکدیکیز . بوراده حکومتک یالکیز لفظنه مالک
بولونیورسکیز . سزک اک بویوک دشمنلرکیز فرانقلر دکل .
باشکیزه تاج کییدیرن بویوک مملوكلردر . بونلرکده مقیدلری
کلوب فرانقلری مغلوب ایتمه کیز ایدی . بناء علیه ، بزم فکر مزه
قالیرسه سن لویی ایله صلح یاپهرق دمیاط شهرینی سزه اعاده
ایتمه سی ، بر مقدار پاره ویرمه سی و مملکتنه دونمه سی شرطیه
بوتون اسیرلری کنندیسنه تسلیم ایتمه کیز موافق اولور . بوصورتله
اجنبی دشمنلردن قورتولونجه او جرأتکار قوه عسکریه یه
احتیاجکیز قالماز . »

سن لویینک
مکتوبلری
ژوانویل
توران شاه بونصیحتی تعقیب ایتمه کیز قرار ویرهرک خرسیتیانلرک
دمیاطده بولدقلری غنائم ایله برابر شهری تسلیم و تضمینات
حربییه نامیله بر مقدار پاره اعطا ایتمه سی ایچون سن لویی یه تکلیفده

بولوندى . برخىلى مذاكرەدن سوكرە اون سنەلك بر متاركە
 قرارلاشدىرلدى . سلطان كىندى ممالىكەندەكى بوتون خرىستىيان
 اسيرلىرى، كرك بو محاربەدە كرك اولكى محارباتدە اسير ايدلمش
 اولسونلر سربست براقەجق ، فرانقلر سن لويىنك دمياطە
 مواصلتەدن اول قدسەدە مالك اولدقلىرى يىرلىرى محافظە ايدە جكلردى .
 دىكر طرفدن سن لويى دمياطى اعادە ايتەيى وسكزيوز بيك ۱۱
 « بزىان » وىرمەيى قبول ايدىوردى . بو آقچە مصارف حربىيە
 ايله اسرانك فديە نجاتى ايدى . بوندن باشقە سلطان خرىستىيانلرە
 دمياطەدە مالك اولدقلىرى شىلرك كافەسنى براقەيى دە وعد ايتدى .
 بونلرى اىستىرلسە صاتە بىلە جكلر ، اىستىرلسە كوتورە جكلردى .
 خستەلر اعادە عافيت ايدىنجەيە قدر دمياطەدە قالە جكلردى .
 دىكرلرينەدە ايشلرينى تسويه ايدىنجەيە قدر مەلت وىرلمشى .
 سلطان بومهم خبرى مملكتك هر طرفندە و بالخاصە شام ابوالمحاسن
 شەرىندە اعلان ايتدىردى . شام واليسى جمال الدينە [۲] مکتوب
 يازدى « جناب حقە حمد و ثنا اولسون ئە باشمزدن مصائى دفع
 ايتدى . ظفر آنجق اللهەندر . جناب حقك بزە احسان
 بويوردىغى مظفريتەدن دولايى بوتون مسلمانلر سوينسونلر .
 چونكە جناب حق ايتەدىكى قولنە ظفرى بخش ايدر . قادر
 مطلق ورحيمدر . دين دشمنلرمن اوزرينە احراز ايتدىكمز

[۱] ژوانويل ۲۰۰ بيك ديور .

[۲] ابن يانمور .

مظفریت عظیمہ پی بالعموم مسلمینہ اعلان ایتدک . بو سنہ
ابتداسندہ جناب حق مسلمانلری الطاف انہیہ سنہ غرق بویوردی .
دبویلر مزی آچدق ، خزینہ لر مزی وسلاح لر مزی داغیتدق ،
صادق عسکر لر مزی طویلادق . مقدارینی آنجق جناب حق
بیله جکی درجہ ده عظیم اردولر اک اوزاق طرفلردن قوشوب
کلدیلر . بونی کورنجه دشمن سلطان عادل ابوبکر ایله اولان
اسکی مقاولات موجبنجه صلحه طالب اولدی . فقط بوکاموافت
کوسترمدک . بونک اوزرینہ کیجه دن بالاستفاده چادیرلرینی
واشیالرینی ترک ایله دمیاطہ چکیلمک ایستہ دیلر . آرقہ لرندن تعقیب
ایتدک ، بوتون کیجه دشمنہ قیلیچ چالدق . ذلیل وحقیر اولدیلر .
اوتوزبیک دشمن تلف ایتدک . صولرک ایچنہ کندیلرینی آتاندلر
بو مقداردن خارجدر . فرانسه قرالی منیاته قاچدی . اوراده
شخصی ایچون امان دیله دی . کندیسنه بونی بخش ایتدک . ایوم
المزده اسیردر . کندیسنه حسن معامله ده بولوندق . بزه دمیاطی
اعاده ایدیور . »

عینی زمانده سلطان ، فرانسز قرالنک قام کورک ایله مزین
لعل مانتوسنی ده [۱] برابر کوندرمش اولدیغی جهتله شام
والیسی بومانتویی کیهرک خلق ایچنہ چیقدی .

[۱] راهب ورتو ، آدده می خاطراتنک آلتنجی جلدنده مندرج
مقاله ده سن لویینک آل ، یشیل رنگلی شیلر وققم کورک کییمکدن مجتنب
بولوندیغی سوبلیور . مورخ ابوالمحاسن بوفکرده دکلدر . حتی اثرنده
فرانسزجه «اقرلات» کلدسنی قولانمشدر . بونی اشقرلاطه شکندہ تحریف
ایدیور وبوقاشک قرمزی اولدیغی ایضاح ایله یور .

سلطان ، فرانسز قرالی ایله معاهده یاپدقدن صوکره قرال
ایله باشلیجه فرانسز اکابرینی دمیاطه سوقاچون دوت سفینهیه
بندیردی . فقط دها اول کندیسینک بولوندیغی فارس کورده
بر مدت آلیقویدی . بوراسی ، نهر ساحلنده بر گوشك ایدی .
بویوک برقه انشا ایدیلشدی . ایچی بویالی بر بز ایله سوسلنمشدی .
اوکند بویوک بر گوشك واردی . امیرلر سلطانك یانه کیردیکی
زمان سلاحرینی بوراده براقیرلردی . گوشكدن صوکره برقاپی
واردی که سلطانك یتك اوطهسنه ایصال ایدردی . بونك یاننده
دیگرینه مشابیه باشقه بر قله کورولوردی . بورادن سلطانك
یاتاق اوطهسنه کیدیلیردی . یان طرفده بر آولو واردی .
آلولونك اورتەسندە دیگر ایکی قله دن دها بیوک بر قله یاپیلشدی .
اورادن جوار سیر ایدیلیردی . بو آلودن نهر ساحلنه قدر
بر یول موجود ایدی . یولك نهایتندە دیشاریسی بویالی بزله
سوسلنمش کوچوک بر گوشك واردی . سلطان اوراده نهره
کیردی .

سن لوی دیگر فرانسزاکا بری ایله برلکده پنجشنبه کونی (۱۱)
بو سراهه کتیریلدی . بر قاج کون صوکره دمیاط شهرینی تسلیم
ایچون سلطانله کوروشسه جکاردی . ایشته احوال بو کزده ابوالحسن
ایکن سلطان کندی امیرلری طرفندن قتل ایدیادی . بو حکمدار
ژوانویل تحتە چیقادیغی زمان پدرینك بعض قوماندانلرینی عزل ایتشدی .

[۱] عروج عیسا دن اولکی پنجشنبه .

دیگر قوماندانلارڭ فیکرینی آلمان سن لویی ایله صلح یاپمیشدی .
اوزماندن بری بو قوماندانلار انتقام آلمق چارەسینی دوشو .
نیورلردی . خەلقە رۇساسینی دە کەندیلرینە جلب ایتیشلردی .
بر بازار ایرتەسی کونی ۱۱۱ سلطان کەندی دائرەسنە کیرەجی
صیرادە پدیرینک مملوکلرندن بری اوکابر قیلیج ضربەسی ایندیرەرك
النک بر قاچ پارماغنی کسیدی (۴) . سلطان قلەیە کیرنجە :
« بو ضربە شەهە یوق کە بحریە ایلردندر ، بن دە هپسینی اولدیرتەرك
انتقام آلاجغەم » دیدی . بونک اوزرینە بوتون بو امرا طو .
پلانیدیلر ، ترامپت چالیدیلر . بو کورولتو اوزرینە عسکر سلاخە
صاریلدی . امیرلر عسکرە دمیاطک عرض تسلیمیت ایتیدینی
وسلطانک یولە چیقادیغنی سویلەدیلر . عسکر دە درحال حرکت
ایتدی . عسکرک غیبوتی اثناسندە امیرلر سراپە کیتیدیلر .
سلطان قلەنک تا تەپەسنە قاچمشدی . قلەیە آتش ویردیلر .
ابوالفدا سلطانک اوزرینە اوق یاغدیردیلر . توران شاه :
ابوالحسن بن سزک حکومتکزی ایستەم . بنی بولوندیغەم حصاردن
سیوطی نیچون کتیردیکنز ؟ دییە هایقیرارق صویە آتدی . طقوز اون
بوالفرج سواری کندیسنی سولرک ایچنە قدر تعقیب ایتیدیلر . سیردوژوانویلك
ژوانویل بولوندیغنی سەننەنک قەربندە سلطانی اولدیردیلر . فارس اقطاعی (۳) سلطانک
قلبنی قوپارەرق سن لویی یە کتیردی ، قرال بو سخنە یی سیرایدیوردی .

[۱] ۲۷ مجرمدە .

[۲] ایلك اوران مؤخرأ سلطان اولان ركن الدين بی باردور .

[۳] ژوانویل بوکا فاراقات دییور .

فارس اقطاعی دشمنی اولدیردیکی ایچون قرالدن مکافات ایستمدی.
سن لویی بو آدمه بر جواب ویرمدی. سلطانک نعشی اوچ کون
نهر کنارنده قالدی. صوکره، خلیفه نك سفیرینک رجاسی اوزرینه
دفن ایتدیلر .

حکمدارلرینک قان غنوز اوزرلرند قهرومیان امیرلر االرنده
قیلیج ایله سن لویی نك چادرینه قوشدیلر . ویره جکی پاردی
ایسته دیلر. بوتون مسلمان اسر ایله برلکده دمیاطی اعاده ایتمسی.
سکز یوز بیک آلتون سکه ویرمه سی تکرار قرارلاشدی .
بو معاهده عقد یدیار کدن صوکره مصر اردوسی دمیاطه
کیتدی (۱) . فقط مسلمانلر دمیاطه کیرر کیرمز ، عهدلری
خلافنه اوله رق ، بولدقلری خسته لرک کافه سنی اولدیردیلر .
رؤساء عسکر چیقارارق بوقاریشیققلنی یاتیشدیردیلر ، شهرده
بولونان غنائم درت یوز بیک آلتون سکه تخمین ایدلدی . عکایه
چکیلن فرانسه قرالی ده بونک بر مثلنی ویره جکنی تعهد ایتدی .
قونت دوپواتیه پاره نك تماماً تسویه سنه قدر رهینه اوله رق قالدی .
بر عرب مورخنک افاده سنه نظراً سن لویی عکایه عودتدن ابوالمحاسن
صوکره مصر امراسنه بر سفیر لوندر مشدر . سفیر اونلره یایدقلری
ایشلرده عدالت و احتیاطدن آیریلش اولدقلرینی سوبله مشدر .
هیچ برسبب اولمقسزین حکمدارلرینی اولدیرمکله عدالتسزلک
ایتمش اولیورلردی . باخصوص تام اوصیراده حکمدارلرینه ده ییاط

شهرینی اعاده ایتمک اوزره ایدی . درت یوز بیک آلتون سکه
ایچون فرانسه قرالی کی بر حکمداری سربست براقه‌لری ده
احتیاطسزلق ایدی . فی الحقیقه ، سن لوی دمیاطی اعاده ایتدیکی
زمان آرتق اونی محافظه ایده بیله جک حالدی . اسیر
اولماسه ایدی بیله دمیاطی ترک ایتمک مجبوریتنده ایدی . ویردیکی
پاره آنجق خرسیان اسراست فدیة نجاتندن عبارتدی .

ابوالفدا	توران شاهک قتلندن صوکره امرا طوپلاندرق قوماندایی
ابوالمحاسن	شجرة الدره تودیع ایتدیله و کندیسنه بیعت ایله دیله . خطبه‌لرده
ابوالفرج	اونک نامی او قوندی . سکه‌لرده اسمی ضرب ایدلای . اساساً
جعفری	جاریه اولان بو ملیکه صالح نجم‌الدین ایوبک زوجه‌سی ایدی .
سیوطی	بوندن خلیل اسمنده بر اوغلی اولمشدی . بوندن دولانی کندیسنه
	ام خلیل لقبی ویراشدی . صالحک وفاتندن صوکره بصیرت
	واحتیاطی سایه‌سنده حکومتی قورتاران و اوکی اوغلی توران شاه
	دیاربکردن کسیرتن او ایدی . توران شاه ، کندیسنه پایدیمی
	بو خدمتدن دولانی هیچ بر نشانه شکران کوسترمه‌مشدی .
	حتی حکومتی وضع ید ایتدکن صولره بوتون بوتون عیسی
	حرکت ایتمش ، کندیسنه خزینه‌ک حسابی صورمغه قالدیشمشدی .
	توران شاهک وفاتندن صوکره بو قادینک عقل و حکمتنه ،
	بصیرت و احتیاطنه حرمت کوستردیلر . مصر ملیکه‌سی اعلان
	ایتدیلر . اتابک یعنی نائب حکومت اولاق اوزره کوله‌لرندن
	معز ایکی تعیین ایله دیله . بوده قاپچاقدن کلمش بر تورک

کوله سی ایدی. بو مملوکلر در حال کندیلرینه امتثال ایتهلری ایچون
شامده کی مملوکلره خبرلر کوندردیلر . فقط اولدر شامی حلب
حکمداری ناصر ایوبه [۱] تسلیم ایتدیلر [۲]. ناصر ایوب
صالحک مملوکلرندن بر قسمنی اولدیرتدی . مؤخر آ بعلبک ،
عجلون ، شمیمیص شهرلری کندیسنه عرض تسلیمیت ایتدیلر .
بو آیریلقدن خبردار اولان مصر مملوکلری مصرده بولونان
برتون شام مملوکلرینی طوتدیلر . بو شام مملوکلرینه قیمریلر
نامی ویریلیوردی . شجرة الدر بو اغتشاشاتی تسکین ایده مدیکی
جهتله امراء سلطان عنوانی ایبکه ویرمکی قرارلاشدیر دیلر [۳].
کندیسنه ملک العزیز معزالدين عنوانی ویریلدی . اوکنده
سنباق اولدینگی حله آتی اوستنده سرایدن چیقدی . فقط
سلطان اعلان ایدیلر ایدیلر بو ثباتسز و جرئتکار عسکر طاقنک
حسیاتی دکیشدی . صلاح الدین عائله سندن موسا اسمنده بر
شهرزاده پی دعوت ایدهرک اوکا ملک الاشرف [۴] عنوانی ویردیلر .
ایبک ، آنجق سکز یاشنده ولان بو کنج حکمدارک اتابی
اولدی .

[۱] ابن عزیز محمد ابن ظاهر عازی ابن صلاح الدین .

[۲] ۸ ربیع الآخرده .

[۳] ربیع الآخرک صوک جمعه ایرته سی کونی .

[۴] ابن یوسف ابن یوسف اقسیس (یعنی حکمداری) ابن کامل

محمد ابن عادل ابو بکر ابن ایوب ابو صلاح الدین . بقا ذی الاولک هکند
تخته چیقدی .

بو اثناده يکي شام حکمداری ناصر ایوب ، عکاده بولونان سن لوئی به بحریه لیلرک یعنی مصر مملوکلرینک کندی اقرباسندن توران شاهی قتل ایتمه لرندن دولایي شکایتلرده بولونیور، بوعسکری طائفه سنه قارشى قوه معاونه طلب ایدهرک مقابلنده قدس قرالغنى وعد ایله یوردی . سن لویی شفاهاً جواب ویرمک اوزره فردر ده پرده شور طریقندن پرنس ایو لو بروتونى اوکا کوندردی . عینی زمانده ، ژان دووالانسیهن بحریه لیلره کیدهرک مسلمانلرک متارکه دن سوکره یاپدقلری تجاوزات ومعاملات شدیدهدن دولایي فرانسه قرالده ترضیه ویرمه لرینی طلب ایتدی . بحریه مملوکلری سن لویی بی شام - سلطانى علیهنه چویرمک ایچون اونک بو آرزوسنه توفیق حرکت ایتکی وعد ایله دیلر . ایشته بومقصدله بر چوق فرانسز اسراسنی سربست براقیدیلر . ژان دووالانسیهن بونلری بحریه مملوکلرینک سفیرلریله برلکده عکایه کتیردی . سن لویی سفیرلره اول امرده قاعده سورلرینه ربط ایدیلن خرستیان باشلرینک کافه سی کوندولمه دن ، مسلمان یاپیلان خرستیان چوجقلری اعاده ایدیلمه دن ، متباقی بورجی اولان ایکی یوز بیک ایرادن واز کچیلمه دن کندیلریله هیچ بر معاهده نامه عقد ایدمه به جکنى سویله دی . سفیرلر ژان دووالانسیهن ایله برلکده مصره دوندیلر . سن لویی ده عکادن اون ایکی فرسخ مسافه ده فیساریه به کیتدی . بحریه مملوکلری سفیرلری واسطه سیله قراله ایسته دیکنى یاپه جقلرینی وعد ایتدیلر ویافه ده کندیسيله کوروشمک

اوزره بر کون تعیین ایله دیلر . اوراده ، سن لوی کندیلرینه شام
سلطاننه قارشی معاونت ایتک شرطیه قدس قرالغنی اوکا
ویره جکلرینه دائر یمین ایده جکلردی .

شام سلطانی ، سن لویینک بحریه مملوکلی ایله بر معاهد نامه
عقد ایتک اوزره اولدیغنی خبر آنجه برتون قوتیه بوکا مالغ اولغه
قرار ویردی . کچیدلری محافظه ایچون یکریمی بیک عسکر
کوندردی . بوکا رغماً سن لوی یافهیه کیتدی . بحریه مملوکلی
شام سلطاننک قورقوسییه کلمکه جسارت ایده مدیلر . فقط
خرستیان کلارییه ایسته نیلن چوجوقلری کوندردیلر . قراله
برفیل هدییه ایتدیلر . بوفیل فرانسهیه کوندریلدی . ینه شام
سلطاننک عسکرلری قورقوسییه ایکنجی بر موعده ملاقاتده کیتمکه
جسارت کوستره مدیلر . شام سلطاننک بو عسکرلری غزهده
بولونان مصر مفرزه سنی مغلوب ایتمش ، غزه دن چیقارمش
وصالحیه قدر تعقیب ایله مشدی . ایشاری فنا کیتمکده اولان
بحریه مملوکلی حکمدار دکیشمکله ایشارینی قولایجه دوزلته جکلرینی
ظن ایدیورلردی . مصرک خلیفه مستعصمه عائده اولدیغنی قاهرده
اعلان ایتدیره رک اشرفی سلطان عنوانیه و خلیفه نک مادوننده
اولق اوزره قبول ایلدیلر . ایبکده نائب حکومت ایدی [۱] .
بونک اوزرینه بحریه مملوکلرینک رئیس اولان فارس الدین اقطای [۲]

[۱] رجیک بشن ر کونی .

[۲] فارس اقطای ایله عینی ذاتدر .

يکرمی بيک عسکر ايله غزوه جهته يورودی وشام عساکرينی اورادن چيقاردی . عینی زمانده باشليجه مصر امراسی مسلمانلره او قدر فنالنی دوقونمیش اولان دمیاط سورلرینی ییقمغه قرار ویردیله [۱] . جوارده باشقه بر شهر بنا ایتدیله . بو شهر دهه زیاده قارهیه دوغرو ایدی . بوکا مناشیه نامنی ویردیله . اسکی دمیاطک سورلری خلیفه متوکل طرفندن یادیلمشدی .

ابوالفدا

ابوالمحسن

ژوانویل

بوصیراده ، شام حکمداری ناصر یوسفک عائله سینه منسوب بوتون شهراده لرله برلکده [۲] اردوسنک باشنه کچهرک توران شاهى انتقامنی آلمغه قیام ایلادیکی خبر آلندی . قوماندان ارمنی لمبیله یاد ایدیان شمس الدین لوءلوء ایدی . حکومتک اداره سی بونک النده ایدی . سلطانی بو حربه او تشویق ایتمشدی . مصر اردوسنی و مملوکلرینی محقر کوروردی . ایکی یوز صوپا ايله اونلرک کافه سنی طوته جغنی سویلیوردی [۳] . بحریه لیلر بونی خبر آنجه سلطان اشرفی قاهره ده حصارده براقدیله ، علی العجله صالحیه یورودیله . ایکی اردو عباسه قربنده قارشیلانیدی [۴] . ابتدا مصر لیلر ایبکک

۱۲۵۱

[۱] شعبان آینده .

[۲] صالح اسماعیل ، معظم عیسا ، تقی الدین عباس ، بونلرک اوچی ده عادل ابن ایوبک اوغللریدر . وقتیه حمص حکمداری اولان اشرف موسا که اوزمان تل باشر ، رحبه ، پالمیر [تدمر] حکمداری ایدی . معظم توران شاه ، نصره الدین ، امجد حسن ، ظاهر شادی ابن ناصر داود ابن معظم عیسا .

[۳] بو اردو رمضان اورته لرنده بر بازار کونی شامدن چیقیدی .

[۴] ذی القعدةک اونجی پنجشنبه کونی .

مقاومتنه رغماً پريشان اولديلر . بر قسم عسکر طبریه به قدر قاجدی . مصادمه نك ابتداسنده عسكرك بر قسمی شام سلطانی طرفنه كچمشاردی . سوریه لیلر فراریلری تعقیب ایتدكلری صیراده اوچ یوز آتلی ایله سوریه طرفنه قاجش اولان ایك ایله فارس اقطاعی یولده شمس الدین لوء لوء ایله ضیاء الدین قیمری به راست كلدیلر ، اوزرلرینه هجوم ایتدیلر ، اسیر آلدیلر . كندیلرینه قارشى پك محقرانه معامله ایتش اولان قوماندان شمس الدینی اولدیردیلر . صوكره ، بو مغلوبیتدن خبردار اولمایان سلطانك اوزرینه هجوم ایله دیلر . سلطانك معیتندكى عسكردن ر قسیمی كندیسنی ترك ایله دیكى جهتله مغلوب اولدی . اردوسنك بر قسیمی ایله برابر بوتون آغیرلقلرینی غائب ایتدی . یاننده کی شهزاده لردن بر قسیمی اسیر دوشدی .

ایك بو بویوك مظفریتدن صوكره قاهره به دوندی وشهری یغما ایتدیردی . چونكه قاهره اهالیسی بحریه مملوكلرینك مغلوبیتنی خبر آلنجه مملوكلرك نفوذ وسطوتنه آرتق نهیت كلدیكنی ظن ایتشاردی . فی الحقیقه ، فراریلری تعقیب ایتش اولان سوریه لیلر ، سلطانلرینك هزیمتنه رغماً دوغروجه قاهره اوزرینه یورویهرك شهرى ضبط ایتك ایسته مشلردی . قاهره اهالیسی ناصر ایوب طرفنی التزام ایتشیدی ، مصرده تپه اوزرنده کی حصارده ناصر ایوب نامنه خطبه اوقونمشدی . فقط اصل قاهره ده کیمسه ایچون خطبه اوقونما مشدی . بو اوچ محله بزم قاهره

نامنی ویردیگمز شهری تشکیل ایدر . ناصر ایوب غزه به چکیلمشده [۱۱]. اورادده اوردوسنك انقاضنی طوپلامغه چالیشیوردی . فقط بر آز صوکره فارس الدین اقطاعی اوج بیك سواری ایله کیدوب غزه بی ضبط ایتدی . صوکره سوریه لیلر شهری استرداد ایتك ایسته دیلر [۱۲] . مصر اردوسی صالحه ده قرارگاه قوردی . ایکی طرف ده مصادمه به کیریشمه که جسارت ایدمه دن بر مدت قارشیاقلی دوردیلر . نهایت صلح یامغه قرار ویردیلر [۱۳] . بحریه مملوکلرینك مصر ، غزه ، قدس ولایتلری محافظه ایتهلری ، اسیرلری [۱۴] اعاده ایلهلری قرارگیر اولدی . شریعه نهرینك او بر طرفنده اولان اراضی شام حکمدارینه قالدی . بوصلاح ، خلیفه نك سفیرینك [۱۵] توسطیله یاسیلدی . بوصورتله ، صریوسف آرزوسنه نائل اولیوردی . یعنی مصر لیلرک سن لوی ایله اتفاقلرینه میدان ویرمیوردی . بحریه لیلر ایله سوریه لیلر خرسیتیانلره قارشى حرب ایچون برلشدیلر . شام سلطانی پتوله ماییس اوزرینه یورودی ، جوارلرینی تخریب ایتدی ، صوکره صیدا اوزرینه کیتدی .

۱۲۵۳

جعفری بو موفقیاتده بویوک دخلی اولان فارس الدین اقطاعی آرتق

[۱] ژوانویل بوکا Gadres دیور .

[۲] ۶۵۹ تاریخ عربستان .

[۳] ۶۵۱ » »

[۴] الملك المعظم توران شاه ابن ملك الناصر صلاح الدین يوسف .

نصرة الدین ، اشرف (حص حکمداری)

[۵] اسمی نجم الدین البادیه زانی ایدی .

مصرده پك صاحب نفوذ اولدى . برچوق طرفدارلىرى واردى .
 كنديسنه علناً ملك عنواتى ويرييورلردى . حاكمدارى
 منصورك [۱] همشيرەسى ايله اولندى . مصرە كلكىكى زمان
 كندى-نك داغدهكى حصارده اقامت ايتەسنى طلب ايتدى .
 چونكه بر حاكمدار كريمەسى ايدى . ايبك بوكا راضى اولدى
 وعينى زمانده بوجرئىكار اميرى اولديرمكه قرار وىردى . منصورك
 همشيرەسنىك يولده اولديغنى خبر آلنجە بر پوصو ترتيب ايتدىردى [۲] .
 ۱۲۵۴ فارس الدينى سرايه كىرەجكى صيراده قتل ايتدىلر . بونلركاچىندە
 سيف الدين قوتوز [قطز] دە واردى كه مؤخرأ سلطان اولمشدر .
 فارس الدين اقصى هر زمان ايبكه مخالف بولونمشدى . اشرفه سلطان
 عنواتى وىردىرن او ايدى . اونك وفاتندن صوكرە ايبك اشرفى
 خلع ايتدى ومصردن چىقاردى . اشرف ، صلاح الدين نسلندن
 مصرده سلطان نامنى طاشيمش صوك حاكمداردر . ايبك ، او كنده
 حاكمدارلق سىنجاقلرى اولديغى حالده آلاى ايله قاھرەيدە كىردى .
 آنجاك سلطانلرك او كنده كوتورولن غاشيەنى امرأ طاشيورلردى .
 صوكرە شجرة الدر ايله اولندى .

فارس الدين اقطاعيك بوتون طرفدارلىرى سورىدە ناصر يوسفك
 يانبە التجا واونى مصر اوزرىنە سفر آچمغە تشويق ايدىيورلردى .

[۱] مظفر تقي الدين محمودك اوغلى .

[۲] جعفرينك افادەسنە نظراً ۶۵۲ سنە تجريەسى شعبانك

۲۱ نجى بازار ايرتەسى كونى اولدىرلمشدر .

هر کس حربہ اشتراك ایتدی . سوریه اردوسی غزه اوکنده

قرارگاه قوردی . ايبك ياننده کی عسکرله عباسیه کیتدی .

اوراده ، عزیزیلر دنیلن ملوکلر طرفندن آزقالدی قتل ایدیلر جکدی ۱۲۵۵

[۱] . صوکره ، خلیفه نك توسطیه صلح عقد اولوندی .

عریشه قدر بوتون سوریه نك ناصره قالمسی ، مصر كده ايبكه عائد

اولماسی قرارلاشدی . ايبك بوصلحدن اوزون مدت مستفید

اولامادی . شجرة الدر اونك موصل حکمداری بدرالدین اولوءك

کریمه سیله اولنك اوزره اولدیغنی خبر آنجه اوقدر درین برکین

حس ایتدی که کندیسنی اولدیرمکه قرروردی و برقاج خدمتجینی

بوکا مأمور ایتدی . بونلر ، اونك جرید اوپونندن عودتتی ۱۲۵۷

بکله دیلر . حمامه کیرمک ایچون ائوابلرینی ده آرقا سندن چیقارمشدی .

وزرینه آتیلررق کندیسنی بوغدیلر [۲] . شجرة الدر درحال

سیف الدینی [۳] کتیرتدی . سیف الدین اونی بو فکرندن

واز کچیرمکه چالیشمشدی . سیف الدین سرایه ادخال اولوندی .

شجرة الدری آياقلىرى نك آلتنده قوجه سنك نعشی اولدیغنی حالده

اوتورمش بولدی . شجرة الدر کچن وقعینی تماماً آ کلاتدی .

ندیا به جغه دائر اوندن نصیحت ایسته دی . سیف الدین شو جوابی

[۱] ۶۵۳ تاریخ هجریسنده .

[۲] ۶۵۵ سنه سی ربیع الاول انك ۲۳ نده .

[۳] ابن مسروق .

ویرمکه اکتفا ایتدی : نه سویله یه جکمی بیله میورم . بو پک
جرئتکارانه بر حرکت . سزی بوموقعدن قورتارمغه جسارت
ایده جک کیسه نی کورده میورم .

صوکره ، شجرة الدر امیر جلال الدین ایدوغدی ایله عزالدین
ایبکی جلب ایله ایمپراطورلغی کندیله رینه تکلیف ایتدی و سلطانک
مهرینی ویردی ، فقط هرایکیسی ده رد ایتدیلر .

بووقعه سرایده کیجه لین جریان ایتشدی . قاهره ده کیسه نك

خبری یوقدی . صبا حلیز ایبکک خبر قتلی هر طرفه یاییلدی .

صالحیه [۱] دنیان ملوکک ایبکک انتقامنی آلمغه قالدیلر .

اوزمان اون بش یاشنده بولونان ایبکک اوغلی نورالدین علی بی

تخته چیقارمغنی تنسیب ایدهرک کندیسنه ملک المنصور لقبنی ویردیلر .

شجرة الدر داغده کی حصارک قیرمزى قلعه نامیا . یاد ایدیان بر قلعه سنه

قایادلی . یکی سلطانک والده سی اونى اوراده کوله لرینه بوغدیردی

و چیرچیبلاق سرایک هندک لرینه آتدیزدی . اوراده کندیسنی ابوالفرج

عادتا کوپکار یدیلر . صوکره انشا ایتدیرمش اولدیغی بر تربیه ابوالفدا

دفن اولوندی . ایبکک قتلنه اشتراک ایتمش اولانلرک کافه سی

آصیلدی . بو قادینک مزیات عظیمه سی مصر ایمپراطورلغنی

قورتارمشدی . فقط حدو پایان اولمایان حرص جاهی کندیسنی

محو ایتدی . مصرده بر ملک یاممشدی . فقط اوکا هیچ نفوذ

[۱] عزیزیلر عزیزک مملوککری اولدقلری کبی بونلرده صالحک

مملوککری ایدیلر .

براقایور، بویوک تصورلره قالقیور و بونلری اجرا ایدیوردی.
زوجی سلطان ایبک انشا آتی پک سورددی. یایدیردیغی بنالرا چنده
اکمهمی بر مدرسه در که بوکا کندی اسمنی ویریش [۱] و برچوق
اوقاف یامیشدی. اسکی قاهره ده نیل کنارنده ایدی.

ابوالمحاسن

اونک زماننده حکومت سورن حکمدارلر شونلردی: بغدادده
خلیفه مستعصم؛ سوریه ده فراته قدر ناصر صلاح الدین یوسف؛
حماده منصور ناصرالدین محمد [۲]؛ سمرکده و شوبکده
مغیث فتح الدین عمر [۳]؛ صهیونده بر زیه ده و پلاتینوسده
(بلاطنس) امیر مظفرالدین عثمان [۴]؛ تل باشرده، رحبه ده
و تدمرده اشرف مظفرالدین موسا [۵]؛ موصلده رحیم بدرالدین
لوء لوء، میافا رقینده و دیار بکرده کامل ناصرالدین محمد [۶]؛
ماردینده آرتق عائله سندن سعید ایلغازی؛ اربلده خلیفه طرفندن
تاج الدین؛ سوریه ده اسماعیلیه حصارلرنده رضی الدین ابوالعالی؛

[۱] بوکا مدرسه ممزیه دیرلردی.

[۲] ابن محمود ابن محمد ابن عمر ابن شهنشاه ابن ایوب (صلاح الدین
سالله سندن).

[۳] جوده صلاح الدین عائله سندر. ابن عادل ابن ابوبکر ابن کامل
محمد ابن عادل ابوبکر ابن ایوب.

[۴] ناصرالدین منکورسک اوغلی ایدی.

[۵] ابن ابراهیم ابن شیرکوه ابن محمد ابن شیرکوه ابن شادی
(صلاح الدین عائله سندن).

[۶] ابن مظفر شرف الدین غازی ابن عادل ابن ابوبکر ابن ایوب
(صلاح الدین عائله سندن).

مدینه ده شهاب الدین ابوالملک سیف [۱]؛ مکده شریف قتاده
الحسینی؛ یمینده مظفر شمس الدین یوسف ابن عمر [۲].
یکی سلطان مملوکلر طرفندن سلطان یاپیلدقدن صوکره
اوکنده حکمدار بایراقلریله داغده کی حصاردن ایندی. باب
الظفردن قاهره یه کیردی، بوتون امرا رکابنده یوروپورلردی.
یالکز اتابکی علم الدین سنجر مستثنایدی. صوکره تکرار حصاره
چیقدی، تخته اوتوردی. باشلیجه قوماندانلر آراسینده بعض
تبدلات یاپیلدی. اولجه حکمدارلنی رد ایتدیکی حالده ایبک
وفاتندن صوکره کندیسنی سلطان اعلان ایتدیرمک فکرینه
دوشمش اولان اتابک توقیف اولوندی. باشلیجه امرانک برر
فرتهلری بولندیغی جهتله بوکا مربوط اولان مملوکلرک بر چوغی
سوریه طرفنه قاچدیله. بونلر اسکی سلطان صالح نجم الدینک
مملوکلری ایدیله. سلطان ایبکک مملوکلری کندیلرینی تعقیب
ایله بر مقدارینی طوتدیله. بربرینی تعقیب ایدن خلعلر و معزیه
مملوکلرینک طاقندقلری حکم و نفوذ قاهرده اغتشاشاته سببیت
ویریوردی. امرا و عسکر سلطانک بونلری حکومتدن
اوزاقلاشدیرماسنی ایسته یورلردی. حلقه رئیس بهاء الدین برجی
نزدنده طوپلانیدیله و بر مصالحه یاپیدیله. بر آز صوکره معزیه

[۱] ابن فلیته ابن قاسم الحسینی.

[۲] عن اصل تورکمن ایدی.

غلبه چالدى . برجى نى دها سائر بعض امرا ايله قتل واولرىنى
يغما ايلاديلر .

شام حكمدارى ناصر يوسف صالحيه دنيلن و برجى نك وفاتندن
صوكره شامه قاچان بحريه مملوكلىرى نك كندى نرزدنن آيريلدقلىرىنى
مصر سلطاننه بر مکتوب ايله بيلدirdى . مصرده بونك شام سلطانى
طرفندن قورولاش بر طوزاق اولديغى ، مصر اوزرينه حركتنى - تر
ايچون اشاعه اولونديغى ظن ايتديلر . بناء عليه مدافعه حاضرلنى
كورولدى . نورالدين على سوريه يه بر اردو سوق ايتدى .
بو اردو عباسه ده قراركاد قوردى . فقط چوق كچمه دن

ابوالمحسن ايشك حقيقتى آكلاشلىدى . شام سلطانى بحريه ليلر ده هجوم مقصديله
ابوالفدا نابلسه كلدى . بونلر غزه يه چكياديلر . صوكره اورادن چيقرق

باشلر نده بليان بيرس اولديغى حالده ناصر يوسفك اردوسنى
كيجه لين چه وبرديلر . فقط بر آز صوكره ناصر يوسف مظفر
اولدى . مملوكلك بر قسمى مصره قاچهرق سلطاننه عرض تابعيت
ايتديلر . بر قسمى قدسه چكياديلر . شام سلطانى اونلرله صلح
يانقندن امتناع ايتديكى جهته اوراده كرك حكمدارى
فتح الدين عمر نامنه خطبه او قوتديلر . صوكره غزه يه كيتديلر .
والى نى اله كچيرديلر . ناصر يوسف الدينك او شهرده مالك
اولديغى شيلرك هپسنى آلديلر .

بو مملوكلك كرك حكمدارى نى اجدادى نك مالى صفتيله كلوب
مصرى ضبط ايتمكه تشويق ايله ديلر . بو خبر مصرده شايع

اولونجه در حال كندیلرینه قارشى اردو سوق اولوندى [۱].
 مملوكلر مغلوب اولدیلر. رئیسارندن برى، بلبان، اسیر دوشدى.
 بىبرس ایله بدرالسعاوى كركه قاجدیلر. اردو مصره عودت
 ایتدی. بومغلوبیتته رغماً كرك سلطانى، كندیسنك ياننه التجا
 ایتمش اولان مملوكلرك تشویقى اوزرینه مصرى ضبط ایچون
 حربه کیریشدى [۲]. غزه یه کیتدی. سیف الدین قوتوزده
 ۱۲۵۸ مصر اردوسيله عباسیه کلدی. رمله ده قارشىلاشدیلر. بویوك
 بر محاربه اولدی [۳]. كرك سلطانى ایله بحریه مملوكلری مغلوب
 دوشدیلر. مملوكلردن بر چوغى اسیر ایدلدى. باشلارینی كسهرک
 قاهره ده زویلا قاپیسنه آصدیلر. كرك سلطانى، بىبرس و بدرالسعاوى
 ایله كركه قاجدیلر. بوتون آغیرلقلرینی غائب ایتشلردی.
 بوی دكلری ضربه دن نومید اولماشلردی. غزه قربنده شام
 سلطاننه اردوسنه قارشى احراز موفقیت ایتدكلری جهته شامه
 یاقلاشهرق تجاوزاته باشلا دیلر. فقط ناصر یوسف كرك اوزرینه
 یورونجه [۴] فتح الدین عمر بو عسكر ك وروندن قورقه رق
 ۱۲۵۹ صلحه طالب اولدی. ناصر یوسف كركده بولنان بوتون بحریه
 مملوكلرینك كندیسنه ارسالنی ایسته دی. مملوكلر كندیسنه تسلیم

[۱] ذی القعدة اورته لرنده .

[۲] ۶۵۶ سنه هجریه سی باشلانغچنده .

[۳] ربیع الآخر ك ۲۱ نجی صالی كونی .

[۴] ۶۵۷ سنه هجریه سنده .

ایدلدى. ناصر يوسف اونلرى حلب قلعه سینه حبس ایتدیردی. یالکیز بیرس مستثنا ایدی. چونکه او شام سلطانه عرض تسلیمیت ایچون معیتله برلکده کرکدن آیرلمشدی. بو خبر بوتون مصرده مسرت تولید ایتدی. آرتق هرشی سکونت ایچنده ایدی. یالکیز تاتارلرک موصلتی موجب اندیشه اولیوردی. تاتارلر برسنه اول بغدادی آلمشلردی. بوتون سوریه یی تهدید ایدیورلردی. ناصر يوسف کندی مملکتی ترکه مجبور اولمشدی. ایمپراطور لقه کوزی اولان قوتوز امرای طوپلایه رق شرائط حاضرده تاتارلردن پک قورقولدیغنی، سلطانک حکومتی اداره ایدهمیه جک قدر کوچوک اولدیغنی، اردولره قوماندا ایدهمیه جک بر حکمدار بولمق لازم کلدیکنی سویله دی. معزیه لرک رئیس، علم الدین الغتمی ایله سیف الدین بهادرک حاضر بولونما سندن بالاستفاده بوتکلیفی یاپیوردی. نورالدین علی یی توقیف ایدهرک سراه حبس و صوکره کنديسنی خلع ایتدی. معزیه لرک رؤسای عودتلرنده توقیف ایدلایلر. قوتوز سلطان اعلان اولوندى [۱]. کنديسنه مظفر سیف الدین عنوانی ویرلدى. نورالدین علی ایکی سنه یدی آی یکر می ایکی کون حکومت سورمشدی.

نورالدین علینک فلاکتی تعجیل ایدن شی ناصر يوسفک

[۱] ۶۵۷ سناسی ذی القعدة سنک ۱۷ نجی جمعه ایرته سی کونی.

ابولفدا ذی الحجه ابتداسنده دیور.

سفیری کمال الدین عمرک تاتارلره قارشى قوه امداديه طلب ايتمک ابوالمحاسن
اوزره ورودی اولمشدى. قوتوز بوتون اکبر حکومتی داغده کی ابوالفدا
حصارده سلطانک حضورنده طوپلامش ، مسئله یی مذاکره یه
وضع ایتمشدى . کنج حکمدار بوجلسه ده هیچ برشى سویله -
مه مشدى . بونک اوزرینه کنديسنى خلع ايتمک طرفنى التزام
ایتدیلر . تختہ اصعاد ایدیان قوتوز شام حکمدارینه معاونت
وعد ایتدی . بوصیراده تاتارلر یاخود موغوللر متعدد شهرلری
ضبط ایلدیلر . اهالی هر طرفه قاچیوردی . سوریه تمام آدهشت
ایچنده ایدی . بوتون عرب ممالکینده تاتارلرک هنوز تحت اطاعته
آلماقلری قطعه مصر ایله حجاز و یمندن عبارتدی . قوتوز
اردولرینی طوپلادی ، حما حکمداری منصور ایله برلکده
بواسلامیت دشمنلرینه قارشى یورودی (۱) .

۱۲۶۰

تاتارلرک قوماندانی کت بوغا نویان حص حکمداری اشرفی ،
حبیبه حکمداری سعیدی (۲) و متفقلری بولنان سائر جوار
حکمدارلری نزدینه جلب ایله مذاکراتده بولوندى . بعضلری
یکى قوه امدادیه یه انتظار فکرنده ایدیلر . بعضلری ده عکسی
فکرده بولونیورلردی . آرا بویله تشتته اوغراینجه کت بوغا
دشمن اوزرینه یورومک لازم کلدیکنه حکم ایتدی . غزه یه
کیتمش اولان قوتوز اورادن چیقهرق غوره یعنی عین جالوته

[۱] ۶۵۸ سنه سی رمضانده .

[۲] ابن عزیز عثمان .

کیتدی . تاتارلر بوراده ایدیلر . عسکرینک باشنه کچهرک تاتار اردوسنه بالذات هجوم ایتدی [۱] و تاتارلری فراره مجبور ایلهدی . بومحاربده کت بوغا مقتول دوشدی . عسکرلرندن ده پک آزی قورتولدی .

قوتوز . موغوللره رفاقت ایدن حبیبه حکمداری سعیدک باشنی کسیدردی . سعید، صلاح الدین عائله سندن ایدی . صوکره منصورى تکرار حما و بعین حکمدار لغنده ابقا ایلهدی . چوقدن برى حلب حکمدارلرینک اداره سنده بولنان معره یی اوکاویردی . کندیسندن سلمیه شهرینی آلهرق عربلرک امیرینه بخش ایلهدی . قوتوز بوعظیم مظفریتی شام اهاالیسنه اعلان ایتدیردی وشام بولنی طوتدی . شاملیلر در حال ایچلرنده بولنان موغول ضابطاتی وقوماندانلرینی یاقه لادیلر . شامده کی خرسیتیان اهالی برچوق مظالمه معروض قالدی . موغوللر اونلری حمایه ایتمشلر، کلیسالرینی محمدابن محمد کندیلرینه اعاده ایتدیرمشلردی . خرسیتیانلر مسلمانلرک اوزرینه سیوطی وجامع قاپیلرینه شراب دوکه جک درجه ده مسلمانلره حقارت ایشلاردی . بووقعه دن صوکره ایشک رنکی دکیشدی . مسلمانلر مناسترلری یغما ایتدیلر ، ژاقوبینلرک کلیسالرینی ییقیدیلر و بهرژ کلیساسنی یاقه رق برطاش ییغینی حالنه کتیردیلر . خرسیتیانلر هر طرفه قاجیشدیلر . یهودیلر ده تجاوز ایدلدى .

[۱] رمضانک ۲۵ نجی جمعه کونی . سانوت Sanut . نظرأ ۱۶۲۰

سنه سی تشرین اولنک ۳ نده .

قوتوز شامه مواصلت ایدنجه بیبرسی تاتارلری تعقیب ایچون حلبه قدر کوندردی . بو قوماندان بوتون مسلمان اسرایی اونلرک الندن قورتاردی . سلطان، بیبرسه حلب حکومتی وعد ایتشدی . فقط تاتارلر طرد ایدیلدکن صو کره حلبی علاءالدینه ویردی . بوندن دولایی بیبرس کندیسنه مخالفت ایتمهک باشلادی ، حتی علمنده سوء قصد ترتیباته کیریشدی .

قوتوز هر طرفه والیلر نصب ایتدی . شامه علم الدین سنجری؛ ساحل یاخود فنیکه یه شمس الدین برلی نی اقامه ایله دی . تاتارلرک طرفی التزام ایتش اولان حمص حکمداری اشرف کلوب عرض انقیاد ایله دی . قوتوز سوریه ده وکیل و والیلری بولونان ایلاک مملوک حکمداریدر . صو کره مصر یولنی طوتدی ، قصیره کیتدی . اردوسی صالحیه کیتدیکی صیراده کندیسینی باشلیجه امراسی ایله اوراده قالدی .

بو اثناده بیبرس طرفدارلر پیدا ایدهرک بر فرقه یامشدی . انز اسمنده بر مملوک ایله برابر آرتق مناسب بر فرصت کوزتله یوردی . برکون قوتوز اوکندن قالقان بر طاوشانک پیشی صیرا کیدرکن عساکر محافظه سندن اوزاقلاشدیغنی انز کوردی . قوتوزه یاقلاشدی . اوندن براستر حامده بولوندی . رجاسی در حال اسعاف ایدلدی . النی اوپمهک داوراندیغنی صیراده بیبرس قوتوزه بر قیلیج ضربه سی ایندیردی . دیگر آرقداشلری قوتوزی بارکیرندن

آشاغی چکه رک قتل ایله دیلر [۱]. صوکره درحال صالحیه به
 کیده رک حکومتک آتابکنه وقعیه ی آکلات دیلر. آتابک، سلطان
 کیمک اولدیردیکنی صوردی. بیرس، مغرورانہ : بن ! دیه
 جواب ویردی. آتابک درحال : اونک یرینه سز حکمدار
 ابوالحسن اولکز، دیه مقابله ایتدی. قوتوز آنجق اون برآی اون اوچ
 کون حکومت سورمشدی. بویله اولمقله برابر مملوکلرک البویوک
 حکمداری اولمشدر. جسارت واحتیاطی، عقل وحکمتی ایله
 تمیز ایتمشدر. ایبکک لوله لرندن ایدی.

بیرس، افندیسنک قانی ایله هنوز ملمع برحاله، مصر
 تختنه اجلاس ایدیلدی. ظاهر [۲] رکن الدین ابوالفتوح عنوانی
 آلدی. عن اصل قاپچاقلی ایدی. موغول لساننده اسمنک
 معناسی حکمدار دیمکدی. مملکتندن اون درت یاشنده کتیرلمش،
 شامده عماد الصایغه، صوکره امیر علاءالدین بندقداره صا تمشدی.
 علاءالدین سلطان صالحک معیتنده ایدی. صالحی و بندقداری
 عنوانی کندیسنه اوندن قالمشدر. افندیسی علاءالدین اوزون مدت
 معمر اولدی و مؤخرأ اسکی کوله سنک قوماندانلری آراسینه
 کیردی. بیرس جسارتیه تمیز ایتمکده اولدینی جهتله سلطان
 صالح اونی خدمتنه آلمشدی. صوکره، خلفی توران شاهک

[۱] ۶۵۸ سنه سی ذی القعدة سنک ۱۷ سنده.

[۲] ابتدا قاهر لقبی آلمشدی فقط بریسی بونک اوغورلی اولمادیغنی

سویله منه سی اوزرینه ظاهر عنوانی آلدی.

خدمتنه كچدى . ايبك مصره صاحب اولديغى زمان بىرس
عصيان ايتدى ، يوقاريدە كورولديكى اوزره سوريه يە كيتدى .
بىرس حكمدارلغە صعود ايدنجه بوتون عسكر بيعت ايتدى .
اوده هيچ برممانعتە تصادف ايتمكسزىن داغده كى حصارە كىردى .
مملكتنك هر طرفندە عموماً حكمدارلغى تصديق اولوتجە تختە
جلوسنى حمص حكمدارى اشرف سلطانە ، حما سلطانى منصورە ،
صهيون حكمدارى مظفر الدينە ، اسماعيليه يە و سوريەنك بوتون
حكمدارلرينە بىلديردى . محبوسلرى تخليه ايتدى و عسكرە
بويوك احسانلردە بولوندى .

بىرس ، علم الدين سنجرى شام حكومتندە ابقا ايتديكىنى ابوالمحاسن
بيان ايچون امير جمال الدين اقوشى كوندردى . فقط بوقوماندان ابوالفدا
اورادە ايشلارك پكده كندى افنديسى لهندە اولماديغنى كوردى . ابن شحنه
علم الدين عموم طرفندن سەويليوردى . شام قلعه سنى تعمير
ايتديرمشدى . بوتون اهالى بوندن دولايى اوقدر ممنون
ايدىلر كە قادينلر بيله انشا آتە اشتراك و يارديم ايتمشلردى .
علم الدين ، قوتوزك قتلى خبر آلنجه بوتون اهالى يى
طويلا مشدى . بونلر كنديسنه بيعت ايله اونى مجاهد
عنوانيله سلطان اعلان ايلديلر ، نامنى خطبه لردە اوقوديلر واسمنه
سەكە ضرب ايله ديلر . بوخبرى آلنجه حيرتله دوشن بىرس
بوتون قوماندانلرله استشارە ايتدى و مسئلە يى بتيرمك چاره سنى
مذاكرە يە قويدى . اوزمانه قدر داغده كى قلعه ده محبوس بولونان
ايبكك اوغلى سلطان نورالدين على تى سربست براقدى .

بواننده ، سلطان طرفندن حلب والیسی بولونان سعید
 سوءحرکاتی ایله خلقی وعسکری اوقدر یزارايتشدی که کنديسی
 طرد ایله یرینه امیر حسام الدین اقامه ایتکه حاضر لانیورلردی .
 فقط موغوللرک شهرى محاصره ایتک اوزره کلمکده اولدقلرینه
 دائر بیرهدن آلنسان خبرلر بو تصوراتی عقیم براقدی . بیر
 قوماندانی پک زیاده اصرار ایله قوه معاونه طلب ایدیوردی .
 چونکه تاتارلر قلعهلری ییقمشلدی . سعید ، امیر سابق الدین
 قومانداسنده اردوسنی کوندردی . بوتون امرا شهرى بوصورتاه
 عسکر سز براقانک پک مضر اوله جغنی کنديسنه سویله دیلر . ذاتاً
 مندراری آز اولان بواوردو موغوللری دوردیرا بیله جک برحاله
 دکلدی . سعید اونلری دیکلهمدی . عسکرینی چیقاردی . اردو
 بیره یولنی طوتدی . موغوللر چوق کچمه دن بونلری مغلوب
 ایتدیله . ایچلرندن پک آزی سابق الدین ایله برلکده بیره یه
 قاچه بیلدی . متباقیسی یا تلف اولدی یا اسیر دوشدی . سعید
 نصیحت دیکله مدیکنه ندامت ایتدی . دیگر طرفدن اهالی
 قوا سز قالدقلرندن دولایی مرلانیورلردی .

بوصیراده ، تاتارلرک منبج اوزرینه یورودکلری خبر آلدی .
 بر آرزو کره ، قوتوز طرفندن لازقیه Laodicée وجیبیل Dgiabala
 والیسی نصب ایدیلش اولان امیر عزالدین ازدموز حلبه واصل اولدی .
 قوتوزک قتل ایدیلدیکنی ، بیبرسک مصرده اوکا خلف اولدیغنی ،
 علم الدین سنجرک شامده سلطان اعلان ایدیلدیکنی خلقه وعسکره

خبر ویردی . هپسی ، ایچلرندن برینه سلطان عنواتی ویرمک
ووالیدن قورتولمق قرارینی ویردیلر . فی الحقیقه اونک بوتون
خزائننی الندن آلدیلر ، کندیسنی حبسه قویدیلر . بر قاج کون
صوکره موغوللر کلدی . حسام الدین حلبده قالان بر مقدار
قوت ایله شامه چکیلدی . موغوللر حلبه کیردیلر ، بوتون
اهالیسنی طیشاری یه چیقارارق قتلایتدیلر . اورادن حمایه کیتدیلر .
شام اهالیسی بوبابارلرک تقریبندن دهشته دوشدیلر . بوتون شام ،
حما ، حمص ، حلب عساکری طویلاندی . موغوللره قارشى
یورودیلر [۱] . موغوللاری مغلوب ایتدیلر . قوماندانلری
بایدار بر مقدار عسکر ایله قاچه بیلدی .

بو ائاده بیبرس شام امراسنی علم الدین سنجرک طرفنی
ترکه اقناع ایتشدی . بونلر علم الدینه هجوم ایتمک فکریله شامدن
چیقمشلردی . ایچلرنده علاء الدین ایدکین ده واردی . بیبرس
وقتیله بونک کولهسی ایدی . علم الدین ایله بو امرا آراسنده
بر محاربه وقوعه کلدی . علم الدین مغلوب وشامه کیرمکه مجبور
اولدی . حصاره قاپاندی [۲] . اورادن کیجه لین بعلبکه قاجهرق
تحصن ایتدی . یاننده آنجق یکریمی کشی قدر واردی . علاء الدین
ایدکین شامه کیره رک شهرى بیبرس نامنه ضبط ایله دی . یاننده
بیبرسک کوندرمش اولدیغی بر مقدار مصر عسکری واردی .

[۱] ۶۵۹ سنه هجریه سی محرمک باشلانغچنده .

[۲] صفرک ۱۱ نجی جمعه ایرته سی کونی .

وقوعه کلن محاربه ده بو عسکر شام امراسنه مظاهرت ایتشلردی .
 بو کوچوک اوردو در حال بعلبکه کیتدی وشهره کیردی .
 علم الدین بر مدت مقاومت کوستردی . صوکره تسلیم اولدی .
 حصاردن ایندی ، مصره کیتدی . اوراده بیرس طرفندن حسن
 قبول کوردی . علاء الدین ایدکین شام والیسکنه تعیین ایدیلدی .
 سلطان ، وزیر اعظمی عنا نك اوغلی بهاء الدینه ویردی [۱] .
 شجرة الدر زماننده وزیر اعظم بو ایدى . بو صیراده ، بعض
 امرانك کندیسنه قارشى برسوء قصه ترتیب ایتدکلرینی خبر آلهرق
 اول داوراندی واونلری توقیف ایتدیردی . فتح الدین عمرک
 [۲] قوماندانلری کرک شهرینی کندیسنه تقدیم ایتدیلر . صوکره ،
 شام والیسنه ، امیر بهاء الدین بوجی ایله آقوش البرلی نی توقیف
 ایچون امر ویردی . بونلر عزیزیه وناصریه مملوکلرینک رئیسلى
 ایدیلر . بهاء الدین در حال توقیف اولوندی . دیگر مملوکلریله
 برلکده شامدن حقیقه رق حصه کیتدی . اوراده سلطان اشرف
 موسایى بیر سه قارشى عصیان تشویق ایتدیسده موفق اولامادی .
 حاکم ملکی منصورک نزدنده بوندن ده چوق بر موفقیت الده
 ایدممدی . منصور کندیسنى یانندن قوغدی . کیدوب شهرزور
 و حلب جوارلرنده تخریبات یاپدی . حلبده حصه حاکمى فخر الدینی
 بولدی . اونی بیره یی محاصره ایدن موغوللری پوسکورتمک

ابوالمحسن

ابوالفدا

[۱] ۶۵۹ سنه سی ربیع الاولنده .

[۲] کندیسنه مغیث الدین عمرده دیرلر .

ایچون شام والیسی کوندرمشدی . بوکابیرسه خطاباً بر مکتوب ویردی . بومکتوبده ملوککریله برابر اوحوالیده قالماسنه مساعده ایدیلهسنی رجا ایلوردی . فخرالدین قاهره یه کیده جک قدر احتیاطسزلق کوستردی . غیبوتی اثناسنده آقوش حلبه کیره رک شهر ی یغمالیتدی صوکره عربلری وتورککری طوپلادی . مصر اردوسنه هجومه حاضرلاندی . فخرالدین یولده بر اردو ایله آقوش اوزرینه یورون امیر جمال الدین المحمدی یه تصادف ایتدی . آقوشک تکلیفاتی سلطانه عرض ایدنجه یه قدر برشی یانامسنی اوکا سویلدی . بیبرس بوتکلیفاته قولاق آصادی . یکی عسکر کوندردی . کوندردی . آقوش حلبی ترک ایتک مجبوریتنده قالدی .

برقاچ سنه دن بری بغداد موغوللر طرفندن ضبط اولومشدی . ابن شحنه بونلر خلیفه مستعصمی اولدیرمشلردی . خلافت تمامیه محو اولمشدی . ابوالفدا وسنه [۳] احمد اسمنده سیاهلر کینمش بر آدم کلدی . یاننده ابوالمحاسن مخارش قبیله سندن برطاقم عربلر واردی . بو آدم عباسیلر نسلندن اولدیغنی ادعا ایدیوردی [۴] . سلطان بیبرس وزیر اعظم بهاء الدین ، قاضی القضاة تاج الدین ، بوتون قوماندانلر یاننده اولدیغنی حالده کندیسنگ استقباله چیقدی . یهودیلر لارنده تورات ، خریستیانلر انجیل ایله بو استقبال مراسمنه اشتراک ایتمشلردی . احمد

۸ رجیده .

[۴] ابوالفداتک روایتنه کوره خلیفه ظاهر باللهک اوغلی ایدی .
بوالمحاسن مستنجد باللهک اوغلی اولدیغنی سویله یور .

باب الظفر دن قاهره یه کیردی ۱۱۱. برقاچ کون صوکره ۱۴۱ بیبرس
ایله بوتون اکابر حکومت سرایده طوپلان دیلر . احمدک شجره سی
اوقوندی . عباسی عائله سندن اولدیغی تحقق ایتدلدن صوکره
مستنصر بالله نامیه متفقاً خلیفه اعلان ایدیلدی . بیبرس کندیسنه
مهم تخصیصات تعیین ایتدی . صوکره (۳)، خلیفه بر قلاده ایله
سائر صیرمه لی مزینات طاقدی ، قاهره خارجنده بر چادیر
قورولدی . بوراده بر فرمان قرائت اولوندی . خلیفه بو برانده
بیبرسه ایمپراطورانی و سلطان عنوانی ویریوردی . خلیفه لرك
هر دورلو حکم و نفوذدن محروم اولمقده برابر حکومتلر توجیه
ایده بیلیمک حقنی محافظه ایتدکلری کورولدی . خلیفه لری کیزلیجه
اجبار ایدرلردی . کندیلرینه خلیفه طرفندن بویه بر عنوان
توجیه ایدیان حکمدارلر آرتق بر باغی و متغلب کی تلقی اولونه مازدی .
اهالی کندیسنه حرمت ایدردی . چونکه او مقامه خلیفه مسلمین
طرفندن اصعاد ایدیلشدی . بیبرس مصرده پک ایی تأسس ایتمش
اولمقده برابر مملوکلرک جرأتی قیراییله جک اولان بومراسمی اهمال
ایتمدی . چونکه بو صورتله مملوکلر خلق نزدنده پک اوقدر
طرفدار بولامایه جقلردی . بوتون اکابر حکومت و مملکت
قبة النصر آلتنده طوپلان دیلر . خلیفه، لباس مخصوصی آرقه سنده

[۱] بر پنجشنبه کونی .

[۲] آیک ۲۳ نجی بازار ایرتسی کونی .

[۳] شعبان ایتداسنده .

اولدینجی حالد ، دیوان کاتبلرندن برینه بر منبر اوزرندده فرمانی اوقوتدیردی . صوکره ، سلطانک قوماندانلرندن بری آلائی ایلده قاهره یه کیررکن بو فرمانی باشی اوزرندده طاشیوردی .

بومراسمدن صوکره بیبرس مصرک محافظه سنی امیر عزالدین اید موره تودیع ایلده اونئی داغده کی حصارده براقدی ، ییکی خلیفه ایلده برلکده سوریه یه حرکت ایتدی ۱۱۱ . اولاشامه کیتدی [۲] . اوراده حمص سلطان اشرف کندیسنه ملاقی اولدی . بیبرس بو حکمداره سکسان بیک آلتون ایلده متعدد خلعتلر هدیه ایتدی . تل باشر شهرینی ده ممالکینه الحاق ایلده دی . حاکممداری منصورده سکسان بیک کوموش سکه ایلده خلعتلر هدیه ایتدکن باشقه حاکمومتنده کندیسنی ابقا ایلده دی . بوتون بو حکمدارلر صلاح الدین عائله سندن ایدیلر . مملوکلر مصر ایمپراطورلغنی بوعائله نلک الندن آلمشاردی . بیبرس ییکی خلیفه یی مهم قوت و مراسم ایلده مصره کوندردی . امیر بلبان ، آقوشی تعقیب ایچون برمفرزه ایلده شامدن چیقدی . آقوش حرانه قاچدی . بلبان حلبی استرداد ایتدی . صوکره کیدوب آنطاکیه یی محاصره آلتنه آلدی . بو اثناده بیبرس مصره دوندی [۳] . موصل حاکمدارینک اوغللری [۴] بر مدت اول

[۱] ۱۹ رمضانده .

[۲] ذی القعدة نلک ۷ نجی بازار ایرته سی کونی .

[۳] ذی القعدة نلک ۱۷ سنده اورایه واصل اولدی .

[۴] صالح اسماعیل ، برادری مجاهد که جزیره ابن عمر حاکمی ایدی .

ابوالفدا

كلوب كندیسنی بولشاردی . بیبرس اونلره مصرده بیر ویرمشدی .

عكا طرفنده یدی آطه نك بوتون سکنه سیله برابر صولره باتدیغنی

خبر آلدی ۱۱۱ . قوماندانلارندن بدرالدین كرك حکمدارینه عائد

اولان شوبکی ضبط ایتدی [۲] . اوسنه استانبول ایمپراطوری

میشل پاله ثولوغ طرفندن کندیسنه سفیرلر کلدی . ایمپراطور

بر تجارت معاهده نامه سی یایمق ایسته یوردی . بونك اوزرینه

مصر لیلر قاره ده کیزده طربزون طرفلرینه تجارتیه کیتدیله .

پاخیمره

ابوالحسن

خلیفه یاننده برخیلی حکمدار و امرا اولدیغی حالدده [۳]

رحبه یه کیتدی . اوراده درت یوز عرب سواریسى رئیس لریله

برابر کندیسنه التحاق ایتدیله . بعضی لری ده یانندن آیردی .

غنه یه واصل اولدیغی زمان عباسی عائله سندن برذاته تصادف ایتدی .

بو کندیسنی خلیفه اعلان ایتش و حاکم بامر الله عنوانی آلمشدی .

بونك یاننده یدی یوز تورکمن سواریسى واردی . فقط فرات

کچیدننده بونلر کندیسنی ترك ایدنجه رقیبی مستنصر ك یاننه التجا

ایتدی . مستنصر غنه یه ، صوکرده ده حدیثه یه کیردی . اهالی

کندیسنه قاپیلری آچشاردی .

عراقده موغوللر ك رئیسى اولان قاره بوغا ایله اونلر ك نامنه

سیوطی

[۱] ربیع الآخر آینده .

[۲] ذی الحجه آینده .

[۳] ملك الصالح و اوغلی علاء الدین (موصل حکمدارلری) ؛

جزیره ابن عمر حاکمی مجاهد سیف الدین ؛ سنجار حکمداری مظفر

علاء الدین ؛ کامل ناصر الدین محمد ، الخ .

بغدادده قوماندان بولونان بهادر اردولرينك باشنه كچديلر .
 قاره بوغا بش بيك سوارى ايله كيدوب آنبارى ضبط ويغما
 ايتدى . موغوللارك قورقوسى هيت اهاليىنى قايليرنى خليفه يه
 قاپامغه مجبور براقدى . فقط خليفه شهرى جبراً ضبط ايله
 يهودى وخرستيان اولرينى يغما ايله دى . آنبارطرفنه برمفرزه
 كوندردى واردوسنك باشنه كچدى . برپوصودن چيقان موغوللر ،
 اوزرينه بردن بره هجوم ايتديلر . توركمناو عربلر حاكم ايله برلكده
 قاجديلر . بو وقعه دن صوكره آرتق بردها مستنصر دن بحث
 ايدليور . بعضلى محاربه ده مقتول دوشديكنى سويله يور .
 بعضلى يارالانديغنى ، عربلر ك نردينه قاجديغنى واوراده ترك
 حيات ايله ديكنى ادعا ايدليور .

بيبرس اوزمان مصرده ايدى . بومؤسف وقعه يى خبر آلدى .
 ۱۲۶۳
 حاكم [۱] اونك ياننه التجا ايتدى . بيبرسه صهبون حكمدارى ده
 ابوالفدا
 عرض اطاعت ايتدى . شمس الدين سنقر قومانداسنده كوندرديكى
 ابوالمحاسن
 براردو آقوشك الندن حلب شهرينى آلدى . صوكره
 عسكرلىرى ، هما حكمدارى منصور ، حص حكمدارى اشرف
 ايله برلكده كيدوب آنطاكيه جوارلرينى تخریب ايله اوچ يوز
 اسير اله كچيرديلر [۲] . النده يالكز بيره موقعى قالان آقوش

[۱] ابن ابوعلى الحسن ابن ابوبكر ابن حسن ابن على القتبى ، ابن
 خليفه مسترشد . ۶۶۰ سنه سى ربيع الاخيرينك ۲۷ سنده مصره
 كلدى .

[۲] رمضان آينده مصره دونديلر . سانوته نظراً ۱۲۶۲ تاريخنده .

نهایت بپرسه عرض انقیاد ایتمك قرارینی ویردی [۱]. بپرس
 بونی عفو ایتدی و بو صوك شهرى كندیسنه براقدی . بر آز
 اول ۱۲۱ بپرس ، اولجه شام والیلکنه تعیین ایتمش اولدیغی
 علاءالدین طبرسی توقیف ایتدیرمشدی . بو قوماندانك سوء
 حرکاتی واهالی یه یاپدیغی مظالم كندیسنك سبب نكبتی اولدی .
 بپرس آرتق خلیفه حاکمه عائد اولان ایشی نتیجه لندیر-
 مكدن باشقه برشی دوشونمهدیكى ایچون [۳] بوتونا کابر حکومتی
 طویلادی . اونلرك موواجهه سنده حاکمك شجره سی تدقیق
 اولوندی . صوكره خلیفه اعلان ایدیلدی . منبرلرده اونك نامنه
 خطبه اوقوندی . كندیسنه ویریلن یگانه نشانه حاکمیت بوندن
 عبارتدی . یالکزر رئیس دین اوله رق تلقی ایدیلیوردی . تاریخ
 بو خلیفه نك حیاتی حقنده بزه باشقه برشی اوکرتمه یور .

۱۲۶۳ بپرس اردولرینك باشنه کچه رك سوریه یه کیتدی [۴] .
 سانوت غزه ده كرك حکمدارینك والده سنه تصادف ایتدی . قادین ،
 ابوالفدا اوغلی ایچون بپرسدن تأمینات آلدی . صوكره كرك حکمداری
 کلوب بپرس ایله کوروشدی . بپرس سینا داغنه کیتدی . اورادن
 یوللادیغی مفرزه لر خرستیانلق کلیساسنك اك مشهور مناسترلری
 اولان بیت اللحم مناسترینی تخریب ایتدیلر . عکایه یاخود

[۱] ۶۶۰ سنه سی ذی الحجه سنك ۲ سنده مصره کلدی .

[۲] ذی القعدة آئنده .

[۳] ذی الحجه نهایتلرنده .

[۴] ۶۶۱ سنه سی ربیع الآخرینك اون برنده حرکت ایتدی .

پتوله مایسه قدر آقینلر یاپدیله. صوکره سلطان [۱] دوقوز بیک سواری ایله بالذات عکایه کیتدی [۲] و بوتون جوارلری تخریب ایتدی. چونکه تامل و اوپیتال شو و الیهلری معاھدیه رغماً مسلمان اسیرلرینی اعاده دن امتناع ایتشلردی. بیرس قرار لاشان شیلری اعاده ایتکی قبول ایتدیکی حالده اسیرلرینه اعاده اولونما یوردی. صوکره مصره کیتدی. کرک سلطانی ده برلکده ایدی. بیرس ویردیکی وعده رغماً، وقتیله قاریسنه قارشى وقوع بولان حقارتک انتقامنی آلمق ایچون کندیسینی اولدیرتدی. بر قوماندان کوندردی. بوقوماندان کرکی تسلیم ایتدی [۳]. حص شهری ده اشرف موسانک و فایله کندى الله دوشدی [۴]. اشرف موسا حصک صوکره حکمداری اولمشدر.

بو اثناده بیرس مصرده ایکی سرای آره سنده محتشم بر مدرسہ ابوالمحاسن انشاسیاه مشغولدی [۵]. بوراده بالجمله علوم ایچون معلملر تعیین ایتدی. بالخاصه الهیات ایله مذاهب اربعه احکامنی تدریس ایچون معلملر بولدی [۶]. بوکا برده بویوک بر کتبخانه علاوه ایتدی. تفریق ایدیلن بر محله فقیر و یتیم چو جوقلره او قویوب

[۱] سائوت بوکا بن دوقدار دیور.

[۲] ۱۴ نیسانده.

[۳] ۶۶۱ سنه سی جمادی الاخرینک ۲۳ نجی پنجشنبه کونی.

[۴] ۶۶۱ سنه سی ذی القعده سی ایچنده.

[۵] ۶۶۲ سنه سی ابتداسنده انشا آتی ختام بولدی.

[۶] یعنی ابو حنیفه، مالک، حنبل، شافعی مذھبلری.

يازماق اوكره تيليوردی . بونلرك اعاشه سی ده تأمین ایدلمشدی .
بیبرس ، قدسدهده یولجیلر ایچون برخان ، شامده بر مدرسه
ایشا ایتدیردی .

سیوطی	صوکره ، بویوک براردو ایله فرانقلره هجومه کیتدی . عکا
ابوالفدا	فرانقلری تامپل و اوپیتال شو و الیه لریله رمله و عسقلانه آقینلر
سانوت	یایمشلر [۱] ، هر طرفی قان و آتش ایچنده براقشیلر ، بعض
ابن شحنه	امرایی اسیر و برچوق خرسیان اسرای تخلص ایتمشلردی .
۱۲۶۵	بیبرس سوریه یه کیردی ، قیساریه یی محاصره ایتدی [۲] .
	آلتی کون صوکره شهری ضبطه موفق اولدی . قلعه یی ییقیدیردی ،
	صوکره ارسون حصارینی ده ضبط ایله دی [۳] . رجه والیسی
ابوالمحاسن	قرقیسیانی اله کچیردی ، بیبرس مصره دوندی . اورادن تکرار
ابوالفدا	سوریه یه عودت ایتدی [۴] . عین جالوتده اردو قوردی .
	مفرزه لری آیردی . بری جمال الدین ایدوغدینک ، دیکری
۱۲۶۶	سیف الدین قلاوونک قومانداسی آلتنده ایدی . بونلر فرانقلر
	ممالککنده آقین یاپدیلر . عکا ، صور ، طرابلس و حصن الاکراد
	جوارلرینی تخریب ایله دیلر . بوضوک موقعده پک چوق غنائم
	آلدیلر . بیبرس عین جالوتدن حرکت ایتدی ، مونفور حصارندن
	کچدی . اوراده برشی یایمادی . سائر قلعه لر کی فرانقلره

[۱] ۱۲۶۴ سنه سی حزیرانک ۱۶ سنده .

[۲] ۶۶۳ سنه سی جاذی الاولنک ۹ نده .

[۳] جاذی الاخرده .

[۴] ۶۶۴ سنه سی شعبانک ابتدالرنده برجهه ایرته سی کونی .

عائد اولان صفد قلعه سنی محاصره آلدی [۱]. صفد پیشگاهنه
برچوق مانجینیقلر قوردی، ضبط ایدنجیه قدر سورلری دائمی
صورتده دولدی [۲]. سورده ایچ قلعه یی محاصره ایتدی.
عسکرینی هجومه بالذات سوق ایدیوردی. قوه محافظه عرض
تسلیمیت تکلیفنده بولوندی [۳]. فقط بونلرک هیچ برینه
اهمیت ویرمیهرک اهالی یه مسلمان اولمالرینی تکلیف ایتدی.
سن فرانسوا طریقت روحانیه سنه منسوب ژاق دوپوئی ایله ژدره می
دوژهنی وتامیل طریقتی پاپاسی دینلرینی ترک ایتمه لرینی اهالی یه
توصیه ایتدکلری جهتله بونلر وقوع بولان تکلیفه رضا کوستر-
مدیلر. هپسنگ باشی کسیددی. تقریباً آلتی یوز کشتی قدر
ایدیلر. بیرس صفد قلعه سنی تعمیر ایتدیردی. ایچنه اسلحه
وذخیره یوللادی، بر قوه محافظه براقیدی. بوقوت خرسیتیانلری
پک تعجیز ایتشدیر. عینی زمانده، هوک لوزینیانک اداره سنده
بولونان خرسیتیانلردن برچوغنی ده اولدیرمشدر.

صفد محاصره سی اثناسنده صهیون حکمدارندن بر هیئت ابوالمحاسن
سفارت کلمشدی. صهیون حکمداری کندیسنه هدیه لر تقدیم
ایدیور ویاننه کله مدیکندن دولایی عرض معذرت ایله یوردی.
کوچوک ارمنستان قرالی هایتون طرفندن ده بر هیئت سفارت

[۱] ابوالفدایه کوره ۸ شعبانده. ابوالمحاسنه کوره ۸ رمضانده.

[۲] شوالک ۱۵ نجی صالی کونی.

[۳] ۱۸ شوالده تسلیم اولدیلر. سانوته نظراً ۲۴ حزیرانده.

کلدی ایسه ده بیرس بونی قبول ایتک ایسته مدی. دائم موغوللار له برابر بولونان و موغوللرک خوشنه کیتمه یه جک بر حرکتده بولونمقدن قورقان هایتون سلطانه عرض انقیاددن و ویرکو ویرمکدن امتناع کوسترمشدی. ارمنیلرک مصره کیدوب بارکیر، قاطیر، بوغدای، آرپه، دمیر صاتون آلمالرینه مساعده ایتیهور و مصرلیلرک ده کلوب ارمنستانده تجارت ایتلرینه مانع اولیوردی. سلطان ایسه بونی ایسته یوردی.

هایتونک عدم موافقتی بیرسی حما حکمداری منصور ایله امیر آق سنقر الافریقایی بر اردو ایله کوچوک ارمنستانه یوللامغه مجبور ایتدی [۱]. هایتون بوتون بوغازلری تحکیم ایتمش، قلعه لر یامش، ایلچلرینه عسا کر محافظه براقشیدی. عینی زمانده آناطولیده کی موغول قوماندانی نافجییه مکتوب یازهرق عسکر ایسته مشدی. فقط خانلرندن بوبابده بر امر آلامش اولان موغوللار محاربه یه کیریشمک ایسته مدیلر. ارمنستان قرالک ایکی اوغلی [۲] کچیدلری مدافعه ایتدیلر سده مغلوب اولدیلر. بری مقتول دیکری اسیر دوشیدی. اسیر دوشن هایتونک اوغلی لئون ایدی. مسلمانلر کوچوک ارمنستانه کیردیلر، تخریب ایتدیلر. عمودین حصارینی آلدقدن سولره برچوق غنائم ایله شامه دوندیلر. بیرس اردوسنی استقباله

[۱] ذی القعدة نک اوچنچی جمعه ایرته سی کونی.

[۲] ابوالمحاسنه نظراً بر اوغلی و برده همشیره زاده سی.

کیتدی [۱]. شام ایله حمص آرەسندە قارادن کچرکن بوراسنی تخریب ایتدی . بورادە فرانقلر ساکن ایدیلر . طوتەبیلدکلری مسلماننی اسیر ایدیورلردی . فرانقلرک چوققلرینی آلەرق مصرە کوندردیلر . برچوغنی اورادە مؤخرأ امیر اولدیلر . برقسمی دە عسکرلکدە قالدیلر .

اورادن بیرس کرکه [۲] ، صوکرە مصرە کیتدی . یمن ابوالمحاسن حکمداری مظفر یوسف برطاقم هدایایی حاملأ برهیئت سفارت کوندردی . هدیەلر برفیل ایله یبانی بیاض و سیاہ اشک و بارکیکلردن وچینی وانیدن مرکب ایدی . یمن حکمداری بیرسە عرض تابعیت ایدیوردی . چوق کچمەدن مصر سلطانی تکرار سوریه یولنی طوتدی [۳] . یافە سیننیورینک مرخصلرینە تصادف ایدنجه بونلری توقیف ایتدیردی . علی العجلاہ یافە اوزرینە یورو یەرک صباحلین شفق وقتندە علی الغفلاہ باصدی . بوتون فرانقلر قلعه یە قاچدیلر . یغمادن قورتولمق ایچون قرق بیک کوموش سکه ویردیلر . صوکرە ، کمیلرە بینەرک عکایە کیتدیلر [۴] . بیرس بوقلعه یی دیبندن ییقیدیردی ، شقیف [۵] یاخود بوفور حصاری

[۱] ذی الحجەنک ۲ سندە .

[۲] ۶۶۵ سنه سی محرم نک باشلانغچندە .

[۳] ۶۶۶ سنه سی جمادی الآخرینک ۲ نجی جمعه ایرتەسی کونی .

[۴] یافە ، سانوتە نظراً ۱۲۶۸ سنه سی مارتنک ۷ نجی کونی ضبط

اندلشد . ابوالمحاسنە نظراً ۶۶۶ سنه سی جمادی الآخرینک ۲۲ سندە .

[۵] ۲۲ رجبدە . ۲۹ ندە ضبط ایتدی .

اوزرينه يورويهرك ضبط ايله دی . كذلك مصوره (۱) نی ده اله
 کچیردی . اورادن حص اوزرينه يورودی . جوارلرینی تخریب
 ايله اکتفا ایتدی . کوردلری یاخود کرک قلعه سی قوه محافظه سنی
 اولدیردکلری مسلمانلر ایچون بیک آلتون سکه ویرمکه اجبار
 ايله دی . صوکره ، حادن و افامیه دن کچهرک آنطاکیه شهرینی
 محاصره یه آلدی (۲) . بونک پرنسی بوئه موند ایدی . اهالی
 عرض تسلیمیت ایتک ایسته دیلر . فقط شرائط قبول ایدلمدیکی
 جهته بیرس ، شهری هجوم ايله ضبط ایتدی (۳) . آلدیغی
 تکمیل غنائمی امراسیله عسکرلری آره سنده تقسیم ايله دی .
 بووقعه ده قرق بیکدن زیاده خرستیان اولدی و یوز بیکدن زیاده
 خرستیان اسیردوشدی . شهرده موقوف بولونان بوتون مسلمانلر
 سربست براقیلدیلر . شهرک چوره سی اون ایکی میل ایدی .
 یوزاوتوز آلتی قلعه واردی . بیرس امیر شمس الدینی کوندیره رک (۴)
 قصیری نام دیکرله بغراسی یاخود پرده بونل لیماتی ضبط ایتدیردی .
 بیرس بوجوارلرده بولوندیغی صیراده ، موغوللردن بیهوده یر
 قوه معاونه استرحام ایتش اولان ارمنستان قرالی هایتون صلحه
 طالب اولدی . هلاکو طرفندن اسیرایدیلن امیر سنقرالاشقروک
 هایتون طرفندن تخلیه ایتدیرلمه سی ومصر لیلره بهسنی ، دربساک ،

ابوالمحسن
 سانوت
 ابوالقدا

هایتون
 ابوالفرج

[۱] ۲۶ رجیده .

[۲] رمضان ابتداسنده .

[۳] رمضانک ۴ نجی جمعه ایرته سی کونی . سانوته نظراً ۲۹ مایسده .

[۴] لقبی سنقرالافریق در .

مرزبان ، رعبان ودها سائر بعض موقعلرک تسليم اولونماسی شرطيله مصالحه امضالاندى . شرائط صلحیه اجرا ایدیلدی .
یالکیز بهسنی شهری ویرلهدی . بیبرس نزدنده اسیر بولونان ارمنستان قرالنک اوغلی له ئونی اعاده ایتدی وقاهره یه دوندی (۱۱) .
برآز صوکره (۲) بوتون اکابر حکومتی طویلا دی . اوغلی سعید برکه خانه صداقت یمینی ایتدیردی . بوکنج شهزاده نک کندیسنه خلف اولاجنی امیدیه اوکا سلطان عنواتی ویردی . کندیسنه قارشى سلطانک تخته حین جلوسنده جاری اولان مراسم اجرا اولوندى .

دائمی صورتده مصردن سوریه یه کیدوب کلن بیبرس بعده ینه شامه کیتدی . اوراده موغول سفیرلری برنامه مخصوصی ابوالمحاسن حامله کلوب کندیسنی بولدیله . مکتوبده آباخانک الک شرقده کی ولایتلردن چیقهرق بوتون کچدیکی ممالکی ضبط و کندیسنه مقاومت جراثنده بولونان حکمدارلری اتلاف ایتدیکی سویلندکن صوکره دوغروندن دوغرویه بیبرسه توجیه خطاب ایدیلیوردی :
« اکر سماواته چیقماز یاخود یرک دینه کچمزسه کیز کندیکزه هیچ برطرفده برملجأ بولامازسکز . بزمله صلح یامقدن باشقه سزک ایچون برچاره نجات یوقدر . سز پاره ایله

[۱] ۱۱ ذی الحجه ده اورایه واردی .

[۲] ۶۶۷ سنه سی صفرینک ۹ نده .

صاٹلش برکوله سکیز . یر یوزی حکمدارلرینه ناصل اولورده
مقاومت کوسترمکه جرأت اده بیلیر سکیز ؟ »

بیرس درحال ویردیکی جوابده موغوللردن عراقده ،
جزیره ده ، آناطونیده ، سوریه ده ضبط ایتدکلی یرلرک اعاده سنی
طلب ایله بونلری استرداد ایچون سفره چیقماق اوزره اولدیغنی
بیلیردی . شامی ترک ایله [۱] متکرراً قاهره یه دوندی [۲] .

۱۲۶۹

کندیسنی اردوسنک باشنده ظن ایدیورلردی . عسکری بیله بوکا
قانع ایدیلر . چونکه خسته اولدیغنی اعلان ایتدیرمشدی .
مصرده درت کون قالدقن صوکره سوریه یه عودت ایتدی .
بوسریع سیاحتی یامقدن مقصدی ایشلرک ناصل کیتدیکنی کندی
کوزیله کورمک و اوغانک حرکاتی تفتیش ایله مکدی . مواصلتندن
برآز صوکره قوماندانلری ، عزالدین احمددن [۳] پلاتینوس
وقارابیل موقعلرینی آلدیلر [۴] . بوکا مقابل بو حکمداره
شهر زور قربنده حامله دنیلن بر قصبه ویرلدی .

بیرس سفره کیتدی . اورادن صور طرفنده فرانقلرک
اراضیسینه آقینلر یاپدی ، پک چوق غنائم آلدی . کرکدن
کچهرک مدینه یه کیتدی [۵] . فقرا یه برچوق تصدقاتده بولوندی .

[۱] رجب نهایتلرنده .

[۲] ۲۰ شعبانده جبیلده کی حصاره مواصلت ایتشدر .

[۳] ابن مظفرالدین حماد ابن منکورس (صهیون حکمداری) .

[۴] رمضانک ۲۶ نجی بازار کونی .

[۵] ذی القعده نهایتلرنده .

دن مکّه یه کیتدی [۱] . مکّه حاکمی بولونان ابوتمی ایله
 اوغلی ادریس کندیسنه عرض اطاعت ایتدیلر . تکمیل مناسک
 حجتی تعقیب ایله دی . کعبه یی کل صویله ییقادى . مدینه یه عودت
 ایله قبر پیغمبری یی زیارت ایله دی . اورادن کرکه و شامه [۲]
 بعده مصره دوندى . برقاج کون مصرده قالدی . اوغلنی آلهرق
 اسکندریه یه کوتوردی [۳] . نهایت شامه واصل اولدی [۴] .
 عکا جوارنده فرانقلرک اراضیسنه آقینلر یاپدی وعکا والیسنى
 اسیر آلدی . صوکره مرqb حصارینه دوغرو اسماعیلیه لر اوزرینه
 یورودی . فقط یاغمور وقار بوقلعه یی ضبط ایتمه سنه مانع اولدی .
 بیبرس حمصه عودت ایتدی . حصن الا کراد قارشیسنده قرارگاه
 قوردی . هرکون فرانقلرک اراضیسنه آقینلر یاپیوردی .

بوجوارلرده بولوندیغی صیراده برطاقم فرانق کملرینک
 اسکندریه یه کیردکلرینی خبر آلدی . درحال مصره متوجهاً
 حرکت ایتدی [۵] . بحر ابومانجه اوزرنده شایان حیرت بر معماری یه
 مالک بر کوپرو بنا ایتدیردی . بوانشاآت ایله مشغول بولنورکن
 فرانق پرنسلرندن برینک [۶] سوریه یه یورودیکی خبرنی کتیردیلر .

۱۲۷۰

[۱] ۸ ذی الحجه .

[۲] ۶۶۸ سنه سی محرم نک ۲ نجی بازار کونی .

[۳] صفر آینده .

[۴] ربیع الاخرک ۱۷ نجی صالی کونی .

[۵] شعبانک ۱۲ سنده قاهره یه واصل اولدی .

[۶] ابوالمحاسن بونک سن لوینک برادری شارون اولدیغنی سویله یور .

بو ، آراغون قرالى ژاقك اوغلى فردينان سانش ایدی . بېرس
درحال اردوسيله سوريه يه كچمكه حاضر لاندی . فقط اسكندريه دن
اون ايكي فرائق سفينه سنك ليمانه كيرديكنه ، برچوق تيجار
سفينه لرني يغما و احراق ايتديكنه و ديكر لرنيك ليمان دن چي قمارينه
مانع اولديغنه دائر كلن خبرلر حر كتنی تأخير ايتديردی . درحال ،
اسكندريه ده بولونان بوتون كوپكلرك اتلاف ايدلمه سنی ، اقشاملری
هيچ بردكانك آچيلما ماسنی و آيدينلق ياقيلما ماسنی امر ايتدی .
دمياطه كيتدی . اورادن قاهره يه كلهرك دوبالی ايكي كوپرو
ياپديردی [۱] . بری قاهره دن روضه آطه سنه ديكری بو آطه دن
جيزه يه ايصال ايدیوردی . صوكره معيتنده برمقدار امر او عسكر
اولديغی حالدده عسقلانه ليتدی [۲] . بوشهرك سورلرندن بر قسمنی
ييقديردی . سورلر چوق كچمه دن خراب اولديلر . انقاص
ايچنده آلتون ايله دولو برقاب بولدی . آلتونلری ياننده كيلره
توزيع ايله دی .

يورولمق بيلمه ين بو حكمدار مصر دن سوريه يه كيدوب
كلمكن خالی قالمادی . فرائقلره عائد اولان جليل ، لازقيه ،
مرقب ، عرقه ، ماراقيا ، وليقات ، صافيته ، مجدل ، انطرسوس
حصارلرني ضبط ايتدی . كوردلر ياخود كرك حصاريني محاصره يه

[۱] ذی الحجه آينده .

[۲] ۶۶۹ سنه سی صفر بنده .

آلدى [۱] وقيليج الدة قلعه يه كيردى . بر مدت صوكره [۲] . ۱۲۷۱
 عكايه جوار بر قلعه يي محاصره ايتدى [۳] . مانجىنقلرله دوكدى .
 اهالى يي عرض تساييمته مجبور ايلهدى . كنديلرينك طراباسه
 چكىلمه لرينه مساعده ويردى . اورادن صوكره كيدوب طراباس
 جوارنده اردوكاه قوردى [۴] . طراباس قوتى كنديسيله ملاقات
 طلبنده بولنديغندن بيرس امير سيف الدينى كوندردى . بو عن اصل
 روم ايدى . بيرسك صلح اچون قويدىغى شرائط طراباس
 الكاسنك ، جيل ولاذقيه نك تساييمندن وبوايكي شهر ك مسلمانلرك
 اداره سندن چيقديغى تاريخدن يعنى ناصر زمانندن برى تأديه
 ايتدكلرى ويركولرك و صوك حربك مصارفنك تأديه سندن
 عبارتدى . بو شرطلر فراتلر طرفندن قبول ايدلمه ديكي جهتله
 محاصره يه باشلادى . فقط چوق كچمه دن صلح عقد ايدىلدى . شرائط

[۱] ۱۹ رجبده . سانوت بوكا كراك شاتوسى ديور . اوسپيتاليه
 شوواليه لرينه عائد ايدى . اهل صليب تاريخنده بو قلعه پك مشهوردر .
 سانوت بونك عرقه جوارنده اولديغى سويليور . عربلر بوكا حصن الا كراد
 ديرلر . كرك اونك يازيلرينه كرك ابوالحاسنك افاده سنه باقيليرسه بوراده
 عيني موقع موضوع بحث اوليور ديمكدر . چونكه شيمدى يه قدر كرك
 قلعه سنك موقعى حقنده پك تردد واردى . بو كرك ايله ايكنجى عربستان
 داخلنده كائن ديكربر كركى بربرينه قاريشدير مالماليدر . او ، بحر لوطدن
 اوتوده قدس قرالى بودوان طرفندن بنا ايدىلشدر .

[۲] ۱۴ رمضانده .

[۳] سانوت بوكا بياض قله لى حصار ديور .

[۴] شوالك دردنجى جمعه ايرته سى كوني .

صلحیه سو جینجه عرقه ایله دیکر بر حصار طرابلس پرانسنه قاله جقدی .
 خصوصی سینیور لر انده بولونان طرسوس [انطرسوس] ،
 مرقب ، پانه آس [بانیاس] ایله قسماً تامیلیه شووالیه لرینه عائد
 بولونان بارین ایله اسکی حص سلطانیه ویریه جقدی . عرقه ایله
 الی آلتی پارچه کویدن عبارت اولان مالحقاتی سلطانیه تابع
 اولاجقدی . بو شرائط قبول اولوندیغی جهتله ایکی سنه درت
 آی واون کونلک بر متارکه یاپلدی . بیرس شامدن کچهرک
 قارینی محاصره یه کیتدی (۱) . بو قلعه ده نه قادین نه چوجوق
 یوقدی . قوه محافظه نك مدافعه شدید سنه رغماً قلعه عرض
 تسلیمیت ایتکه مجبور اولدی (۲) . سلطان بوتون جیخانه بی
 آلدقندن صوکره قلعه بی یقیدردی . طاشلری صوکره درجه ده
 سرت ایدی . دمیرلرله واریمش قورشون ایله بربرلرینه
 طوتدیرلمشدی . ییقمق ایچون اون ایکی کون اوغراشادی .

ابوالمحاسن

ایشته بیرس هر طرفده فرانقلری مغلوب ایدیوردی . صوکره
 عکایه یاقلاشادی . فقط مصره کیتمک اوزره درحال اورادن
 حرکت ایتدی (۳) . برمدت اول ، قبریس قرالنک بر دونانما
 ایله عکایه کلدیکنی خبر آلمشدی . آطه نك بوش قالماسندن
 استفاده ایتمک ایسته یهرک ناصرالدین عمر ایله ده سائر بعض

ابوالفدا

سانوت

[۱] شوالک ۲۸ نده . سانوت بو حصاره مونفور دیور . آلمانلرک
 الده ایدی .

[۲] ۱۳ ذی القعده .

[۳] قاهره یه ذی الحجه نك ۱۳ نجی پنچشنبه کونی واصل اولدی .

امرانك قومانداسى آلتندە قېرىسە اون ىدى سىڧىنە كوندردى
 ايسەدە فېرطنە بو دونانماي داغيتدى . لىمىسو قېرىندە سىڧىنەلر
 قاياپە چارپىدىلر . بوتون طائفە اسير دوشدى . ضايعات تقريباً
 سىكز يوز كشيدين عبارتدى . سلطان بو فلا كتدن پك زياده
 متأثر اولهرق قاھرەدە شراب استعمالنى منع ايتدى وايچەجك
 اولانلرى اعدام ايتدىردى . بو ممنوعيت قاھرەدە يومى بىك
 آلتون سكه ضررى موجب اوليوردى . صوكرە بىرس يكى بر
 بر دونانما احضارى اچون امر ويردى . بو امر درحال اجرا
 ايدىلدى ۱۱۱ . عملدرك چالاشدىغنى كورمك اچون ترسانىيە كىتمك
 ايسەدى . نىل اوزرندە بر سىڧىنەيە راكب اولدى . سىڧىنە دورىلدى .
 بر قاچ كيشى بوغولدى . آز قالدى سلطان بىلە بوغولا جقدى .
 بىرس صوكرە سوريەيە بر سياحت ياپدى . موغوللر خانى
 آباقا نويان صمغار ايلە پروانەك قومانداسى آلتندە سوريەيە
 اون بىك سوارى يوللامشدى . آباقا خان بىرسك سوريەدە
 اولدىغنى خبر آلنجه قوتلرني استكشاف اچون بايجو نويانك
 اوغلى افاكك قومانداسى آلتندە بىك بشيوز موغول كوندردى .
 بونلر حلب الكاسنە كچدىلر . عىتتابى ، ماستوقى تخريب ايتدىلر . حارم
 ايلە آنطاكيە آراسىندە بولونان تور كمنلرە هجوم ايلەدىلر . قيساريەيە
 قدر ايلر يلەدىلر . راست كلدلرى بوتون مسلمانلرى اولدىردىلر .
 صوكرە بر چوق غنائم ايلە مرعشە چكىلدىلر . بىرسك مظفريات
 عظيمە سندن تلاشە دوشن فرانقلر بونلرى چاغيرە مشلردى .

سانوت

ابوالمحسن

بیرس چارچابوق اردوسنی طوپلادی. فقط موغوللر چکیلوب
 کیتیشلردی. امراسندن بعضیلرینی ارقلرندن تعقیبه یوللادی.
 شمس الدین سنقر [۱] حلبک شاننه کیتمک و سیس یاخود کوچوک
 ارمنستان الکاسنه دوغرو اوزامق امرینی آلدی. بوقومانان
 مرعشه قدرایلیله دی. موغوللره تصادف ایدمه نجه حلبه دوندی.
 امیر علاءالدین طبرس ایسه حران طرفنه کیتدی.

۱۲۷۲

بوسفردن صوکره بیرس قاهریه دوندی [۲]. جیزه ده
 بولوندیغی صیراده تحت الزمین بر یرده بر طاقم بزلره صاریلی
 کدیبلره آو کوپکلری، قوشار ودها سائر حیوانات بولونمش
 اولدیغی کندیسنه خبر ویردیله. بر مدت صوکره [۳] تکرار
 سوریه یه کیده رک قیساریه ایله ارسون آراسنده قرارگاه تأسیس
 ایتدی. عکایه یاقلاشدی. قدس قرالی هوک دولو زینیه ن ایله [۴]
 اون سنه اون آی اون کون و اون ساعت ایچون بر متارکه نامه
 یابدی [۵].

اورادن کیدوب لاسوس حصارینی تخریب ایتدی. شام
 جوارنده متعدد آقینلردن صوکره قاهریه متوجهاً یوله
 چیقدی (۶) وهان درعقب تکرار شامه کلدی. بر موغول

[۱] لقبی الافریق در.

[۲] ۲۳ جمادی الاولده اورایه واصل اولدی.

[۳] شعبان آینده.

[۴] سانوته نظرا ۱۲۷۲ سنه سی نيسانک ۱۱ نده.

[۵] ۶۷۰ سنه سی رمضانک ۲۰ سندن اعتباراً.

[۶] ۶۷۱ سنه سی محرمنده.

قولانك رجبہ اوزرینہ یورودیکنی اورادہ خبر آلدی. در حال قصیرہ کیتدی. . موغوللر رجبہ نی ترک ایله بیرہ بی محاصرہ ایتدیلر [۱]. بیرس حصہ کیتدی. . اورادن کمال استعجال ایله حلبہ یورودی. . حلبدن منبجہ کیتدی وقلعہ یہ کیردی [۲]. اوزمان فرات طرفندہ جزیرہ دہ تقریباً اوچ بیک موغول سواریسى بولوندیغی جهتله ابوسیف الدین قلاوون ایله امیر بدرالدین بیسری بی بیرس کوچوک بر مفرزه ایله فراتك اوبر طرفنه کچیردی. کندیسى ده اردونك قسم مباقیسيله آرقه دن یورودی. هپ بردن موغوللرک اوزرینہ صالديرارق اونلری بوزدیلر. بیرس کندیلرینی سروجہ قدر تعقیب ایتدی. بیرہ بی محاصرہ ایدهن دیگر بر موغول قولى بونی خبر آنجه اورادن اوزاقلاشدی. . بیرس بیرہ یہ کیردی. . موغوللرک براقدرلرینی کاملاً اھالی یہ داغیتدی. . ضوکرہ قاھرہ یہ دونہرک موغول اسراسیله مظفرأ شھرہ داخل اولدی. . بوتون قوماندانلرہ وضابطانہ ہدیہ لرویردی. . بونلرک مجموع قیمتی اوچیوز بیک التون سکہ یہ بالغ اولیوردی.

بیرس خلق آراسنہ قاریشدی. . افرادك دعوالرینی بالذات رؤیت ایتك ایستہدی [۳]. سریع و شدید صورتدہ حکملر

۱۲۷۳

[۱] سانوت بوکا «لابیہر» دیور.

[۲] جہاذی الاولک ۱۳ نجی بازار کونی.

[۳] ۶۷۲ سنہ سی محرمنک ۷ سنہ دہ. او سنہ نک جہاذی الاولندہ

اسماعیل ابوالفدا شامدہ تولد ایتشد. . عائله سی موغوللرک آقینلرندن دولایی حمادن اورایہ کلشدی. ابوالفدا بو اثر دہ دفعاتلہ کندیسندز بحث ایتدیگمز مشہور بر مورخدر. . پدری علی ابن محمود ابن محمد ابن عمر ابن شاھنشاه ابن ایوبدر.

سانوت ویردی . اوتارنخده ، علی العاده بر راهب قیافتیه قدسه زیاره
ابوالفدا کلن کورجی قرالی ده طوتولدی .

اوسنه نك قسم متباقیسی ایله ایرتهسی سنه ظرفنده بیبرس
سورییه متعدد سیاحتلر یاپدی . کوچوك ارمنستانه بویوك بر
آقین اجرا ایتدی [۱] . تقریباً یکرمی بیك کیشی اولدیردی
واون بیك چوجوق ایله اوتوز بیكدن زیاده بارکیر کتیردی .
ارمنستان قرالی سواریسيله برلکده داغلره چکیلدی . تجارلر
کمیلره قاجمشلردی . صوکره [۲] بیبرس حارم ایله آنطاییه
آراسنده کائن قصیر قلعهسنی ضبط ایتدی . آنطاییه بطریق
اوراده اقامت ایدردی .

سوریهدن عودتنده نوبی الکاسیله دنقلایه براردو کوندردی .
دنقله قرالی اسیر و قاهرهیه اعزام ایدیلدی . بوتون بواقوام
ایلك دفعه اوله رق مسلمانلرک ادارهسنه کیردیلر . وقتیله [۳]
عبیدالله ابن ابوالسرح بش بیك سوارى ایله اوقطعهیه کیرمشدی .
اوندن صوکره متعدد حکمدارلر [۴] عسکر سوق ایتشلر .
فقط کندیلرینی تحت اطاعته آلمغه موفق اولامامشلردی [۵] .

[۱] ۶۷۳ تاریخ عیسیسنده . سانوته کوره ۱۲۷۵ تاریخ میلادیسنده .

[۲] ۶۷۴ سنهسی جمادی الاولنك ۲۳ نده .

[۳] ۶۵۱ تاریخ میلادیسنده .

[۴] خلیفه هشام ، منصور دورلرنده . صوکره کافور ، صوکره

همدانی ناصرالدوله ، صوکره صلاح الدینک برادری توران شاه زمانده .

[۵] بیبرسک کوندردیکی اوردویه آق سنقر الافریق وعزالدین

ایك الافرم قومانداییدیورلردی .

صوكره قاهره ده بېرسك اوغلى بركه خانك تاهلى مناسبتيله

۱۲۷۶

بويوك شىنلكلر ياپىلدى [۱]. فرانكلرك و موغوللرك
سفيرلرى ده دوكونده حاضر بولوندىلر . دوكوندن صولره
بېرس موغوللره قارشى دورمق اوزره سوريه كچدى ۱۲۱.
نهر ازرقى مرو رايتدى، آباستينه [*] كيتدى. اوراده توتونويان
پروانهك قومانداسى آلتنده موغول اردوسنه ملاقى اولدى .
ابوالمحاسن
ابوالفدا
موغوللرى بوزدى ، برچوق اسير ايله برابر بوتون آغىرلقلرىنى
اله كچيردى ۱۳۱. بوتون او حوالىنى دولاشدى . قيساريه
كردى وشهرك صاحب مطلقى اولدى . پروانه تسليم اولمق
ايسته ديكنه دائر سلطان به مکتوب يازدى . فقط مقصدى
بېرسى غافل اولامقدن عبارت اولدىغى ظن ايدىليور .

۱۲۷۷

بېرس شامه كيتدى [۴]. اوراده بر اعتقاد باطل اوغورينه
ترك حيات ايتدى . برخسوف وقوعه كلدىكى جهته اكاردن
برينك وفات ايدىجكى خلق آراسنده سويله نيوردى . بېرس
بوفلاكتى باشقه برينك باشنه تحمىل ايچون صلاح الدين عائله سندن
بر ذاتى زهرتدى [۵]. زهرلى قاب قضاء بېرسك او طه سنده

[*] بو لون مرعش ملحقاندر البستان،

[۱] ۶۷۵ سنه سى جهاذى الاولنده. ابوالفدا ۶۷۴ تاريخنده ديور.

[۲] ۶۷۵ سنه سى رمضانده .

[۳] بو محاربه ذى القعدة آينده وقوعه كلشدر .

[۴] ۶۷۶ سنه سى محرمنده .

[۵] قاهر ابن ناصر داود ابن معظم عيسا

اونو تولدی. اوده اونکله صو ایچدی. در حال شدتلی اعراض ایله
 خسته لاندی. شام قلعه سنه نقل ایدی لارک اوراده وفات ایتدی. ۱۱۱۱ اوغلی
 برکه خانه خبر کیدنجیه قدر باشلیجه امر اوفاتی هر کسدن صاقلادیلر.
 بیرس اون دو قوز سنه واوچ آی قدر حکومت سورمشدی.
 جسارتی، فعالیتی حربده کی تجربه و مهارتی سایه سنده مملوکلر
 ایمپراطور لغنه دواملی وثابت بر شکل ویرن اودر. تاتارلرکده
 موفقیتی دور دیردی، مسلمانلرک نفوذینی تأسیس ایتدی.
 فرانقلرله دائمی محاربته بولونه رق قیساریه، ارسوقی، صفدی،
 طبریه یی، یافه یی، شقیفی، آنطاکیه یی، بغراسی، قیصری،
 حصن الاکرادی، قارینی، صافیتانی، ماراقبه یی و مرقب جوارلرینی،
 پاته آس، اباتیاس، طرسوسی (انطرسوس) و سائر بعض مواعقی
 اللرنندن آلدی. کوچوک ارمنستان قرالندن دربساك، دارکوش،
 رعبان یاخود رومان، مرزبان شهرلرینی سوریه مسلمانلرندن
 شام، عجلون، بصری، صرصد، سلط، حمص، تدمر، رحبه،
 تل الباشر، صهیون، پیلاتینوس، بلاطنس، بازار یا یاخود باراجیه، کرک،
 شوبک شهرلرینی؛ اسماعیلیه دن ده قحف، قدموس، مانیا،
 ولیقات، خوانی، رصافه، مصیاث، قلیه قلعه لرینی؛ موغوللردن
 حلب الکاسنی، شهرزور و بیره یی ضبط ایتدی. بونلردن باشقه
 نوبی قطعه سنی تسخیر ایشدر. زماننده مملوکلر ایمپراطورلری
 نویدن فرات نه رینه قدر امتداد ایدیوردی. بیرس یالکیز

مزيات جنگاورانه سيلاه دکل اوصاف سائر سيلاه ده کسب اشهارايت مشدر .
هر سینه فقرايه اون بيک کياه بوغداي داغيتير ، ميدان حربيه
ترك حيات ايدن عسکرلرينک چو چوقلرينه باقار ، دول قادينلره
اکمک توزيع ايتديرردی . بر چوق مباني عموميه انشا ويا تعمير
ايتديردي ، بونلره وقفلر ياپدی . امراسنک احوالنه دائر غايت
صحيح ودقيق معلومات آليردي . تاريخه پک مراقلي ایدی . تاريخک
تجربه اکسيکاکيني دولديرديغنی سويلردی . حکومتی داخلنده
بويوک مأموريتلر احداثه ابتدا بيرس باشلامشدر .

قاهره ده جبلايه کی حصارده خزينه اچون بويوک بر بنا ياپديردي .
ديشارينده قلعه واردي . بويوک سالون اون ايکی مرمر ستون
اوزرينه استناد ايدیوردی . ستونلر رسملره مزیندی . قاهره
خارجنده امراسی اچون بويوک بر سراي انشا ايتديرمشدی .
امرانک خدمه لری خلقه قارشى سوء معامله ايتدکلرندن دولایي
اونلرک شهر اچنده اوتورمالرينی ايسته مزدي . خليج اوزرنده
بويوک بر کوپرو ياپديرديغنی کي متعدد جامعلری تعمير و قاهره ده
متعدد صوکرلری و مقباس قبه سنی بنا ايتديردي . مدينه ده ،
قدسده کنديسنک همتيلاه بر طاقم مباني وجوده کتيرلديکی کي
سوريه قلعه لری تعمير اولوندي . حماملر ، دکرمنلر ، فرونلر
ياپیلدی . ده ا زماننده حدوحسابه کلمه ين مؤسسات عموميه
وجود بولمشدرکه بونلرک تفصيلاتی اوزون سورر .

بيرسک وفاتندن صوکره ، حياتنده سلطان عنواتی ويرمش

ابوالفدا اولديغى اوغلى برکه خانى بوتون امرا طرفندن حکمدار اولمق اوزره
 ابوالمحاسن طائندى وسعيد ناصر الدين ابوالمعالي [۱] عنواتى آلدی. پدرينك
 حين وفاتنده قاهرده ایدی. خزینه دار بلیك شامدن یازدیغی
 ۱۲۷۸ عریضه ده بیرسك ارتخالی خبر ویردی. بو خبری کتیرن ایکی ضابطه
 الی بلیك درهم مکافات اعطا ایتدی. خزینه دارك قوماندا ایتدیکی
 ابن شحنه اردولر شامدن چیقهرق مصره کیتدیلر [۲]. اووقته قدر بیرسك
 ابوالمحاسن وفاتی صاقلی طوتولمشدی. سلحدار وجدار کبی باشلیجه
 ضابطان تختروانی صیرا یورو مشلری. جبل حصارینه موصلات
 ایدیلدیکی زمان امرا ایله رؤسای عسکریه برکخانه تبعیت ایتدیلر.
 قاهرده جامعلارنده یکی حکمدارك اسمنه خطبه اوقوندی. وزیر
 اعظم نصب ایدیلن بلیك بر آرزو کره وفات ایتدیکی جهته [۳]
 بونك یرینه امیر آق سنقر الافریق کچدی. بعضیلری بلیكك
 زهرلندیکنی، بعضیلری بوغدیرلدیغنی ادعا ایدیورلردی.
 سوکره [۴] یکی سلطان قاهرده رسمی آلاى ایله کیردی.
 بویوک شنلکلر یاپیلدی. یکی حکمدار اون دوقوز یاشنده ایدی.

[۱] محمد ابن محمد کندیسنه عزیز محمد دیور. راهب منبور Mainbourg

ایسه ملک السعید یرینه ملک سائس دیمکده در. بو مورخك بو حکمدار
 حقنده سوبله دیکی شیلره شرق محررلرینك آثارنده تصادف ایدیلز.
 ۱۲۷۹ تاریخ میلادیسنه قدر حکمران اولمش اولمقله برابر بو مورخ
 اونك ۱۲۸۷یه قدر حکومت ایتدیکنی سوبلر.

[۲] قاهرده ۶۷۶ سنه سی صفرینك ۲۶ سنده واصل اولدیلر.

[۳] ۷ ربیع الاولده.

[۴] ۲۶ » » .

جبل حصارینه عودت ایتدیکی زمان امیر سنقر الاشقر ایله
 بدرالدین بیسری بی، صوکره وزیر آق سنقر الافریقایی توقیف
 ایتدی. فقط بر آز صوکره ایلاک ایکی امیری وظیفه لرینه
 اعاده ایتدی. بعضارینی ابتدا عزل صوکره ینه یرلرنده ابقا
 ایله دی. شام قلعه سنده بولونان پدرینک نیشنک قاهرده
 باب الفرج قارشیسنده بنا ایتدیرمش اولدینی تر به ینه نقلی ایچون سانوت
 امر ویردی. صوکره اردولریله برلکده سوریه ینه کیتمک عزیمت
 جبل حصارندن چیقدی. تامپلیه شووالیه لری مرqb حصارینه
 دوغری بر آقین یامشیر وبرمسلمان قوماندانی اسیر ایتشیردی.
 فقط بردن بره تبدیل فکر ایله بر مدت صوکره سوریه ینه حرکت
 ایله دی [۱].

۱۲۷۹

شام داخلنده خلق بویونک نمایشلر وشنلکیر یایدیلر.
 اورادن، امیر سیف الدین قلاونک قومانداسی آلتنده کوچوک
 ارمنستانه بر اردو یوللادی. بو مدت ظرفنده کندیسى شامده
 قالدی و امراسندن برچوغیله آراسی آچیلدی [۲]. بونکده
 سببی امرایله کندى ضابطانی آراسنده وقوعه کلن اختلافات
 و منازعات ایدی. کینج حکمدار بو منازعاتی تسکینه چالیشمادی.
 امیر سیف الدین کندک کندیسنک خدمتنی ترک ایتدیکی کی بیبرسک
 مملوکلرندن درت یوزی ده اونی تعقیب ایلدیلر. هپسی شامدن چیقدیلر

[۱] ۶۷۷ سنه سی ذی القعدة سنده .

[۲] ۶۷۸ سنه سی ربیع الاولنده .

وارمنستانه کیتمش اولان عسکرک عودتی بکله دیلر. بو عسکر عودت ایتدیکی ۱۸۱ زمان عاصیلر اونلری ده کندی طرفلرینه جلب ایتدیلر. بونلر شامه کیرمه دیلر. تأسیس مسالت ایچون برچوق مذاکرات جریان ایتدی. امرا سلطانک کندی ضابطانی یانندن اوزاقلاشدیرماسنی، اداره دولته اونلره بر موقع ویرمه سنی ایسته میورلردی. فقط برکه خان بوکا موافقت ایتدیکی جهتله عاصیلر ده اوزاغه چکیلدیلر. طرفیندن مسئله نک مذاکره سی ایچون مرخصلر کوندریلدیکی صیراده شام والیسی او حوالی عساکرینک قسم کلیسیله مواسلت ایتدی و سلطان طرفنی التزام ایله دی.

برکه خان شمس الدین قراسنقر رفاقتیله والده سنی عاصیلر زردینه یوللادی. امرا سلطانک مواسلتنی خبر آلهجه هپ استقباله حیق دیلر، تختروانی اوکنده یرلره اکیلدیلر و صوکه درجه ده آثار حرمت و تعظیم کوستردیلر. کندی مملوکلرینه پک فضله مربوط اولان سلطانک دیگر ذواتی کندیسندن اوزاق طوتمق ایسته مسندن دولای شکایت ایدیورلردی. والده سلطان بونلری تسکینه موفق اولدی، بعض شرطر تکلیف ایتدی و بو شرطر قبول ایدیلدی. فقط سلطان، مملوکلرینک نصیحتی اوزرینه بو شرائطی تصدیقن امتناع ایتدی. مملوکلری سلطانله امرانک تکمیل حکم نفوذی الیرینه کیچروب صوکره کندیسنی خلع

ایتمک فکرنده اولدقلرینی سویله یورلردی . اردولر سلطانتک
اتخاذ ایتدیکی وضعیتدن خبردار اولونجه بولوندقلری یردن حرکت
ایله مصر یولنی طوتدیلر . برکه خان ، باشلیجه معیت ارکانیله
اردولرینه التحاق ایتمک ایسته دی . اونلری عودته اقناع فکریله
رأس المایه قدر کیتدی . فقط یتیشمه یجه عین کونده شامه
دوندی [۱] . ایرته سی کونی اردو سیله مصره حرکت ایتدی . والده سنی
بوتون خزائن ایله کرک قطعه سنه کوندردی . کندیسینی بابیس یا خود پلوز
Peluse ه کیتدی . فقط عاصیلرک قاهره یه کیرمش اولدقلرینی
خبر آلنجه پلوزی ترک ایتدی . یوله سوریه والیسی امیر
عزال دین ایدمر ایله مذکور ولایت امراسندن برچوغی کندیسندن
آریلدیلر . مع مافیله معیتنده قالان عسکرله یولنده دوام ایتمکدن
خالی قالمایه رق قاهره قاپیلری پیشگاهنه واصل اولدی . افرم
عنوانیله یاد ایدیلن امیر عزالدین ایبک اوزمان جبل حصارینک
قوماندانی ایدی . سلطان عاصیلرله حربه کیریشدی . بواثناده
حلب والیسی علم الدین سنجر حصاره کیردی و سلطانی ایچری یه
صوقدی . امیر سنقر الاشقر مئارده ده یالکزدی . هیچ برطرفی
الزام ایتمه یوردی .

سلطان ، قلعه یه کیرر کیرمز تحت محاصره یه آلندیغنی
کوردی . متعدد مصادماتدن صوکره عاصیلر صولرک مجراسنی
دکیشدیردیلر . نهایت برکه خان هر طرفدن تضییق ایدلدیکنی

کورنجه خلع اولونمغه و یرینی برادری سلامشه براقغه راضی اولدی . کندیسى و دیگر برادری خضر ایچون لرك وشوبك حصارلرینی قبول ایتدی . بوشرائط یمینلر ایله تأیید ایدلدکن صوکره قلعه دن ایندی [۱] . شوبکی برادرینه براقه رق کرکه چکیلدی . برکه خان ایکی سنه ایکی آی و اون بش کون سلطنت سورمشدی . اوتارینخدن صوکره کرکه قالدی و ایرته سی سنه اوراده وفات ایتدی [۲] . شوبکده بولونان برادری خضر کرکده اوکا خلف اولدی و مسعود عنواتی آلدی . برکه خان حلیم ، عالیجناب ، خیرپرور بر حکمداردی . عدالتی سوردی .

برادری و خلفی سلامش بوتون اکابر دولت طرفندن	ابوالفدا
سلطان عنواتی توجیه ایدلدیکی زمان یدی یاشنده ایدی . کندیسنه	ابوالمحسن
عادل و بدرالدین عنوانلری ویرلدی . قلاون اتابک انتخاب اولوندی .	سیوطی
سکه لرك بر طرفنه سلطانك دیگر طرفنه اتابك نامی ضرب ایدلدی .	ابن شحنه
حکومت ، اردولرك قومانداسی و مالیه امورینك اداره سی	محمد ابن محمد
قلاونك النده ایدی . برکه خان طرفندن نصب ایدیلش اولان	
شام والیسی عزالدین ایدمر توقیف اولوندی . شمس الدین عنوانیله	
یاد ایدیلن امیر سنقر الاشقر شام والیلکنه تعیین ایدیلدی .	
چوق کچمه دن باشلیجه امرای مصریه یاشنك پك کوچوک	

[۱] ۱۷ ربیع الاخر .

[۲] ۶۷۸ سنه سی ذی القعدة سنده .

اولماسندن دولایى سلامشى خلع ایله سلطان عنوانى قلاونه
ویرمکنی تنسیب ایتدیله . آنجق بر قاق آی حکمران اولمش اولان
سلامش برادرینک یانه کرکه کوندردی .

۱۲۸۰ ییکی سلطان منصور ، سیف الدین ، ابوالعالی ، ابوالفتوح
عنوانلرینی آلدی [۱] و مصر تختنه اجلاس ایدیلدی [۲] .
بوخبر شامه واصل اولور اولماز والی بولونان سنقرالاشقر [۳]
عصیان ایتدی . اهالی طرفندن کنديسنى سلطان اعلان ایتدی .
ملك الكامل شمس الدین عنوانی ویرلدی [۴] . مصر لیلرک تجاوزاتنه
قارشى ییکی مملکتلرینی محافظه ایچون غزه جهتنه عسکر کوندردی
اوزمانه قدر تک بر حکمدار النده طویلی بولنان بوايمپراطورلق
بوصورتله انقسامه اوغرامش اولدی . قلاون یالکز مصره مالک
ایدی . سنقرالاشقر ایسه سوریه یی محافظه ایتدی [۵] . قلاونده

[۱] اساساً الفی عنوانی حائزدی . کنديسنه بولقبک ویرلمسى افنديسى
اولان امیر آق سنقرالکاملینک اونى بيک سکيه صاتون آلماسندن ایلری
کلشدی . صوکره ، صالح نجم الدین ایوبک خدمتته کچنجه صالحی النجمی
لقبى ویردیله . منبور ، کنديسنه الفیس دیورکه الفی دن محرفدر .
ملك المنصور یرينه ده ملك مسور ديمکده در .

[۲] ۶۷۸ سنه هجریه سی رجبینک ۲۱ نده .

[۳] سانوت کنديسنه سانغولاسقار Sangulascar دیر .

[۴] ۲۴ ذی القعده .

[۵] بیبرسک اوغلی ملک مسعود حضر اوزمان کرک حکمداری
ایدی . صلاح الدین عائله سندن تقی الدین محمودک اوغلی فاصر الدین محمد
مهره و حاکممداری ایدی . عراق ، جزیره ، موصل ، اربل ،

غزە جهتلىرىنە بىر اردو ئوندىردى [۱]. فقط اردوسى مغلوب
 ورملايه چكىلمكە مجبور اولدى . سورىيەلىلر غزە يەليردىلر . مصر
 اردوسى طويلانەرق تىكرار غزە اوزرىنە يورودى . بووقعه دە
 سورىيەلىلر پرىشان بىر حالە رملەيە قاچدىلر . قلاون ، حلب
 واليسى علم الدين سنجىر قومانداسىندە يىكىدن عىسكر كوندردى .
 بونلر شامە ياقلاشدىلر . سىنقرالاشقر اردوسىنك باشنە كچمكە
 مجبور اولدى [۲]. ياننىدە عربلرلە حلب وحمى قوتلىرى واردى .
 درت ئون سولرە مصادمە ايتدىلر [۳]. بويوك بىرتلفات وىرمەدن
 اوزون اوزون دو كوشدىلر . فقط يارەلىلر ك مىقدارى پك كىشىر
 ايدى . اقشامە دوغرىو سورىيەلىلر ك بىر قىسمى مصرلىلر ك طرفى
 التزام ايتدىلر . متباقىسى پرىشان اولدىلر . بعضىلرى كىدوب
 شام باغچەلرنەدە بعضىلرى شەھردە صاقلاندىلر . كىمىسى بىلەك
 يولنى طوتدى . سىنقرالاشقر مملوكلرلە دائىما ثبات كوسترىوردى .
 فقط عربلر ك امىرىنك دە فرار ايتدىكىنى كورنچە اونى تعقيب ايتدى .
 بىرلكدە رجبەيە كىتدىلر . اورادە عربلر ك چادىرى آلتىندە

آذربايجان ، ديار بكر ، خلاط ، خوراسان ، ايران موغوللارى النده ايدى .
 ملك المظفر شمس الدين يوسف ابن عمر يمن حكمدارى ايدى . شريف
 نجم الدين ابونعمان الحسينى مكەدە حاكىمى . مدينە ايسە شريف امير
 عزالدين جمانە ابن شىيخ الحسينى يە تابعدى .

[۱] ۶۷۹ سنە هجرىيەسى ابتدالرنده .

[۲] صفر ك ۱۲ نىجى صالى كونى .

[۳] بازار ايرتەسى كونى .

قالديلر . قلاونك قوماندانلرندن اير شهاب الدين احمد شامه كيردى
وشهرى ضبط ايتدى . مغلوب اوردونك امراسندن بعضيلرى
كلوب تسليم اولديلر . علم الدين سنجر سنقر الاشقر ك تعقيبي
ايچون اوچ بيك سوارى كوندردى . سنقر چوله قاچدى .

ابوالفرج
ابوالمحاسن
ابوالفدا

موغوللرى سوريه يه ، مصره دخول خصوصنده يارديم
وعد ايدرك كندى طرفنه جاب ايتدى . فقط چوق كچمه دن
قورقمغه باشلادى . اردوسيله صهيونده قالدى ، موغوللره
التحاق ايتهدى . اونلر كيدوب حلب شهرينى يغما ايتديلر ويك چوق
مظالم ياپديلر . عظيم غنائم ايله دوندكلرى صيراده سنقر الاشقر ك
مصر ليلره صلح يامش اولديغنى دويديلر . فى الحقيقه سنقر الاشقر
بوتون امراسيله قلاونه عرض تسليميت ايتمشدى . قلاون آرتق
بوعصيان ايله مشغول اولمق دن خالى قالنجه قاهرده دى جبل
حصارنده بوتون امرايى طوپلادى وهپسنىك حضورنده اوغلى
علاء الدين على يي كنديسنه ولى عهد نصب ايتدى واوكا ملك الصالح
لقبنى ويردى . خطبه لرده اسمنى اوقوتدى . صوكره ، اردوسيله
غزه يه ، اورادن ده رمله يه كيتدى . مقصدى شامه كيتمكى .
فقط تبديل فكر ايله قاهره يه دوندى [۱] .

مرقب حصارنده كى فرانكلر [۲] كندى اراضيسنه آقن
يامش وتوركمين سواريلرندن مركب بر مفرزه يي مغلوب ايتش

(۱) شعبانك اوننده .

(۲) سائوت بوقلمه يه مارغات Margath ديور .

اولد قلری ایچون ۱۱۱ حصن الاکراد یاخود کرک حصارى والیسی
سیف الدین بلانی فرانقلرک یابدقلری آقینلرک انتقامنی آلمق اوزره
مرقب حوالیسنه کیتمه مأمور ایتدی . بلان ایکی بیک سوارى
واوچ بیک پیاده ایله قلعه سندن حرکت ایدهرک مرقب حصارینی
محاصره یه آلدی . فقط قوه محافظه چوق کچمه دن کندیسنی
اورادن پوسکور تدیلر .

سانوت
ابوالفدا

۱۲۸۱
نلاون مصرده اوغلی کینج سلطانی براقورق سوریه یه
کچدی [۳] . پتوله مایس قربنده روخاده قرارگاه قوردی [۳] .
اوراده ، مدتی ختام بولان متارکه یی تجدید تکلیفاتی بیلدیرمه
کلن فرانق مرخصلرینی قبول ایتدی . صوکره کیدوب لاجونده
قرارگاه تأسیس ایله دی [۴] . متارکه اوراده تجدید اولوندی . بر
قاج کون صوکره ممنون اولمادیغی بعض امرانی توقیف ایتدیردی .
سیف الدین بلان صهبونه سنقر الاشقرک یانه چکیلدی . سائر
بعض امراده اوکا امثال ایتدیلر . سلطان شامه کیتدی . حما
حکمداری منصور اورایه زردینه کلدی [۵] . صوکره سنقر الاشقر
ایله اولان مصالحه یی تأیید ایتدی . سنقرک شهر زوری اعاده
ایتمه سی و سلطانک ده کندیسنه افامیه ، کفرطاب ، انطاکیه ، سعیدیه ،

[۱] ۱۲۸۰ سنه سی تشرین اولنده .

[۲] ذی الحججه بدایتنده .

[۳] ذی الحججه نك اون یدنجی صالی کونی .

[۴] ۶۸۰ سنه سی محرم نك ۱۰ نجی کونی .

[۵] صفر آیتنده .

بکارسى، در كوشى و یرمهسى و صهیون ایله پلاتینوسى (بلاطنس)،
براجه : جبیل : لاذقیه قلعه لرینی النده براقاسى قرار کیر اولدی.
یالکز، خطبه لرده سنقر الاشقره امیر عنوانی و یرملک مشروط
ایدی .

سلطان بو مصالحه نامه نك عقدیله مشغول اولدیغی صیراده
موغوللار ك سوریه یه کیردکلرینی خبر آلدی . بوتون مصر اردوسی
در حال تورکلر و عربلر له شامه کیتدی . موغوللار، سکنه سی و عسکر
طرفندن تخلیه ایدیلش اولان حلبده ایدیلر . هر کس، کوتو-
ره مدکلری ماللرینی حلبده براقه رق حمایه التجا ایتشلردی .
منکو تیمور موغول اردوسی باشنده، بوتون عینتاب جوارلرینی تخریب
ایتدی. اورادن بغراس اوزینه یورودى. قلاونك اردوسی حمصده
قرارگاه تأسیس ایتدی [۱]. اسنقر الاشقرده بوتون اردوسیله اورایه
کیتدی. موغوللار کیدوب حمایینی یاقدیلر، صوکره حمصه یاقلاشدیلر ۱۲۱.
مقدارلری تقریباً یوز بیکه بالغ اولیوردی. مسلمان اردوسی آنجق
اللی بیک نفر دن ترکیب ایدیوردی . طلوع شمس ایله محاربه
باشلادی. مسلمان اوردوسنك صاغ جناحی بوز و یلغه باشلادی . صول
جناح مغلوب اولدی و قاچدی. مرکزك صول جناحی ده کذلك قیریلدی.
سلطان، معیتنده قالان عسکر ایله مرکزده ثبات ایدیوردی.
موغوللار فراریلری حمصه قدر تعقیب ایتدیلر. جوارده اللرینه

[۱] ۲۳ رجبده .

[۲] شعبانك ۲۴ نده .

كچن كيمسەلەرى بىلا تفریق اولادىر دىلەر . متعدد امرا ، ازجاءە
سۇقرا لاشقەر سۇلتانك جىسارتىندىن غىرەتە كلەرك بىر مقدار عىسكر
طوپلادىلەر ، هجوم ايتدىلەر . بودفعەدە . موغوللار مغلوب اولدى .
رئىسلەرى منكوتيمور مجروح دوشونجە فرارە باشلادىلەر
وتامامىيە مغلوب اولدىلەر . سلطان آرقەسىندىن عربلەرى تعقيبە
كوندىردى . برچوق موغول اسراسى ايلە بىرلىككە شامە دوندى .
موغول اسراسىنىڭ اللرىندە مىزراقلىر واردى . مىزراقلىك اوجلىرىندە
مقتول دوشىن موغوللىك كلەلەرنى طاشيورلردى .

حلب استرداد ايدىلدى . برچوق موغول عىجلە ايلە نەرى
كچىمك ايسىركىن فراتدە بوغولدى . بىرەاھالىسى دە بقىيە السىوفى
۱۲۸۲ امحا ايتدىلەر . بو بويوك مظفريتدىن صوكرە سلطان دىصرە
دوندى [۱] . اورادە ، موغوللار تاختە چىقمىش اولان احمدك
اسلامىتى قبول ايتدىكىنى كال ممنونىتلا خبر آلدى [۲] .

۱۲۸۴ اوسىنە اهمىتلى بىر وقىعە جريان ايتىدى . ايرتەسى سنە [۳]
حلب واليسى قراسىنقىر كاختە حصارىنى استرداد ايلە اسلامىتك
اك امىن استنادكاهلرىدىن برى اولاجق صورتدە تحكىم ايتدى .
سلطان ، شامە كىتدى . شامدە او قدر بويوك بىر فىضان وقوعە كلدى كە
صولر اولرى ، آغاچلىرى ، انسان و حيوانلرى سوروكلەدىلەر .

[۱] ۲۲ رمضانە واصل اولدى .

[۲] ۶۸۱ سنە بى بىدايتلرىندە .

[۳] ۶۸۳ سنە سىندە .

صوكره ، قاهره يه دوندى [۱] . بر مدت صوكره [۲] بوتون اردولريه و مرقب شاتوسنى محاصره فكريله ينه سوريه يه كچدى [۳] . اوسپيتاليا شوواليه لرينه عائد اولان بوموقع صوك درجه ده مستحكمدى . ابوالفدا اون ايكي ياشنده اولديغى حالده پدريله بومحاصره ده حاضر بولونمشدر . بوتون مانجىنق ماكنه لرى قورولدى . مانجىنقلردن برى يقيدى ، امرادن برخيلينى ازدى . بر قاج كون صوكره [۴] اوسپيتاليه شوواليه لرى كنديلرينك واهالينك حياتنه دوقونولماق ، بوتون ماللىرى براقيلمق شرطيله قلعه يى تسليم تكليفنده بولونديلر . فقط سلطان اونلرك سوزلرينه قولاق ورمه يدرك مانجىنقلرينى اتمام ايتدى . قلعه يى دوكديلر . قلهرلك اك بويوكى اولان ژوسپهرون قلعه سنى ييقديلر . بونك اوزرينه [۵] اوسپيتاليه شوواليه لرى تكرر عرض تسليميت ايتدكلرى جهتله حياتلرينه دوقونولمايه جنى ، قلعه دن سلاحسز اوله رق چيغه جكلرى ، يالكىز كوتوره بيله جكلرى قدر اشيا آلايله جكلرى قرارلاشدى . سلطان ، شهرى جبراً ضبط ايتمك ايترسه برچوق آدم فدا ايدى جكنى دوشونه رك بوشرائطى

[۱] ۱۸ رمضانده .

[۲] ۶۸۴ سنه هجرية سنده .

[۳] صفرلك اونجى چارشنبه كوني محاصره يه باشلادى . سانوته

نظراً ۱۲۸۴ سنه مى نيسانك ۲۷ سنده .

[۴] ۲۴ صفرده .

[۵] ۱۶ ربيع الاولده . سلطان قلعه يه ۱۹ ده تصرف ايتدى . سانوته

كوره ۲۷ مایسده .

۱۲۸۵
ابوالفدا
ابوالمحاسن
سانوت

قبول ایتىشدى . قلعەنك سورلىرىنە مسلمان بايراغى چكىلدى .
 اوسپىتالە شووالىلەرى جوارده ، ساحل بىچردە كوچوك بر شهر
 اولان انطرسوسە چكىلدیلر . بوراسى پك مستحكمدى .
 قلعەلىرى غایت يوكسكىدى . طرابلس قوتى سلطاندىن خستەلىرى
 طلب ايدىنجه اوده بوقاعەنك يىقىلماسنى وبوتون مسلمان اسيرلىرىنك
 اعادەسىنى ايسستەدى . بوصوك شرطى فرانقلر اجرا ايتدىلر .
 فقط برنجيسى اچچون طرابلس قوتى قلعەنك كندىسنە عائد اولمادىنى
 بولندە بر جواب وىردى . سلطان اصرار ايتدى . قونت او
 قلعەنى اشترا ايدەرك مسلمانلرە تسليم ايلهدى .

۱۲۸۶

سلطان مصرە عودت اىذر ايتىز امير حسام الدين طرنتايى [۱]
 بويوك بر اردو ايله كرك حصارىنى سلطان بىرسك اوغلى
 حضرك الندىن آلمغە مأمور ايتدى . بوقلعە ضبط ايدىلدى [۲] .
 ايرتسى سنە [۳] ينە عىنى قوماندان ، سنقر الاشقرە عائد بولونان
 صهيون وبراجە قلعەلىرىنى محاصره يە كىتدى . بر آز مدافعه دن
 صوكرە قلعەلر تسليم اولدىلر . سنقر الاشقر مصرە كچدى .
 سلطان كندىسىنى پك احترامكارانە قبول ايتدى .
 صهيون محاصره سندن صوكرە طرنتايى لازقيه يە ياخود
 لاؤديسه يە [۴] كىتمشدى . بورادە فرانقلرە عائد اولان

[۱] سانوت بوكا Leteratayn ديور .

[۲] [۲] ۶۸۵ سنەبى صفرندە .

[۳] [۳] ۶۸۶ سنەبى محرمندە .

[۴] [۴] سانوت بوكا Licia دير .

بر قلعه واردی که هر طرفی ده کیز ایله محاط ایدی . صولرك ايچنه
طاش دوکهرک بریول یاپدی . قلعه یی عرض تسلیمیتیه مجبور
ایندی و صوکره تامیله ییسی ۱۸۱ . بوقلعه آماکیه پرانسه
عائد ایدی .

۱۲۸۸ صوکره سلطان بالانات سوریهیه کپهرک [۲] غزیه یی کیتدی .
برمدت [۳] تل عجلوله قالدی . فقط سلطان نامنی ویرمش
اولادینی ارغلی علاءالدین عایینک وفاتی خبر آلتیجه [۴] مصره
دوندی و بوعنوانی دیگر اوغلی خلیفه ویردی .

۱۲۸۹ ایتسی سنه [۵] طرابلس شاهی محصه ایچک اوزرد سوریهیه
کلدی . بوکا کنندایینی سیرتلیا [۶] تشویق ایتشدی . بو
فراق رؤساستدن بری اولوب طرابلس قونتک اشترا ایتدیکی
انطرسوس قلعه سی رئیساری میانده ایدی . طرابلس قوتی
بونو سلطانیه تسلیم ایتشدی . او وقتدن بری بو فراق رئیس
قونتک دشمنی ایتدی . انظام آلتی چاردارینی آرامعه ایتلشدی .
انطرسوس قلعه سینک صاحبی وفات ایدنجه تلیما سلطانن

[۱] ۱۲۸۷ سنه سی نیسانک ۱۳ سنه .

[۲] ۶۸۶ سنه سی رجینک ۲۷ سنه .

[۳] شوال آینه قدر .

[۴] ۶۹۷ تاریخ هجری سنه .

[۵] ۶۸۸ تاریخ هجری سنه .

[۶] ابوالمحسن اوکا بواسمی ویریه . فقط باشقه طرفه بواسمی .

بولامادیغم ایچون تحقیق ایدمه یورم .

ساحداری بلبانی طرابلسی ضبط خصوصندہ کندیسنه یاردیم
 ایچون اعزام ایتہسنی رجا ایلہ مشدی . طرابلس ضبط ایدیلیرسه
 یاریسی کندیسنه ویریلہ جکدی . سلطان بالذات طرابلس قلعہ سی
 پیشگاهنه کیتدی ۱۱۱ . برمدت مانجینیقلرلہ قلعہ نی دو کدن صوکرہ
 الہ قلیج ایچری کیردی ۱۲۱ . اہالیدن بر قسمی لیمانہ قاجدیلر ،
 کمیلرہ بئندیلر . یدی بیکی قتل ایدلدی و قادینلرلہ چو جو قمر
 اسیر ایدلدیلر . سلطان بو مشہور شہری کوکندن یققدیردی .
 جوارده کوچوک بر آطہ اوزرندہ سن توماس نامنہ یاپیش
 برکلیسایہ بوتون طرابلس سکینہ سی التجا ایتمشدی . مسلمان
 عسکرلری بارکیرلریلہ یوزدرک بورایہ کچدیلر ، بوتون ارککلری
 کسدیلر ، قادینلرلہ چو جو قمری آلدیلر . بو محاصرہ دہ حاضر
 بولونان و برقاج کون صر کرہ برقاییلہ بو آطہ یہ کیدن ابوالفدا
 آطہ یی نعش ایلہ مس-تور بولدیغنی حکایہ ایدیور . سورلر
 یققدن ، اولر کول حالنہ کتیرلدکن صوکرہ سلطان آنفا
 حصارینی ضبط ایلہ ۱۳۱ یققدیردی . بوترون حصارینی وجوارده کی
 سائر حصارلری دہ ضبط ایتدی . صوکرہ ، طرابلس شہرینی
 بر آزدہا اوزاقدہ ، دکیدن بر میل مسافہ دہ حاجیلر داغی
 دنیلن بر محلدہ تکرار انشا ایچون امر ویردی . عکا فرانقلریلہ

سانوت
 ابوالفدا

- [۱] ۶۸۸ سنہ سی ربیع الاولندہ . سانوتہ کورہ ۱۷ مارقدہ .
 [۲] ۲۶ نساندہ . سانوتہ نظراً ربیع الآخرک ۱۴ نجی صالی
 کونی . سائرلینہ نظراً ربیع الآخرک دزدندہ .
 [۳] سانوت بوکا Nephin دیور .

يکي سنه لک برمتار که يابد قدن صوکره مصره عودت ايتدی (۱) .

۱۲۹۰ طر نطای ، بعض عاصیلری تنکیل ایتک اوزره تبايد طرفلرینه بر سفر يابدی [۲] . او حوالیده آسایش اعداد ایدلندن صوکره بر چوق غنائم ايله عودت ايتدی . افرم لقبنی طاشیان عزالدین ایبک نامنده دیکر برامیرده زنجیلر مملکتنه یامش اولدیغی بر سفر دن بر چوق قادین ، بارکیر و کوچوک فیلر ايله عودت ایلهدی . سلطان او تارینخده مکه یه حجه کیتمک فیکرنده ایدی . فقط عکا فرانکلرینک حدود اوزرینده تخریبات اجرا ایتدکلرینی خبر آلنجه اورایه حربه کیتمک قرار ویردی . بو مقصدله قاهره دن چیقدی . شهر جوارینده کی بر جامع یاننده قرارگاه قوردی . اوراده خسته لاندی و بر مدت صوکره وفات ایتدی (۳) . در حال حابده کی حصاره نقل ایدلدی . اون بر سنه اوچ آی حکمران اولاشدی . عرب اساتی یک فنا تکلم ایدردی . چونکه تورکستان دن چیقدیمی زمان یاشی اولدقجه ایلر یله مشدی . قاهره ده بر چوق جامع وبالخاصه بیمارستان نامیله برخسته خانه یاپدیره رق خسته لک تداویسی و مؤسسه ناک ادامہ سی ایچون بر چوق وقف تخصیص ایتدی . تقریباً اون ایکی بیگ مملوکی واردی که ایچلرندن بعضیلری مؤخرأ سلطان اولمشلردر . ابتدا بو حکمدار چرکس مملوک

[۱] جاذی الآ خر یینده .

[۲] ۶۸۹ سنه سنده .

[۳] ۶۸۹ سنه سی ذی القده سنک ۶ نجی جمعه ایرته سی کونی .

تدارك ايتدى . بونلرى بر قلعده تربيه ايتدردى و كندىلر .
بر قلعده برجنده بويومش ، ياخود برج ايچنده سنا كن معناسنه
« برجيه » اسمنى وىردى ۱۱۱ .

وفاتىدىن سىرە يرينه اوغلى خليل (۲) كچدى . اشرف
صلاح الدين عنوانى آلاى . در حال ملكتتک هر طرفه تخته
جلوسنى اعلان ايتدردى . ولايتك ادارهسى ايچون قوماندانلار
تعيين ايلادى . صوكره پدريشك وفات ايدركن توصيه ايتديكى
عكا سفريله مشغول اولغه باشلادى . لازم كلن بوتون
تداركاتى ياپدى ، سوريديه متوجهاً حركت ايتدى ۱۳۱ . بوتون
حما اردولرينه حركت امرى وىريدى . اون بش مانجنيق
حاضر لاندى . ايچارندن بردانيسى حصن الاكراددن آلاشدى .
او قدر بويوكدى كه پارچهلى يوز آرابه ايله طاشينيوردى .
مورخ ابوالفداك فرقه سندهم بو ما كنه اردن بردانه واردى .
قيش نهايتلرينه دوغرو حركت ايدن حما اردوسى ياغموردن

۱۲۹۱

ابوالفدا

ابوالمحاسن

سانوت

۱۲۱ . ملك اى قىزلى مشهور مورخ كندىك زمان
اى زاماندا بىر چار ايتدى . بىر خلكك ائىس ائىن ابوالعباس احمد ائى
محمد ائى ائىر محمد ائى ائوبكر ائى خلككان ائى بىر ائى ائى عبدالله ائى شكل
ائى حسن ائى ملك ائى جعفر ائى يحيى ائى خالد ائى بىر ملك ائى خلككان
ايتدى . بىر ائى ائى مشهور بىر ملكى عالمه سنده منسوبدى . شام قاضى القضاات ايتدى
وشافى مذهبى منسوبدى . يازديقى تاريخدن ابوالمحاسن بك استفاده
ايتمىد . ۶۸۱ هجرى و ۱۲۸۲ ميلادى تاريخنده وفات ايتمىد .

[۲] منبور كندىسنىه الى ياخود ملك سراف دييور .

[۳] ۶۹۰ سنه سى ربىع الاولك اوچنده .

شهره کیردیلر . بوتون خرسیتیانلر ده کیز طرفنه دوغرو قاچدیلر .
دشمنك سائر سور اقسامنی ضبط ایته سنی قولایلاشدیردیلر .
قرال ایله تامپل شووالیهلری وتوتونیک طریق رؤسایه مقاومتده
بولونمق ایستدیلر سده پوسکورتولدیلر . تامپل رئیس مقتول
دوشدی . مسلمانلر محصورینك آرتق مدافعهده بولونمادقلرینی
کورنجه هپ بردن شهره کیرهرك یغمایه باشلادیلر . قبریس قرالی
کمیلرینه قاچدی . بر قسمی ده تامپله التجا ایتدیلر . بر سفینهیه
بینمش اولان طریق ممکن اولدیغی قدر چور کیشینی قورتارمغه
چالیشیوردی . فقط دائما محتاج معاونت بر طاقم بدبختلری کورهرك
یانه او قدر غلبهلق آلدی که کیمسی باتدی . سائر فرانکلر
بر چوغی ده کیزه چکیلیمك ایسته یورلردی . بونلرک کیمسی
قارغشه لقمده ازیلیدی ، کیمسی ده کیزده بوغولدی . چونکه ده کیز
او کون دالغلی اولدیغی جهتله بویوک سفینهلره قدر کیتمکه مانع اولیوردی .
شهرک اورتیه سنده کاژن اولان ودرت قله ایله تحکیم ایدیلن تامپل اوزون
مدت مقاومت کوستردی . تامپل شووالیهلری ایله وتون شووالیهلری
اورایه قایانمشلردی . مسلمانلر بونی محصره [۱۸] اونهایت ایچنده کیلری
تسلیم تکلیفنده بولونمغه مجبور ایتدیلر . سلطان کندیلرینه بر بایراق
ویردی . بوبایراغی بر جلدن برینه آصدیلر ، بر قاپی بی آچدیلر . مسلمانلر
ایچری کیردیلر . فقط قادینلره وچو جو قلد قارشى کوستردکلری
کستاخانه حرکتلر فرانکلری غلیانه کتیردی . ایچری به کیرن

مسلمانلری کسیدیلر ، قاپی یی قاپادیلر، بایراغی آتدیلر. محاصره
تکرار باشلادی . ابتدا توتون شووالیهلری تسلیم تکلیفنده
بولنه رق کندی حسابلرینه امیرزین الدین کت بوغا ایله مذاکره یه
کیریشدیلر . تامپل شووالیهلری مدافعه ده دوام ایتدیلر [۱] .
ایرته سی کون تسلیم اولدیلر . بوتون قادین و چوجوقلرله برابر
ایسته دکلری یه چکیلک مساعده سنی استحصال ایتشردی .
تقریباً ایکی بیک کشی دیشاری چیقنجه بونلری اسیر ایتدیلر .
ایچلرندن بر قسمی، ماره شال دو تامپل دخی داخل اولدیغی حالدده
اولدیرلدیلر . بونک اوزرینه قادینلر و چوجوقلر سلسلصانک
چادیرینه کیده رک استرحامده بولوندیلر . فرانقلر ایلك تسلیم
تکلیفی اوزرینه ایچری کیرن امیر آق بوغا ایله سائر مسلمانلری
اولدیردکلرندن دولای پک قیزغین ایدی . حصارده قالمش اولان
فرانقلر بو خبری ایشیدنجه ، ایچری یه کیرمش اولان بعض
مسلمانلری بر جلرک اوزرندن آشاغی آتدیلر . ییقیلن بویوک
بر قله آلتندده بعض مسلمانلر قالدی و ازیلدی . نهایت
خرستیانلر تسلیم اولدیلر وهیسی قتل ایدلدیلر . یالکیز قادینلرله
چوجوقلرله دوقونولادی . بونلر اسیر ایدلدیلر . سوریه ده فرانق
ایمپراطورلغنک پایتختی اولان بوبویوک شهر وقتیه فرانقلر طرفندن
نه کون نه ساعتده ضبط ایدیلشسه مسلمانلر طرفندن عینی کون
عینی ساعت استرداد ایدیلدی . جمعه کونی اوچده ضبط اولونمشدی .

خرستیانلرده مسلمانلره وقتیه یامش اولدقلری عینی معاملهیه
دوچار اولدیلر .

عکاتک ضبطندن سوکره سلطان، الشجاعی لقمیه یاد ایدیلن
ابو علم الدین سنجر بر مفرزه ایله صور طرفلرینه کوندردی .
صور محاصره ایدیلدی . شهر مقاومت ایدمیلر چک برابر در حالده اولمشه
برابر در حال تسلیم اولدی . اهالییه بوتون ماللریله ایسته دکلری
طرفه چکیلمک مساعده سی ویرلدی . قلعه لر ییقیلدی . سورک
ضبطنده کی قولایلق سلطانی، جوار قلعه لر ده ضبط ایتکه و فراتقلری
سوریدن تاممیه طرد ایتکه تشویق ایلدی . عکادن حرکت
ایله ۱۱۱ شامه کتدی . برلکده برچوق فرائق اسراسی ایله
بایراقلری ده واردی . بویوک برخطر آلائی ایله شهره کیردی .
اورادن قاهره یه کتدی [۳] .

بو ائزاده شجاعی لقمیه یاد ایدیلن امیر علم الدین سنجر
صیدائی محاصره ایدیوردی . عکاده کی تامپلیه شووالیه لر اورایه
چکیلمشار و دایز قلعه سنده تحصن ایله مشاردی . کندیلرینی
قارهدن محاصره ایدمه یین مسلمان قوماندانی لاذقیه دن متعدد
سفنیه کشرندی . تامپلیه لر تسلیم اولمغه مجبور براتدی ۱۳۱ .
شهر تامپلیه ییقیلدی ، تامپلیه لر انطرسوسه کچدیلر . سوکره

[۱] ۲ - جادی الاکرده .

[۲] شعبانک دو قوزنجی بازار ایرته سی کونی اورایه واردی .

[۳] رجیک ۱۵ نجی جمعه ایرته سی کونی .

بیروت و کتایت شهرلری آlandı ۱۱۱. بیروت اهلایی، حدود-
لرندن کچن سلطانی استقباله کیتیشلردی. بونلری قتل ایتدیله،
بر قسمی ده زنجیره اوردیلر.

امیر سیف الدین بلبلان کیدوب انطرسوس یا خود آنصار اردوسی
محاصره ایتدی [۲]. بوتون تامپایه شووالیهلری طرطوزه
Dormise آطمنه چکیدیلا ۱۳۱. بوتون سوریه تمامیه تحت تسخیره
آlandı. هیچ بر زمان بوقدر قولای بر مظفریت کورولمه مشدر.
سلطان بوسفرده پک آز ضایعات ویردی. اوزون مدتاردن بری
فراقلرک تأسیس ایتش اولدقلری قلعهلری یقیدردی. قریس
آطمنه یکی واصل اولان یکریمی سفینه ایله قریس اهلینک
تسلیم ایتش اولدقلری سائر بر قاچ کمی صوگ بر غیرت صرف
ایتمک استهزاک آناطولیده قالدیلور *Cambrum* لیمانی ضبطه
تثبت ایتدیله. فقط اوسا حله بولونان تورکلر کندیلرینی
پوسکورتدیله. صوکره کیتدکلری اسکندریه دده دها بختیار
اولامادیله.

عکاسفری اثناسنده سلطان سوریه والیسی امیر حسام الدین
لاجین ایله تاقسو لقبیله یاد ایدیلن امیر رکن الدین بیرسی توقیف
ایتدیرمش، مصره یوللامش ایدی. اوراده کندیلرینی جیل
حصارینه حبس ایتیشلردی. سوریه والیکنی شیجاعی لقبیله

[۱] شعبان ایتداسنده.

[۲] ۱۵ شعبانده.

[۳] عرب مورخلری بوکا ارواد دیرلر. آزادوس *Aradus* قلمسیله.

یادایدیلن امیر علم الدین سنجره ویرمشدی. صوکره دهاساثر بعض
امرای ده توقیف ایتدیردی، کندیسنه بر چوق دشمن پیدا
ایلهدی. بونلر صوکره کندیسنه ابراز خصومت ایتدیلر.
سلطان صوکره بویوک برسفره قالدی. بونک ایچون مصر
وسوریه اردولرینی طوپلادی. ابوالفدا سلطانک عائلهسندن
سائر پرنسلرله سفره اشتراک ایتدی. سلطان حلبه کیتدی [۱].
اورادن، اردوسنک باشنده فرات اوزرنده کائن روم قلعهسینه
بورودی. قلعه ارمنستان قرالنه عئدایدی. ابوالفدانک بولوندیغی
هما اردوسی داغک تپهسنده اخدموقع ایتدی. اورادن بوتون
قلعهیه حاکم ایدی. ایچندن کچن شیر تمامیه کورونوردی.
محاصره اوزون وپکمشکل اولدی. شهر جبراً ضبط ایدیلدی.
قاغیق یاخود ارمنی حکمدارینک والیسی حصاره چکیلدی.
فقط هما اردوسنک کتیرمش اولدیغی بویوک مانجینیق ایله قلعهنک
دوگولدیکنی کورنجه تسلیم اولمق تکلیفنده بولوندی. سلطان قوای
محافظه نک اسیر حربعد ایدیلهسندده اصرار ایلهدی. امیر علم الدین
شجاعی پک تخریب ایدیلش اولان قلعهنک تمیرینه مأمور
ایدیلدی. سلطان، رمضان آینی کچیرمک اوزره شامه کیتدی [۲].
سلطان، توقیف ایتدیردیکی امرادن بعضیلرینی تخلیه
ایتدیرمشدی. بونلری ایکنجی دفعه تکرار توقیف ایتدیرمک

[۱] ۶۹۱ سنهسی جمادی الاولک ۲۴ نده واصل اولدی.

[۲] رجیک یکریمی برنجی جمعه ایرتهسی ونی.

ایسته نیجه بو میانده بولوتان حسام الدین لاجین فرار ایتدی .
 سلطان بوتون معیتیه اونی تعقیبه قویولدی ایسه ده یتیشمدی .
 فقط بعض عربلر حسام الدینی طوتدوق سلطانیه کوتوردیلر .
 اوده محفوظاً مصره اعزام ایتدی . عینی زمانده علم الدین
 شجاعی بی سوریه والیلکنندن عزل ایله دی . مصره متوجهاً
 یوله چیقدی [۱] . جبل حصارینه موصلت ایتدیکی زمان ،
 حلب والیلکنندن عزل ایتیش اولدینی امیر قراسنقره مصرده
 یوزسوارلی قوماندانلغی ویردی . بر آزا اول زنجیره اوردورمش
 اولدینی امیر حسام الدین لاجینه احسانلرده بولوندی . حتی ،
 کندیسنگ علیهنده سوء قصد ترتیبانی یاپیش اولان سنقرالاشقر
 [۲] ورکن الدین تاقسو ایله برلمکده اخناق ایدیملری ایچون امر
 بیله ویرمشدی . فقط برنجیسی اخناق ایدیلیرکن ایپ قومش
 اولدینی ایچون بو امیری عفو ایتدی .

سنقرالاشقر ک شریک جرمی اولان سائر بعض امیرلری
 اعدام ایتدیردکن صوکره سلطان شامه کیتدی [۳] . مقصدی
 کوچک ارمنستانده حرب ایتمکدی . فقط کندیسنه شامه
 سفیرلر کوندرمش اولان بو کوچوک ارمنستان قرالی ایله صلح
 یاپدی . ارمنیلر ، سلطانک قوماندانلرینی برسنی ؛ مرعش و

[۱] صفراء برنده . قاهره یه ذی القعدة ک ایکیسنده واصل اولدی .

[۲] لقی شمس الدیندر . شامده کندیسنی سلطان اعلان ایتدیرمشدی .

[۳] ۶۹۲ سنه سی جمادی الآخرینک ۹ نجی بازار کونی واصل اولدی .

تل حمدون قلعه لرني تسليم ايتديلار . سلطان ، مصر اردوسنده كي خستهلره غلامكته دوتك مساعده سني ووردى . عسكر ك بقيه سياه و معيتنده بولونان سوريه اردوسيه حصه كيتك اوزره يوله چيقدى ۱۱۱ . اورادن سياه كيتدى ، حسان الدين مينا نامده بر عرب ايرني زياته كيديور كي كورونيوردى . فقط اولجه بولامدى . توقيف اتخاستي ايچون لاجينه امر ورمشدى . اونى موقوف كورونجه شاهه دوندى . امير بيدرايه متباق عسكرى آلهرق حكامدارلق بارالاريله برابر مصره دوتاسي ايچون امر ووردى .

سلطان ، يالانكز معيتند كي خدمتچيلار له اوچ كون شمه قالدى . سوريه واليكته تميم ايتديكي الافرم اييدايديان امير عبدالدين ايكه شوبك قلعه سني كيدوب هدايتك امرني وبردكن سوكره مصره حركت ايلهدى ۱۲۱ . حكمتنى آ قلامق قابل اولمايان بو حركتى هر كسي قبيح ايتدى . اغلبا حتماله كوره سلطان بوتون قلعه لرني تخريب ايتديرمك ايسته يوردى . ده اولده جبل حصار بك وشام قلعه سنك متعدد بنالريني ييتيرمشدى . قاهره قرينه واصل اولونجه سراز خلقنه رضىافت ووردى ، يراكانجه ترتيب ايتيردى . بويوك برديرك ديكديرمشدى . تپه سنه آلتون

ابوالمحسن

[۱] رجب ايكسنده .

[۲] رجب نهايتلرنده . ۶۹۲ سنه - ي صفر نده غزه ، زممه ، قارون وكر كده بر حركت ارض اولدى . انچوق كرك ضرر كوردى . نامهت اوچ برجي ايله برچوق او ييقلدى .

سکه لردن مرکب بر مکافات باغلا تمشیدی. اوستندده بر کوکرجین واردی. بار کورله قوشه قوشه کیلورلر ۷ براوق آتورلردی. کوکرجینی اورانه خاغت کیلوریلور و مکافات ویریلورلردی. بوتون قوماندانلر بوا کلنجهیه اشتراك ایتدیله. معیت ضابطلری ایچون اولان مکافاتلر رتبه لریه متناسب ایدی. یوز کشتییه قوماندا ایدنلر یوز آنتون سکه آلیورلردی. الی کشتییه قوماندا ایدنلر آتقی الی سکه ویریلورلردی. بوتون حلقه ۷ قوماندانلری و عسکری قوماندانلری بوا یونئی تمرین ایتدیله. سلطانک ترتیب ایتدیکی صوگ ا کلنجه بوا اولمشدر.

سلطان دیننده وزیر شمس الدین [۱۱]، امیر بدرالدین بیدرا ودها سائر بعض امرا اولدینی حالده آوه کیتمک اوزره قاهره دن چیقدی [۱۲]. سراننده وزیر اعظم اسکندر ییه کیتمک ابوالفدا اوزره یانندن آریلدی. سلطان یوانه دوام ایله «زاوج» [۱۳] ابوالمحاسن کیتدی. اوراده بیدرایه عسکر و سجاقلرله عودت یخهسی ابن شحنه ایچون امر ویردی. سلطان. یاننده برکتی ایله اوپیشندمایدی. بو فرصتی کورنجه بیدرا [۱۴] برقیلین ضربه سی اوردورق قولنی کسیدی. لاجین دیگر برضربه ایندیردی. امیر بهادر الک نهایت ایشنی بیتیردی. اوراده کندیسینی بوزواج بر حالده براقه رق

[۱] بر - موس .

[۲] ۶۹۳ سنه سی محرمک ایکسندده .

[۳] کیلیوم دوتیر بوکا توروژ Torog دیر .

[۴] سافوت کندیسنه Bedeyra دیور .

۱۱۱ بیدرایه الشقاق ایتدیلر . اوکا صداقت یمینده بولوندیلر .
حکمدارلق سنجاقلریله قاهرهیه دوندیلر . بیدرایه ملک الاوحد
عنوانی ویردیلر ۱۲۰ .

یولده کیدرلرکن اوزاقدن بویوکبر توزبولوتی پیدا اولدیغنی
کوردیلر . بوزر ، سلطانک معیتنه مأمور بش یوز آتلی ایدیلر .
زین الدین کت بوغانک [۳] قومانداسینده عاصیلره هجوم
ایتمک و افندیلرینک انتقامنی آلمق کلیورلردی . سرانه
قربنده مصادمه ایتدیلر . بیدرا مغلوب اولدی ، باشی
کسیلدی . سواریلر کله سنی بر مزرراقک تپه سنه طاقه رق قاهرهیه
دوغرو یورودیلر . حیزه ده دورودیلر . چونکه جبل حصاری
قوماندانی شجاعی علم الدین سنجر اولجه قلاونک اوغلی ناصر
محمدی سلطان اوله رق قبول ایتمه دن شهره کیرمه لرینه مساعده
ایتمه شدی . دوقوز یاشنده اولان بر حکمدار جبل حصاری
امراسی طرفندن سلطان اعلان ایدلش [۴] وکندیسنه ملک الناصر
ابوالفتوح یاخود ناصر الدین عنوانی ویرلمشدی . امیر کت بوغا
وکیل تعیین ایدیلدی . شجاعی وزیر اعظم اولدی . حسام الدین
نامنده کی استاددار آتابک یاخود میلیس عسکری قوماندانی
نصب اولوندی . سوکره . قاتلارک تعقیبنه باشلانیدی . بعضیلری

[۱] محرک ۲۴ نجی بازار ایرته سی کونی قتل ایدلدی .

[۲] ابوالفدا « قاهر » دیور .

[۳] سانوت بوکا غوت بوغا دیر .

[۴] محرک ۲۴ نده .

توقیف اولونهرق اللری آياقلری کسيادی ، بويونلرينه آصيلدی .
بوصورتله شهر ايجنده دولاشديرلقدن صوکره باشلری ده کسيادی .
لاچين ايله ده سائر بعضيلری صاقلانديلر .

۱۲۹۴ بر آرز صوکره (۱۱) کت بوغا ايله شجاعی آره سنده اختلاف
ظهور ايتدی . شجاعی سلطانی اولديرتمک ايسته يوردی .
بومنازعه يه برچوق امراده اشتراك ايتدی . بوتون قاهره ده
هرکس سلاخلاندى . کت بوغا قلعه دن چيقينجه شجاعينک
ضابطلرندن برى کله رک لاچينک نزد اولديغنى ، افنديسى طرفندن ،
کنديسنه صوردى . کت بوغا ، شجاعى نك نزدنده بولونماسى
لازم کاه جکنى سويله نجه ضابط النى قيليجنه کوتوردی . فقط
کت بوغانک مملوکلرندن برى آرقه سندن بر قيليج ضربه سى اورارق
کنديسنى آتدن دوشوردی . سوقاق اورته سنده جريان ايدن
بووقه ميليس عسکرندن قسم اعظمک کت بوغا طرفنى التزام
ايمه سنه سيبيت ويردى . برجيه مموکلری کنديلرينه کيزليجه
سکسان بيک آلتون سکه ويرمش وکثيره جکلری بر امير باشى
ايچون مکافاتلر وعدايله مش اولان شجاعى طرفنى التزام ايتديلر .
کت بوغا حصاره چيقدیغى زمان بوتون معيتيله توقيف ايديمه سى .
قرارلاشمشدى . فقط بو ترتيباتدن خبردار اولان بر تاتار ايشى
کت بوغايه افشا ايتدی . درحال برچوق امرا ، تاتارلر و — بو
ميليس عسکرى مختلف ملتلردن مرکب اولديغى جهتله — کوردلر

وحاقه نك بر قسمی کلوب کت بوغایه التحاق ایتدیله . شجاعی
حصارک قاپیسنه ایندی . بعض امرانک یاننه کله جکی امیدیه
ترامپت چالیدی . فقط هیچ بری بو امره اطاعت ایتدی .
شجاعی توزیع ایچون پاره دولو کیسهلر کتیرمشدی . یالکیز
پارویه حریص بعض اسافل شجاعی نك یاننه قوشدیله .

کت بوغا بوتون طرفدارلریله جبل حصارینی محاصره یه آلدی .
قلعه دیکدن سوریه چوروقی ایکی کون و گره برجیه باخود چرکی
مملوکلری بر خروج حرکتی یاپدوق کت بوغای بوتدیله . اوده
پلوسه قاجدی . درحال بوتون امرا ، بالخاصه بدرالدین
یسری ، بدرالدین بککاش آتاره بینهرک امدادینه قوشدیله .
برجیه ی مغلوب ایتدیله . پریشان بر حالده حصاره چکیامکه
مجبور ایتدیله اول حصاری محاصره ایتدیکاری حصاره کت بوغا
یکی بر قوت ایله عودت ایتدی . بونک اوزرینه سلطانک والده سی
کهرت میایس عسکرینک منصدی نه اولدیننی سوردی . هپس
اغتشاشاته نهایت ویرمان اوزره شجاعی یی توقیف ایتک ابسته دکلری
وسالطانک خیربندلری اولدقارینی بیان ایتدیله . والده سلطان
حصاره کردی رکندی طرفندن قاپاری قاپایارق شجاعیدن
آیریلدی . شجاعی سراینده محاصره ایدیلدی . معیندی
آدمارک قسمی کندیسنی ترک ایتدیله . اوده تسلیم اونق
مجبور ایتلده قالدی ۱۸۱ . فقط سوزلرینه قولاق ویرمدیلر .

بعض امرا والده سلطان طرفندن كليورمش كي كيدوب كنديسنى
بولدىلر ، باشنى كسدىلر بر مرزاغك تپه سنه طاقدىلر ، بوتون
قاهرده دولاشدىرديلر . بو صورتله سكونت اعاده ايدىلدى .
كت بوغا برجيه مملوكلرينك ايلرى كلنلرني توقيف ايتدىردى .
شجاعى نك حبس ايتش اولدىغى امرايي تخليه ايلهدى . كنج
سلطان بوتون معيت ضابطانيه قاهرده دولاشدى .
برمدت صوكره [۱] امير حسام الدين لاجين ميدانه چىقدى .
كيزليجه كت بوغايي كورمش ، سلطانك حضورينه چىقمق
مساعده سنى اوندن آلمشدى . فى الحقيقه سلطان كنديسنى حسن
قبول ايتدى ، برخلت كيدىردى . چونكه كت بوغا طرفندن
حمايه ايدىلوردى . حسام الدين كت بوغا نزدنده پك مرعى الخاطر
ايدى . هر كس كنديسنه هديهلر ويردىلر . مع مافيه ، متوفى
سلطانك مملوكلىر افندىلرينك اولومنى عفو ايتيورلردى .
اچلرندن بعضيلرى حسام الدينك مظهر عفو و التفات اولماسندن
قىزدورق سلاحه ساريلىدى [۲] . قاهرده بر چوق قاريشيقلقلر
چىقاردىلر . سلاح دبويلرني يغمما ايتدىلر ، سلطانك امرلرني
ييرتدىلر . بو اغتشاش اثناسنده كت بوغا افنديسنى خلع ايتدى .
باشليجه عصاتى طوتدىردى ، بعضيلرينك اللريني ياخود آياقلىرني ،
بعضلرينك ديلنى كسدىردى . بر قسمى ده زويلاهده صلب ايدىلدىلر .

[۱] رمضانك ۲۷ سنده .

[۲] ۶۹۴ سنه سى محرمنده .

اوج يوزە بالغ اولان متباقى قسم دە امرا آراسندە تقسيم اولوندى .
 صوكرە ، كت بوغا خليفەنى ، قاضىلىرى و بوتون اميرلىرى طوپلادى ؛
 اولنرە سلطانك اداره امور دن عاجز قاله جق درجە دە كوچوك
 اولديغنى سويلەدى . بو حركتى لاجينك نصيحتى اوزرينە
 وقوعە كەمشدى . چونكە لاجين سلطانك كونك برندە برادرينك
 انتقامنى آلماسندن قورقويوردى . سلطانى خلع ايتديلر .
 كت بوغا سلطان اعلان اولوندى ۱۱۱ . محمد حصار دە حبس ايدىلدى .
 تام برسەنە بيلە حكمران اولماشدى .

ملك العادل زين الدين عنوانى آلان كت بوغا حمص محاربەسى
 كونى ۱۲۱ اسير آلمش بر موغول ايدى . سلطان قلاون كنديسنى
 تربيه ايتديرمش و خدمتچىلىرى آراسنە آلمشدى . صوكرە ،
 بوميليس عسكرينك بر چوق فردلىرى كى اك بويوك مناصب
 حكومتە ارتقا ايتمشدى . سلطان اعلان اولوتجە امرايه وميليس
 عساكرينە بر ضيافت ويردى . لاجينى مصردە وكيل نصب ايلەدى .
 عز الدين الافرم جندار ، سيف الدين بهادر دە ماينجى اولديلر .
 برقچ كون صوكرە (۳) بوتون امرا آلای اثوابلىلە آتلىرە
 بينهرك قاهرەنك بر ميدانندە طوپلانديلر ، اورادە سلطانك
 او كندە يراويديلر . صوكرە سلطان تخته جلوسنى سوریه دە
 اعلان ايتديردى . قاهرە دە بويوك شەلەكلر ياپىلدى . تقريباً بر آى

[۱] محرمك ۱۲ نجى پەنجشنبه كونى .

[۲] ۶۵۶ تاريخ هجرىدە و ۱۲۶۱ تاريخ ميلادىسندە

[۳] محرمك ۱۹ نجى پەنجشنبه كونى .

صوکره [۱] سلطان بوتون حکمدارلق سنجاقاری و مزیجاتی ۱۲۹۵
 حاملآ آته بپندی ء جبل حصارندن ایندی وقبة الظفره کیتدی.
 عینی اسمده کی قاپیدن کیردی . قاهره یی بر باشند بر باشه قطع
 ایدهرک زویله قاپیسنندن چیقدی ء حصاره کیردی . سلطانلر
 ایلک دفعه اوله رق آلایه قاهره یه کیردکلری زمان بو طریق تعقیب
 ایدرلردی .

بدایت سلطنتده [۲] ابتدا مصره صوکره سوریه یه قیطاق
 ایله وبا عاتی مساط اولدی . علی العاده یکر می بش دیناره صاتیلان
 برکیله بوغدا ی یوزیکر می یه صاتیلدی . بر سنه اول بر قیطلق اولمش
 وبرکیله نك فیأتی یوز آلتشه چیقه مشدی . اسملری دیوانده محرر
 اشخاصدن قاهره ده اونیدی بیک بش یوز کشی اولمشدی . اجنیدار له
 فقیرلر بو مقدار دن خارجدر . بوصول قیطلق مناسبتیه بر چوق
 کشی اولولری یدیلر . سلطانک وبر چوق امرانک قادینلرندن
 برخیلیسی بو مناسبتیه حجه کیتدیلر . بوزیارت مکه و مدینه شهرلری
 اهالیسی ایچون پک فائده لی اولدی . رحبه طرفلرنده تقریباً اون
 بیک چادیردن مرکب بر موغول اردوسی کوروندیکنه دائر
 سلطانه بر خبر کتیرلدیکی زمان [۳] قیطلق حالا دوام ایدیوردی .
 فقط صوکره آکلاشیلیدی که بوکلن موغوللر اسلامیتی قبول ایتک

[۱] ربیع الاخرک برنده .

[۲] شوال آینده .

[۳] ۶۹۵ سنه سی صفرنده .

ایسته یورلر وقازاق خاندن قاجیورلردی . باشلرنده تاغراس
یاخود دیکر بر روایت کوره قورتای [*] نامنده بر رئیس واردی که
خان بونی توقیف ایتدیرمک ایسته یوردی . اوده بوتون معیتی ایله
قاجغه مجبور اولمشدی . بوموغوللر اویرات اسمنی طاشیورلردی .
کندیسی ده موغول اولان سلطان امر اسندن بعضلرینی اونلره کوندردی
ورئیسلرینک قاهره یه کتیرلمه سنی امر ایتدی . امیر قراستقریوز سکسان
اوچ موغول رئیسینی شامه کتیردی ۱۱۱ . اوراده بونلری قلعه یه
مسافر ایتدیلر . تبدیل دین ایتهلری مناسبتیه اهالی بویوک
شندلرک یاپدیلر . صوکرده کندیلرینی قاهره یه کوتوردیلر . اوراده
سلطان اونلره اراضی ووظیفه ویردی .

۱۲۹۶

صوکرده ، سلطان امراسی و میلیس عسکری ایله برلیکده
شامه کیتدی (۲) . شهره کیردیکی زمان ، امیر بدرالدین بیسری باشنه
شمسیه طوتیور ، امیر لاجین ایله وزیر اعظم اوکنده کیدیورلردی .
برقاچ کون صوکرده شام والیسی امیر عزالدین ایبکی عزلایدهرک
یرینه سیف الدین اوغوزلی نی تعیین ایتدی . فقط اوغوزلی یه
مصرده ویریلن اکمکی عزالدینه ویردرک اوننی بر آز تلطیف
ایله دی . بو مملوکلره بر مقدار معین اکمک توزیع اولونور
یاخود بوکا معادل بر پاره ویریلردی . خدمتچی صیراسنده

[*] ابن خلدونه کوره طرنتای مکرمین

[۱] ربیع الاولک ۲۳ نجی بازار ایرته سی کونی .

[۲] ذی القعدة نک ۱۵ نجی جمعه ایرته سی کونی اورایه واصل اولدی .

ایدیلر . هر سلطان معیتنی بر طاقم یابانچیلردن ، نه اولدیغی بللی اولمایان کیمسه لردن ترکیب ایدردی . بو آدم لرك الشجر ءتکار لری بعضاً تختہ قدر صعود ایدر لردی . مصر الیوم عثمانلیلره تابع اولقله برابر بو شکل حکومت اوراده الان موجوددر . مصرده قوماندانلق وظیفه سنه تعین ایدیلنلر دورلو دورلو یابانچیلردر . بومملوک عسا کری استانبولده کی یکیچریلره بکزر لر . یالکز پادشاهلر یکیچریلردن چیقمازلر . فقط بو مملوکلر دائماً سلطان نامنی عن اصل تورکستانلی اولانلره ویرمکه دقت ایدر لردی . سلطان سوریه ده بعض سیاحتلر یاپدی . حصه کیتدی [۱] . اوراده آوایله بر آزا کلندکدن صوکره شامه دوندی [۲] . بعض امرایی عزل ایتدی . صوکره مصر یولنی طوتدی . ولاجیوه [*] کیتدی [۳] . بوانئاده لاجین کندیسنی قتل ایتک تصویرینه دوشمشدی . فقط یک کوزل محافظه آلتنده اولدیغی جهتله ابتدا غایت جسارتلریله مشهور بعض امرایی طوتدی ، اونلری اولدیرتدی . صوکره سلطانک چادیرینه دوغری ایلریله دی . بعض مملوکلر کندیسنه معاونت ایتدکلرندن سلطان قاجغه وقت بولدی . او آقشام درت بش سواری ایله شامه واردی . صباحلین

[۱] ذی الحجّه ۱۹ نده .

[۲] محرمک ایکنجی چارشنبه کونی .

[۳] محرمک ۲۸ نده . [*] ان خلدون بو موضعک اسمنی عوجا

تسمیه ایدیور . - مکرمین -

مواصلت ایتش اولان ضابطاندن بری بووقه یی خبر ویرمشدی .
والی در حال طویلایه بیلدیکی افراد ایله آتیه یندی . لاجینک
معیتندن شامده بولونانلری توقیف ایتدیردی . سلطان یکیدن
کندیسنه بیعت مراسمی یاپدیردی . بوسیراده لاجین سلطانک چادیرنی ،
خزینهنه سنی اله کچیرمش و مالیس عساکری طرفندن سلطان اعلان
ایدیلشدی . مصره کیتدی . اوراده هیچ مقاومتیه راست
کلمکسزین سلطان دییه قبول اولوندی . مصرده ، قدسده بوتون
فنیکه قطعه سنده نامنه خطبه اوقوتدی .

کت بوغاهپ شامده ایدی . کرک ، صفد و نابلس شهرلرینک
لاچین طرفنی التزام ایتش اولدقلرینی خیر آلدی . دشمننک
یاپیغی ترقیاتی کوردرك حکومتدن کندی اختیاریلد چکیلیمکه
قرار ویردی . بونک اوزرینه برچوق امیرلر کندیسنی ترک ایتدیلر ،
لاچین طرفنه کچدیلر . قاهره یه بر ساعی کوندریلدی . شام قلعه سی
محافظه ایدیلدی . هرکس سلاحه صاریلدی . لاجین شام شهرنده ده
هیچ براغتاشاش وقوعه کلمکسزین عموماً سلطان اعلان اولندی .
کت بوغا قلعه ده فالدی . اوراده یکی سلطانک امرلرینی بکله یوردی .
یکی سلطان کندیسنه صرخد قلعه سنی ویردی . شام وایلیکنه
امیر قاپچاق تعیین اولندی . کت بوغا صرخده متوجهاً
حرکت ایتدی [۱] . کت بوغا ایکی سنه یکریمی سکز کون حکومت
سورمشدی . صوکره ایکی سنه صرخد وایلیکند بولوندی .

أولو نجه یه قدر ده شام و الیلکنده قالدی. حلم و ملایمتی، احتیاطکارلغی حکمت و اعتدالی و جسارتی ایله کندیسنی سودیرمشدی. ارباب علمی پک سوردی. بومملوکلر آراسنده بویوک آدملر بولوندیغی انکارایدیله مز. او قدر متزلزل برتخت اوزرنده دورابیلیمک ایچون هیچ اولمازسه ظاهری بعض مزیتلره لزوم واردی. بونک ایچون قوت کافی دکلدی. چونکه سائر مملوکلرک کافه سی پک صاحب قدرت ایدیلر.

لاچین و قتیله سلطان قلاون طرفندن صاتون آلمش، تربیه ایتدیرلمشدی. صوکره سلطان قلاونک کوله لری آراسنه گیرمشدی. قلاون، سلطان اولونجه اونی شام قلعه سی و الیلکنه نصب ایتدی. صوکره شامده سلطانلغی اعلان ایتدیرن سنقرالاشقر طرفندن حبس ایتدیرلمشدی. سنقرک مغلوبیتندن صوکره سربست براقلدی و شام و الیلکنه اعاده ایدلدی. اون بش سنه صوکره عزل اولوندی و دفعات ایله حبسه کیردی. حتی بر آراق ترک حیات ایتسنه رمق قالمشدی. بوغوله جغی صیراده ایپ قوپدیغی جهتله سلطانیه قباحتمی اولمادیغی سویلمکه وقت بولمشدی، بونک اوزرینه سربست براقیلمش و سلحدارلغه تعیین ایدلمشدی. لاچین غزه ده امیر بر طرفندن سلطان اعلان ایدیلدی و ملک المنصور عنوانی آلدی. مصره و اصل اولدیغی زمانک بویوک مناصبی کندیسنی تخته چیقارمش اولانلره توزیع ایتدی. ابوشمس الدین قراسنقر مصر حکومتته تعیین ایدیلدی. چونک بو ولایت سلطانک مقر اقامتی اولقله برابر

ابوالفدا

ابوالمحسن

خصوصی بر والیسی ده واردی . امیر قاپچاق سوریه به والی
کوندریلدی . صوکره لاجین جبل حصارندن چیقدی [۱] . خلیفه نك
ویردیکی خلعتی لابس ایدی . بوتون حکمدارلق مزیناتی حاملدی .
قاهره خارجنده قبة الظفره کیتدی . باب الظفردن قاهره به کیردی ،
شهرک ایچندن کچدی ، حصاره چیقدی . امیرلر ایله میللیس
عسکری اوکده کیدیورلردی . امیر علاءالدین باشنه شمشیه
طوتیوردی . سلطان کندیسنی هرکسه سودیردی . فقط کوزده سی
اولان کوله منکو تیمورک سوء حرکاتی پک چوق عدم ممنونیت
تولیدایتدی . فی الحقیقه ، برمدت صوکره [۲] قراسنقری مصر
والیلککندن عزل ایله یرینی منکور تیموره ویردی . ایلری کلن
امرا بوندن دولایی سویلنمکه باشلادیلر .

۱۲۹۷

سلطان ، امیر نورالدین بیسری بی توقیف ایتدیردی [۳]
وصوکره شامه براردو یوللادی . بارکیردن دوشمش اولدیغی جهته
قاپورغه کیمکلرندن بعضیلری قیریلش ، بیلکی چیقمش ایدی . بدرالدین
بکتاش [۴] ایله دهاسائر بعض امیرلرک قومانداسی آلتنده بولونان
بواردو سوریه اردوسنه التحاق ایدهرک برلکده حلبه کتدیلر .
حما حکمداری محمودده عسکرلریله اوراده کندیلرینه ملاقی
اولدی . هپ بردن کوچوک ارمنستان اوزرینه یورویدیلر .

[۱] صفرك يكرمنجي بازار ايرته سی کونی .

[۲] ذی القعدة اورته لرنده بر صالی کونی .

[۳] ۶۹۷ سنه سی ربیع الآخرنده .

[۴] لقبی الفقری در .

علم الدين سنجر [۱] ھا حکمداریله برابر ماری دنیلن بوغازدن
کچدیله. دیگرلری بوغراس واسکندرون لیمانی طریقله کیتدیله.
هپسی جیحان نهری قربنده برلشدیلر و کوچوک ارمنستانه
مختلف آقینلر یاپدیله. اورادن بوغراسه دوندیله و آنطاکیه
چایرلینه کیتدیله [۲]. حلبده طوپلانهرق تکرار ارمنستانه
عودت ایتهلری ایچون سلطانندن یکی امر آلدیلر [۳]. یکی بر سفر ایچون
لازم کلن بوتون تدارکات حلب شهرنده ا کمال ایدیلد کدن صوکره
ارمنستان یولنی طوتدیله. ابوالفدا بو اردوده واردی.
اسکندرون طریقله ارمنستانه کیریله. حموص قربنده قرارگاه
قورولدی [۴]. بدرالدین بککاش، ھا حکمداری ودهاسا اربعه
امیرلر بو قلعه یی محاصره ایتدیله. اردوسنک قسم متباقیسی
جوارلرده بولونیوردی.

بوتون بورالری اوزمان وقتیه سلطان بیبرسک اردولری
طرفندن اسیر آلمش لهئونک اوغلی داندین النده ایدی. لهئون
أولورکن بر قاچ اوغل براقشدی. اک بویوکی هایتون ایدی.
دیگرلری طوروس، داندین، سنباط و اوشین ایدیلر. کندیسنک

[۱] دعدادار منصبی حائز ایدی.

[۲] ۲۱ رجیده.

[۳] ۲۸ رجیک ۲۸ نجی بازار ایرتهسی کونی حلبه کیردیله. رمضانک

اوچنده چیقدیله.

[۴] رمضانک ۹ نجی جمعه کونی که حزیرانک ۲۰ سنه راست کایور.

یرینه بویوک اوغلی کچمیشدی . صوکره برادری سنباط اونی خاچ
ایتدیردرك كوزلرینه میل چکدیرمش ، طوروسی ده اولدیرتمیشدی .
مسلمانلرك كلوب حموصی محاصره ایتمه لری سنباطك زمان اداره سنه
مصادف بولونیوردی . سنباطدن غیر ممنون اولان و دوچار
اولدقلری فلاکتی اونك سوء حرکاتنه عطف ایدن ارمنیلر
کندیسنی استانبوله قاچغه اجبار ایله داندینی تخته چیقاردیلر .
بو ائنده حموص محاصره سنه دوام ایدیلیوردی . شهرده صو
یوقدی . مواشیلریله اورایه چکیلن ارمنیلردن برچوغی صوسزلقدن
اولدیلر . بيك ايکي یوز قادین ، قیزوچوچوغی دیشاری چیقارمغه
مجبور اولدیلر . مسلمانلر برنلری آرهلرنده پایلاشدیلر . بونك
اوزرینه داندین اردویه مرخصلر کوندردی . ایکی حکومت
آره سنده جیحان نهرينك حدود تشکیل ایتمه سی و ارمنیلرك
حموصی [۱] ، تلحدون ، لوفی ، نقیر ، حجر ، شغلان ، صرفندکار
ومرئش قلعه لرینی تسلیم ایتمه لری قرارلاشدی . بونلر غایت
مستحکم موقعلردی . سلطان بورالرینی اداره ایچون والیلر تعیین
ایتدی . اردو حلبه دوندی [۲] .

اردو حلبه واصل اولدینی زمان ، سلطان بوسفره اشتراك
ایتمش اولان بوتون امیرلری توقیف ایچون سیف الدین بلبانه
امر کوندردی . قاپچاق حمص شهرنده ایدی . سائر بعض امرا ده

[۱] ابتدا بو قلعه شوالک ۱۹ نجی جمعه کونی تسلیم ایدیلدی .

صوکره دیکرلری تسلیم ایدلدیلر .

[۲] ذی القعدة نك ۹ نجی کونی اورایه واصل اولدی .

عصیان فکریله اونک یاننه کیتدیله . عینی سنه . سلطان بوتون امیرلردن ومیلیرس رؤس سندن بر ویرکو آلمق اصولی احداث ایتدی . منکو تیموردن باشقه بو ویرکودن مستثنا طوتولان کیمسه یوقدی . عسکرلردن بعضیلری خدمت ایتمکدن امتناع کوستردیلر . ایچلرندن بعضیلری زنجیره اورولدی . هر طرفده عصیان علائمی حس اولونیوردی .

دیگر طرفدن، حصه چکیلمش اولان امیرلر (۱) اوصیرالرده واسط جوارلرند. اولان موغوللرخانی قازانک یاننه التجا ایتدیله . بوتون مصرده ، سلطانک پک زیاده حکم ونفوذ صاحبی یاپدیغی منکو تیموردن غیر ممنون ایدیلر . بوکوزدهیه قارشى وقوع بولان شکایتلرک هیچ برینه سلطان اهمیت ویرمیدیکی جهته، کندیسنى تخته چیقارمش اولان متعدد امرا وجودینی اورتهدن قالدیرمغه قرار ویردیله . ذاتاً نصیحتلریله عامل اولاجغنه دائر ویردیکی سوزدهده دورمامشدی . بوسوء قصدی ترتیب ایدنلر امیر بدرالدین بیسری ، قراسنقر، سلحدار حسام الدین (عن اصل روم اولوب بوده لاجین لقبیله یاد ایدیلیردی) ، استاددار و خزینه دار ایدیلر . سلطانک کورجی برکولهسی واردی که بونک نائل اولدیغی التفات منکو تیمورک خصوصتنی دعوت ایتشدی . منکو تیمور

[۱] ۶۹۸ سنه سنده . اوسنه بر قویروقلی ییلدیز ظهور ایتدی . اوزون برقوبروغی بوغا بورجنک اوزرینه دوشیوردی . قویروق شمال طرفنده ایدی . کانون ثانی آینده ظهور ایتدی .

اونی اخیراً فتح ایدیلن ازمی ممالکنه کوند رتمک ایسته‌مشدی .
 کوله کندیسنک تبعید ایدلمک ایسته‌نیلدیکنی آکلایجه بومأمورتی
 قبول ایتمه‌مشدی . ایسته سوء قصد مرتبلی سلطان قتل ایچون
 بو کوله‌نی انتخاب ایتدیله . بر آقشام سلطان سراینده شطرنج
 اوینیه مشغول اولدیغی صیراده ۱۱۱ کورجی کوله وظیفه‌سنی
 یایمق بهانه‌سیله ایچری کیردی . سلطان کندیسنه بعض شیلر
 سویله‌دی . کوله عرض عبودیت ایچون سلطان یاقلاشه‌رق
 اوموزینه بر قلیج ضربه‌سی ایندیردی . سلطان در حال کندی
 قلیجی ایسته‌دی . فقط کورجی کوله ایچری کیررکن قلیجی
 صاقلامق احتیاطنده بولونمشدی . سلطان، کوله‌نی یاقلاشه‌رق یره
 سردی . حاضر بولونان ساجدار سلطانک قلیجی بولارق بوقلیج
 ایله باجاقلرینه متعدد ضربه‌لر ایندیردی . سلطان یره ییقیلدی .
 کندیسنی اولدیردیلر ، قاپی‌نی قاپادیلر . برجیه مملوک‌لریله برلکده
 نتیجه‌نی بکله‌ین سیف‌الدین طوغجی‌یه کیده‌رک سلطانک وفاتی
 خبر ویردیلر .

سوء قصد مرتبلی حصارده اقامت ایدن منکو تیمورک دائرده‌سنه
 قوشه‌رق قاپیسنی اوردیلر و سلطانک ایسته‌دیکنی سویله‌دیلر .
 سلطان اولدیردکلرینی سویله‌یه‌رک اوطه‌دن چیقما‌دی . کورجی
 کوله : اوت ، دیدی ، اولدیردک . سنی ده اولدیرمکه کلیورز .
 امیر سیف‌الدین طوغجی کندیسنه بر فنالق یایمایه جقلرینه دائر

يمين ايتهدكجه كورجى كوله قاپىي آچادى . امير سيف الدينك
يمينه رغماً ميليس عسكرى سوزى طوتمادى . قاپىي آچار
آچاز منكوتيمور توقيف اولوندى . وقتيه كنديسنك حبس
ايتديرمش اولدينى بعض امرانك ياننه اونى ده حبس ايتديلر .
او اميرلر اونى اولديرمكه قالقديلر . كورجى كوله منكوتيمورك
اونى يغما ايتيردى . صوكره حبس خانىه كيدورك اوراده
منكوتيمورى اوليردى .

بونك اوزرينه ، سوء قصد مرتبلى تخته سلطان ناصر محمدى
اجلاس ايتمكه ومصر حكومتى سيف الدين طوغجى به توجيه
ايتمكه قرار وپردیلر . بوتون بو وقعه او كيجه جريان ايتدى .
صبح اولور اولماز سلطان محمد بيعت ايديلدى . كر كدن كتيرلمهسى
ايچون آدملىر كوندريلدى . بوسورتله اغتشاش سكونت بولدى .
قاهره اهالىسنك قسم اعظمى منكوتيمورك فنا بر نظرله كورولمكده
اولماسندن دولاي ، بو وقعه دن هيچ ده متأسف اولماديلر .

بر آز صوكره [۱] ، امير بدرالدين بكتاش ، ارمنستانده
بولونان عسكرله مصره مواصلت ايتدى . اميرلردن بعضيلرى
قاهره دن چيقه رق پلوسه قدر كنديسنى استقباله كيتمشلر ،
جريان ايدن وقايعدن امير بدرالدين بكتاشى خبردار ايدورك
سلطانك قتلنده مدخدار اولماقلىنى تأمين ايتمك ايسته مشلردى .
دها اول طوغجى ايله وپردكلرى قرار موجبنجه اوده امير بدرالدين

[۱] ۶۹۸ سنه سى ربيع الآخرىنك ۱۴ نجى بازار ايرته سى كونى .

بکتابی استقباله کیده جکدی. ایکی امیر بربرینه ملاقی اولدقلری
زمان سلطانک اردویی استقباله کلمه سی معتاد اولدیغنی، سلطان
ایس کلمه دیکی جهته نه کی برقصوردن دولای بومعامله یه استحقاق
کسب ایتدیکنی بیلامدیکنی سویله دی. طوغجی، سلطانک
قتل ایدلیدیکنی سویله می اوزرینه بکتابش اونی توقیف ایتدی.
یاننده کی برقچ کشی ایله برابر بو امیر قتل اولوندی. حصارده
بولونان کورجی کوله طوغجی نك قتلنی خبر آلهجه درحال ایکی
بیك قدر برجیه مملوکارینی تسلیح ایتدی. فقط وقوعه کلن
مصادمه ده مغلوب اولدی، اله کچدی. شریك جرملرندن
بعضریله برلکده اتلاف ایدلیدی.

امیرلر قلاونک اوغلی اولوب کرکده بولونان محمد قارشی
بیعت یمینلرینی تجدید ایتدیلر. لاجین مقطم داغی قربنده دفن
ایدیلدی. بویوک بر حکمدار اولق ایچون ایجاب ایدن مزیتلرک
کافه سنه مالکدی. امور دولتی غایت مکمل صورتده بیلیردی.
احتیاطکار، نفوذ نظر صاحبی وجسور ایدی. سوریه دن
مصره قار کوتورولمه سی اصولی او الغا ایتشدی. چونکه شام
والیسی اولدیغنی جهته بونک خلق ایچون نه آغیر بویوک تشکیل
ایتدیکنه واقفدی. لاجین غایت عالیجناب ایدی. برکون قاضی
شهاب الدین، حضورنده یازی یازارکن اثوابنه مرکب داملاقتی.
سلطان بونی اخطار ایتمه سی اوزرینه شویت ایله جواب ویردی:
«افندمز، کوله کنزک اثوابی بولکه یه رغماً یینه بیاضدر. اوستمه

عرب داملامایور ، یکی اثوابلر کلیور « سلطان در حال کندیسنه
بش یوز دینار ویردیدی . شهاب الدین : « بنم کی بوتون کوله لر کز
بونعمتی قیصقانه جقلردر » دیمه سی اوزرینه ضابطلرینه ده عینی
مقدارده احسانده بولونمشدی .

دها زیاده ناصر دیه یاد ایدیلن محمد ، مصر دن امیر لر کلدکلی
زمان کرک جوارنده آو ایله مشغولدی . والده سی بونک بر طوزاق
اولماسندن قورقیوردی . محمدك حضورنده یرلره قاپاندقلرینی
کورنجه مستریخ اولدی . محمد در حال قاهره یه متوجهاً یوله
چیقدی [۱] . قاهره ده تخته جلوس ایتدی . اوتارنخده تقریباً
اون درت یاشنده ایدی . مصر اداره سنی امیر سیف الدین
سلاره [۲] ، استاددارلغی حسام الدین لاجینه ویردی . صوکره
بعضلرینه خلعتلر احسان ایتدی ، قاهره یه کیردی . چوق کچمه دن ،
موغوللرخانی قازانك ، امیر قاپچاق طرفندن وقوع بولان تشویق
اوزرینه سوریه یه بر آقین یایمق تصورنده اولدیغنی خبر آلدیلر .
فی الحقیقه موغول خانی اون بش بیک سوار ی ایله سلامشی
آناطولی یه کوندرمش و کوچوک ارمنستان طریقیه سوریه یه
داخل اولماسنی مر ایتشدی . سلامش آناطولی یه وارنجه
بو قطعه یی کندی حسابنه محافظه ایتک فکرینه دوشدی
و حکمدارینه قارشى عصیان ایله دی . آناطولیده تأسیس ایتمش اولان

(۱) ۶۹۸ سنه سی جمادی الاولك ۴ نجی جمعه ایرته سی کونی قاهره یه

مواصلت ایتدی .

(۲) سانوت کندیسنه Naboy seley دیور .

و تقريباً اون بيك قدر معيتلرى بولونان قرمان اوغللرى كنديسنه عرض تابعيت ايتديلر. سلامش مصر ليلردن امداد ايستهدى [۱]. قازان بونى خبر آلنجه اوچ قوماندان معيتنده سوريه يه اوتوز بش بيك كشيلاك بر قوت يوللادى. نوپان سكتاي اون بش بيك كشى يه قوماندا ايديوردى. هندو خاقان و بولاھون ياخود مولاي معيتنده اون بيك عسكر واردى. سيواسى محاصره ايدن سلامش ايله مصادمه يه كيريشديلر. سلامشك آلتش بيك كشيلاك يراردوسى اولمقله برابر مغلوب اولدى. بش بيك سوارى ايله سيسه ، اورادن ده بهسنى يه چكىلدى [۲].

سلطان ، شام واليسنه ، سلامشه بر مقدار عسكر كوندرمهسى ايچون امر و يرمشدى. فقط بوزغونلغى خبر آلنجه عسكرلر يوله دوام ايتهديلر. سلامش شامه [۳] صوكره مصره كلدى. قوه امداد يه آلدقن صوكره مصردن حركت ايتدى. فى الحقيقه ، در حال درت بيك كشى حلبه كيتدى. چوق كچمه دن سلطان بالذات اردولرينك باشنه كچهرك سوريه يه يورودى [۴] ، شامه

[۱] بوسفيرلر شعبان اينده واصل اولديلر. ابتدا استاددار حسام الدين لاجينه مراجعت ايتشركى كورونيور. اغلب احتمال كوره حلب واليسى او ايدى.

[۲] رجب نهايتلرنده .

[۳] ۱۲ شعبانده .

[۴] ذى الحجه نك ۲۶ نجى پنجشنبه كونى قاهره دن چيقدى .

کیتدی ۱۱۱. اوراده ، موغوللارک سوریه کیرمش اولدیغنی
 دویونجه حصه یورودی . هرکس ، موغوللارک سلمیه کلهسی
 حسیله دهشت واندیشه ایچنده ایدی . موغوللر ، مصر عساکرینک
 ورودی اوزرینه مملکتلرینه دونه جکلی شایعه سنی چیقار شلردی .
 بوشایعه یه اعتماد ایدن سلطان حمصی ترک ایتدی [۱۲] . فقط هان
 آرقه سندن دشمن اردوسی کوروندی . صف حرب ترتیب
 ایدیلدی . مسلمانلارک صول جناحی ابتدا موغوللارک برقسمنه
 هجوم ایله اونلری پریشان ایتدی . تقریباً بش بیک کشی قدر
 اولدیردی . مرکز دهها زیاده مقاومتی تصادف ایتدی . هرایکی
 طرف ده ثبات کوستردی . فقط مسلمانلارک صاغ جناحی چکیانجه
 سلطانک بایراغی آلتنده بولونانلارک کافهسی قاجغه باشلادیلر .
 بوتون اردو منهزم اولدی . سلطان معیتنده پک آز امرایله
 بعلبکه قاچدی . بوتون آغیرلقلرینی ، سلاحلرینی ، جیخانیه سنی
 غائب ایتدی . عسکرلر دهها زیاده سرعتله قاجه بیلیمک ایچون
 مغفرلرینی ، سلاحلرینی آتیورلردی . فراریلردن بعضیلری شامه
 کیده رک اورایه تلاش ویردیلر . تکمیل اهالی قاقق ایسته یوردی .
 فقط تاتارلارک قسم اعظمی مسلمان اولدیغنی آکلاشیانجه برآز
 سکونت کلدی . شهرکایلری کلنلری مجلس عقد ایتدیلر ، قازان
 خانه مرخصلر کوندرمه که قرار ویردیلر . قازان خان بر فرمان

[۱] ۶۹۹ سنه سی ربیع الاولنک ۸ نجی جمعه کونی واصل اولدی .

[۲] ربیع الاولک ۲۷ نجی جمعه کونی .

ویردی، شام شهرنده هیچ بر تجاوز و وقوع بولمایه جتنی بیلدیردی. امیر قاپچاق ایله، قازان خانه التجا ایتدیکی زمان کندیسینه التحاق ایتش اولان سائر امیرلر شامه کلدیله. قلعه نك آناختارلری تسلیم اولوندی. شامده خطبه قازان (۱) نامنه اوقوندی. فقط امیر علم الدین ارجواشك قوماندان ایتدیکی قلعه مقاومتدن کړی قالمادی.

۱۳۰۰

قازان، شامی ترک ایتدیکی زمان (۲) سوریه والیلکینی قاپچاقه وقلعه نك محاصره سینه دوام ایتك اوزره عسکری قوماندانلغنی قوتلوق شاهه ویردی. مصره قاپچاق اولان سلطان اوراده علی العجله عسکرلرینی طوپلایه رق سوریه یه عودت ایله دی (۳). فقط صالحیه ده قازانك عودتی خبر آنجیه امیرلرندن قسم اعظمی تکرار مصره عودت ایدلمه سی فیکرنده بولندیله. سلطان بوفیکری رد ایتدی. صالحیه ده قاهره قاهره امیر سیف الدین سلار ایله چاشنکیر لقمیه یادایدیلن رکن الدین بیبرسی سوریه عسکرلریله ایلری کوندردی. بونلر یولده قاپچاق ایله بکتمر والیکیه تصادف ایتدیله. بو اوچ امیر وقتیه موغوللر نزدینه التجا ایتشلردی. شمدی سلطانك یانه کلیورلردی. قازانی سوریه یه

[۱] شام شهری موغوللار طرفندن ضبط ایدیلیمشدی.

[۲] جاذی الاولک ۱۵ نجی جمعه کونی.

[۳] رحب آینه ده.

کثیرمکه سبب اولدقلرندن دولایي بونلره مؤاخذهده بولونديلر .
سلطان لاجين کندیلرینی اولدیرتمک ایسته دیکندن بویله یامغه
مجبور اولدقلرینی سویلیه رک بیان معذرت ایتدیلر . اوچ امیر .
سلطانک نزدینه اعزام ایدلدی . حضورنده یرلره قاپاندیلر .
سلطان بونلری عفو ایتدی . اردو شامه کیردیکی صیراده بونلرده
سلطان قاهره یه قدر رفاقت ایتدیلر [۱] . شام قلعه سنی موغوللر
ضبط ایدمه مشلردی .

تاتارلر سوریه یه بو آقینی اجرا ایتدکلری صیراده حما قوه ابو الفدا
محافظه سندن عثمان السبیری نامنده برعسکر شهری و قلعه یی اله
کچیردی ، هر کسک تکمیل اموالی ضبط ایتدی . بو عصیان
برچوق قان دوکولمه سنه سبب اولدی . عثمان ، اسماعیل اسمنده
باشقه بر آدم ایله برلشمشدی . مؤخر آ بونی آلداتدی و اولدیرتدی .
ملك الرحيم عنوانی آله حق درجه ده جرئتکارلق کوستردی .
عینی زمانده ارمنیلر حموص ، تل حمدون ، قوفرا ، صرفندکار ،
نقیر قلعه لرینی استرداد ایتدیلر و مسلمانلرک النده یالکر حجره
شغلانی براقدیلر .

تاتارلرده بوتون سوریه یی ضبط ایتک تصورندن واز
کچمه مشلردی . خانک مصره قدر حرب ایتمه کلک فکر یه
اردولرینی طوپلادیغی مصرده خبر آلدی [۲] . بوتون سوریه ایلر

[۱] ش بانک ۱۴ نجی پنجشنبه کونی بورایه واصل اولدیلر .

[۲] ۷۰۰ سنه سی محرمی بدایتلرنده .

قلعه لره چکيلمکه باشلامشردى . سلطان ، عسکرلريله قاهره دن چيقدى . شامه دوغرو يوروديلر . فقط مبدولاً يا غمور وقار يا غديغى ايجون يولنه دوام ايدىمدى ، قاهره يه دوندى ۱۱۱ . فى الحقيقه ، قازان حلبه كيتمش ، اورادن حما و سرمىن طرفلرينه دوغرو كچمش ، قوماندانلردن برينى آنطاكيه الكاسنى تخريبه كوندرمىشى . بوتانارلر اورادن عظيم غنائم آلديلر . فقط صوكره اونلرده قار و يا غمور حسييله بر چوق ضايعات ويرديلر . عادتاً اومفرزه محو اولدى . عزيمتلى بوتون سوريه ده ممنونيتلر توليد ايتدى . ذاتاً اهالينك قسم اعظمى ممالك تلىنى ترك ايتمشردى .

۱۳۰۱

بوتاريلخلرده قاهره يه آفريقاده حكمران اولان بر حكمدارك وزيرى كلدى ۱۲۱ . حجدن عودت ايدىيوردى . سرايه كمال حرمتله قبول ايدىلدى . وكلا ايله بولنديغى صيراده بر كاتبك ايجرى كيرديكنى كوردى وبونى سلطان ظن ايتدى . فقط صوكره بونك خريستيان اولديغى اوكرندى . خريستيان ايله موسويلرك آفريقاده اكثرثا استحقار ايدىلدكلىنى و سرايه قطعياً قبول اولونما دقلىنى وكلايه سويله دى . قاهره ده ايسه بونلرك محتشم صورتده كيئمه لرينه ، آت و قاطره بينمه لرينه ، مأموريتلره تعيين ايديله لرينه قارشى اعتراضلرده بولوندى . سوزلى اجراى

[۱] صفر ك ۱۳ نده .

[۲] رجب آينده .

تأثیر ایتدی . بوبابده بر اصول وضعنه قرار ویردیلر . خرسیتیانلر ایله موسویلر کندیلرینک مأموریتلردن اوزاق بولوندیر یاجقلرینی، خرسیتیانلره ماوی و موسویلره صاری کلاه کییدیر یله جگنی خبر آلتجه بوتون امرایه شکایتلرده بولوندیلر . بعضیلری اونلرک طرفنی التزام ایتدی . بوتصورک موقع تطبیقه وضعنه مانع اولمق ایچون خرسیتیانلر ایله موسویلر پک چوق یاره ویردیلر . فقط هیج بر شیئه موفق اولامادیلر . بیرس ایله سلطان قاهرده بولونان بوتون کلیسالرک قاپانماسنی امر ایتدیلر . کلیسالرک قاپیلری دمیر کئیدیلرله قاپاندی . خرسیتیانلر علامت فارقه اولان کلاهی کیمکه مجبور اولدیلر . حیوانه بیندکلری زمان یالکز بر آیاقلرینه چیزمه کیورلردی . بواصول سببیله بر چوق خرسیتیان اسلامیتی قبول ایتدی . آفریقاده دنقاه الکاسندن فرات نهرینه وارنجیه قدر هر طرفده بواصول اعلان ایدیلدی . اسکندریه سکنه سی شهرلرنده بولونان ایکی کلیسای هان تخریب ایلدیلر . اوسنه نهایتلرینه دوغرو ۱۱۱۱ تاتارلر طرفندن سفیرلرکلدی . بونلر کمال احتشام ایله قبول اولوندی . تاتار هیئت سفارتی صالح تکلیف ایتکه کلیوردی . قازان خانک مکتوبی عناقرائت ایدیلدی . سلطانده بوکا بر مکتوب ایله جواب ویردی و خانه قیمتدار هدیهلر کوندردیلر . فقط بر آز صوکره (۲) بوسفارتک

[۱] ذی الحجه آینه .

[۲] ۷۰۱ سنه سی صفرده .

بر حیه دن عبارت اولدیغی ، قازانک سوریه یه کیرمکه حاضر لاندیغی ،
 قوماندانی مولایک دها شیمیدین فرات قییلرینه کلدیکی خبر
 آندی . سلطان سوریه یه کچمک ایچون بوتون اردولرینی
 حاضر لادیغی صیراده خلیفه حاکمک قاهره خارجنده برکة الفیل
 قربنده قباشده وفات ایتدیکنی خبر آلدی [۱] . نعشنی طولونک
 اوغلی احمدک جامعنه بویوک مراسم ایله دفن ایتدیردی . صوکره
 خلیفه لکی مستکنی بالله عنوانیله حاکمک اوغلی ابوالطرب سلیمان
 ویردی . تجارلری توقیف ایله تجارتیه مانع اولان عربلری تنکیل
 ایتمک اوزره تباثید طرفلرینه مفرزه لر کوندردی . بونلردن
 برچوغی اولدیریلدی . متباقیسی ده داغلرده کی مغاره لره قاجدیلر .
 اوراده احراق ایدیلدیلر .

دیاربکری
 سیوطی

سلطان . ارمنستان تکفورینه یعنی قرالنه قارشیده عسکر
 کوندردی [۲] . بوقرال مسلمانلرک اراضیسنه آقینلر یاپیوردی .
 ارمنی قرالنک بوتون ممالکی تخریب ایدیلدی . بواشناده خرسیتیانلر
 سوریه ده تکرار یرلشمکه چالیشیورلردی . ایکی سنه اول [۳]
 ابوالفدا قبریس قرالی هانری دولوزینیان تامل و اوپیتال شووالیه لریله
 ابوالمحاسن متعدد سفائی تسلیح ایتشدی . بوسفینه لر روزمت جوارلرینه
 سانوت کیدهرک متعدد کوییلری یاغما ایتشیلر ، اورادن اسکندریه یه

۱۳۰۲

[۱] جمادی الاولک ۱۸ نجی جمعه کونی .

[۲] رمضان آینده .

[۳] ۱۳۰۰ تاریخ میلادیسنده .

عزیمتله برکمی بی یاقشلردی . صوکره، تامپل شووالیهلری رئیس،
 طربلس شام غربنده آرادوس آطه‌سنده یرلشمش، اورادن
 شووالیهلریله مسلمانلرک آراضیسنه آقینلر یامغه باشلامشدی .
 ۱۱۵۱ هجری که یعنی طربلس شام والیسی سیف‌الدین اسندمر شووالیهلری
 طرد ایچون کندیسنه عسکر کوندولمه‌سنی طلب ایتدی . سلطان،
 وزیر اعظمه درت حرب سفینه‌سی انشاسی ایچون امر ویردی (۱) .
 بو دونانماک قومانداسی امیر جمال‌الدین اقوشه ۱۲۱۱ تودیع اولوندی .
 کمیلر تامپله تسلیح و تجهیز ایدیلدکلری زمان، سلطان اکلندیرمک
 ایچون مقیاس قربنه کلدیلر . ایلک اوچ سفینه مختلف یاریشلر
 یاپدیلر . فقط امیر اقوشک را کب اولدیغی دردنجی سفینه
 صویه ایندیکی زمان بویوک بر روز کار چیقارق اونی باتیردی .
 علی‌العجله بریکی سفینه یاپدیلر . اقوش بوغولمش اولدیغی جهتله
 بو کوچوک دونانماک قومانداسی امیر قارداشه ویریلدی . امیر
 قارداش درحال طربلسه اورادن ده آنسار سوس یاخود تورقوس
 قربنده آرادوس آطه‌سینه کیتدی . تامپله شووالیهلری برآز
 مقاومتدن صوکره برقلعه‌یه چکیلماکه مجبور اولدیلر . مسلمانلر
 آطه‌یه چیقدیلر و بوتون آطه‌نی ضبط ایتدیلر . صوکره، ایسته‌دکلری
 یره کندیلرینی کوتوره جکلرینی وعد ایدهرک تسلیم اولمالری ایچون
 تامپله‌لره تکلیفده بواندیلر . فقط اونلری الارینه کچیرنجه اسیر

[۱] ۷۰۲ سنه‌سی بحرمنده . سانوته کوره ۱۳۰۲ تاریخ میلادی سنده

[۲] لقبی قاری در .

آلدیلر . بوتامپلیه لرك مقدارى يوز يكرميدن عبارتدى . تقريباً
بش-يوز تيرانداز ايله اهاليدن اوچ يوز كشى تلف اولدى .
تامپليهلر مصره كوتورولدى .

بوسفردن صوكره امير بپرس الجاشنكير ايله سائر بعض امرا

سوريه يه كيتمك اوزره مصر عساكريله حركت ايتديلر [۱] .

تاتارلر قوتلوق شاهك قومانداسنده سكسان بيك كشى ايله

سوريه يه كيرمشلردى . قازان خان ، عسكرك قسم متباقيسى ايله

رحبه ده بولونيوردى . قوتلوق شاه سوريه واليسى عزالدين

افرمه تساييم اولماسى حتمنده خبر كوندردى . فقط شامه واصل

اولان [۲] چاشنكير ، عزالدينى تطين ايتدى . حلب و حما

سكنه سنك قسم اعظمى ده بورايه چكيلمشلردى . سوريه

عساكرى حماده كت بوغانك نزدنده طوپلانديلر . كت بوغا وقتيله

سلطان اولان ذات ايدى . تاتارلر بونى خبر آلنجه قره عينه

دوغرو بويوك برمفرزه كوندرديلر و توركمنلر اوزرينه هجوم

ايتديلر . طرابلس واليسى اسندمر بيك بش يوز سوارى ايله

امداده كيتدى و توركمنلرى قورتاردى . قوتلوق شاه حمايه

دوغرو ايلريلايدى و مسلمان اردوسنى شامه چكيلمكه مجبور

ايتدى . امرادن قسم اعظمى مختلف فكلرلرده ايديلر . بر قسمى

دشمنه قارشى يورومك ، ديكر قسمى متباقى عسكر ايله مصردن

۱۳۰۳

سيوطى

ابوالفدا

ابوالمحاسن

ابن شحنه

[۱] رجب آينده .

[۲] شعبان اواسطنده .

حرکت ایتیش اولان سلطانی بکله مک تصورنده بولونیورلردی .
فقط قورقو کندیلرینی شامدن اوزاقلاشمغه سوق ایتدی .
یأسه دوشن اهالی قاریلرینی چوجوقلرینی ترک ایددرک نفسلرینی
قورتارمق ایچون قلعه یه چکیلدیله . جوارلره یاییلمش اولان
تاتارلر کندیلرله برمتارکه یاپه رق چکیلدیله .

مصر سلطانی مواعلت ایدنجه [۱] تاتارلره هجوم ایتمه
قرار ویردیله . درحال صف حرب ترتیب اولوندی . سلطان
مرکزده قالدی . یاننده خلیفه ایله مصر والیسی امیر سلار ،
بیرس ، خزینه دار عزالدین ایبک ، جوکدار بکتمر و سوریه
والیسی اقوش الافرم واردی . عربلره برابر حما عساکرندن
ترکب ایدن صاغ جناحه امیر قاپچاق قوماندا ایدیوردی . صول
جناحدهده امیر بدرالدین بکتاش ایله سائر امرا قومانداسنده
حلب عساکری اخذ موقع ایتشلردی . سلطان تکمیل صفلری
دولاشدی . یاننده خلیفهده برابریدی . قرآن تلاوت ایتدیردرک
عسکری تشجیع ایدیور، دینکنز ایچون ، زوجه لرکنز ایچون ،
فلا کتده بولونان بوتون مسلمانلر ایچون حرب ایدیکنز، دییوردی .
سلطان ، صف حربدن چیقه جق عسکرلرک قتل ایدیله سی ایچون
امر ویردی . صوکره ، سلطان مرکزده کلدی ، بوتون آغیرلقلری
کندی آرقه سنه قویدیردی .

قوتلوق شاه صاغ جناحه هجوم ايتدی [۱] . استاددار
 حسام‌الدین لاجین، قرمان اوغلی اولیا وداها سائر برچوق امرا
 مقتول دوشدیکی جهتله صاغ جناح پریشان اولدی . فقط
 مرکزده کی وصول جناحه کی امیرلردن برچوغی امداده قوشدقلری
 جهتله صاغ جناح تکرار تشکل ایتدی . قوتلوق شاه، صاغ جناحه
 هجومی براقدی . او عسکرده بر آزدیکندی . امیر سلار ایله
 بیبرس صوک درجه ده بهادرانه حرکت ایتشلر و بویوک تهلیکه لره
 معروض قالمشلردی . سائر امیرلرک کافه سی اونلره باقهرق دشمنه
 صالدریورلردی . قوتلوق شاه کری یه طرد ایدیلدی . دولای
 ایله سائر موغوللر کلوب سلار ایله بیبرسه هجوم ایتدیله .
 بونک اوزرینه قوتلوق بک ، امیر قاپچاق و سلطانک بوتون
 مملوکلری موغوللره قارشى ایلریله دیله و سلاره مظاهرت ایتدیله .
 صاغ جناح بوزولدیغی صیراده تاتارلر ایلری یه صوقولمق و مسلمانلرک
 آرقه سنه دوشمک امکائی بولمشلردی . بوسورتله آغیرلقلر اوزرینه
 صالدریارق اونلری تعقیب ایتشلردی . شامدن چیقمش اولان
 قادینلره چوجوقلر عسکرلرک تجاوزاتندن مصون قالمق ایچون
 پریشان برحاله قیرلره داغیلیمشلردی . نهایت یورغونلق ایکی
 اردوی بربرلردن آیرلمغه مجبور ایتدی . قوتلوق شاه جوار
 برداغ اوزرینه چکیلدی . احراز مظفریت ایتدیکنه و مولایک فراریله
 تعقیب ایلدیکنه قانع ایدی . فقط داغک تپه سندن مسلمانلرک صول

[۱] رمضانک ایکنجی جمعه ایرته سی کونی .

جناحك هيچ ده صار سيلمامش اولديغنى كورنجه حيرته دوشدى .
فراريلرى تعقيب ايدەرك بىر مقدار اسير آلان موغوللارك عودتتە قدر
او موقعده قالدى . اسرادن بىرندن سلطانك بالذات حربده حاضر
اولديغنى خبر آلدى . او آنە قدر بونى بىسلمە يوردى ۱۱۱ .
يكرمى بيك تاتار كيجه دن بالاستفاده چكىلدىلر . سلطان ، فرار
ايتش اولانلرى طويلامق ايچون بوتون كيجه بورو چالدىردى .
هر كس بولنديغى صفده قالدى . طلوع شمس ايله برابر تكرر
محاربه يە باشلاندى . طرفيندن برچوق تلفات ويريلدى . قوتلوق
شاهك ضايعاتى ، مجروحلر خارج اولمق اوزرە ، سكسان بيك كشي يە
بالغ اوليوردى . صوبىزلقدن پك مضطرب اولان موغوللر
داغدن ايننجه تسكين حرارت ايچون نهرە قوشدىلر . مسلمانلر
كندىلرني قىليجىدن كچيردىلر . بو بويوك مظفريتدن صوكرە
سلطان شاهە عودت ايتدى . تاتارلرى تعقيب ايچون قرۋالعين
طرفلرینە مفرزەلر كوندردى . تاتارلر هر طرفە قاچيورلردى .
ياقە لاتانلر قىليجىدن كچيرىليوردى . آز بىر مقدارى قوتلوق
شاه ايله بىرلكدە تېرىزە قاچدىلر [۳] .

[۱] بورادە مورخلارك افادەسى تخالف ايدىيور . بعضيلر سلطانك
حضرتنى مصادمەدن اول خبر آلدیغنى سويلەيورلر .

[۲] او سەنە بويوك حرکات ارضیه اولدى . هما واسكندريه
قلعه لرینك سورلرندن بىر قسمى يىقىلدى . سائر برطاقم مېانى دە منهدم
اولدى .

سلطان قاهرەيە دوندى [۱] . اورادە بويوك شىناھلار ياپىلدى .
 ھەر طرفدە فقرايە يىك وىر يىل يوردى . سلطان بوتون امراسىيە
 شىھرك ھەر طرفىدە ، يانلىرىدە تاتار امراسى اولدىغى حالدە ، دولاشدى .
 قازان خان وفات ايتىشىدى [۲] . خەلى خەدائىدە سلطان ايلە
 صلح ياپدى . بىر مەدت اول [۳] شام جوارىنە تاتارستاندىن بىر طاھم
 دىلەنجىلەر كەلشلىرىدى . بونلر پىك غرىب صورتدە كىيىملىرىدى .
 باشلىرىدەكى بويوك كلاھك اوزىرىدە ايكى بويىنوز باردى . بونلرە
 كوچوك چىنغراقلىر طاقلىمىشىدى . صاقلارلى تراشلى ايدى . بياض
 يوكىدىن بىر ائوابلىرى ، بىردە ايپ قوشاقلرى باردى . اوست
 دىشلىرى قىرىلمىشىدى . شىيخ براق نامىدە تەقريباً قىرقل ياشلىرىدە
 بىر رەئىسلىرى باردى . بىر سىلطانك حضورىدە اولدىغى كىي اونك
 او كىندە دەھ طىل اورىل يوردى . مەيتىدە كىلر اوزىرىدە شەتلى بىر جا كىيت
 احرا ايدى يوردى . مەيتىدە كىلر كىندىسە سراج الدىن عىمىر الوراق
 دىيورلىرىدى .

ابوالفدا حەكم فرما اولان صلحدىن استفادە ايدىرك اولكى سەنە شەتلى
 حركەت ارض دولايىسىيە يىقىلان مەبائىنك تەمىراتىيە مشغول
 اولدىلر . فقط اوسىنە بار كىرلەردە بويوك بىرتلفات وقوعە كەلدى .
 امىرلر ك ومىللىس عىسكەرىنك ھەمان تەكمىل آخۇرلىرى بوشالدى .

[۱] ۲۰ - نۆۋەد قاهرەيە واسىل اولدى .

[۲] ۷۰۳ - سەنەسى شوالىدە .

[۳] جەازى الاول آيندە .

سنه نہایتلرینہ دوغرو سیف الدین قاپچاق حما عسا کریله و قراسنقر حلب عسا کریله کوچوک ارمنستانه کیتدیله. اورا ده تل حدونی ضبط ایدرک سورلرینی تماماً یقیدیلر. صوکره [۱۱] آفریقاده مرینی حکمداری ابو یعقوب یوسف طرفندن بر هیئت سمارت

کلدی، قیمتدار هدیه لر تقدیم ایتدی. ایرته سی سنه بدایتلرندە [۱۲] ۱۳۰۵

حلب والیسی قراسنقر مملوکی باش تیموری براردو ایله سیس الکاسنه کوندردی. فقط دائماً سرخوش اولان بومملوک ارمنیلره تکمیل قوتلرینی طوپلامق وقتنی براقدی (۳). ارمنیلر موغوللار و فرانقلرله برابر کندیسنه قارشى یورودیلر و همان تکمیل اردوسنی غائب ایتدکن صوکره چکیلمکه اونى مجبور ایتدیله.

الافرم لقبیله یاد ایدیلن جمال الدین اقوش ده شام عسا کرینک باشنه کچهرک شام ایله طربلس شام آراسنده کائن کروان داغنه دوغرو یورودی. بر سورو رافضیلر اورایه التجا ایدرک اطرافه آقینلر یاپیورلردی. مسلمان اردوسی غایت مستحکم اولان بوداغی احاطه ایتدیله. عسکرلر آتلرندن اینه رک هر طرفدن طاغه طیرماندیله، اله کچیردکلرینی قتل ایتدیله. بوسورتلہ یوللرک سلامتنی تأمین ایله دیله. بوملحدلر مسلمانلری طوته رق خرسیتیانلره صاتیورلردی. اغلب احتمالہ کوره بونلر یا درزیلدر یا خود اسماعیلیه بقایاسیدر.

[۱] ۷۰۴ سنه سنده.

[۲] ۷۰۵ سنه سی محرمنده.

[۳] ارمنستان قرالی هایتون ابن له ئون ایدی.

۱۳۰۶

ابوالفدا

ابوالمحاسن

۱۳۰۹

بو اثناده مصر بر طاق داخلی نفاق ایچنده ایدی. باشلیجه امرا
وبالخاصه سیف الدین سالار ایله بیبرس بربرلری علیهنده حرکت
ایدیورلردی [۱]. سلطان، کندیسنه یالکز قورو بر عنوان
براقش اولان بوایکی امیرک تغلبندن بیزار اولدینی جهته اونلردن
قورتولمق یولنی آرایوردی [۲]. اوزمان محافظلق وظیفه سنده
بولونان امیر بکتمرالجو کداره شکایت ایتدی. کیجه این حصار
قاپاندینی وعادت وجهه آناختارلر سلطانیه تودیع ایدیلدیکی زمان
ترامیت چالماسنه و سلطانک مملوکلرینک سلاخلانه رق آتله
بینمه لرینه و بکتمرک کیدوب حصارده بولونان سالار ایله بیبرسک
سرایلرینه هجوم و کندیلرینی توقیف ایتمه سنه قرار ویردیلر. فقط
بو امیرلر تصوردن خبردار اوله رق اجرا سنه میدان ویرمدیلر.
حصار قوماندانی امیر بابانک قاپیلری قاپار کبی کوروند کدن صوکره
آناختارلری سلطانیه ویرمه سنی قرار لاشدیردیلر. سلطان ایله مملوکلری
تصورلرینک اجرا ایدیه بیله جکینی امید ایدیورلردی. فقط
بوش یره بکتمری بکله دیلر. بو قوماندان اوزمان سالار و بیبرس
ایله برابر دی. اونلرله برابر قالاچغنه دائر یمین ایتشدی.
آلاتلدیغنی کورن سلطان بویوک بر اندیشه ایچنده کیجه یی
کچیردی. بیبرس ایله سالار تصوردن خبردار اولونجه درحال
بکتمرک نزدینه کیتمشلردی. بیبرس بکتمری اولدیرمک ایسته مش،

[۱] ۷۰۶ سنه سنده .

[۲] ۷۰۸ سنه سنده .

فقط بؤکا مانع اولان سالار سلطانی دها زیاده آلداتمق خصوصنده
اونی قوللانمشدی. سالار ایله بیرس هر آن سلطانك مملوکلرینی بکله یوک
بارکیلرینی حاضر بولوندیردیلر. امیرلردن هیچ بری اوکون
سلطانك حضورینه کیتمدی.

قاهرده سلطانی قتل ایتمک یا خودهیچ دکلسه کرکه کوندرمک
ایسته دکلرینه دائر برشایعه چیقدی. اهالی ایله میلیس عسکری
سلطانی سودکلری جهته حصارك آلتنه بویوک برغابهلق حالنده
طوپلانیدیلر. سلطانك دیشاری چیقما سندن قورقان امرا
مملوکلرندن بر قسمنی تسلیح ایتدیلر. بونلرک باشنه سالارک برادری
امیر سیف الدین سماقی کچیردیلر و کندیلرینی آخورلرک قاپیسنه
یراشدیردیلر. آخورلرک ایچنده بویوک برکورولتو ایشیدیلوردی.
بونیده سلطان ایله برابر چیقماق اوزره سلا حلا نمقده اولان
سلطانك مملوکلری یاییورلردی. طرفیندن برقاق اوق آتیلدی.
آقشامه دوغرو سلطان امیرلره نهدن دولای بویه طوپلاندقلرینی
صوردی. تختی آرزو ایدیورلرسه آلابیله جکلرینی ده علاوه
ایتدی. امیر بیرس یاننده دها بعض امراده اولدیغی حالده سلطانك
یاننه کیتدی. بوتون بو کورولتونك، کندیسنی امیرلره قارشى
اغضاب ایدن مملوکلرندن ایلری کلدیغنی سویله دی. عودت ایتدیکی
صیراده بویوک برکورولتو ایشیدیلدی. اهالی سلطان اوله رق
هیچ بر مملوکی ایسته مدیکنی، قلاونك اوغللرندن برینك سلطان
اولماسنی هایقیریوردی. هر آن یشاسون سلطان محمد آوازه لری

ایشیدیلوردی . سماق خلقه هجوم ایتک ایسته‌دی . فقط امیرلر اهالی بی بوتون بوتون غلیانه کتیرمک قورقوسینه مساعده ایتدیلر . نهایت بیرس ایله سلار مملوکلریله برابر آتہ بینهرک خلقه قارشى یورودى . هر طرفده یاشاسون دائما مظفر سلطان محمد، قهر اولسون دشمنلری ندرینی ایشیدیلوردی . غلبه لکک دها آرتاماسی ایچون طویلاشمش اولانلری تسکین ایتدیلر . هیچ بیر شیئه تشبث ایتکه جسارت ایدمه‌ین امیرلر سلطانہ، کندیسنگ صادق بندهلری اولدقلرینی سویله یهرک اغتشاش مسیبلرینی طرد ایتمه‌سی ایچون رجالدده بولوندیلر . سلطان ابتدا مقاومت ایتدی . فقط صوکره بعضیلرینی فدا ایتکه مجبور اولدی . بونلر قدسه کوندرلیدیلر . بوتون امرا سلطانک حضورینه چیقهرق الی اوپدیلر . سلطان بیرس ایله سلاره خلعتلر ویردی .

بو امیرلر خلقی تسکین ایچون قاهرده کورونمه‌سنی سلطاندن رجایتدیلر . بو آلاى اثناسنده سلطان، بیرسک یانده امیر بکتمری کورونجه او طرد ایدیلہ یه جک اولورسه تخته اوتورما یه جغنه یمین ایتدی . در حال امیر بکتمر حبیبه یه کوندرلیدی ، قاهرده سکونت تأسس ایله‌دی . مع مافیه ، بوا یکی امیرک موافقتی اولمقسزین هیچ بر شی یاپه‌مایان ربو بویوندوزوقدن بهمه‌حال قورتولمق ایسته‌ین سلطان، مکّه یه حجه کیده جکینی سویله‌دی [۱] . جبل حصارندن چیتدی ، کرکه کیتدی . اورایه یوز الی سواری ایله واصل

اولمشدى [۱]. قلعه‌نك كوپروسى اينديريلدى . اشياىلر ايجرى
 كيردى . سلطانك باركبرى ايكي آياغنى اوزاتديغى صيراده كوپرو
 قيرلدى . حوانك كى طوتولماش اولسه ايدى سلطان هندكه
 دوشه جكدى . سنه لردن برى كوپرى هيچ قوللانماشدى .
 امرادن بعضيسى هندكه دوشديلر . فقطيالكر ايكي كشى اولدى .
 مع مافيه هندكك درينلكى الى قولاج واردى . سلطان قلعه يه
 كيرديكى زمان اميرلرينه مكه يه كىتمكه هيچ نيتى اولماديغنى ، كر كده
 قالمق ، مصر تختنى براقق ايسته ديكنى سويلدى . ياننده بولسان
 امرايه مصره عودت ايتهلرني و كنديسنى بوقلعه ده راحت راحت
 براقالرينى توصيه ايله دى [۲] و مصر امرا سنه شومكتوبى يازدى :
 « حوزة حكومتبه داخل اولان كرك حصارينه كيردم .
 بوراده قالمغه قرار و يردم . ا لر حقيقه بنم و پدرمك كوله لرى
 ايسه كز مصر واليسى سلاره تبعيت ايدى كز و اونك نصيحتلرينى
 تعقيب ايله يكر . سزك ايلك كزى ايسته ديكم ايچون سزه بونصيحتى
 و يريردم . بنى ديكله مزسه كز برده جناب حقدن توفيق و عنايت
 بكلم . »

بومكتوب قاهره يه واردى زمان بويون امرا طويلاندى .
 مکتوب اوقوندى . يازيلان جواب امير بروانى واسطه سيلاه

[۱] ۱۰ شوالده .

[۲] سانوت بو حكمداره Claudus نامنى ويرر و ۱۳۰۹ سنه سى
 مارتنده عائله سيلاه كر كه چكيا ديكنى سويلر . قلاودوس بوراده قلاوندن
 غلط اولمق لازمدر . چونكه بوسلطان ، قلاونك اوغلى ايدى .

لوندلدى . سلطانه مصره عودت ائتمه سنى رجا ایدیورلر و بو
 ارزولرینه رعایت ائتمه یه جك اولور سه کندایسنى کر کده براقایه جقلرینی
 مقام تهیدیده سویله یورلردی . سلطان بومکتوبی آلهجه بسم الله
 دیهرک بوتون حکمدارلق مزیناتی کتیرتدی واونلری پروانییه
 تسلیم ایدهرک : « خزینه دن الدقلمی ایشته سزه اعاده ایدیورم .
 جناب حق عمریمی آلهجه یه قدر بنی بوسزلردن اوزاق مملکتده
 راحت براقکیز » دیدی . امرابو جوانی ایشیدنجه سالارک
 اطرافنه طوپلانهرق اونی سلطان اعلان ایتک ایسته دیلر . فقط
 بو، قورقوسندن رد ایدنجه ، سلطانک کندی اختیاریه تختدن
 وازکچدیکنی اعلان ایدهرک بیرمی سلطان انتخاب ایتدیلر ۱۸۱ .
 چاشنکیر لقییه یاد ایدیلن بیرس وقتیه سلطان قلاونک
 کوله لرندن برچرکس ایدی . برجیه مملوکلری آراسنده بولونیوردی .
 قلاون زماننده امیر اولمش ، خلیل زماننده اک بویوک مناصبه
 چیقمش ، محمد زماننده استاددار تعیین اولمش ایدی . کت بوغا
 تخته چیقدیقی وقت بیرس عزل ایدیلهرک برمحبه طقیلامشدی .
 صوکره سربست براقیلدی ، یکدیگرینی متعاقب یوزباشی و بیگ
 باشی اولدی . سلطان لاجینک وفاتندن صوکره ، سلطان محمدی
 کتیرمه پی توصیه ایدیلر آراسنده بولوندیقی جهتله سلطان محمدک
 تخته اجلاسندن صوکره استاددار و مؤخر آ سالار ایله برلکده
 سلطانک بوتون مملوکلرینک مفتشی اولدی . سلطانک استعفا سنى

متعاقب بیرس سلطان اعلان ایدیلهسی اوزرینه ملک المظفر
رکن الدین عنواتی آلدی . خلیفه مستکفی عادت موجبینه
کندیسنه بر فرمان ایله سلطنتی بخش ایلهدی .

اجتماع ایتیش اولان بوتون امرا ابتدا تختی سلاره تکلیف
و آرزوئرینه ممانعت ایتیه جکلرینی وعد وهر خصوصده کندیسنه
اطاعت ایده جکلرینه دائر یمین ایتیشلردی . یالکز برجیه
مملوکلری بو شرائطدن غیر ممنون کورونیورلردی . سلار بونی
فرق ایتدیکی جهتله سلطنتی رد ایتدی و بیرسندن دهایی
حکومتی اداره ایده جک بر کیمسه اولادیغنی سویلادی . برجیه
مملوکلری درحال بیرسی سلطان اعلان ایتدیله و کندیسنه
حکمدارلق البسهسنی کیدیردک عادتاجبراً قبول ایتدیردیله . یکی
سلطان، سلاری مصر والیسی اولغه زورلادی . بو وظیفه بی
قبول ایتیه جک اولورسه حکمدارلاردن وازکیچه جکنی سویلادی .
صوکره شام ، حلب ، حما ، صفد ، طرابلس امراسنه بیعت
ایتدیرمک اوزره مملکتک هر طرفنه خبرلر کوندریلدی . الا فرم
لقبیه یاد ایدیلن وعن اصل چرکس اولوب بیرسه مربوط
بولون جمال الدین اقوش شام ولایتی داخلنده سلطانک امرلرینی
اجرا خصوصنده مسارعت کوستردی . فقط چرلسلرک کیزایچه
دشمنی اولان سائر بعض امرا محمدک سلطنتدن فراغتیه دائر
اولان ملتوبنی کورمک ایسته دیله . بو مکتوب کندیلهینه
کوستردیکی زمان حلب ، حما و طرابلس والیلرینک فکرینی

آلمق لازم كله جگنى ادعايتديلر . بونك اوزرينه امير بېرس
العلاني ايله بهادر آق ، آق جابا و بگتمرشام سرايندن چيقديلر .
آرقه لرندن بر چوقلرى ده كنديلرني تعقيب ايتديلر . امرى
كتيرمش اولان ايبك اك مننده حركت ايدن بهادر آقى
توقيف ايتك لازم كلديكنى ، چونكه صوكره بر اغتشاش
چيتاجغنى سويله دى . والى ، حما واليسى امير قانچاقدن هر شى
بكله نه بيله جگنى سويله نجه ، بر قاچ كون صوكره دوت اميرى
آيرى آيرى جاب ايله كنديلرينه شو سوزلرى سويله دى :

« معلومكيز اولسون كه هر شى بېتمشدر . مصر تختنه چيقمش اولان
ذات بورادده حكران اولمق لازم كلير . كنديسى بر حبش
دوله سى اولسه بيله اطاعتدن صرف نظر ايدمه ز . » حاصل ، تشويقاتيله
اونلرى بيعت يمىنى ايتمه قانديردى .

حما واليسى قانچاق ايله حلب و طرابلس والىلىرى محمد
سلطنتدن فراغت ايتمه سندن دولاي پك مأبوس اوله رق اوکا
صداقتده دوام ايتمه قرار ویردیلر . حلب واليسى قراسنقر اوغلنى
بر مکتوبله کرکه لوندردى بو مکتوبده محمدى دعوت ایدیور ،
حما و طرابلس والىلرینك صداقتلاری حقنדה تأمینات ویریوردی [۱] .
سلطان قرارنده اصرار کوستردیکی و بېرس ایسه كندیلرینه
يکيدن خبرلر وهدیلر کوندره رک موقعلرنده بقا ایلدیکی جهتله
اونلرده بيعت ايتديلر .

[۱] سانوت آسندمر دنيان بواميرك خروستيان اولديغنى سويله يور .

بو واليرك عرض انقياد ايتمه سي اوزرينه بيرس راحت سلطنت
سوره جك كې كورونديسه ده چوق كچمه دن كنديسيله سلطان
محمد پك مربوط اولان اهالى آراسنده يكي اختلاف ظهور
ايتدى . سلارك سلطان محمد طرفى التزام ايتديكندن شهه -
لناريكي جهته بيرسه اونى توقيف ايتديرمه سنى نصحيت ايدنلر
اولدى . يالكر بيرس بوكا بر دورلو رضا كوستره دى .
مملوكلىرى اونى ، يالكر ، امير بوغولتاي محمدك مملوكلىرى و باركلىرى
آلق اوزره كره كوندركه اقناع ايتديلر ، محمد بو مسئله دن
اوقدر قىزدى كه حلب ، حما ، طرابلس و صفد واليرينه شكايت
ايدرك اونلرى كندى طرفى التزام ايتكه تشويق ايتدى .
سوزلرى ديكلميه جك اولورسه موغوللر نرينه چكيله جكنى
مقام تهديدده سويله يوردى . سلطان طرفندن كوندريلىن موغولتاي
زنجيره اورديره دى .

طرابلس ، حلب ، و حما واليرى امرلرى اجرايه هر زمان ابوالفدا
آماده اولدقلىنى بيان ايله مملوكلارندن برينى نرينه كوندريمه سنى ابوالمحاسن
رجا ايتديلر . محمد بو واليره و قوتلوق بك ، بكتمر كې بعض شام
امراسنه مكتوبلرى حاملأ ايتشى يوللادى . ايتمش كيزليجه
شامده قوتلوق بكك مملوكلارندن برينك نرينه كيتدى . فقط قوتلوق
بك كنديسنى توقيف ايتديرمك ايسته ديكى ايچون كيجه لين امير
بهادر آقك ياننه التجا ايتدى . قوتلوق بك واسطه سيله كنديسنك
شامه وروندن خبردار اولان دالى اقوش تحريات اجرا ايتيردى .

بهادر آق، ایتمك كندی زردینه کلدیکی صاقلامق سویله دورسون
اونی بالذات والینك سراینه کوتوردی و موجود اولان بوتون
امرانك، سلطان قلاونك و اوغانك معیتنده بولونقلرینی علناً
سویلهدی. سلطان محمد شامه کلوب اقامت ایده بیله جکدی.
بوکا مانعت ایدن اولورسه... بهادر آق بوسوزلری اتمامه موفق
اولامدی. بعضی امیرلر، باغیردرق لاقیردیسنی، لیدیلر. آقوش،
ایتش ایله صورت خصوصیه کوروشدی و اوکا شو سوزلری
سویلهدی: «محمد ناصل سوریه کله بیلیر یاخود باشقیره کیده
بیلیر؟ چونکه سوریه ایله مصر بیرسه عائددر. محمد سلطنتدن
بالذات فراغت ایتشدر». ایتش کرکه عودت ایدر ایتز محمدیوله
حقیقه قرار ویردی.

بوصیراده، یوللادینی مأموری محمدك توقیف ایتدیردیکنی
خبر آلان بیرس، بونك تخایه سنی طلب ایتك اوزره بر ضابط
کوندرمکه. سالار ایله برلکده، قرار ویردی. فقط او-یراده
شامدن کان برساعی واسطه سیاه محمدك کرکن چیقدیغنه ونرینه
کتدیج مجھول بولندیغنه دائر بر خبر کلدی. بیرس بوتون
یوللرك تحت محافظه آلناسی ایچون درحال امرلر ویردی.
قاهره دن چیقارکن سالارك مملوکلرندن امیر نوغای طرفندن قتل
ایدیله جکدی. بوندن دولای برجیه مملوکلری سالارك دشمنی
اولدیلر. کندیسنی نوغای حمایه ایتمکله اتهام ایله یورلردی.

نوڭاي تتریباً آلتش مملوك ايله كيجه لين قاهره دن چيتمشدى ۱۱۱. تعقيبنه كيدن بش بيك سوارى پلوس جوارنده كنديسنه يتيشديلر. ياننده كى جزئى قوت ايله حربه حاضر لاندى وياپيلان بيك دورلو مكافات وعدلرينه قايلىجندن باشقه برشى طائىدايغى يولنده جواب وىردى. حتى اميرلره يالگىز باشلرينه بر مصارعه تكليفنده بيله بولوندى. صوكره، كيجه نك قارا كلغندن بالاستناد قاسيه به دوغرو چكىلدى. اوراده والينك امرياه اوچ بيك عربك كنديسنى توقيف ايتك اوزره طوپلانمش اولدقلىنى كوردى. بونلره او قدر نا كهنى صورتده شدتلى بر هجوم ياپدى كه كندىلارنى چوله قاچغه مجبور ايتدى. امير سماق بو وقعه نى خبر آلنجه، كلن امر موجب نجه كر كه دوغرو يورومك اوزره ايجاب ايدن عسكرى آلمق اچون غزه يه كىتمكه قرار وىردى. فقط غزه واليسى اونى فكرندن جايدىردى. چونكه نوڭاي داها اول اورايه واصل اولمش اولمق لازم كليردى. قاهره يه دوندى. سلطان على العجله محمد بهر مكتوب كوندره رك بوتون مملوكلارنى باشندن صاومايه جق اولورسه اوزرينه يورويه جكنى بيان وكنديسنى تهديد ايتدى.

طرابلس واليسى اسندمر بو صيراده كر كه كىتمشدى. بىرسه جوابى او وىردى. بىرس بو جوابدن هيچ ممنون اولمادىغى جهته شام واليسى اقوشه، محمدك تشبثاتنه ممانعت ايتمه سى يولنده امر كوندردى. اقوش سلطانه وىردىكى جوابده محمدك كر كدن حركت

ایتدیکنی بیلدیردی . بونك اوزرینه مصر امراسی آراسنه اختلاف
 دوشدی . یوز یکر می دانه سی قاچهرق محمدہ التحاق ایتدیله .
 بر جیه بوقاریشقلقلری سلاره عطف ایله اونك توقیفنی ایسته دیله .
 فقط بیبرس بوقدر جرئتکارانه بر حرکتدن قورقوردی . چونکه
 سلار بویوك بر حکم ونفوذ صاحبی ایدی . بیبرس یالکزر سراینك
 ایچنده سلطان ایدی . اداره اوزمان سلارك أئنده ایدی . محمد،
 ایتشی حما ، حلب والیاینه کوندردی . بونلر مظاهرت وعدنده
 بولوندیله . حتی حلب والیسی شام والیسنی ده کندیلرینه جلب
 ایتمه تشبث ایله دی . صفد والیسی بکتمر محمد طرفنی التزام ایتدی .
 بیبرس سوریه بر اردو کوندردی . محمدك حرکاته مانع
 اولاق ایجاب ایتدیکنی دوشوندی ۱۱۱ . کندی طرفنی شدتله التزام
 ایتهلری ایچون میللیس عسا کرینه بویوك پاره لر ویردی . حرکت
 ایتش بولونان بوقوت ، شام والیسنك محمدك کرکه عودت ایتدیکنه دائر
 کوندردیکی خبر اوزرینه قاهره ده دوندی . فقط چوق کچمه دن
 محمدك شام اوزرینه یورودیکی خبر آلندی . اردو تکرار یوله
 چیقدی ۱۲۱ . عینی زمانده اقوس ، محمدن خبر آلق اوزره کرکه
 ایکی امیر یوللادی . بونلر محمدك ، سوریه امیرلرینی جلب ایتمه
 مأمور اولان ایتشی بانه چاغیردیغنی و آوایله مشغول اولدیغنی
 خبر کتیردیله . بویا کلش خبر بیبرسی پک ممنون ایتدی . کرکه

۱۳۱۰

[۱] کوندردیکی اردو رجمك دوقوزنده قاهره دن چیقدی .

[۲] شعبانك یکره یسنده

كوندريلان ايكي امير، اقوشك امرلرينه اطاعت شويلا دورسون
بالعكس، محمد صداقت يميني ايتشلر و اونكله مشتركاً بويالان
خبري ويرمشلردى .

بوصيراده اقوش محمدك بردن بره شامى باصماسندن قورنهرق
شام اميرلرندن سگزينى، يوللرى محافظه ايتك وسوريه دن كركه
كيدنلرك كافه سنى توقيف ايله مك اوزره شامدن كوندردى وبيرسندن
قوت ايسته دى . شامده كى امرانك كافه سنه مصر سلطاننه قارشى
صداقت يمينلرني تجديد ايتديردى . بويرس، اقوشك اتخاذايتديكى
بوتدايردن خبردار اولونجه سوريه نك بويوك برتهلكه ايچنده
بولونديغنى آكلادى . كندى اردوسنك عباسه ده بولونان اعض
اميرلى عصيان ايتديلر و عسكرك قاصه سيلاه برلكده كيدرك
محمد التحاق ايله ديلر .

بويرسه بوخبرى كتيرنلر اردوسنك باشنه كچمه سى ايچون
نصيحت ويرديلر . بولنصيحتى تعقيب ايتك اوزره ايكن عباسه ده كى
اردوسنك ياريسى كنديسنك خدمتنى ترك ايله كركه دوغرو
چكىلدى . بوخبر بويرسى بويوك مشكلاته دوشوردى . بو اردويه
قوماندا ايدن بورلغى يه وظيفه سنى اجرا ايتسى ايچون نصيحتلر
ويرديردى . خليفه دن يكي بر فرمان آلهرق سلطنتنى تقويه ايتك
لزومنى حس ايتدى . امرايه تكرر بيعت ايتديردى . فرمانك
صورتى بورلغى يه يوللادى . بونك ميليس عسا كرينه قرائت
ايديله سنى امر ايدىوردى . فرمان بروجه آتى ايدى :

بسم الله الرحمن الرحيم محمد و خليفه سی مستکفی طرفندن سزله
 بیان اولونورکه : سزله که الله و پیغمبرینه اطاعت ایدیورسکیز،
 معلومکز اولسون که بیرسی مصر و سوریه حکومتلرنده ابقا
 و تأیید ایتدم. غیرت دینییه سی و فضائل سائرده سی حسیله اونی بنم
 یریمه توکیل ایتدم. کندیسندن اول سلطنت سورن ذاتک تختدن
 واز کچدیکنی خبر آلتجه اونی خلع ایله دم. سلطنت ارثی دکلدرد.
 سزه بیرسی سلطان اوله رق تعیین ایتدم. اونک علیهنده بولونان
 برکیسه بکا قارشیده عاصی دیکدر. محمدک مسلمانلر آراسنه
 نفاق صوقدیغنی و مسلمان مملکتلرنده حرب چیقارمق ایستدیکنی
 خبر آلدیغم جهته اکر بوفکرده اصرار ایده جک اولورسه
 اوکا قارشى یورویه جکم. ایشته شیچ بر حکم و نفوذی اولمایان بو
 مسلمان رئیس دینیسی بوسورتله اداره کلام ایدیوردی.

بیرس هرکون یکی بر طاقم امیرلرک کندى خدمتنی ترک ایله
 شامه دوغرو ایلرله بن محمدک طرفنه کچدکیری خبر آلیوردی.
 محمدک شام اوزرینه یورودیکی، والینک اهتمامتیه رغماً نهایت شهرده
 معلوم اولدی. بوتون اهالی یاشاسون سلطان محمد دیه هایقیر دیلر.
 میلّیس عسکری طاقم طاقم آیریله رق محمدالتحاق ایدیورلردی.
 امیرلر آقوشی ترک ایدیورلر، حتی بعضیلری اونی توقیف ایتک
 ایسته یورلردی. اقوش کیجه لین شتیفه دوغرو چکیلمکه مجبور
 اولدی. محمد شام جوارینه کلدیکی زمان بوتون میلّیس عسکری
 استقباله کیتدی. یکی سلطنت مزیناتی، خلیفه سنجاقلری و سلطان

سسنجاقلری یاپدیلمر . اردو محمد بیعت ایتدی . محمد شیخ بر مشکلاته تصادف ایتکسزین شامه کیردی [۱] . بوتون خلق و اوکنده یورون عسکر کنندیسنی آلقیشلا یوردی . محمد اطاعته دعوت ایچون اقوش بر مکتوب یازمشدی . اقوش تهدیدکارانه جواب ویرمشدی . فقط محمدك شامه صاحب اولدیغنی کورنجه تسلیم اولمغه قرار ویردی . شامده محمد نامنه خطبه اوقوندی [۲] . اوکون ، حلب والیسی فراسنقر ، حما والیسی قاپچاق ، طرابلس والیسی اسندمر ، حمص والیسی ساقی لقمیله یادایدیلن تیمور ، صوکره ، قدس والیسی کرای ، صفد والیسی بکتمر شامه کلایلر . کرای اردوسیله غزهیه کیتدی . اوراده سخاوتیله برچوق کشی بی کیندی طرفنه جلب ایتدی .

شامك ضبطدن صوکره مصر عسا کریك قسم اعظمی یکی ساعداك یانه شامه التجا ایتدیلمر . بیرس آنحق معیتی ضابطان ایله یالکیز قالدی . بوزلغی بیله محمدك طرفنی التزام ایتدی . برجیه مملوکلری بیرسی ترك ایله قاهرهیه دوندیلمر . نه یاپه جغنی بیلمه یین بیرس خدمت جیلرندن بر قسمی حعیده یوللادی . بو عصیان سلاوه عطف ایدن برجیه مملوکلری اونى توقیف ایتك ایسته یورلردی . فقط مقصدلرندن خبردار اولان بوا میر اوکون سرایه کیتمکدن امتناع ایتدی . بونك اوزرینه بیرس بوتون امیرلری طوپلادی [۳] واونلرله بر مجلس

[۱] شعبان آینده .

[۲] شعبانك ۲۲ نجی جمعه کونی .

[۳] رمضانك ۱۶ سنده .

ابوالمحسن عقدایله دی ، چوغی استعفا ایدرک محمدك جوانی بکله مک اوزره
ابن شحنه « صفيح » ه چکيلمه سی فکرنده بولونديلر . خزینه دن کوتوره .
بيلدکلرینی برابر آلدی ، یدی یوز مملوک وبرمقدار امیرایله اصطبل
قایسندن چیقدی . اهالی کندیس-نک چیقديغنی کورونجه
آرقه سندن باغیریشمغه باشلادیلر . حتی بعض آدم-لر طاش
بیله آتديلر . مملوکلری قیلیجه صارلق ایسته یورلردی .
بوکا مانع اولدی . خلقی اشغال ایچون پاره سرپیدردی . فقط
خلق صوک درجه ده قیزغین اولدیغنی ایچون پاره ده اهمیت
ویرمه یدرک سلطان تعقیبده دوام ایتدی . بونک اوزرینه مملوکلر
قیلیجه کندیلرینی داغیتديلر . هر طرفده محمدك اسمی ایشیدیلایوردی .
صوکره ، جبل حصارنده قالمش اولان سلارک نصیحتیه بوتون
قاهره ده محمد نامنه خطبه اوقوندی (۱۱۱) . بیرس ایکی کون صنیحده
قالدی . صوکره اصوان یولنی طوتدی . مملوکلرندن بر قسمی
کندی-نی ترک ایتديلر . اخیمه واصل اولدیغنی زمان معیتده پک
آز کیشی قالدیغنی کوردرک برکيه چکيلمک یولنده ویردیکی
قراردن واز کچدی ، امیرلرندن بر قسمی براقه رق تکرار
قاهره یولنی طوتدی . یولده محمدك ضابطلرینه راست کلدی .
بونلر ، برابرینه آلدیغنی خزائی ترک ایتدکدن صوکره صهیونه
کید . بیله جکینی کندیسنه تبلیغه مأمور ایدیلر . بو ضابطلردن
بری بیرسك اعاده ایتدیکی خزائی قاهره یه کوتوردی . محمد

قاھرىيە مواصلت ايتشدى . دېكر ضابط بېرسە رفاقت ايتدى .
 معيئندەكى مملوكلاردىن بىر قىسمى كىندىسىندىن تەفرىق ايتدىلار .
 بىر قاچ كۈن سوكرە يېكى سلطان ، بېرسىك توقىنى ايجون
 امر وىردى . قراسنقر ، بېرسى واصل اولمادىن اول على العجلە غزەيە
 كىتدى . جوارلارە كىلدىكى خبر آلەنجە بوتون امرا ايلە
 كىندىسە قارشى يورودى . بېرسىك مملوكلاردىن بەزىلەرى
 مقاومت ايتىك ايتىستەدىلار . فقط بېرسى : « بىر حىكمدار ايدىم .
 اطرافدە كىلەك حىيات وىماتى بىنالمىدە ايدى . اطرافدە بىرچوق
 امرا واردى . فقط ھېچ بىر زىمان قان دوكمەدم . » دىيەرك
 مانع اولدى . توقىف ايدىلەكە سىس چىقارمىدى . كىندىسىنى
 قىرار كاهە كوتوردىلار واورادە بوتون مملوكلارنىڭ سىلاھى آلەندى .
 ايرتەسى لۈنى مىصر يولى طوتولدى . محمد كىندىسىنى زىنجىرە
 اوردىردى . بېرسى بويلا بىر مىعاملەيە اوغرا دىغنى كورنچە كوز
 ياشى دولمىكەن مەنە نەفس ايدەمدى . قراسنقر بىيە بۈندىن مەئثر
 اولدى وىلدە « كاشكە ترك حىيات ايتسەيدىكە بۈكۈنى كورمىسە .
 ايدىك » دىيە ھايقىردى . اسەندىمىر والىنىڭ بۈ حركەتنى تەقىيىح
 ايتدى وىكى سىلطانە ، كۈنىك بىرندە شام امىرلارنىڭ بېرسى طرفى
 التىزام ايتەلەرى تەلەكەسى بولۇندىغى سويلەدى .

بېرسى قاھرىيە مواصلت ايتدىكى زىمان سىلطان مىھدىك
 حىزورندە يە قاپاندى . محمد كىندىسىنى اوتورتىدى وىسۈكرە
 اوگا قارشى اولان شىكەيتلەرنى مەفصلاً آكالاتىدى . بېرسى خىطالەرنى

اعتراف ایتدی و آرتق سلطانك عفوینی استرحامدن اشفقه
 یاپه‌جق بر شیئی قالمادیغنی سویله‌دی. صوکره بیبرسی بر دائره‌یه
 کوتوردیلر. سلطان محمد اورایه کیتدی و عضورنده بیبرسی
 بو غماری ایچون امر ویردی. بونده غایت ظالمانه داورانیدی.
 ایپ غازینه طاقیلوب حقیقاً قدن صوکره ایپ کوشتدیردی.
 کندیسنه تکرار مؤاخذاتده بولوندقدن صوکره بوغدیرتدی. [۱]
 بیبرس آنجق اون آی یکر می‌درت کون حکومت سورمشدی.
 ساکن، مرهتلی بر حکمدار ایدی. آرزوسنه رغماً تخته‌چیقارلمشدی.
 محمد قاضیلری طوپلایه‌رق اونلره بیبرسك خزینه‌دن کلیتلی پاره
 آلدیغنی و بونلره بر چوق املاك اشترا ایتدیردیکنی مشاهده
 ایتدیردی. بو املاك خزینه نامنه طلب ایدیله‌بیله‌جکی جهته
 نصفی صاندیردی و متباقیسنی بورانغی‌یه وارمش اولان بیبرسك
 کریمه‌سنه ویردی.

بیبرس ساستندن فراغت ایتدیکی زمان [۲] محمد سوریه‌نك
 تکمیل عساکریه سوریه‌دن حرکت ایتشدی. جبل حصارینی
 اله کیچیرمش اولان سار یکی سلطانك مواسلتی خلقه خبر
 ویرمشدی. مع مافیه‌قاهره دده‌هنوز سکونت تمامیه‌تأسس ایتهمشدی.
 امیر بورانی ایله کرک والیسی مملوکلرک باشنه کچهرک محمد علی‌بنده
 بر سوء قصد حاضر لامشلردی. بو خبر آندیغنی جهته ترتیبات

[۱] ۷۰۹ سنه‌سی شوالک ۱۵ نجی جمعه کونی.

[۲] ۷۰۹ سنه‌سی رمضانک ۱۶ نجی کونی.

عقیم براقلدى . سلطان راحتجه جبل حصارینه چىقدى [۱] .
 ياننده بوتون اميرلرايله ميليس عسا گرى واردى . تخته اجلاس
 اولوندى [۲] . خليفه كندیسنى سلاملامق اوزره كلديكى زمان
 محمدشوسوزلرى سويلامكدن منع نفس ایدمدى : « وای ، برعاصییه
 بیریكاته بولونمغه كليورسكيز ! » خليفه نك رنىكى آتدى . محمد ،
 بيبيرسك بياناتنه اشتراك ایدن امرانك كافه سنه بوقيل مؤاخذاته
 بولوندى . سلازىكى سلطاننه بر چوق هدایا تقدیم ایتدكدن
 صوكره شوبكه چكيلمك مساعده سنى رجا ایتدى . بو رجاسى
 اسعاف اولوندى . محمد ، خايطانك قسم اعظمى دكيشدىردى .
 قراسنقره شام والىلكى ويريلدى . قاجاق حلب والىلكنه
 تعيين اولوندى . صوكره بونلره محل مأمورىترینه كیتمه لرى
 اچون امر ويردى .

بر چوق امرایى توقیف ایتدیرمكه عزم ایلەین سلطان ،
 تصورى موقع اجرايه وضع اچون اونلرك عرض تعظیمايه
 كلدكلرى وقتى مناسب كوردى . يكرمى ايكي امیری ترقیف
 ایتدیردى . اونده بر دانه امیر توقیف اولونمشدى . بونلرك
 كافه سنى اسكندریه حبسخانه سنه حبس ایتدیردى . بر چوغنى ده
 عزل ایلەدى [۳] . امنیت ایدەدیکى امرادن بوسورتله قورتولدقن
 صوكره دامیر سالارى ده توقیف ایندیرمك ایسته دی وقاهره یه كلمه سی

[۱] رمضانك ۲۵ نجى پنجشنبه كونی .

[۲] شوالاك ايكنجى پنجشنبه كونی .

[۳] ۷۱۰ سنه سی صفر نده .

ایچون امر کونردی. سلارخسته لق بهانه سیله اعتذار ایتدی. سلطان،
سلارک تاتارلر زردینه چکیلمه سندن قورقه رق قراسنقر ایله
اسندمره یوللره عسکراقامه ایتهلری ایچون امر ویردی. صوکره،
بعض مسائل حقنده فیکرینی آلمق ایسته دیکی بهانه سیله قاهره یه
دعوت ایچون سلارده ایکی ضابط یوللادی. سلارک بوتون دوستلری یا
تاتارلرک زردینه یا یمنه یا خودبرک یه کیتمه نی سویله دیلر. سلار
ابتدا یمنی ترجیح ایتدی. صوکره تبدیل فیکر ایله سرایه کیتمک
قرارینی ویردی. ۴۶۰ سوار ی ایله شوبکدن یوله چیقدی.
قاهره یه مواصلت ایدرایتمز سلطان کندیسنی جبل حصارینک بر
برجنه حبس ایتدیردی (۱). صولر سراینک محزنلرینه ضاقلامش
اولدیغی بوتون خزائن اعاده یه سلاری مجبور ایتدی. سلطانک
بوامیردن آلدیغی شیلری تصوراتمک پک زوردر. ابتدابرچوق
آلتون وکوموش کولچه لری، هر برنده اوز بیک آلتون اقچه
دولو کیسه لر بولوندی. بر مخزنده چیقان خزینه لر الی دوه یوکی
ایدی. دیگر بر مخزنده آلتون دولو یکر می یدی کوپ چیقدی.
فرق مثقال آغیرلغنده برچوق یاقوت واینجی میدانیه چیقدی.
هربری یوز آلتون آقچه قیمتنده ایکی بیک آلتون کرداناق
اله کچیریلدی. بر بارکیر طاقی بولوندی که اوزرنده اون سوریه
قنطاری کوموش مزینات واردی. بونلردن باشقه دهاسائر
قیمتدار اشیاده الله ایدیلشدر.

بوايلاڭ كشفدن صوكر دسلطان، سلارى دهاصيقى صورتده
 حبس ايتدردى و كنديسنه ييه جك ايچه جك ويريله سنى امر
 ايله دى . بو اميرك يدى كون، آغزىنه درهم بر شى قويمادى
 سويله نيور . اوله جكي صيراده سلطان كنديسنه اوستى اورتولى
 اوچ قاپ يلك كوندردى . سلاربونلرى كورنجه پك زياده
 سويندى . فقط عخلرك قاياغنى آچنجه برنجيسنده يالكىز آلتون
 ايكنجيسنده يالكىز كوموش ، اوچنجيسنده يالكىز اينجى دولو
 اولدىغنى كوردى . بوسورتله يأس واضطراب ايچنده ترك حيات
 ايتدى . وفاتندن صوكره پك چوق خزائن اله كچيراشدو .
 بونلر بوملوكلرك نه قدر زنكىن اولدقلىنه دائر بزه برفكر و يرد بيلير .
 سلارك اوچيوز بار كيرى ، يوزيكر مى چفت قاطيرى ، بو قدر دوه سى
 وحدسز حسابسز مواشىسى واردى . صوكره سلطان، الحسينى
 لقبيلا يادايدىلن بكتمردن غزه والىلىكنى آلدى . دها سائر بر چوق
 اميرلر تبديل اولندى . سلطان كوچوك ارمنستان طرفلىرىنه
 براردو كوندردى [۱] .

عسكر بوسفر ايله مشغول اولدىغى صيراده قاهره ده بويوك حركات
 وقوعه كلدى . والى بكتمراجو كدار سلطاندىن قورقدىغى
 جهتله امير بكتاش ايله برلكده ، سلطان قلاونك طورونى
 مظفرالدين موساينى تخته چيقارمق تصورنده بولوندى . سلطان
 بپرسك مملوكلىرىنى كندى طرفنه جلب ايتدى . بونلرك، خدمتنده

[۱] ۷۱۰ سنه مى ذى القعدة سنده .

بولونقلرى اميرلىرى عىنى كوندە طوتۇرق قاھرە خار جندە شەزادە
 موسانىك بولوندىغى قبة الظفرە كىتمەلىرى قرارلاشدى . صفد
 واليسى قوتلوق بك، غزە واليسى قوتلوق تيمور دە بوسوء قصده
 داخل اولدىلر . فقط ايشدن خبردار اولان سلطان كىجەلەين
 موسايى جلب ايتىردىكى كى جبل حصارندە اقامت ايدن بكتىمر
 ايله بكتاشى دە چاغىرتدى . ابتدا بكتىمر كەلدى . مملوكلر بكتاشى دە
 كىتىرنجە قەدر سلطان بونى اويالادى . بكتاشك كەلدىكىنى كورنجه
 بكتىمر هر شەيئك كشف ايدىلش اولدىغى آكلادى . بكتاش
 زنجىرە اورولەرق بر محبسە آتەلدى . سلطان موسايى دە بكتە يوردى .
 فقط قاقچش اولدىغى خبرىنى كىتىردىلر . طلوع شمسدن اول سلطان
 بوتون امرايى صوپلاتدى . حاضرلانىن سوء قصدى خبر وىرەرك
 امرادن برىنى توقىفە مأمور ايتدى . موسايى عسكردن برى
 طوتارسە رتبەسى آرتە جەلدى ، اھالىدن برى دردست ايدرسە
 بيك آلتون سەكە مكافاتە نائل اولاجەلدى . برقاق كون صوكرە
 موسا توقىف و حصارە سوق ايدىلدى . بىيرسك مملوكلرىنى دە
 تعقيب و دردست ايدەرك زنجىرلەرە اوردىلر و حصارك آلتە كىتىردىلر .
 قارىلرى ، چو جوقلرى و دھابرقچوق كشىلر ھې بردن ھايقىرىشەرق
 سلطانك عفوينى استرحام ايلەدى . سلطان مرحمە كلەرك بونلرى
 كرى كوندردى .

محمد ، كندىسىن تخته چىقارمش اولانلرك ھېسىن توقىف
 ايتىرىيوردى . امير كرايك قومانداسى آلتندە كوچوك ارمنستانە

کوندرمش اولدیغی اردو حصه کلنجه اوراده توقف ایتدی .
 امیر منکوتیمور یکی امرار و حلب امراسی ایچون مکتوبلر
 کتیردی . بومکتوبده حلب والیسی اسندمری توقیف ایتملری
 توصیه اولونیوردی . کرای درحال عسکریه حلب قلعه سنک
 پیشگاهنه کیتدی . اسندمری توقیف ایتدیردک زنجیره اوردی
 وقاهره یه کوندردی . اسندمر قاهره یه واردیغی زمان بو جزایه
 مستحق اولق ایچون نه قباحت یامش اولدیغی سلطاندن
 صور دیردی . سلطان شو جوانی کوندردی : « چونکه بوتون
 بوملوکلری محو ایتمز سه م بر حکمدار مطلق اولمایه جغمی سویا دیکنر » .
 شام والیسی قراسنقر عینی معامله یه اوغرامقدن قورقه رق دها
 اوزاق بولنان حلب والیاسینه تحویلنی رجا ایتدی . بورجاسی
 اسعاف اولوندی . کندیسنه عربلردن برچوق طرفدار پیدا
 ایتدی ۱۱۱ . صوکره ، الافرم لقبیه یادایدیلن اقوش ایله برلکده
 تاتارلرک یانه قاچق چاره سنی بولدی ۱۲۱ . خدا بنده یه سوریه نی
 قولایجه اله کچیره بیله جکنی تأمین ایدرک کندیسنی سوریه یه
 کیرمکه تشویق ایله دی . فی الحقیقه تاتارلر سوریه یه کیردیله . فقط
 چوق کچمه دن رحبه یی ترک ایله ملکترلرینه دونمش اولدقلری خبر
 آلدی (۳) . بودشمنلردن خلاص اولان محمد ته باید طرفلرینه

۱۳۱۲

۱۳۱۳

[۱] ۷۱۱ سنه سی بدایتلرنده .

[۲] ۷۱۲ سنه سی بدایتلرنده .

[۳] رمضان آینده .

۱۳۱۴ بر سفر یاپدی (۱۱) . اوراده عربلر بویوک قاریشقاقلر چیقارمشلردی .
ایرتەسی سەنە (۱۲) حما ، حمص ، طرابلس و صنفد والیلرینک
کندیسنە دوغروندن دوغرویه معروضاتده بولونمایه رق شام
والیسنە مراجعت ایتەلری ایچون امر ویردی . بو امر بوتون
او والیلری غیر ممنون بیراقدی ، صنفد والیسی امره اطاعت ایتک
ایستەمدیکی جەتله عزل اولوندی .

۱۳۱۵ محمد ویرکولر حقنەدە یکی اصوللر وضع ایتدی وبوسایەدە
کندیسنی خلقە سودیردی (۱۳) . برجیە مملوکلری ایله صـوـک
سلطان بپرسک بوتون مملوکلری و سـلار سەنەدە بیک مثقاله قدر
اکمک آلیورلردی . سلطان بومصارف زائەدەیه برحد چکمک
ایستەدی . ولایتلرە مختلف امیرلر کوندردی . واردات صحیح
صورتدە تثبیت اولوندی وبالخاصه میللیس عسکرینە کرک نقداً
کرک میوه ، طاووق ، قاز ، قوزو ، الخ . کبی عیناً نه ویرلیدیکی
تحقیق ایدیلدی . واردات ایله متناسب بر رسم قونولدی . میللیس
عسکرینە بعض اشیای خصوصیه ویرمکدن عبارت اولان
خراجکذارلغە خاتمە چکیلدی . ضابطانک حرص وطمعی یوزندن
پک ازیلان خلق بوتدا بیردن دولایی بویوک بر مئنونیت حس ایتدی .
شەمسرا دیلن دیکر بر رسمدە لغو ایدیلدی . هر صاتیلان شیدن

[۱] ۷۱۳ سەنەسی رجبەنەدە .

[۲] ۷۱۴ سەنەسندە .

[۳] ۷۱۵ سەنەسی شەبەنەدە .

یوزده ایکی درهم رسم آلینیر ، بری سلطانیه دیکری دلاله ویریلیردی . دلالیه قالدیرلدیغی کبی بویوک ضابطانک چارشیده بوتون دکانلردن آلدقلى رسم ایله قاطرلردن ، دوهلردن وسائر یوک حیوانلردن آلمان رسومده الغاولوندى . سکنر دوداچون سنهده بش یوزدرهم ویریلیردی . محبوسیندن آلمان ویرکوده قالدیریلدی . بالخاصه طرز جباتی دولایسیله اهالی اچون بویوک بویوک تشکیل ایدن سائر بعض رسومده عفو ایدیلدی . سلطان امرای نه قدر تضیق ایدیورسه ، اهالینک اضطراراتی اوقدر تخفیف ایدیوردی . بوتون میلیس عسکرینی و مملوکلرینی کمال دقتله تفتیش ایدردی . مملوکلرک اسملرینی ، هانکی اسیرجیدن آلدقلىرینی ، هانکی ممالکتدن کلدکلرینی ، مصره هانکی تارنخده کیردکلرینی ، نه قدر مدت خدمت ایتدکلرینی . قاچ سنه مزراک تعلیمی یاپدقلىرینی ، نه قدر وقتدن بری اوطاقلر ، یاخود صنوفه داخل اولدقلىرینی برر برر آکلامق ایسته دی . بومملوکلرده یکچیریلرکی اوطاقلره منقسم ایدیلر . آرتق خدمت ایدهمیه جک حالد بولونانلره مکافات ویریور وبومعلولینه قاسیه قطعه سنی تخصیص ایدیوردی .

سلطان بونظاماتی وضع ایتدکن صوکره قدسه زیارتیه کیتدی ۱۱۱۰ . ۱۳۱۷

ایکی سنه صوکره مکه و مدینه یه کیتدی (۳) . اسکندریه ده ۱۳۱۸
کعبه یه اورتمک اوزره برپوشیده یاپدیردی . شام والیسی تنکیز

[۱] ۷۱۷ سنه سنهده .

[۲] ۷۱۹ سنه سنهده .

کندیسنه آلتون اکرلر ، آلتون و کوموش زنجیرلر و ایپکدن
 کملرله برچوق بارکیر و دوه یوللادی . محمد غایت احتشام ایله
 حج یاپدی . برمدت سوکره ۱۱۱ دفعات ایله تکرر ایدن شدتلی
 بریانغین قاهرده بویوک ضایعاته سببیت ویردی . متعدد یرلردن
 شهره آتش ویرن خرسیانلر اولدینگی سنویلندی وایکی راهب
 برمدرسهیه مواد مشتعله آتدقدن سوکره قچارکن یاقه لاندی .
 بونلرسلطانک حضورینه کتیریلدی . جرملرینی اعتراف ایتدیلمر .
 خلق عینی زمانده برقاچ خرسیان دها توقیف ایتدی . بونلر
 برجامع منبرینک آلتنه قطران ، نفت و دها سائر مواد مشتعله
 وضع ایتشلردی . چیقن دومان فرق ایدیلهرک یتیشیلمش و بو
 قونداقجیلر توقیف اولونمشدی . بونلر بوتون خرسیانلرک اتفاق
 ایدهرک تکمیل قاهره یی آتسه ویرمک ایسته دکلرینی اعتراف
 ایتدیلمر . اوقلره قتیل باغلایهرق اوتیه برییه آتیورلردی .
 بوحرکتی تقبیح ایدن قبطنی بطریق بویوک رقوم محافظه آلتنده
 بیک زحمتله سلطانک حضورینه کوتورولدی . خلق کندیسینی
 تپه لک ایسته یوردی . دردست ایدیلن سائر دوت پاپاس جانلی
 جانلی یاقیلدی . خرسیانلره قارشى حدته کلن خلق کندیلرینی
 تحمیر ایدیورلر ، اثوابلرینی یرتیورلردی . سلطان آتیه بینهرک
 عمومی میدان کتدی . اوراده برچوق خلق : الله مسلمانلره
 و دینلریه یارديم ایتسون ! دییه هایقیریورلردی . طوتولان برقاچ

خرستیان سلطانك حضورینه کتیریلدی. قاهره والیسی بونلری یاقدیددی. صوکره برضابط سلطانك امریله خلقی تسکین ایتمکه کلدی. فقط خلق خرستیانلرك حمایه ایدیله سندن قیزغین بولوندیغی جهتله بونی طاشه طوتدیله. سلطان اغتشاشی تسکین ایچون اتخاذا ایدیله جك تداییری مذاکره ایتك اوزره بوتون امرایی طویلادی. بعضیلری سرایدکی خرستیان کاتبلری عزل ایتك فکرنده بولوندیله، چونکه خلق بونلردن نفرت ایدیوردی. فقط بوفکر رد ایدیلهرك مسلح معیتلریله برلکده دوت امیر کوندرلمسی قرارلاشدی. بوتون خلق چکیلدی، دکانلری قاپادی. سلطان حصاره عودت ایدرکن یولده هیچ کیمسه نی کورمدی. صوکره تقریباً ایکی یوز کشی توقیف اولنه رق مختلف جزالره محکوم ایدیلدیله. بعض امیرلر بونلر ایچون استرحامانده بولندقلری صیراده ابن طولون جامعی محله سنده دها سائر محللرده یانغین چیقدیغی خبر ویریلدی. مواد مشتعل طاشیان اوچ خرستیاندها توقیف اولوندی. بویانغینك فاعللری کندیلری اولدیغنی اعتراف ایتدیله. سلطان عمومی میدان کیتدی. اوراده تقریباً یکرمی بیك کشینك طویلانش اولدیغنی کوردی. اهالی صیریقلرك اوجنه ماوی بزلر طاقشلردی. ماوی بزلر اوزرینه بیاض صلیبلر رسم ایدیلشدی. هپ بردن شویله هایقیریورلردی: « دین محمدیدن باشقه دین یوقدر. جناب حق رسول الله دینی محافظه ایتسون. ای سلطان مسلمین. بزی کافرلره قارشی مدافعه ایدیکز واونلری حمایه دن واز کچیکز. »

محمد ، اغتشاشك عموميت كسب ايتمه سندن قورقهرو اله
 كچيريله جك خرستيانلرك اولديرلمه سی ، امواللرينك مصادره سی
 اچچون امر ويردی . بياض صاريقلرله ياخود آت اوزرنده اله
 كچيريلن خرستيانلرك كافه سی اتلاف اولوندى . صوكره ،
 خرستيانلرك يالكىزى ماوى صاريق صارابيله جكلرينه ، نه بار كيره
 نه قاطيره بينه ميه جكلرينه ، حاملره آنجق بويونلرنده برچينغراق
 ايله كيره بيله جكلرينه دائر براراده چيقدى . خرستيانلرك كافه سی
 مأموريته لردن چيقارلدى . كليسالر ، مناسترلر قاپاندى . خرستيانلر
 آرتق اولرندن ديشارى چيقمغه جسارت ايدمه ديلىر . چونكه
 مسلمانلر طرفندن تحقير ايدىلورلردى . برچونغي تجاوزمه معروض
 قالماق اچچون يهودلرك صارى كلاهنى كيدىلر . بر قسمى ده
 اسلاميتى قبول ايله ديلىر .

مؤخر آ ، سلطان ، يمندن ، استانبولدن ، سيسدن ،
 تاتارلردن ، ماردیندن ، آناتولىده قرمان اوغللرندن ونوبى
 قطعه سندن كان سفارتلى قبول ايتدى [۱] . هپ هديه لر
 كتير ديلىر . يمن حكمدارى كنديسندن قوه معاونه ايسته يوردى .
 سلطان براردو حاضر لايهرق رؤسا سنه كليتىل پاره توزيع ايتدى .
 بوتون بو عساكر قاهره دن چيقهرو بر كيه اخجده قرارگاه
 قوردىلر [۲] . اردو يولده اولديغى ائشاده سلطان قاهره دن

۱۳۲۵

[۱] ۷۲۵ سنه سنده .

[۲] ربيع الاخر ۱۰ نجى صالى كونى .

سیریا قوسه بر قانال قازدیرمغه باشلادی . هر سنه اورایه کیدردی .
سلطانك اردوسی مکّه یه کیتدی و بعض عرب قبیله لرینه قارشی
حرکاتده بولوندی . بو عسکرک ورودی زبید سکنه سنی یمن
حکمدارینه تابع اولمغه مجبور ایتدی . بونلر حکمدارلرینه
قارشی عصیان ایتشلردی . یمن حکمداری تغر حصارندن چیقتدی ،
زبیده کیتدی . بر آرز صوکره اردوده بورایه کلدی . فقط بعض
عرب قبیله لری معاونتدن استنکاف ایتدکای جهته ییه جک
بولق ایچون مملکتی تخریبه مجبور اولدیلر . سیرداغلری اهلایسی
قویوی صاقلادیلر و داغلره چکیدیلر . یمن حکمداری مجاهد
کنایسی طالب اولمش اولمقله برابر بواردنك مواصلتندن توحش
ایتشدی . یرلیلرله اویوشه رق مصر لیلری داغلره کیرمکه تشویق
ایدیوز ، اوراده هب تلف اوله جقلرینی امید ایدیوردی . مصر
اردوسی بر آرز حرکتدن صوکره عوده مجبور اولدی .

محمد بوصیراده قاهرده قالمشدی . مصری دهها زیاده منبت
۱۳۲۸ برحاله کتیره که خادم برطاقم عظیم اجرا آت ایله مشغولدی .
نیل نهرینی جبل حصارینك اتکندن کچیرمک و حلواندن اورایه
کتیرمک فکرینه دوشدی [۱] . اسکندریه ریاضیون (چونکه
بطالمیوس دورندن بری بومملکتده دائما مشهور برمکتب قالمش
کبی کورونیور) سلطانك حضورنده قاهره بونجه امتداد ایدن
قرمزی داغك ارتفاعنی اولچدیلر . قانالک نیل ایله عینی سویوده

اولامسى وكر ك ياز وكر ك قيش مو-منده ايچنده صو بولونماسى
 ايچون قرق ايكي قاسبات درينلكده حفریات يالماسى لازم كلديكى
 كوردیلر. سلطان، ياپيلاق ايشك، چوقلغندن حيرتله دوشهرك
 امراسيله مذاكره ده بولوندى. هپسى بوتصورى تصويب ايتديلر.
 يالكر اردولر مفتشى عليده بولوندى. چونكه حفریات عسكره
 تحمیل ايديلجكدى. بونك ايچون سلطانك مالك اولديغى
 عسكرك ايكي مثلنه احتياج بولونديغى و مصارف عظيمه اختيار
 اولونديغى حالد برقاچ سنه ده باشه چيقار يلامايه جغنى سويله دى.
 بونك اوزرينه محمد بوتصوردن واز كچدى. مؤخرأ [۱] باشقه
 بر اجرا آتہ قالقدى و بونده دهـا زياده موفقيته نائل اولدى.
 نيل نهري بولاق طرفلرينه طاشيور و خسارات عظيمه يه سبب
 اوليوردى. بوكاچاره ساز اولق ايچون سلطان ابتدا نيل ساحلنده
 اوطورانلرك كافه سنه اولرينك اوكنه هندك قازمه لرني امر
 ايتدى. فقط بوايشر بي فائده قالنجه اسكندريه رياضونى جلب
 اولوندى. بونلر آرد آ ياخود اورتہ آطه ده بر قانال قازمق
 ونيل نهرينك اورتہ سنده روضه آطه سنندن بو آطيه بركوپرو
 ياپه رق صولر يوكسلديكى زمان قانال واسطه سيله جرياتى تامين
 ايتك لازم كلديكى سويله ديلر. قانال قارشيسنده برسديا يلاق
 وبوسد، صولرى مونبابا ياخود آنبابا طرفلرنده كي اراضيه
 سوق ايدجكدى. در حال عملدرايشه باشلاتديرلدى. داغلرده كي

۱۳۳۷

اوجاقلردن طاش چيقاريلارق صوكنارينه كتيريلدى. طاشلرى
كميلره دولديرارق باتيرديلر. آز وقت ايچنده بو كوپرودن
كچيله بيلدى. هندك قازيلدى. صو، آرزو ايديلن مجراي
تعقيب ايتدى.

سلطانك بقيه حكومتى بعض انريقه لر، امرا نزللرى وسياحتلر
ايچنده كچرى. بونلرك تفصيلاتى پك آز جالب دقتدر. نهايت
سلطان محمد خسته لانتجه [۱] اوغلى ابوبكره بيعت ايتديردى وبر آز
۱۳۴۱ صوكرد وفات ايتدى [۲]. اللى يدى سنه اون بر آي وبش كون معمر
اولمشدى. مدت سلطنتى اوچنچى دفعه اوله رق تخته چيقديغى
تاريخدن اعتباراً اوتوز اوچ سنه ايدى. اداره حكومت ايچون الزم
اولان مزايى عظيمه يه مال كدى. اميرلرينك عظمت وقدرتى
قىرمغه دائماً چالشمشدر. حتى اونلره قارشى چوق كره ظالمانه و
حياله كارانه حركت ايتمشدر بيله دنيله بياير. چونكه كرك خلقى كرك
كنديسنى اونلرك استبدادندن قورتارمغه اوغراشمشدر. عرب
آتلرينى پك سوردى. هارالرنده اوچ بيك، آخورنده ايسه درت
بيك سكزيوز آت وارايدى. آو پك دوشكرندى. بر چوق
آوقوشلرينه وكوپكلره مالك ايدى. هر طرفه آدملىر تعين ايتمشدى.
قوصايه جيزه اراسنده حدسز حسابسز مواشى يه مال كدى.
ملاطيه و آياس شهرلرينى ضبط ايتمشدى. آرادوس (ارواد)

[۱] ۷۴۱ سنه سى ذى الحجه سنك ۶ نجى چارشنبه كونى.

[۲] ذى الحجه نك ۲ نده.

آطه‌سنى فرانقلردن آلمش ، يمنده ، عنهاده ، حديثه‌ده ، مكه‌ده
 حرب ياپمىشدى . جعبر قلعه‌سنى تعمير ، حلبدن نهري جريان
 ايتديرمىشدى . انشاآت ايچون پك چوق پاره صرف ايتدى .
 قرق كونده اسكندريه قنالى قازديردى . بو ايش ايچون يوزبيك
 كشي استخدا م ايديلمىشدى . بوتون سنه ايچنده صوجريان ايدن
 بوقنال اسكندريه ايچون غايت مفيدا وادى . قاهره‌ده ياپديرديغى
 بنالر ايچون ته‌بايىدن . صوك درجه يوكسك ستونلر كيتيرتدى .
 سيريانوسده محتشم بر سر اى ياپديرتمىشدى . اوراده پك لطيف
 باغچه‌لر واردى . قاهره‌دن اورايه قدر برقانال قازديرمىشدى .
 قانالك ايكي طرفى سرايلر و باغچه‌لر له محاط ايدى . اراده كوپرولرده
 ياپلمىشدى . فيل آطه‌سند و بولاقد و برچوق مباني انشا ايتديرمش ،
 وقتيله قوم ايله مستور اولان بو يرلرى منبت برحاله كيتيرمىشنى .
 زمانده هر طرف بر باغچه حالده ايدى . اميرلرى ده كنديسنه
 امثال اتمكه تشويق ايلر ، تصور ايتدكلرى انشا آتى اجرا
 خصوصنده اونلر سهولت كوسترير ايدى . اسكى حكمدارلر
 زمانده مصر ندائسه اونك زمان سلطنتنده او حاله كلمىشدى .
 حيرت بخش انشا آته تشبث ايدردى . بر مصر حكمدارى محمد
 كى طوپراغى منبت برحاله كيتيرمك يولنى بيابرسه دائما ذى قدرت
 بر حكمدار اولور . بر عرب مورخنك افاده‌سنة نظر آ سلطان
 محمدك زمانده براوچ طوپراق يوقدى كه اوزرنده يا بنا يا باغچه
 يا خود بستان بولونماسون . سياحىلر وقتيله آتشرين قوملردن

باشقه برشی بولونمايان يرلرک غایت منبت برحاله افراغ ایدلایکنی .
 داغلق اراضینک تسویه اولندیغنی . آرالرندن اوزون و کوزل
 قانالر کچدیکنی کورمکدن حیرتله دوشیورلردی . اکر جرأتکارانه
 تصورلر برسنهیه قالمادن موقع تطبیق واجرایه قونولیوردی .
 بوانشآت عظیمه نك حکایه سی اسکی مورخلرک مصرلیلر
 طرفندن تصور و اجرا ایدیلن مبانی جسمیه حقنده
 سویلدکلرینی بزه دهها آز شایان حیرت کوسترمکه خدمت
 ایدر . بونلری پامق ایچون بویوک بروقوف علمییه حاجت
 یوقدی . چونکه بزدن دهها آز ماهر اولان عربلر بو ایشلری
 اجرایه جسارت ایدیورلردی . صنعت جهتنده اکسیک اولانی
 عماله چوقلمی تلافی ایدیوردی . عمومیتله شرقلیلر بزی حیرتله
 دوشورن بنالریا پشردر . چونکه اونلرک طرز تفکرلری حقنده
 صحیح بز محاکمه من یوقدر . حکمدارلر سریع صورتده خط
 آلمق ایسترلردی . نه حیاته نه مالنه اهمیت ویریله ین خلق اسیردن
 باشقه برشی دکلدیلر . بزم قرالار تبعه لرینی دهها آز سوسهلردی
 حکمدارلرک استبدادینه و خلقتک فلاکته برر آبدخ خدمتنی کورن
 اوحیرت بخش اهراملردن دهها جرأتکارانه . دهها محتشم و دهها
 مفید مبانی انشا ایده بیله جک قدر ذی قوت اولورلردی . بوبنالر
 صنایعی ایلر یلتمک یا خود حکمدارک طوپلادیغنی خزینهلری خلق
 آراسنده تداول ایتدیرمک ایچون یاپمازدی . بومساعی الیه آنجق
 عادى صورتده بسله ن بر سورو بدبخته کوردیریلیردی . محمد

دها عادلانه و حقیقهٔ معظم افکار صاحبی ایدی. قانالیر قازدیردی،
 سدرلر یاپدیردی. قوملاری قالدیردی. مصرک منبتلکنی اعاده
 ایتدی. بو حکمداردن اول مصرده هیچ برشی یولنده دکلدی.
 صنایعی مستغرق اولدقلری اویوشوقلقدن قورتارمق ایچون
 عصرلره لزوم وار ظن اولونایلیردی. حالبوکه یالکزا اونک زمان
 حکومتی بواجرا آتہ کافی کلدی. بویوک بر حکمدار صنایعی بشیکدن
 حیة رمغه وعینی زمانده درجهٔ مکملیتہ ایصال ایتکه موفق اولایلیر.
 صنایعده اکتایلری به کیدن ملتار دهابو یوک انشا آتہ تشبث ایدنلر
 دکلدلر. بوملتار بویوکلکه، وسعتہ دکل ظرافتہ عطف اهمیت
 ایتشاردر. بزی حیرتله غرق ایدن او عظیم کتلهلر، ایشک اصلی
 ارانیرسه، اقوامک قابالغنه و صنایعک چوجوقلغنه برردایلدرلر. هیچ بر
 شیئی درجهٔ کماله ایصال ایتہ ین چینلیر بش یوز فرسخ اوزونلغنده
 برسد یامشاردر. وجوده کتیر دکلری دها سائر مبانیده بیکلرجه
 آدم چالیشمشدر. اوقدر بویوک و آغیر پارچهلر دو کدیلرکه اخلاف
 بونلری بریردن بریره نقل ایتہ ینی بویوک برایش کی تلقی
 ایتدی. چوجوقلغده آنجق چوق عظیم شیلر تصور و تخیل
 اولونور. دها عاقل، دها منور برسندہ طبیعتده بولونماسی لازم
 کلن تناسب حسنه عودت ایدیلیر. دنیانک ایلک عصرلرنده
 انسانلر غایت معظم صورتده دوشونیورلردی. هموز تجربہ ایلہ
 ذهنلری تنویر ایدیلہ ین بو آدملر سهاره قدر قلعهلر یایمق ایسترلردی.
 حاصلی بویوک اجرا آت هیچ بر زمان صنایعک تکملنه دلالت ایتمز.

چونكه شبهه يوق كه مصر ليلر عربلر قدر ماهر دكلديلر . مصر ليلرك
بر اقدقلى بنالره بافهرق بوكا قناعت كتىرمت پك قولايدير .
قديم مصر بنالرنده ستوقلرك او قدر چوقلغى كاورانلرى طوتمق
احتياجنندن ايلرو كامشدر . كمريامق صنعتنه وقف دكلديلر .
مع مافيه تكييل معلوماتمزك منشألرني اونلرك اوغيرمكمل آثارينه
مديون اولديغى انكار اتمه يز . مخترعات ، طفوليت دورلرنده
دائما مبدوليت و افراط ايچنده درلر . دها منور اخلاف اونلرى
ساده لشدير مكه و مكملاشدير مكه چاليشير .

محمدك وفاتدن صوكره اوغلى ابو بكر كنديسنك يرينه اچدى .
ومنصور سيف الدين عنواتى آلدى . بوتون امرانك موافقتيله
طوقوز دمير مصر واليسى نصب اولوندى . قوصون نامنده ديكر
بر امير ايله بشتاك مجلس خاصه قبول ايديلديلر و برنجى موقعلرى
اشغال ايلديلر . صوكره ولايات واليلرى موقعلرنددابقا ايديلدى .
ابو بكر عموم طرفندن سلطان ديه قبول ايديلكدن صوكره .
متوفا سلطان طرفندن وعد ايديلديكى بهانه سيلاه كنديسنه
شام واليلكنى آلمش اولان امير بكتاش توقيف ايتديرلدى ۱۱۱ .
آلتون بوغانك [الطنبغا] واليلكه تعيين ايديلديكى امرينى بر
آز اول يوللامش اولان قوصون ، امير بكتاشه بر آزار انتظار
ايمه سى يولنده جواب ويردى . بكتاش چكىلمشدى . سلطانك
مملوكلرينه پاره داغيته رق اونلرى كندى طرفنه جلبه چالشمشدى .

بو سايه ده سلطاندن والياكنك تصديقنى استحصال ايتشدى .
فقط قوصون بوندن خبردار اولونجه سلطانه امرائى طويلامنى
واونلر ك موافقتنى آلمه نى نصيحت ايله دى . بونك اوزينه درحال
حركت ايتمه سى ايجون بكتاشه امر ويريلىدى . امير بكتاش هر كسه
بر چوق بخشش وپردى وبو صورته اغتشاشات چيقارمق
ايسته ديكنه دائر شهبه لر اويانديردى . كنديسنك توقيفنه بوندن
دولايى قرار ويريلىر . بو تصورى موقع فعله قويماق ايجون
امير قوتلوق بوغانك مواصلته انتظار ايديليوردى . بوندن خبردار
اولان بكتاش امير قوتلوق بوغايه قارشى كيددر ك اونى اولديرتمك
تشبثنده بولوندى . قوتلوق بوغا، امير بكتاش ايله قارشىلاشمقدن
اجتناب ايله جبل حصارينه كيتدى . اوراده بكتاشى توقيفه
قرار ويريلىر . فى الحقيقه، سائر امرا ايله برلكده عرض تعظيما
ايتمك اوزره كلدكى زمان قوتلوق بوغا ايله طوقوز تيمور [طقز تيمور]
قيليجنى آلدىلر و بوتون مملوكلر يله كنديسنى اسير ايتدىلر .
بونلر اسكندريه حبس خانه لرينه كوندريلدى . بكتاش ايسه
طراباسده حبس ايديلىدى . صوكره سلطان ده بر چوق امرائى ده
توقيف ايتديردى . عين زمانده حلبدن ذوالقادر ك اوغلى قراجهنك
عصيان ايتديكنه و آناتولى واليسى ارتنايه [۴] اتحاق ايتديكنه
دائر خبر كلدى . مقصدى كلوب حلبى ضبط ايتكدى . حلب
واليسى سرعتله امداد كوندريله سنى طلب ايديوردى .

بو صیراده بر طاقم مغنیه لر و کنج امیرلرایله ذوق و سفاخته
 دالان سلطان کندیسنه نصیحت ویرنلردن و بالخاصه قوصوندن
 قور تولق فکرینه دوشمشدی . قوصون بوتون امرایی و حتی
 سلطانك مملوکلرینی بیله قبة الظفره طویلا دی . مقریین والی حکومت
 طوقوز تیموری سلطانك نزدینه گیرمکدن منع ایتدکلری جهته طوقوز
 تیمور سلطانی سفاخته سوق ایتدکلرندن و باعث خرابیسی اولدیغندن
 دولانی اونلرهم مؤاخذاتده بولندی . تقریباً دوت یوز مملوکلر ابو بکری ترك
 ایتدیله . طوقوز تیمور کندیله رینه : افندیکنك اوغلی تختده در ، نه دن
 باشقه برینی انتخاب ایتك ایسته یورسکنز ؟ دیه رك اقناعه اوغراشدی
 حالده موفق اولامامشدی . هپسی شو جوابی ویرمشلردی :
 بزم قوصوندن باشقه افندیمنز یوقدر . سلطان بزى اهمال ایدیور ،
 بزى طانیایور . بو مملوکلر داغیلدیله ، بر قسسی قبة الظفره کیتدیله .
 اوراده سائر امراییله برلکده قوصونی بولدیله . قوصون
 کندیله رینه بارکیر و سلاح ویردی . صوکره قوصون مسعودی
 سرایه کوندره رك سلطاندن باشلیجه کوزده لری اولان ملک
 تیموری ، ایل بوغایی ، طاجاری ایسته دی و عینی زمانده بوتون
 امرانك کندیسنه صادق اولدیغنی تأمین ایتدی . مسعود سلطانی
 حصارده کوزده لریله محاط بر حالده بولدی . او کنده برلره قاپاندی ،
 سبب ورودینی آکلاتدی . سلطان طلب ایدیله کیسه لری
 ویرمکدن امتناع ایتدی . طوقوز تیموری کیدوب کورمك
 ایسته دیکی جهته اصطبل عا . ه مدیرینه آتلی حاضر لاقماسنی

امر ایله دی . فقط آخورلرده هیچ براوشاق بيله بولونمادی .
 بونك اوزرينه كوزدهلرينى قوصونه كوندرمىكه راضى اولدى .
 ايجلرندن بعضيلرى ذاتاً كنديلكلرندن چكيا مشاردى . طوقوز
 تيمور ايله سائر اميرنر سلطانى خلعه قرار وپردیلر وبو قرارلرينى
 درحال موقع اجرايه قويدیلر [۱] . سلطان بوتون عائلهسى
 و كوچوك مملوككلره برابر قوسه كوندريلدی . حصارده يالكىز
 برادري كجك قالدى . قوصون كيجه يى قاهره خارجنده قبة الظفرده
 چادير آلتنده كچيردى . ايرتهسى صباح جبل حصارينه كيتدى .
 اوراده طوپلانا بوتون امرا كجكي تخته چيقارمى قرارلاشدیردیلر .
 سلطان ابو بكر آنجى ائلى دو قوز كون سلطنت سورمشدى .
 قوصونك امريله بر مدت صوكره قتل ايدیلدى .

اشرف لقبى ويريلن كجك تخته اجلاس ايدیلدىكى زمان
 بعضيلرينه كوره بش بعضلرينه كوره یدی ياشنده ایدی . سلطان
 محمدك اوغلى ایدی . مصر واليسى اولان قوصون باشليجه
 امرايه يعنى هرييكباشى بيك آلتون سكه وتوبالخانه قوماندانلرينه
 بش يوز آلتون سكه . اون باشلره ايكيوز آلتون سكه هديه
 وپردی . حلقه قوماندانلرندن هر برينه ده الیشر آلتون سكه
 و نقراته اون بشر آلتون سكه هديه ايتشدی . بر مدت صكره ۱۳۱
 اصوانه سوق ايدىلك اوزره سلطان محمدك اوغلى احمد كر كدن

ابوالمحسن
 ان شحنة

[۱] صفر آينك اوتنجى بازار كونی .

[۲] ربيع الاول آينده .

جلب ايدىك ايستەيندى . فقط بو شهزاده يولە چىققىدىن
 امتناع كوستردىكى و برادرلارنىڭ تەبايىدەن جالبى طلب ايله دىكى
 جەتە كىندىنى اجبارايتىك ايچون كركە براردو كوندىرەمەن قانع
 اولدىلار . برقاچ كون سو كره امير قوصون ايله سلطانك مملوكلىرى آراسىندە
 اميرك بو مملوكلاردىن بەزىلەرنى آلمىق ايستەمىسى دولايىسىلا برىمنازە
 چىقىدى . ابتدا زەندارىيە دىيان اوطەدىن بر مملوك ايستەدى .
 بونى مشكلاتلە تسليم ايتدىلار . فقط صو كره دوت بىش دانە
 دەرە ايستەنچە تەربىيە يوز قدر مملوك عصيان ايتدىلار ، قوصونك
 دكل سلطانك مملوكلىرى اولدۇلارنى سەويلەرك قوصون نەزىنە
 التجا ايتىش اولان رەيسلەرنى زىالتلە قوغدىلار . ھېسى سالاھ
 سارىلدىلار . مع مافىيە كىندىلەرنى تەسكىنە موفقىيەت حاصل اولدى .
 صو كره ، وقتىلە محمدە عائد بولونان سائر مملوكلار دە قوصوندىن
 قورتولمىغە قرار وىرەرك بو مملوكلارلە برلشدىلار . ھېب برابر كىدوب
 امير قوصونك سرائىنى محاصىرە ايتدىلار . بر مصادمە وقوعە كەلدى .
 بىمىز تلفات اولدى . نەھىت ، قاپامىش اولدۇلار جىل حصارىنىڭ
 قايسىنى آچمىغە اجبار ايدىلدىلار . ايچلارنى يوز قدرى توقىف
 واتلاف ايدىلدى .

بو صىرادە ، احمدك كركەن بر اردو ايله چىقىدىنى ومصر
 اوزرىنە يورودىكى خبر آلىندى . بوتون قاھىرە بوخەردىن تىلاشە
 دوشدى . امير قوتلوق بوغانك قومانداسى آلتىندە براردو وجودە
 كىتىرىلدى . قوصون بو اميرە اون بىش بىك آلتون سىكە وىردى

و تکمیل میبایست هدیه‌ها را داغیتدی. مع مافیه هیچ بری بوسفردن
 ممنون دکلدی. اردو یولده بولون دینی صیراده قوصون سلطانلر کی بر
 چوق امرا ایله سیریا قوسه کیتدی. عودتنده حلب والیسی امیر طاش
 تیمور ایله داریلدی. چو که بوا میر یازدینی مکتوبلرده سلطان
 محمدك اولادلرینی ته‌باییده نفی ایتدیکنندن و احمدی اولدیرمك
 اوزره بر اردو سوق ایله دیکندن دولایی کندیسینی مؤاخذه
 ایدیورلدی. اصطبل مدیری اولان ایدوغیش ایله ده داریلدی.
 سلطان ابوبكرك وفات مناسبتیه دهاساثر بر طاقم امراده کیزلیجه
 کندیسینه دشمن کسیدیلر. اونك وفاتی کندیسینه عطف
 ایدیورلردی. کرکه کوندردیکی اردو هیچ بر موفقیت استحصال
 ایده‌مدی. صوغوق، یاغور و قار سیبیه همان تکمیل اردو
 تاف اولدی. نهایت، قوماندانی قوتلوق بوغانك کندی طرفنی
 ترك ایله احمد تابع اولدیغنی، بوتون امرا ایله اونی سلطان اعلان
 ایتدکلرینی عربلردن خبر آلدی. حلب والیسی ده بو حرکت
 امثال ایتش، اولجه مصر والیسی و اوزمان حما والیسی اولان
 طوقوز تیمور، سائر شام امراسیله براسکده، احمد مظاهرت وعد
 ایله‌مشدی. قوصون درحال شام والیسی آلتون بوغایه کندی
 عسکرلرینی حمص، صفد و طرابلس عسکرلریله بر اشدیره‌رك حلب
 والیسی طاش تیمورده هجوم ایتیه‌سی ایچون امر کوندردی (۱).
 طاش تیمور بو عساكر ك حرکتدن خبردار اولور اولماز

(۱) عسکرلری شامدن جامازی‌ال آخر آینده حرکت ایتدیلر.

ذوالقادرک اوغلی قراجہ یی امدادینہ چاغیردی و کوتورہ بیله جکاری
 قیمتدار اشیا ایله برلکده البستانہ چکیلمکە قرار ویردیلر . فقط
 حلب عساکری عزیمتترینہ مانع اولدیلر . اوافق بر مصادمہ وقوعه
 کلدی . والی البستانہ قاچدی . اورادن آناتولی والیسی نوبان
 ارتنایہ مکتوب یازدوق اورایہ کیتمک اوزره مساعدہ ایستهدی .
 بوم اعدہ یی استحصال ایدهرک قیصری یه کیتدی . التون بوغا
 حلبه صاحب اولدی . بو اثناده قوتلوق بوغا معیتندہ کی عسکرله
 شامہ کیرمش و اوراده احمدی سلطان اعلان ایتشدی . غزہ
 والیسی آق سنقر ایله صفد والیسی آسلان و همان بوتون شام
 امراسی عرض انقیاد ایشلردی . حتی آق سنقر بیله مصر ایله
 مناقله یی کسمک اوزره حرکاتده بولونمش و قوتلوق بوغا شامده
 بولدیغی بوتون پارای عسکرینہ داغیتمق اوزره ضبط ایشدی .
 قوصون بونلری خبر آلتجه غزہ یه دوغر بر اردو کوندردی
 و حص اوزرینہ یورومہ سی ایچون آلتون بوغایه امر ویردی .
 ایکی اردو یاقلاشدیلر . فقط شام امراسنک قسم اعظمی احمد
 طرفنی التزام ایتدیلر . آلتون بوغانک بوتون تشبثاتی عقیم قالدیغی
 ایچون فراره مجبور اولدی . یکی سلطانی قبول ایچون شامده
 هرشی حاضر لاندی . قوصون کندیسنه مربوط قالمالرینی تأمین
 فکریله بوتون شام امراسنه پک چوق پارا کوندردی . سلطانک
 ملوکارینہ مماشاتده بولوندی . اوناره مناصب و اراضی ویردی .
 بوتون بواحسنلره رغماً ، امیر بکتاشی اولدیرتدیکندن و سلطان

ابوبكرى خلع ايتديكندن دولايى ايلرى كلنار كنديسنه قارشى
عداوت بسلاهورلردى . حتى سلطاناغنى اعلان ايتك ايتتهدىكى
بىلە سويلەنيور وبوقدر احسانلرى بو مقصدلە ياپديغى اشاعە
ايدىليوردى . برچوق امير ، مصرە كلن آلتون بوغايە استقبالە
كيدىلدىكى صيرادە كر كە چكىلمك قرارىنى وىردى . فى الحقيقە ،
آلتون بوغايوسە ايليس ادواصل اوماشدى . اورادە ايكن ، قوصونك
جبل حصارندە اميرلر طرفندىن محاصرە ايدىلدىكىنى ، حلقە
عسا كرىدن ومملوكلردىن بر چوغنك اميرى آلە كچيرمك فكريلە
التحاق ايتش اولدقارىنى خبر آلدى . بونلر ، قوصونك سوق
ايتدىكى قوتلر ككافەسىنى بوزدىلر ، سراينى يغما ايتدىلر . ايدوغمىش
بوتشباش اولك آياق اوليوردى . قوصونك مملوكلىرى قاھرە جوارندە
اوردو قورمىش اولان آلتون بوغانك يانە قاچدىلر .

بواشادە ، سراينك نچرمسندن بوتون بواغتشاشاتى سيرايدىن
وتسكىن ايچون اللرىنى چريان قوصون نهايت دشمنلرىنك الە
تسليم نفس ايتك مجبوريتندە قالدى . اونى بر قلعه يە حبس ايتدىلر .
آلتون بوغا قوصونك بوتون مملوكلىرىلە عاصىلرە هجوم ايتك
ايتتەدى . فقط يانندە كىلر داغىلدىلر . ايدوغمىش قوصونى
اسكندريە حبس خانەلرىنە يوللادى . حتى آلتون بوغايى دە توقيف
ايتدى . بوسورتلە حكومتە حا كم اولونجه سلطان كجكى تختدن
ايندىردى ۱۸۱ . سلطان كجك بش آى اون كون سلطنت سورمشدى .

بوتون حکم ونفوذ قوصونك النده قالمشدى. قوصون قاچاقدن
سلطان محمدك تزوج ايتديكى اوزبك خانك كرمه سيلا برابر كەلشدى.
كوله دكلدى. فقط سلطان محمد كندىسنى آليقويمق ايتتەدىكى
جهتله سكز بيك دينار ويردى. بو پاره قوصونك قازدشە
كوندريلدى. بر آز صوكره يوز باشى وبىك باشى تعيين ايدىلدى.
سلطانك قيزيله اولندى. اوى ياغما ايدىلدىكى زمان كوپلر ايچندە
درت يوز بيك آلتون ايله يوز بيك آلتون سكەلك اثواب. بر
چوق شيراز، آمد وروم خاليلرى بولوندى.

احمد تخته چيقنجه ناصر شهاب الدين لقبنى آلدى. قوصونك ابوالحسن
توقيفندن، كجك خلغندن صوكره اميرلر كر كده بولغان سلطان
احمدە مصر دده سلطان اوله رق قبول ايدىلدىكنە دائر خبر
كوندرديلر. اختلااك اك باشليجه عامللرندن برى اولان
ايدوغميش سلطانك غيبوبتنده اداره مملكتى درعهده ايلهدى. بر
چوق امرايى توقيف ايتيردى. خلقدە قوصونك مملوكلرينك
اولرىنى يغما ايدىيوردى. قوصونك حبس ايتديرمش اولدىنى
اميرلر اسكندريه ده تخليه ايتديريلدى. سلطان محمدك چوققلىرى
قدسدن قاهره يه كتيريلدى. سوريه اميرلرندن بر چوغى يكى
سلطاني بكلەمك اوزره غزه يه كيتديلر. فقط سلطان دوغروجه
قاهره يه كيتدى وبو صورتله برچوق امرايى غير ممنون ياپدى.
مصر امراسى ده سلطانك حين ورودنده بر آز آلدانديلر.
سلطان، امرادن اوزاق دورمق ايتتەيوركى كورونمكده ايدى.

فقط خلق بويوك نمايشلار وشنلكلار ياپدى. احمد، كر كدن كتىردىكى
كىمسەلەرلە سرائىنە قاپاندى. مصر اميرلارنى حضورىنە قبول ايتىمكە
او قدر اهميت وىرميور كورۈندى. سوريە امراسى قاھىرە يە مواصلت
۱۳۴۴ ايتىدكلىرى زمان (۱۱) ايدوغمىش بونلرى استقباله چىققدى.
هېسى ساطئاندىن شكائت ايتدىلار. دها شىمىدىن اونى خلع
ايتىمى دوشونىورلردى. فقط بعضيلرى بوكا مخالفت ايتدىلار.
نهایت احمد حكمدارلق اثوابلارنى كىيدى، خليفه حاكمك، مذاهب
اربعة قاضيلرىنك، اميرلارك وبوتون مىللىس رؤساسنك حضورىلە
ومراسم معتاده دائرە سىندە تخته چىققدى. خليفه كىندىسىنى
سلطان اعلان ايتدى. اميرلار آياقلىرىنە قاپاندىلار. صوكرە آياقده،
بربرىنك آردى حىراء، رتبەلىرىنە كورە كلەرك بىعت ايلەدىلار.
آرقەلەرنىدن دە خليفە ايلە قاضيلر كلىوردى. دىكر بر رسم قبول ائناسىندە
سلطان اميرلارنى خىلعت وپارە احسان ايتدى. امير طاش تيمور مصر
والىسى اولدى. قوصونك امرىلە سلطان ابوبكرى قتل ايتدىر مش
اولان قوس والىسى عبدالمؤمن جزايە چارپىدىر يلدى. سلطان،
ذوالقدر اوغلى قراجەينى، كىندى اميرلارنىە ياپدىغى خىدمتە مكافاة
تور كىنلر اميرى ياپدى و البستانده طرفىدن وكىل نصب
نصب ايتدى. ايدوغمىش دە حلب والىسى تەيىن اولنەرق محل
مأمورىتنە متوجهاً يولە چىققدى (۲).

[۱] شوالك دوقوزنده .

[۲] ذى القعدة بك يديسندە .

امير لر محل مأموريتلرينه كيتمك اوزره مصرى ترك ايدرايتمز
سلطان، مصر واليسى طاش تيمورى توقيف ايتيڭدى . بوتون
حكومتونفوزى انه كچيرن بواير هيچ كيمسهنك بر لطف استرحام
ايتك اوزره سلطانه تقرب ايتمسه ماعده ايتمهوردى . كندى
موافقتى اولقسزىن سلطان برامرويردىكى زمان بوايرى ييرتيور
وبعض امرايك اموالنى بى پروا ضبط ايله يوردى . سلطان، مملوكلارك
رئيسى وامير آق سنقر ايله ويردكلرى قرار موجبجه بكتاشك
وقوصونك مملوكلارنى قلعه ده بولونانلارك اوطه سته ادخال ايتمكه
واونلرده خلقه افرادى كى تخصيصات ويرمكه تشبث ايله ديلىر .
صوكره بومملوكلارك بر چوغى قلعه ده قونولدى . اميرلارك كافه سته
مملوكلاريله برلكده حصاره كيرمك ممنوع اولدينى اچون طاش
تيمور آنجق ايكي اوغلىيله برابر ايجرى يه كيريوردى . درحال
توقيف اولوندى . دها سائر بعض امرا ايله برلكده زنجيره
اورولدى . قوتلق بوغاده طوتولمق ايسته نيوردى . فقط دها اول
قاچمشدى . برمفرزه ايله كندىسنى تعقيب ايدن آق سنقر عريش
ساحلنده اوكايتيشدى ، بوتون اشيا سنى يغما ايتدېسه ده كندىسنى
اله كچيره مدى . چونكه چوله قاچمشدى . فقط ايدوغميشك زدينه
التجا ايتديكندن اوراده توقيف اولوندى .

صوكره، سلطان كر كه يامق ايسته ديكى بر سياحت اچون
هرشيئي حاضر لاتدى . جبل حصارندن چيقدى [۱] : غيبوتى

[۱] ذى الحجه نك ايكنجى چهارشنبه كوني .

اثناسندە آق سنقرى وکیل براقدى . قبة الظفره چکىلدى .
اوراده اميرلر کلوبالنى اوپديلر . يوله چىقدى . چول طريقه
کرکه کيتدى ۱۸۱ . کرکه واصل اولدىنى زمان کيمسەنک اچرى به
کیرمسنه ساعده ایتەدى . خلیفه ايله ساثر امرانى قدسه وکندى
ملوکارى ایلەر رئیسلىرى حبوباتک بهاللىنى دولایسىلە قریة الخلیلە ۱۲۱
صوکره غزه یه یوللادی .

سلطان ، کرک حصارىنى تحکیم ایتىردى . ایچنه چوق
مقدارده ذخیره قويدى وامیر قوتلوق بوغایى حبسه آتدى .
بوصراده قاهره اهالىسى سلطانک غیوبتندن دولایى سیرلانیورلردى .
ممكن اولدىنى قدر سر عتله عودت ایتەسى کندیسنه یازیلدى ۱۳۱ .
فقط کرکدن پک خوشلاندىغنه ونه قدر تنسیب ایدرسه او قدر
قاله جغنه دائر جواب کوندردى . صوکره ، سلطانک طاش تیمور
ایله قوتلوق بوغایى اولدیرتمش اولدىنى خبر آلندى . برچوقلرى
بوندن غیر ممنون اولدیلر . ته بايىدندن کندى مواشى سورولرىنک
کوندرلمسنه و کرک ، سوريه ومصر کندیسنه عائداولدىنى جهتله
جانک ایتدیكى یرده قالقده حراولدىغنه دائر سلطاندن برمکتوب
کلنجه بو عدم ممنونیت بوتون بوتون آرتدى . بونک اوزرىنه
کندیسنى خلعه قرار ویردیلر ۱۴۱ . بو سلطان آنجق اوج آی

[۱] ذی الحجەنک ۱۶ نجى پنچشنبه کونى واصل اولدى .

[۲] یعنی ابراهیم کوبى .

[۳] ۷۴۳ سنه سى محرمک بشنده .

[۴] محرمک ۲۱ نده خلغ ایدیلدى .

و اون اوچ کون حکومت ایتشدی . مصر خزینه سندن
طاشیه بیله جکی شیلرک کافه سنی کوتورمشدی که بونلر تقریباً آلتی یوز
بیك آلتون سکه ایله قیمتدار طاشلرله دولو صندیقلردن، پدرینک
بوتون قادین مجوهراتندن، آلتون و کوموش آت طاقلارندن
و مشعله لرده، البسه لرده و برچوق مواشی ایله بار کیردن عبارتدی.

سلطان محمدك اوغلی اسماعیل، ملك الصالح عمادالدین لقبی ابوالمحاسن
آلدی . برادری احمده خلف اولدی . امیرلر طرفندن انتخابی ابن شحنه
دیندار لغندن و عقل و حکمتی ایله مشهور اولمقدن ایلری کلیوردی . سیوطی
قوصده بولندیغی صیراده بازار ایرته سی و پنجشنبه کونلری اوروج
طوتار، بوتون زماتی تلاوت قرآن و ادای صلاة ایله کچیریدی .
امیرلر کندیسنه بیعت ایتدیلر . اوده هیچ بر جرمی اولمایان
هیچ برامیری توقیف ایتدیرمیه جکینی وعدا یله دی . آق سنقر مصر
والیسی تعیین ایدیلدی . اسماعیل برادری احمده كرك وشوبك
الکاسنده قالمایه مساعده ایدمرك حکمدارلق مزینانی اعاده
ایتمه سنی ایسته دی . اسکندریه حبس خانده لرنده بولونان بر چوق
امرایی تخلیه ایتدیردی و بونلره، سائر بعضیلرینه یاپدیغی کبی
رتبه لر و منصبلر ویردی .

برمدت صوکره، احمدك كرك عربلریله برابر کندیسنی
اولدیرمك ایچون مصره کچمك ایستدیکنی عربلردن خبر آلتجه
كرك اوزرینه بر اردو کوندردی [۱] . احمدتسلیم اولمغه مجبور

اولدی . اسماعيلك ايسته ديكي شيلرك كافه سنى اعاده ايدىجكنى
وعد ايلهدى .

صوكره ۱۱۱ اسماعيلك قارده شى رمضان برادرى عليهنده
ترتيب اتده بولوندى . سلطان سيرياقوسه متوجهاً قاهره دن حرکت
ايتديكى زمان رمضان ، بر مقدار مملوك ايله جبل حصارنده
قالدى و سلطاننى اعلان ايتك فكرينه دوشدى . بوتون عاسيلر
قبة الظفره طويلانديلر . فقط وقعه دن خبردار اولان سلطان
بعض امرايى يوللادى . خالق داغيدى . يالكنزباشنه ترك ايديلن
رمضان توقيف و برادرينك حضورينه سوق ايدىلدى . سلطان
اونك مملوكلرينى النندن آلدى . هنوز احمد دن بر خبر
آلنادى جهته كركى محاصره اچون براردو كوندريلدى . بو
اردونك حر كتندن صوكره سلطان ، مصر واليسى آق سنقر ايله
سائر بعض امرايى توقيف ايتدردرك ۱۲۱ اسكندريه حبس خاندارينه
يوللادى . بالخاصه آق سنقر خلقه بك فنا معمله ايدىيور ، هر كسك
اموالنى ضبط ايله يوردى . سلطانده كل كنديسنه مراجعت ايدىلشنى
ايسته يوردى . ولايات واليلرى سلطانده بوندن دولايى شكايت
ايتشلردى . صوكره كر كه يكي دن عسكر كوندريلدى . محاصره
اوزون سوردى . اراده صيراده ينه اورايه عسكر يوللامق مجبوري
حس ايدىلدى . فقط احمدك طرفنى التزام ايدن شام واليسى ايله

۱۳۴۳

[۱] رجب آينده .

[۲] ۷۴۴ سنه سى محرم نك اوننده .

اهراسندن بعضیلى توقیف اولندقدن صوکره محاصره یه دها
 فعالیت وشدتله دوام ایدیلدی . ییهجکی قالمامش اولان احمدی
 اهای ده کندی حالنه ترك ایتدی . بویله اولمقله برابر کرکه یکیدن
 ۱۳۴۴ عسکر کوندرمک ایجاب ایله دی [۱] . بو عسکره پاره ویرمک
 ایچون عجم تجارلرینک پازه سنی آلمغه مجبور اولدیلر . چونکه
 خزینه ده برشی یوقدی . شهره جبراً کیریلدی . احمد اون کشی
 ایله برلکده حصاره قاپاندی . اوچ یرندن یارالانجه یه قدر مقاومتده
 بولوندی . قیانیج آلدده حصاره کیردیلر [۲] . احمد کندی سنی مدافعه
 ایتدیکی صیراده یاقه لاندی . کرک اهایلیندن بری پاره مقابانده
 شهرک ضیطنی تسریل ایتشدی . احمد قاهره یه کوندریلدی . سلطان
 کندی سنی امرانک خبری اولمقسزین بوغدیرتدی . کرک محاصره سی
 ایکی سنه اوچ آی سورمشدی .

بومهم مظفریتدن صوکره سلطان برمدت سیریا قوسده وقت
 کچیردی . هر سنه بورایه برسیاحت یایمق سلطانلرک عادت ایدی .
 صوکره قاهره یه دونه رک حجه کیتمه که حاضر لاندی . فقط خسته لندی
 و برآز کچنجه اولوم تهله که سنده قالدی . بر چوق صدقه
 داغیتدی ، محبوسلری عفو ایتدی . خسته لنی آرتدی ، بوتون
 تبعه سنک تأسفلری ایچنده وفات ایتدی [۳] . آنجق یکر می یاشنده
 ایدی . اوچ سنه ، ایکی آی واون کون حکومت سورمشدی .

[۱] ۷۴۵ سنه سی بدایتلرنده .

[۲] ۷۴۵ سنه سی صفرینک ۲۲ سنده .

[۳] ربیع الآخرک در دهمد .

ابوالمحسن

ابن شحنة

سيوطي

وفاتی بر مدت کیزی طوتولدی . برادری شعبان کندیسنی
 سلطان اعلان ایتدیرمک ایچون طرفدارلر تدارک ایتدی . بر آز
 مخالفتهمعروض قالدیدن سوکره ، سلطان اعلان ایدیلدی وکامل
 عنوانی آلدی . العلابی لقبیله یاد ایدیلن آرغون بونک زماننده
 پک صاحب نفوذ اولدی . بو حکمدارک دوری پک آز
 مشهوردر . شعبان بعض امرای عزل ایله یرلرینه باشقهلرینی
 تعین ایتدی . آلدیغی قادینلرک کثرتی وامور حکومتده عدمدقتی
 حسیله خلقت نفرتی قازاندی . کندیسنه بر شیدن شکایتده
 بولونقلری زمان : هر کسی بیلدیکنه براقمکز ! دییه جواب
 ویریدی . اونک زماننده خلق امیرلرک تجاوزاتندن پک چوق
 چکدیلر . شام والیسی یل بوغا (یلیغا) حص ، صفد ، حما ،
 طرابلس والیریه برلکده عصیان ایتدی . بوتون بولایت عساکری
 شامده طوپلانیدیلر و مرحوم سلطان محمدک امری موجبنه
 کندیسنی خلع ایتمکد قالمش اولدقلرینی شعبانه بیلدیردیلر .
 سلطان محمد ، کندیسنک تخته چتیمحق اولاد و اخفادنن بری ،
 دولتک قانونلرینه رعایت وعقل حکمتدن آیریلیرسه خلع ایدیلسنی
 سویلهمشدی . شعبانه شو سوزلری سویلهدیلر :
 هر شیئی قارمه قاریشیق ایتدیکنز . عسکر آردسنه نفاق
 دوشوردیکنز . برادریکنزی قتل ، باشلیجه امرادن برچوغنی توقیم
 ایتدیردیکنز . امور حکومتی تمامیه اهماال ایدمک یالکنز قادینلرله
 و شراب ایچمکله مشغول اولریورسکنز . عسکره ویریلن یرلری
 سز باشقهسنه صاندیکنز . »

بو مکتوب قاهره یه واصل اولونجه سلطان پک صیقینتی یه
دوشدی. مکه یه کیتمک تصورندن درحال وازکچدی. ذاتاً بونیتی
خلق آراسنده برچوق شکایت سبب اولمشدی. صوکره، امیرلریله
بالاستشاره، سوریه یه بر اردو کوندرمکه قرار ویردی. صوکره
امیرمنجکدن ده بر مکتوب آلدی. بو امیر اوکا کندی اختیار یله
تختدن اینمەسنى توصیه ایدیوردی. سوریه یه اردو کوندره جکی
صیراده آرغون سلطان ایله کیزایچه بر ملاقاتده بولوندی.
شعبان حد تلنەرك قیایچه کندیسنه اورمق ایستەدی. امیر
قاجدی و غیر ممنون سائر بر قاچ امیر ایله بر لیکده شام امراسنه
بر مکتوب یازد رق اولنره التحاق ایتمکه حاضر اولدق لری
بیایدی.

شعبان، ایکی قارداشک اولدی رله سی ایچون امر ویردی.
بونلرک کندیسنه خلف انتخاب ایدیلەلرندن قورقیوردی. فقط
قادینلر قتله مأمور اولانلره ممانعت ایدەرك بو امرک اجرا سنه
میدان ویرمدیلر. مع مافیه شعبان قرده شلرینى توقیف وبر
طرفه حبس ایتدیردی. قادینلرک حیغلی سرایدە بویوک بر تلاشه
سبب اولدی. بوتون مملوکلر طویلان دیلر. سوریه یه کیده جک
میلیس عساگری قبة الظفر دچکیا دیلر. آرغون، سلطانە عسکرلرک
یاننه کیتمەنى توصیه ایتدی. مملوکلری طویلامق ایچون ترامیت چالندى.
بر خیل سی اطاعت ایتدیلر. شعبان بیک سوارى ایله چیقدی.
سوقاقلردن کچرکن خلەك سەاونتی رجا ایدیوردی. یولده

سواریلردن آلتی یوزی کندیسنی ترک ایتدیله . قبة الظفره واصل
اولدیغی زمان آق سنقر یاننه یاقلاشهرق تختندن واز کچمه سنی
توصیه ایتدی . شعبان اغلامغه باشلادی . آق سنقر عسکرلرینک
نزدینه عودتله سلطانک فراغتہ راضی اولدیغی خبر ویردی .
بومناسبتله برخیلی کورولتو اولدی . سلطانک طرفدارى امیرلر
بوکامانعت ایدیورلردی . غوغاچیتدی . سلطان مغلوب اوله ورق
جبل حصارینه قاجدی . اوراده والدینک یاننده صاقلاندى .
بوتون میالیس عسکری سلطانى تعقیب ایتدیله . سلطان توقیف
ایدیلدی ، زنجیره اورولدی . برادرلری امیر حاجی ایله امیر حسین
محبسدن چیقاریلدى . امیر حاجی سلطان اعلان ایدیلدی (۱) .
برقاج کون صوکرده شعبان اولدیریلدی (۲) . شعبان آنجق برسنه
واللى سکر کون حکومت ایتشدی . مصرده سلطنت ایدن حکمدارلرک
الکفناسی کی تلقی اولونمقددر . ذوق و صفا سندن باشقه برشی
سو مزیدی . بو اوغورده اموال دولتی صاناردی . قادیلری
و خدمتجیلری پک صاحب نفوذ ایدیلر . قان دو کمکدن ده ذوق
آلیردی .

۱۳۴۶

یکی سلطان ، اول امرده سلانک دورلودورلو اویونلرله توجهنی
قازانمش کیمسه لری و خزینہ بی صویان بونلره مماثل آدمیلری
قوغدی . بوتون سوریه امراسی کندیسنه بیعت ایتدیله . شعبانک

ابوالمحسن
ابن شحنة

[۱] ۷۴۷ سنه سی جمادی الاولک ۲۹ نجی کونی .

[۲] جمادی الآخرک ۳ سنه .

طرفی اوزون مدت التزام ایتیش بعض امرایی عزل ایله هر طرفه آسایشی تأمین ایلدی . صوکره قبة الظفره کیتدی (۱۱) . رسمی آلائی ایله قاهره یه کیردی . صوکره (۱۲) بعض امرایی توقیف ایتدیرمک ایسته دیکی جهتله قاهره ده بویوک بر اغتشاش چیقدی . بعض امرای قتل اولوندی . هر شی سکونت بولدقن صوکره سلطان کندیلرینه احسانلرده بولوندی . بو مناسبتله سوریه ده ده اغتشاش چیقارماسدن قورقدیغی جهتله اورایه بر اردو کوندردی (۳) . شام والیسی امیریل بوغا سلطانک امری اوزرینه توقیف اولوندی . فقط سلطان حاجینک امیر اوغوزلویه پک چوق حکم ونفوذ بخش ایتمه سی اونک هر کون سلطان دن نائل اولدیغی التفاتلری قیصتانان سائر امرانک هیچ خوشنه کیتمه یوردی . بوتون ایلری کلندر کندیلرینک اموالی بی پر واضبط ایدن بوا میردن قورقیورلردی . اوغوزلو اسکندریه حبس خانه سنده محبوس بولونان بر چوق امرانک اموالی ضبط ایچون اونلری اولدیرتمه یی سلطان ه توصیه ایتدی . فقط صوکره سلطانک ده غضبنی تحریک ایدنجه توقیف ومصر ده قتل ایلدی . کندیسنی سلطان اعلان ایتدیرمک املنه دوشمشدی . حاجیه برادری کبی ذوق وصفایه ک انهماک کوستردیکندن ، پک چوق امیر قتل ایتدیردیکندن .

[۱] جاذی الآخرک بشنبی بازار ایرته سی کونی

[۲] ۷۴۸ سنه سی ربیع الاولنده .

[۳] جاذی الاول آینده .

ویرادری شعباندىن زیاده فئالىق ایتدککندن دولایى مؤاخذهده بولونورلر . ایشته بوتون بوسیأتندن دولایى مملوکلر اونى خلع ایله یرینه برادری حنى تخته کچیردیلر ۱۱۱ .

بوده سلطان محمدك اوغلى ایدی . مملوکلر رادری حسینى تخته حیقارمق ایستەمشلردی . فقط کثريت حنى ترجیع ایتدی ۱۲۱ . اوکا ناصر سیف الدین لقبنى ویردیلر . تخته چیقدیغى وقت اون بر یاشنده ایدی . جالوسنك ایرتهسى کونى بوتون امیرلر طویلاندیلر . اسكى سلطانك معیتنده بولونان امرایى خزینهدن آلدقلىرى اعادهیه مجبور ایتدیلر . بعضیلرینك اعاده ایتدکلى مجوهراتك قیمتی یوز بيك آلتون سکهیه بالغ اولیوردی .

امیر شیخون نائب حکومت تعیین ایدیلدی . موغولتایده اصطبل عامره مدیرلیکنه کچدی . حاجینك خلغى ووفاتى خبر ویرمك ایچون سوریهیه مأمورلر کوندریلدی . سلطانك مصارفى حقتنده نظامات وضع ایدیلدی . نفوذلى پك آرتقمده اولان چركسلك صائىلارنه قرار ویریلدی . امیر بیبغاروس مصر والیسی اولدی . برادری منجك سلحدارلغه نصب اولوندی . چركسلردن برخیلیسى قتل ایدیلدی ، بعضیلرى ده سوریهیه داغیتلدى .

صوکره مصرده وبا ظهور ایتدی (۳) . بر مدت قاهرده

۱۳۴۸

[۱] ۷۴۸ سنهسى رمضانده .

[۲] رمضانك ۱۴ نجى صالى کونى .

[۳] ۷۴۹ سنهسنده . اك زیاده شعبان ، رمضان وشوال آیلىرنده

شربتلى ایدی . ۷۴۸ سنهسنده باشلامشدر .

کونده اون اون بش بيك كشي وبادن تلف اولدى . اولولر ابوالمحاسن
 ماصه لر ، مردبونلر ، حتى قاپيلر اوزرلنده طاشينيور ، صورت
 مخصوصه ده قازيلان چوقورلره آتيايوردى . بووبا بوتون دنيانى
 دولاشدى . بر عرب مورخنه نظراً ابتدا تاتارستان خانك
 حكومتنده باشلادى (۱) . فى الحقيقه ، چين تاريخلرلنده اولكى
 سنه لرده اون اوچ ميليون كشيدين فضله آدم تلف اولديغنه ،
 بويوك فيضانلر وقوعه كهرك بوتون مملكت خراب وپك چوق
 كشي غرق اولديغنه ، بويوك حركت ارضلر حس ايديلهرك بر چوق
 داغلك ييقلايغنه ، اولجه مجهول بر طاقم كوللر وجوده كلديكنه
 و ممالكك هر طرفى حشرات ايله دولديغنه دائر قيدلر واردر .
 جسدلرك قوقوسى هر طرفه يايلايوردى . وبا ابتدا چينده
 و تاتارستانده ظهور ايدرك اورادن قاپچاق تاتارلرينه ، صوكره

[۱] مه زه راي Mézerai عيني شيشى سويله يور . بوندن دها مدهش
 و هلاك بروبا اولماشدر . بوتون دنيابه ياباشدر . بوخسته لقدن ضرر كورمه ينى
 بر قصبه ، بر او قالمادى . ۱۳۵۶ سنه سنده خطاي حكومتنده باشلادى .
 ابتدا غايت پيس قوقان بر آتش بخارى چيقدى و ايكي يوز فرسوخاق
 مسافه يي اوصورتله تخريب ايتدى و هوايى اوتدرا فساد ايلدى كه كوچوك
 ييلان ياورولرى وزهرلى بوجكار ياغموركى ياغمورلردى . خطايدن آسيابه
 يوفانستانه ، اورادن آفريقيه و صوكره آورپاه كچدى و تاتارلار قدر
 هر طرفى برباد ايتدى . زهر اوتدر سارى ايتدى كه كورله باقيا نجه بيله
 اولديريوردى . باشلادى مملكتلرده بش آي حكم سورديكنه دقت
 اولونمشدر . اك آز ضررديده اولان شهرلرده اهالينك آنجق بر ثاش
 قورقولا بيلمشدر . فقط يك چوق يردنه اهالينك آنجق اون بشده ،
 يكرميده برى قالمشدر .

استانبوله ، قیصریه رومه و آنطاکیه به کچدی . قاقچق ایسته ینلرک
چوغی یوللرده اولدیلر . خسته اق قرده مانده و قیصریه ده هر کسی
اولدیردی . بو مملکتده کی کوردلر کندی یرلرینه قاقچق ایسته دیلر سده
هر طرفی و بانک صارمش اولدیغنی کوردیلر و اولدیلر . سیس
الکاسی یعنی کوچوک ارمنستان بالخاصه مصاب اولدی . تمکفور
یعنی قرال تبعه سنک بر چوغیله برلکده وفات ایتدی . عرب
مورخنک افاده سنه نظراً ، چینده او قدر شدتلی یاغمورلر
یاغدی که ۱۸۱ انسانلر ، حیوانلر ، حتی قوشلر بیله کلیتلی صورتده
تلف اولدیلر . مملکتده هان نفوس قالمادی . بو مدهش وبا
هندستانی ده تخریب ایلشدر . بغدادده انسانلر چارچاق اولیورلردی .
حاب ، شام قطعه سی ، مار دین و دیار بکر ، صفد ، قدس ، کرک ،
نابلس ، رمله و فیاتک و ضلغندن دولای عادتاً بوشالمشاردی .
یوللرده و کاروانسرایلر ده نعلشلردن باشنه برشی کور و لمه یوردی . یالکز
معره النعمان ، شهر زور و حارم شهرلری بو آفتدن مصون
قالدیلر . حلبده کونده بش یوز کشی وفات ایتدی . غزه ده
بر بوچوق آییچنده وفیات ایکی بیک کیشی بی بولدی . مواشی ده
تلف اولیوردی . صوکره دن ینه عرب مورخنک بیاناتنه نظراً ،
آوروپایه کچدی . ابتدا حیواناتدن باشلادی ، چوجوقلره
سرایت ایتدی و هر طرفه یاییلدی . قبریس آطه سی اهالیسی بوتون
مسلمان اسرایی اولدیردیلر ، چونکه بو مدهش فلاکت اتناسنده

آطه‌یی ضبط ایتمه‌لرندن قورقمش‌لردی . بو وبا ائناسنده بر اقشام شدتلی بر روزگار چیقدی و بویوک بر حرکت ارض وقوعه کلدی . ده‌کیز قاباردی ، بر چوق سفائن پارچه‌لاندی . قبریس اهالیسی نره‌یه کیدکلرینی بیلیمکسزین قاجیشیورلردی . بو فیرطنه‌دن برخیلی تلفات اولدی . بعض کیمسه‌لر جوار آطه‌لره قاجیق ایسترکن یولده اولدی‌لر . بوتون آطه عادتاً بوم‌بوش برحاله کلدی . آطه‌یه عودت ایدن اون‌اوج تجار طرابلسه کچدی‌لر . اوراده اولومدن قورتولامادی‌لر . حرکت ارضه تقدم ایدن روزگار او قدر مردار بر فوقو نشر ایتمشدی که انسانلر یرلره دوشیورلر و چیرپینه چیرپینه ترك حیات ایدیورلردی . ایچنده بعض قبریس تجارلری بولونان کمیلر اسکندریه‌یه کلدیلر . بو فراریلردن يك آزی قورتولدی .

بو وبا ایتالیایی ، سجلیایی ، مایورقه‌یی ، اسپانیایی تخریب ایتدی . اندلس ولایتی هان هان هیچ اهالیسنر قالدینی جهته آمریق‌لایلر خزائن‌ی یغمال‌یچون کلدیلر . فقط هپسی و بایه طوتولدی‌لر و اولدی‌لر . غره‌ناطه حکومتی بو آفته معروض قالمادی . آفریقاده خسته‌لق حیوانلرده کچمشدی . اتلری سیم‌سیاه اولیورلردی . وبا اسکندریه‌یه قد بوتون برکه‌الکاسنی تخریب ایلدی . اسکندریه‌نك اولری قاپاندی . اولولر او قدر چوقدی که کومکه امکان یوقدی . نعلشاری بین قوشلرده تلف اولیورلر و تعفنی آرتیریورلردی . خسته‌لق اسکندریه‌دن دمنه‌وره و تاروجه‌یه کچدی . محله‌ده

بارلاری سورە جك آدم قالمشدى . شام خستەلقدن پك ضرر
 ديدە اولدى . كوش ميزان بر جندە اولدىنى جوتلە نصف الليله
 دوغرو غایت شدتلى بر روزگار چىقدى ، صباحە قدر دوام
 ايتدى . طلوع شمسدن ايكي ساعت صوكرە يە قدر بو روزگار
 كسيلمە مشدى . صوكرە او قدر شدتلى بر قراكلق چو كدى كه يان يانە
 دوران انسانلر بر لر ينى كورمە يورلردى . قاراكلق كچد كدن صوكرە
 چهرەلر صاپ صارى كورونىوردى . صوكرە بر چوق تلفات
 وقوعە كلدى .

قاھرەدە بووبا ابتدا قادينلردە و چو جوقلردە باشلادى . بو ائنادە
 سلطان سيرياقوسە چكىلدى وقاھرەدە هر كسك دعا ايتىنى امر
 ايتدى . وبا كيتد كجە آرتيوردى . بوتون وجوددە بر التهاب جس
 ايدىليوردى . آغزى دن قان كليور آرقە دن موت تعقيب ايليوردى .
 ايچندە بر وبا وقعە سى ظهور ايتمش اولان اوده كيلر او كيجه
 ايچندە وفات ايدىيورلردى . موت او قدر سريع اوليوردى كه
 دو ققورە مراجعت ايتمكە وقت قالمايوردى .

بومدهش آفت ايتاليادن فرانسه يه كچدى واورادە بويوك	مزرراى
تخريبات ياپدى . خستەلق قاصيقدە ويا قولتوق آلتندە بر شيش	فليبيەن
ايلا باشلايوروم صاب اولانلرى ايكي اوچ كون ايچندە كوتور ييوردى .	دانمارقە تاريخى
اينوسان مزارلنى امشارلە او قدر دولدى كه مزارلنى قايامغە مجبور	
اولديلر . پارسك اوتل ديوخستە خانە سندنە وفيات كونده بش يوزى	
كچيوردى . خستەلق صوكرە انكلترە يه ، آلمانيا يه و شمال	

طرفلرینه سرایت ایتدی . دانمارقه بالخاصه پك شديد ضرر کوردی .
قیرلر بوشالدى . تجارت اوزون مدت سگمته یه اوغرادى .
هر سنه غروئنلانده کوندریلن سفینهلرک ارسالندن واز
لچیلدى . سیاده وبا (۱) نامی ویریلن وچینده ظهور ایدوب بوتون

[۱] بومسئله یه دائر سنه سنه یایدیقم تدقیقاتک عرضنه مساعده
بیورلمه سنی استرحام ایلم . ۱۳۳۳ سنه سنده چینده ، ایمپراطورلغک
پایتختی اولان کینگ ساید اوقدر مبدول یاغمورلر یاغدی که درت یوزبیک
آدم صو آلتنده تلف اولدی . عینی سنه قیانغ وهوآی نهرلری قییسنده
بویوک بر قوراقلق اولدی و بونی بر قیطلق تمقیب ایتدی . اون برنجی
شهر قریده قین چه ئو داغی ییقیلدی ، یر آچیلدی . ۱۳۳۴ بهارنده ایلك
شهر قریده تسین چه ئوده و له آنغ چه ئوده برقان یاغموری یاغدی . اوچنجی
شهر قریده چانغ ته سو اراضیسنه سمادن برنوع تویردوشدی و چونغ یوئه نده
مختلف حادثات وقوعه کلدی . شانتونغه بویوک فیضانلر اولدی . چه سی
داخلنده ایسه بالکس مدهش بر قوراقلق حکم سوردی و وبا غلته
سببیت ویردی . بش میلیون قدر آدم تلف اولدی . سکزننجی شهر قریده
کینگ ساید بر حرکت ارض حس ایدیلدی و کینگ مینگ شان داغی ییقیلدی .
بر کول تشکل ایتدی که چورده سی یوزلی وسعتنده ایدی . بر چوق کشی
هلاک اولدی . هو قو آنغ وهونان داخلنده اوچنجی شهر قریدن سکزننجی
شهر قری یه قدر هیچ یاغمور یاغمادی . بوتون قیرلر بوجک و حشرات
دولدی . امالی هر طرفدن تلف اولیورلردی . ۱۳۳۶ ده چینده بویوک
فیضانلر کورولدی . عینی زمانده بوجک و حشرات خارق العاده بر صورتده
آرتدی و مدهش بر قیطلق حس ایدیلدی . تنغ چه ئوده اوتوز کون متمادی
یاغمور یاغدی . بوتون نهرلر طاشدیله . برده وبا ظهور ایتدی . هو آم-
چه ئوی بوجکلر باصدی . قیانغ طرفلرینه دوغرو بهاردن سکزننجی
شهر قری یه قدر هیچ یاغمور دوشمادی . بوتون خلق سفالتدن تلف
اولیورلردی . عینی زمانده وایرته سی سنه ظرفنده مزرا بک روایتنه نظراً

دنيايه سرايت ايدن خسته لاق مختلف ملترك بربرلريله هانكي طريقلر
تعقيب ايددرك تجارت ايتدھلريني واميد بوروني دولاشلمه دن اول
امتعه نك تا شرقدن آوروپانك براوجنه قدر ناصل كتيريلديكني
كوسترمكه خدمت ايدر . اوزمان چين قطعه سي و تانارستانك

پارسيده مدھش حادثات جويا ۱۳۳۷ سنه سنده چينده قيانغ جوارلرنده قیطلقدن درت
ميايون كشي وفات ايتھدر . هونانده يدنجي شهر قريده پك عظيم صيجاقلر
اولدی ، شرق طرفندن شايان حيرت درجدهده مېندول حشرات كادي .
قینغ سايده سكزنجي شهر قريده اوتوزگون پك شدتلي ياغمورلر ياغدی .
طاشان نهرلر انسانلری ومواشي بي آلوب کوتوردیلر . وقوعه كان عظيم
حرکات ارضيه بوتون مباني بي يقدی ، پك چون كشي بي ازدی .
بوزلزلر آلتی كون سوردی . ۱۳۳۸ سنه سنده سكزنجي شهر قريدن
صوكره قينغ سايده اولان زلزله اون كون دفعات ايله تكرر ايتدی .
اوتارنخده فرانسه ده بويوك بر قیطلق حكيم سورمشدر . ۱۳۳۹ سنه سنده
پين چه ئوده وقوعه كان بويوك فيضانلرده برچوق كشي بوغولدی . ۱۳۴۰
سنه سنده قينغ ساي الكاسنده عيني فلاكتلر تكرر ايتدی . ۱۳۴۱ ده
چينده بويوك بر قیطلق اولدی . ۱۳۴۲ ده تاتونغ فو ده او قدر مدھش
بر قیطلق وقوعه كندی كه انسانلر بربرلريني يديلر . اوچنجي شهر قريده
قینغ سايده بوزلزله اولدی . عيني سنه ده ، « قرونك مارتينيهن » نظرأ
حر طرفدن او قدر صولر طاشمش وفيشقيرمشدر كه قولونيا شهرينك سورلری
اوزرنده قاييق ايله بزيه يامشدر . بوندن دولاي برچوق كويريلر « قوللر
يقيلمشدر » . ۱۳۴۳ ده هونغ چانغ داغي مھدم اولمش ، ير آلتندن
فیشقيران صولر برچوف كشي بي بوغمشدر . يدنجي شهر قريده پين چه ئوده
وله آنگ چه ئوده مدھش فيضانلر وقوعه كندی . دردنجي شهر قريدن يدنجي
شهر قري به قدر متصل ياغمور ياغدی . يدي شهر صو آلتنده قالدی .

بويوك بر قسمی عینی حکمداره تابع ایدی و بو حکمدار تاتار ایدی .
 تاتارلر یا خود موغوللار قورەدن پالوس مه ئوتیدس Palus Moeotides ه
 وقریمه قدر اولان بوتون ممالک صاحبدیلر . مختلف حکمدارلر
 اداره سنده اولقله برابر اوزمان تک بر ملت تشکیل ایدیورلردی .
 تجارلر چیندن قریمه قدر سربستجه کیده بیلرلردی و فی الحقیقه
 کیدیورلردی . اورادن ، امتعه استانبوله نقل اولونیورلردی .
 بوتون آوروپا اقوامی ده اورایه کیدردی . بناءً علیه بو شهر دن
 خسته اغک بر طرف دن بوتون غربه یایلادیغنی و دیگر طرف دن آنطاکیه
 شهری و سوریه نك سائر بوتون مهم شهرلری واسطه سیله اسکندریه یه
 و قاهره یه کیردیکنی ، هنده قدر صوقولادیغنی قولایجه آکلامق
 قابلدی . هندستانه و دوغرودن دوغرویه چین تجارتی واسطه سیله ده
 کیره بیایردی . شرقده من القدیم و بایه قارشی کوستریلن اهمال

عینی سنه مصرده و سوریه ده ده شدتلی حرکات ارضیه اولدی . ۱۳۴۴ ده
 یدنجی شهر قمریده وقیچه ئوده بويوك بر حرکت ارض وقوعه کلدرک ده کیز
 طاشدی . ۱۳۴۵ ده قیچه ئوده ینه بر حرکت ارض حس ایدیلدی .
 ۱۳۴۶ ده ایکنجی شهر قمریده شانغ تونغ ده زلزله اولدی . بشنجی شهر قمریده
 شانسیده بويوك بر قیطلتی چیقادی . صوکره سکزنجی شهر قمریده شدتلی
 فیضالر کوزولدی . ۱۳۴۷ ده شان تونغه شدتلی حرکت ارض اولدیغنی کي
 کوک کور و اتوسنه مشابه سسلر دد ایشیدیلدی . تونغ پینگده اوچنجی شهر قمریده
 وقوعه کان بر حرکت ارضده صولر قبار دیلر و غایت چالقاندیلر . هونغ تونغ
 بويوك بر قور اقلقه معروض قالدی و برچوق کشی تلف اولدی . صوکره
 بر مدت چین قطع سی بوسلسله مصائبه معروض قالادی . بونک نتیجه سی
 اولان وبا دنیا نك اقسام سائر هسنی تخریب ایدوب دوردی .

خسته لغك ترقياتي تسهيل ايتدى . وباليلى شھرى ترك ايدەرك
باشقە بر شھرە التجا ايدىيورلر و كندىلرلە برابر بر فلاكت
كتىرييورلردى . آوروپالىلردە خستە لغك اوكنە كچمك خصوصەندە
شرقليلردن داھامتيقظداورائماديلر . آرالرنده كى مناسبات دولايىسىلە
بوتون غەربەياديلر . بو صورتلە دنيانك سكنەسنىك آلتيدە برى
محو اولدى . ايشتە منشائى مجهول اولان بر طاقم فلاكتلر بويلە
وجود بولويور . وياواش ياواش بتون دنيابە انتشار ايدىيور .
بو وياعنى قطعەلردن كەمش و دنيايى تخرىب ايتش باربارسورولرينە
تشبيھ ايدىلەبىلر . نوع بنى بشرك تاريخ عمومىسى پيش ملاحظە
آلنەرق ومختلف اقسامى يكدىكريلە مقايىسە اولنەرق سطح
ارضى دكيشديرن انقلابات عظيمە يى آكلامق قابل اولابىلر .
بونلرك منشاءلرني ، سىرلرني واك اوزاق مملەكتلردە بربرلرلە
حائز اولدقلىرى مناسبتى بو صورتلە كوردە بىليرز .

بو مدهش وقعە ، حسنك زمان سلطنتندە تحدث يدن احوالك
اك دهميدر . سائر حادثات امرا آراسىندە وقوعە كلن بعض
نفاقلرە ، امرادن بعضيسنىك وبالخاصە منجكك عزلنە [۱]
انحصار ايدر . منجكك عزلى اوزرينە صفد واليسى امير احمد
ايلە امير بىبغاروس عصيان ايتديلر . بونلرە قارشى سوريە يە عسكر
يوللامق انجام ايتدى . كيدن قوۋە تآديبە عاصيلرى طوتدى ،
يمنەدە منيدەدە بر موفقيت احراز اولوندى . اورادە حەمران

۱۳۵۰

اولان مجاهد علی یا قەلاندی. مصر لیلر مجاهد علینک برادری
 عجلانە مظاهرت ایدیورلردی. مجاهد علی مصرە کتیریلدی ۱۱۱. ۱۳۵۱
 صوکرە اورادە، ینە دونمک مساعده‌نی استحصاال ایتدی .
 سلطان ، امرادن بعضیلرینی توقیف ایتدیرمک ایستەدیکی
 ایچون منحلای بوغاموغولتای ودها بعضیلری قبة الظفرە چکیلدیلر ۱۲۱.
 عصیانلرینک سببینی اکلامق اوزرە، سلطانک کوندردیکی اسیرلری
 توقیف ایله‌دیلر . عاصیلر کیتدکجه قوتلندکلری جهتله سلطان
 کندیلکندن استعفا ایله قیلجینی اونلرە کوندردی و زوجه‌لریله
 برلکده چکیلدی. عاصیلر حصارە کلدیلر ، قادینلرک فریادینه رغماً
 سلطانی ، یا قەلادیلر و برادری صالحی تحته چیقارمغه قرار
 ویردیلر ، حسن اوچ سنه، دوقوز آی واون درت کون حکومت
 سورمشدی. زمان سلطنتی اغتشاشات وفلاکت ایچنده کچدی .
 سوریه و تبابید عربلری عصیان ایتدیلر .

اساساً صالح اسمنی طاشیان یکی سلطان ینە صالح
 لقبی آلدی . سلطان اعلان ایدیلر ایدیلر امیر بزلاز
 سوریه امیرلرینک بیعتی قبول ایتمک اوزرە سوریه کوندریلدی.
 صوکرە خزینەنک حالی تدقیق ایدیادی و بوشالمش اولدینی کورولدی .
 امیر شیخونی عفو ایتهمی ایچون سلطانە استرحامده بولوندیلر .
 محبوس بولندینی اسکندریه دن قاهریه کتیردیلر . فقط بعض

[۱] ۷۵۲ تاریخنده .

[۲] ۷۵۲ سنه سی جہازی الاخرینک ۲۷ سنده .

امرا بو امیره عظیم معاش ریزمک لازم اولدیغی جهتله تخلیه
ایدیله سندن ممنون اولمادقاری ایچون بارکیرلره باندیلر و مملوکلرینی
تسلیم ایتدیلر . برقاچ کشتی تلف اولدی . سلطانه عاصیلرک
حسنی تکرار تخته چیقارمق ایسته دکلرینی سویله مشلر و بوکا
اقناع ایتشلردی . سلطان بوتون میلیس عسا کرینی طوپلایدیق
امیر طاز ایله قبة الظفره یورودی . اوراده سیور غاتمیشی بولدی که
اوده امیر موغولتای ایله منکلی بوغایی چاغیرتیوردی . بو ایکی
امیر توقیف واسکندریه یا اعزام ایدیلدیلر . بوندن یاک ممنون کورون
سلطان جبل حصارینه دوندی و مشیخون تخلیه اولوندی . حسنک
زمان سلطنتنده حبس ایدیش اولان بعض امرا اسکی مقاملرینه
اعاده ایدیلدی . سیور غاتمیش بوسلطان زماننده صوگ درجه ده
صاحب حکم و نفوذ اولدی . شیخون و طاز کی بعض امرا بوندن
قوشقولاندقاری . ۱۸۱۱ میلادی کندن استغایه مجبوریت
حس ایتدی و بو مأموریت شیخونه ویریلدی . سوریه ده بعض
قیاملر وقوعه کلدی . بیغارون حلبده سلطان عنواتی و عادل
نقبنی آلدی . مصره حرب کیتمه و امیر طاز ایله شیخون و سائر
امرائی توقیف ایتکه نیت ایتشدی . بوتون تورکمنلریله قراجه
کندیسنه مظاهرت ایدیوردی . سلطان ، امیر طقطای حلب ،
حما و طرابلس امراسنی دائره وظیفه ده دعوت ایچون سوریه
کوندردی . طقطای ، سلطانک وجودینه لزوم اولدیغی مصره

۱۳۵۴

بیلدیرنجہ سلطان بوتون میلایس عسکریلہ در حال یولہ چیقدی ۱۱۱.
 بواثنادہ بیدغاروس شامی ضبط ایتک املیہ اورایہ یاقلاشیور
 وەر کچدیکی یری تخریب ایدیوردی . فقط قلعه نی الہ کچیردمدیکی
 ایچون حلبہ چکیلماکہ مجبور اولدی . سلطان شامہ کیردی ۱۲۱.
 امیرلری، حلبده تحصن ایتمش اولان بیدغاروس اوزرینه یورودیلر .
 عاصی مغلوب ایدیلدی، حلب اہالیسی کندیسنه قارشی قیام ایتدیکی جہتلہ
 قاچدی و بوتون اشیالرینی براقدی . سوریه شہرلرینه یکی والیلر
 نصب اولوندی . سلطان دہ قاهرہ دہ دوندی ۱۳۱.

سرایدہ بولونان بوتون امرا سرائیک ایچنی انتریقہ ایلہ دولدیریور
 لردی . اونلرلہ صیقی الفت سلطان ایچون دائما فغانتیجہ ویریوردی .
 سیور غاتمیش ایلہ طاز چوقدن بری برلرندن متوحش بولونیورلردی .
 شیخون بونلری بارشدیر مغہ اوغر اشیور سہدہ موفق اولامایوردی .
 نہایت طاز ، رقبینی محو ایتک فکریلہ بر اغتشاش چیقار مغہ
 قرار ویردی . طازک، برادری و مملوککری ایلہ برلکدہ آوہ کیتہ سی
 و غیبوتی اثناسندہ طرفدارلرندن بعض امرانک سیور غاتمیشی
 توقیف ایتہلر، قرارلاشدی . فی الحقیقہ بوتصور موقع اجرایہ
 وضع ایدیلدی . فقط طازک طرفی مغلوب اولدی . سیور غاتمیش
 بوتون مملوککریلہ در حال شیخون نزدینہ کیدہ رک طازی التزام
 ایدن سلطانک خلعتی طلب ایتدی . شیخون اونلرک بو آرزولرینہ

[۱] ۷۵۳ سنہ سی شہباندہ .

[۲] رمضان آیندہ .

[۳] شوال آیندہ .

ممانعت ایتمك ایسته دیسه ده فائده ویرمدی . سلطانی خلع ایتمك
وعاصیلرك ایسته دکاری حسی تکرار تختیجیه ارمق لازم کلدی ۱۱۱ .
صالح آنجق اوج سنه . اوج آی اون درت کون حکومت
ایتمشدی . حصاره قاپاندی ، اولونجه یقدر اوراده قالدی ۱۲۱ .
بوسلطانك هیچ بر حکم و نفوذی اولمامشدی . حکومتی شیخون ،
طاز ، سیورغاتیش اداره ایتملردی .

۱۳۵۴

محبسنندن چیقاریله رق تخته اجلاس ایدیلن حسن ، ناصر
عنوائی محافظه ایتدی . تخته چیقار چیقماز طازی توقیف ایتدیردی .
فقط شیخون توسط و شفاعت ایدرک اونو حلب والیسی پایدیردی .
برقاج سنه سکون ایچنده کچدی . صوکره ، سلطان معیتنده
بوتون امراسی و قاضیلری اولدینی خالد ۱۳۱ اجرای عدالت
ایتمکده ایکن ، مملوکلر ندن بری امیر شیخونه برقاج قیلیج ضرب بهسی
ایندیردی و اونو یارالادی . شیخون سرایدنقل ایدیلدی ، یارملری
صاریلدی . سلطان بونده کندیسنك هیچ بر مدخلی اولمادیغنی
تأمین ایتدی . قاتل استنطاق ایدیلدی کی زمان ایسته دیکی تخصیصاتی
شیخون باشقه برینه ویرمش اولدیغنی جهتله اونو اولدیرمکه عزم
ایتمش اولدیغنی سویله دی . بر آرز صوکره امیر شیخون وفات ایتدی .
بو ، سلطان ایچون بویوک بر ضیاع اولدی . چونکه اونك نصیحتلریله

ابوالمحسن

ابن شحنة

۱۳۵۷

[۱] ۷۵۵ سنه سی شوالنك اکیسنده .

[۲] ۶۷۱ سنه سی ذی الحجه سنده ، ۱۳۵۹ تاریخ میلادی سنده .

[۳] ۷۵۸ سنه سی شعباننده .

حرکت ایدیوردی. قاهره ده پک کوزل بر مدرسہ یایدی کهموجود
مسلمان مدرسہ لرینک اک کوزلیدر. هر طرفدن استادلر وبالخاصه
ریاضیه علماسی جالب اینمشدی. شیخونک وفاندن صوکره اک برنجی
منصب حکومتی سیور غاتمیش اشغال ایتدی. فقط زانکین اولمقدن باشقه
برشی دوشونمیدی. سلطان، امیر طاز ایله برلکده کنديسنی توقیف
ایتدیرمکه مجبور اولدی (۱۱) ایکیسینی ده اکنندریه حبسخانه سنه
۱۳۵۸ کوندردی. سیور غاتمیشک سرابی یغما ایدیلائی، بوتون مملوکلری
قیلیجدن کچیریلائی. بو سلطانک زمان حکومتنده (۲) مصرده
۱۳۶۰ مدهش بر وبا ظهور ایتدی. امیر یل بوغا (۳) اک بویوک
مناصبه کچیدی. صوکره سلطان بوکانام اولدی. توقیف
ایتدیرمک ایسته دیسه ده پک چوق مقاومتہ معروض اولدیغندن
قاجقوجبل حصارینه قایمق مجبوریتنده قالدی. قاهره ده یل بوغا
ایله سلطانک ضابطانی آرسنده بر مصادمه وقوعه کلدی. حسنک
التجا کاهنه قدر صوقولوب هجوم ایتدیلر. مقتوللر آرسنده
حسنک ده نعشی بولوندی. تقریباً اوتوز یاشلرنده ایدی. آلتی سنه،
یدی آی حکمران اولمشدی. یل بوغا حصاری، خزینہ یی،
اسلحه یی، بارکیرلری و دودهلری، سلطان حسنک مالک اولدیغی
شیلرک کافه سنی ضبط ایتدی و تختہ سلطان حاجینک اوغلی محمدی
چیقاردی. حسن کنديسندن اولکی تکمیل حکمدارلرک فضایحنه

[۱] ۷۵۹ سنه سی رمضانده .

[۲] ۷۶۱ سنه سندن ایرته سی سنه یاشلانغجه قدر .

[۳] ۷۶۲ سنه سنده .

مالك دكلدى . قادينلرى سوردى وبونلر سياحتلرنده كنديسنه رفاقت ايدرلردى . تبعه سنى ده پك سوردى بوتون قصورى مملوكلارنى پك يوكى كىلىمى سندن عبارتدى . سبب فلاكتى بومملوكلر اولدىلر . فقرايه پك چوق صدقه ويرىردى .

۱۳۶۱

عاصيلر طرفندن تخته چيقاريلان محمد (۱) منصور ابوالمعالى ناصرالدين لقبى آلدى . اون درت ياشنده ايدى . اميريل بوغا نائب حكومت تعيين اولوندى . يكي سلطان اسكندريه ده محبوس بولونان بوتون اميرلرى سربست براقدى . شام واليسى حـنك وفاتى خبر آلىر آماز عصيان ايتدى (۲) . سلطان بر اردو ايله شمه كىتمك اوزره درحال قاهره دن چىقدى . اميرلر شام قلعه سىنه قاپاندىلر . فقط يل بوغا كندىلر يىنه بعض تىكليفاتده بولوندى . بونلرى قبول ايتدىلر . امكان حاصل اولواولماز يل بوغا هپسنى توقيف ايتدىردى اسكندريه يه يوللادى . بر آرزو كره (۳) امرا ايله متفقاً سلطان محمدى خلع ايتدى . كنج سلطانك افراطه واران چاپقىنلى هر كسى غليانه كتىرمشدى . خلع ايدىلن سلطان حبسه آتلىدى . اولونجه يه قدر اوراده قالدى (۴) . آنجق ايكي سىنه اوچ آي آلتى كون حكومت سوزمىشدى .

۱۳۶۴

[۱] ۷۶۲ سىنه سى جمادى الاولنك دو قوزنده .

[۲] ۷۶۲ سىنه سى شعباننده .

[۳] ۷۶۴ سىنه سى شعباننده .

[۴] ۸۰۱ سى محرمك ۹ نجي كوشه قدر . ۱۳۹۸ تاريخ

ميلادى سىنه .

یل بوغا ایله سائر امرا مشهور سلطان محمدك اوغلی حسینك
 اوغلی شعبانی تخته چیقارمغه قرار ویردیلر . یکی سلطان اشرف
 ابوالفاخر زین الدین لقبی آلدی . اون یاشنده ایدی . خلیفه ،
 ۱۳۶۵ عادت موجبجه کنديسنه برات ویردی . یل بوغا نائب حکومت
 اولمقده دوام ایتدی . بوسلطانك حکومتی کلیکیاده طرسوسه قدر
 دوام ایدیوردی . اوراده بر وایسی واردی . شعبانك ایلک
 سلطنت سنه لرنده کی وقایع بوراده تفصیله ذکر براهیتی حائز دکلرلر .
 عزل و نصب ایدیلن بر طاقم امرانك اسملرنده موجب دقت
 هیچ برشی یوقدر . فقط فرانقلرك اسکندریه یی ضبط ایتدیرینه
 دائر ۱۱۱ قاهریه یه واصل اولان خبر هیچ ده بویله اهمیتسزدکلدی .
 یکی بر اهل صلیب تشکیلی ایچون آوروپا حکمدارلرینه بهوده یه
 مراجعتلرده بولنش اولان قبریس قرالی پیردولوزینیان اولدقجه
 مهم بردونانما ایله ردوسدن حرکت ایتدی واسکی اسکندریه
 لیمانی پیشگاهنه کلدی [۲] . قاره یه عسکر چیقارماسنه ممانعت
 ایچون ساحلده طوپلانمش اولان یکریمی بیک قدر مسلمان عسکری
 بللرینه قدر صویه کیردرك خرسستیان کمیلرینه هجوم ایتدیلر .
 فقط آرقه سنده قبریس قرالنك ایکی مارشالی ایله قونت دوتورهن ،
 پرنس دوغالیله ، ویقونت دوتورهن وبالذات قرال درحال کمیلردن
 چیقیدیلر ومهاجملری چکیلمکه مجبور ایتدیلر . نهایت ، مسلمانلرك

[۱] ۷۶۷ سنه سی محرمك ۲۳ نجی جمعه کونی .

[۲] ۱۳۶۵ سنه سنده سن ده نیس یورطینسده ، پنجشنبه کونی .

تفوق عددی سنه رغماً آنجق سگیز ، دو قوز بیک راده سند بولونان
 خرسیتیانلر ۱۱۱ اوسپیتالیه شووالیه سی ، دیگر بر نقطه ده بر هجوم
 حرکتی اجرا ایتدیکی صیراده قاره یه حیقیدیلر . بلامانعه بارکیرلرینی
 اخراج ایده بیللمش اولانلر صف حرب ترتیب ایدهرک مسلمانلرک
 اوزرینه هجوم ایتشلردی . مسلمانلر ایکی طرفدن هجومه معروض
 قالدیلرینی کورنجه فراره باشلادیلر ، شهره چکیلدیلر وقاپیلری
 قاپادیلر . قبریس قرالی عسکرینی دیکلندیرمک ، بارکیرلری وهنوز
 کیلرده قالمش اولانلری قریه اخراج ایتک ایچون ده کیز ایله
 نهر آراسنده قرار قیادی . اسکندریه سورلری پک چوق عسکر
 ومدافعه ایچون لازم دورلورلو آلات وادوات حربیه ایله مجهز اولدینی
 جهته قلعه نی ضبط ایتک امیدینی بسلامه ین خرسیتیانلر تکرار کیلره
 بیللمه سی فکر نده ایدیلر . فقط قبریس قرالی اطرافنده کیلری تشجیع
 ایدهرک اولنری هجومه اقناع ایتدی . اضعیف اولان کومروک
 قاپیسندن هجومه باشلادیلر . هجوم چوق شدتلی اولدی . خرسیتیانلرک
 کوستردیکی آثار شجاعته رغماً قبریس قرالک مابینجیسی
 پارسه وال عربلرک مقاومتی تأثیریه خرسیتیان عسکرلرینک کیری
 چکیلمکه باشلا هجفی حس ایدنجه کیدوب قراله اوسپیتالیه
 شووالیه لری ایله برالکده آلدینی موقعی ترک ایله امدادلرینه کلمه سنی
 رجا ایتدی . قرالک ورودی درحال قاپینک ضبط ایدیله سنه
 سبب اولدی . برلغمدن ایجرییه صوقولان بر کمیچی سورک

اوزرىنه چىقدى ، آرقەمدن كەڭىزدىيە باغىردى . خرىستىيانلار
برقىمى بوندن استىنادايتدىلار . آتشدن قورقش اولان مسلمانلار
آرتق ھىچ برىمقاومتدە بولونمادىلار .

قبرىس قرالى اسكەندرىيە كىردى . عسكىرلىرى شەھەر
داغىلدىلار . ھەرطرفى قان و آتش ايچىندە براقدىلار . قرال ايسە
شەرك ايچىندن كچەرك بوبر قايسىندىن دىشارى چىقدى . اورادىن
قاھرىيە كىدىلدى . قرال بركوپرونى يىقەرق دىشمىنلىرىنى كىندىسىنى
على الغفلا باصە بىلمەكەن منع ايتدى . ياندىدە جزئى مقدار دە
شوالىھلارلە جسورانە يورودى . يولى كىمكە چالیشان مسلمانلار
رغما شەھەر كىردى والا آن مقارمىت ايدىن بعض موقعلىرى دە جىرا
ضبط ايتدى .

خرىستىيانلار قايمىلىرى قاپادىلار . يورغونلغىك ، حرارتىك و
ددەجە آزلقلارنىك براقدىنى امكان درجە سىندە اسكەندرىيەنى
محافظة يە حاضرلاندىلار . قرال بويوك و محكم برىر جە يىرلىشىدى .
فقط اون بىك مسلمان عسكىرىنىك كىچەلەن بوبر قايسىنى ياقالارنىيە
و ھىچ فرق ايدىلمەدن ايچرى كىرملرىنە مانع اولامادى . قرال
ايرتەسى كونى آلتىش شوالىھ ايلە بونلىرى چىقاردى و صحرايە
چكىلمەكە مجبور ايتدى . قرال شەھەر دەرت كون قالدى .
سيرياقوسدە بووقەيى خبر آلان سلطان درحال جبل حصارىنە
كىتدى . اورادە اردولرە حرىكت امرىنى وىردى . كىندىسى دە
آتابك يىل بوغا ايلە بىرلىككە آتە بىندى . ھىسى پىك بويوك انتظام

دائرہ سندھ اولمقسرین ترخانہ کیتدیلمر . امیر قوتلوبوغا ، خلیل
کوندک بوتون طبلخانہ ایله برلاکده ایلری سوق ایدیلدی .
یہ جک فقدانی ، مهمات آزلی ، بواردونک تقربی خریستانلرک
قسم اعظمی تکرار واپورلره چکیلمکه مجبور ایتدی . قبریس
قرالی یوزیکرمی کشی ایله اوراده قالمقده اصرار ایتدی . فقط
هر طرفدن مسلمانلرک کلدیکنی کورنجه چکیلمکه مجبور اولدی .
تخریب ایدیلن شیلری سلطان تعمیر ایتدیردی واسکندریه نك
محافظة سنی بکتمره تودیع ایله دی .

مسلمانلره قارشى مهم برحرب آچغه قرار ویرمش اولان
قبریس قرالی مملکتنه دوزدونمز تکرار مسلمانلره هجومه کیتمک ایچون
دورت کمی تحویر ایتدی . ظهور ایدن بر فیرطنه کنه یسنی لیانه دونمک
اضطرا رند براقدی . تکرار ده کیزه یکر می بش سفینه ایندیردی . تکرار
سفره حقیقه جفی صیراده خریستانلرک شکایاتی کنیدیسنی آلیقویدی .
مسلمانلر اسکندریه نك ضبعندن صوکره خریستانلرک تکمیل
اموالی ضبط ایتشلر و مملکتده بولا بیلدکلری خریستانلری
زنجیره اورمشلردی . بوندن دولای بویوک بر ضرره اوغرایان وندیکیلر
سلطانہ شکایتده بولونمشلردی . اوده اسکندریه ده پایلان تجاوزات
وتخریباته مقابله بالمثل اولمق اوزره بویله حرکت ایدیش اولدیغنی
جواباً بیلدی مشدی . بوندن دولای خریستانلر قبریس قرالنه
زنجیره اورولان خریستانلرک محوینی ایسته میورسه دونانماسنی
چقارمقدن واز کچمه سی ایچون رجاده بولوندیلمر . بونک اوزرینه

قرال ، توركلرك مصرليده امداد كوندركلى بر دونامايه
 هجومه كيتمهسى ايچون آميرالنه امر ويردى . آميرال تورك
 دوناماسنك بر قسمنى ضبط ، بر قسمنى احراق ايتدى . آناتولينك
 جنوب ساحلنده قاندهلور حصارينه هجوم ايله ضبط ايلهدى .
 مع مافيه ، قبريس قرالى ونديكليلرك يادقلى صالح تكليفاتنه
 رغماً كميليرنى دائماً مسلح ومجهز بر حالده ليمانده طوتدى .
 اوتته طرفده يل بوغاقا هر دنك بوتون مرانغوزليرنى طوپلامش ،
 كنديلرينه كمى ياپمالرى ايچون امر ويرمشدى . بوتون سوريه يده
 عين يولده امر كوندرمشدى . آغاچ كسمه سنى بيلن كيمسه لرك
 كافه سى طوپلاتيلمشدى . بونلرى كمى انشاسنه صالح جسم
 آغاچلرله مستور شغلان داغنه كوندرديلر . بو داغ آنطاكيه
 جوارلرنده كائندر . اورادن بو كراسته لرى مصره نقل ايدى يورلردى .
 فقط يوزيكرمى اوچ يلكى كندن مركب بر دوناما طوپلامش اولان
 قبريس قرالى فيرطنه دن پریشان اولونجه ، يكي تعرض تشبثاتنده
 بولونماسندن قورقان مصر سلطانى صالح عقدايتمكه رضا كوستردى .
 اسرارك هر ايكي طرفدن ده اعاده ايديله سى ، تبارك صورده ،
 بيروتده ، صيداده ، اسكندريه ده ، دمياطده ، طرابلسده ، قدسده ،
 شامده تأديه ايتدكارى رسومك ياريسى قبريس قرالنه عائد بولونماسى
 قرارلاشدى . بورسم اونده بر مقدارنده ايدى . قبريس قرالنك
 پاساپورطنى حامل هر خريستيانك قدس زيارتى ياقمق ايچون
 فديه نجات اوله رق ويرديكى فلورانس فلورينندن معاف طوتولماسى ده

شرائط جهان سندن ایدی . حضرت عیسانک باغلان دیغنی و ضرب
ایدیلدیکی ستونک فاما غریسه یه کوندریله جک نه دائر امیرلر یمین
ایتدیلر . قبریس قرالی حبس خانه لرنده بولونان بیک مسلمان
تخلیه ایتدی . و خفیف سواری قوماندانه ، بوشرائطی برلکده
قرارلاشدیران آراغون قرالنک ایکی مرخصی ایله کیدوب
معاهده یی سلطانه ده تصدیق ایتدیرمه سی ایچون امر
۱۳۶۶ وردی [۱] . فقط مسلمانلر بو معاهده یی امضالامق
ایسته مدیلر . قرالی آلداتمق ، عسکرلرنی ترخیص ایتدیرمک ،
خرستیانلردن بکله یه بیله جکی معاونته حاجت قالمادیغنی یازدیرتمق
وصو کرده حاضر لادقلری ایکی یوز پارچه سفینه ایله اوزرینه
هجوم ایتک ایچون جعلی برمذا کره قاپیسی آچشلردی .

قرالک مرخصلری قاهره یه واصل اولدقلری زمان اوراده
امرا آراسنده اختلاف بولوندیغنی کوردیلر . طویل لقییه یادایدیلن
طیبوغا [طیبغا] بوتون حکم و نفوذی کیندنده طوپلامق ایسته یور
ویل بوغاده اوکا شام والیلکنی تکلیف ایدرک قاهره دن
اوزا قلاشدیرمه یی دوشونیوردی . طیبوغا میللیس عسکرینی
سلاحلاندیردی . سلطان ایله برلکده آتیه بیندی . دیگر امیر
بوتون طرفدارلریله قبة الظفره کیتدی . اوراده بر ساعت برمصاحمه
وقوعه کلدی . طیبوغا مغلوب و اسیر اولدی . اسکندریه حبس خانه سنه

کونده ریلدی . صو کره یل بوغاده توقیف ایدیلدی (۱۱) . سلطان،
جیزه ده انشا ایدیلن سفینه لری کورمک ایچون بوامیرایله برلکده
اورایه کیتمش، اورادن ترانه یه کامشدی . امیر، ان اوفاق برقباحت
ایچون خدمتجیلرینی غایت آغیر جزایه چاریدیردیغندن دولای
پک منفورلری ایدی . کیجه لین کندیسنی علی الغفله باصدیلر سده .
قاچغه موفق اولدی . بونک اوزرینه بوملوکلر، التحق ایدن بعض
امرا ایله برلکده کیدوب سلطانی بولغه قرار ویردیلر وقاهره یه
کیردیلر . یل بوغا، سلطانک کندی دشمنلریله برابر اولدیغنی
خبر آنجه سلطانک برادری انوکی تخته چیقاردی . اوده منصور
عنوانی آلدی . اوزمان منصور اردا آطه سنده ایدی . بوندن
دولای مقام استهزاده کندیسنه سلطان جزیره دیدیلر .

شعبان بولاقدده ایدی . طرفدارلری اوراده پک قوتلی دکلدیلر .
قبریس قرالنه قارشى حاضر لانان سفینه لرك بر قسیمی یل بوغایه
هجوم ایچون قوللانیلدی . یل بوغا معیتنده کیلر طرفندن ترك
ایدیلنجه سراینه چکیلدی . سلطان، توقیفی ایچون آدملر کوندردی
وتوقیف ایتدیردی . مملوکلرندن بعضیلری یل بوغایه محبسندن
چیقاردیلر . قاچیرمق ایچون بر آت کتیردیلر . فقط ایچلرندن
بری بر قیلیج ایندیره رک کندیسنی اولدیردی . بونک اوزرینه
طرفدارلرندن بعض امیرلر توقیف اولونه رق اسکندریه یه
کوندریلدی . صو کره امرا آراسنده صیق صیق تبدلر وقوعه

۱۳۶۷ ایسته دیلر [۱] و نائب حکومت امیر اسندمری سلطانی خلع ایتکه تشویق ایله دیلر . سلطان بوندن خبردار اولونجه ایکی یوز کشی ایله درحال آتیه بپندی . عاصیلر بیک بش یوزدن زیاده ایدیلر . اسندمر مغلوب اولدی واسیر ایدیلدی . سلطان کندیسى عفو ایتدی ، موقعنه اعاده ایله دی . یالکز اوکا رفیق اوله رق خلیل نامنده برامیر ویردی . فقط ایرتاسی کونی بوایکی امیر یل بوغانک مملوکلریله یکیدن برقیام حاضر لادیلر . سلطان کندیلریله مصادمه یه مجبور اولدی . ایکی امیر توقیف ایدیلدیلر . سلطان یل بوغانک مملوکلرینک زنجیره اورومالارینی امر ایتدی . بر قسمنی ده سوریه یه کوندردی . اسندمرک بوتون اموالی آله رق مملوکلرینه توزیع ایله دی [۲] . اوسنه نهایتلرینه دوغرو مصرده بویوک بروبا ظهور ایتشدر . کونده تقریباً قاهره ده بیک کشی اولیوردی . خسته لق تقریباً درت آی سوردی .

وقوعه کن انقلابات اثناسنده سلطان ، او آنه قدر موقوف بولنان قبریس قرالک سفیرلرینی امر اسندن ایکیسی واسطه سیله ردوسه کوندرتمشدی . بوسفیرلرینه وقت قازانق املیه باشقه بر معاهده تکلیف ایتدیلر . یابدقارینی معذور کوسترمک ایچون ،

[۱] ۷۶۹ سنه سی صفر نده .

[۲] صفرک ۱۶ سنده .

اولكى معاھدەنى عقد ايدىن يل بوغانك وقاتى ايلرى يە سورىيورلردى . ابوالمحاسن
مجلس صوكره بونك شرائطنى قبول ايتەمشدى . هيچ بر نقطه يى
دكيشدير مك ايستەمە ين قبريس قرالى اسكندريه يى باصمق فكريندە
ثبات ايدەرك يوز قرق يلكەندىن مركب برونانما ايله حركت
ايتدى . فقط مسلمانلرك اسكندريه طرفندە متيقظ بولوندىقلرينە
دائر وقوعبولان اخطار اوزرينە طرابلس جهتنە دوندى . بو
شهر ك واليسى ايدمر اورادە دكلدى [۱] . مسلمان عساكرى
قارەيە چيقمق حركتتە مانع اولمق اچون ساحلە قوشديلر . فقط
پوسكەرتولديلر . خريستيانلر بازكيرلرني چيقارارق دكيدن
بر مصر فرسخى مسافەدە كائن بولونان طرابلس اوزرينە يوروديلر .
شهرى مدافعە ايدن يكر مى بيك مسلمانەر غماً قبريس قرالى بوراسنى
ضبط ايتدى . اھالى يى قيايىجىدن كچيردى ، هر طرفە آتش ويردى
وصوكرە كيرى دوندى . چونكە النده محافظە ايدەمزدى .
اورادن طرطوس ، لاذقيه [۲] بليناس [۳] شهرلرني ودهاسائز
بعض يرلرى ضبط و احراق ايدەرك اياسە عسكر چيقاردى . ارمنستان
قرالى دە بر اردو ايله بورايە كلەجكدى . بوراسى اوزمان مصر
سلطاننە عائد ايدى .

قبريس قرالى كنديسنك قارەيە چيقماسنە مانع اولمق ايستە ين

[۱] ۷۶۹ سنە سنده .

[۲] ابوالمحاسن بوكاليش دييور .

[۳] مارشان بوكا والانس ؛ سانوت ايسە والانيا دييور .

قوتی سکسان سواری ایله بوزدی . شهرک بر فرسخ اوتته سنه .
 قدر بونلری تعقیب ایتدی . دشمن اوراده تکرار طوپلانمشدی .
 بونلری تکرار پریشان ایتدکن صوکره آیاسه دوندی .
 یورغونلق وعسکرینک آزالمش بولونماسی قلعه یی ضبط ایتمه سنه
 امکان براقما یوردی . شهری یاقدی ؛ کله یی ارمنستان قرالنی اشته
 طرفده بکله مکه کیتمک اوزره تکرار کمی یه بیندی (۱) .
 نهایت ، بر یردن امداد آلامادیغی ایچون قبریسه دوندی . آوروپا
 خریستیانلرینک مظاهرت ایتمه دکلرینی کورنجه اونلرک ویاپانک
 نصیحتی اوزرینه سلطان ایله صلح پامغه راضی اولدی .

شعبانک والده سی واردی که امیرالجا یایله اولنمشدی . قادی
 وفات ایدنجه (۲) سلطان ایله امیر آراسنده براختلاف چیقدی (۳) .
 امیر عصیان ایدهرک بوتون مملوکلرینی سـلاحلاندیردی (۴) .
 سلطانک مملوکلری ده آتلیینه بیندیلر . سلطان امیرلری و بوتون
 معیتی ایله کیجه یی سـلاح آلتنده کچیردی . ایرته سی کونی
 متعدد مصادمات وقوعه کلدی . اک صوک مصادمه ده امیر پریشان
 ایدیلدی . صوکره ده چوق آدم طوپلایه رق قیرمزی داغه ،
 قبة الظفره کیتدی . سلطان کندیسنه حـا والیدکنی تکلیف
 ایتدی . الجای بوتون مملوکلری وقاهره ده کی بوتون اموال

۱۳۷۳

[۱] قیدی ابتدالری ایدی .

[۲] ۷۷۴ سنه سی ذی الحجه سنده .

[۳] ۷۷۵ سنه سی باشلانغجنده .

[۴] محرمک آلتیسنده .

واملا کی بر اقیلمق شرطیه قبول ایتدیکی و سلطان ده بو شرطه راضی اولمادیغی ایچون یکی بر مصادمه یه حاضر لاندیلر . فقط کیجه این برچوق مملوک امیرک طرفنی ترک ایدهرک سلطان جهتنه کچدیلر . سلطان در حال امراسنی ، خدمتجیلرینی و اوغلارینک مملوکلرینی قبةالظفره کوندردی . الجای قاجدی . بارکیرایله نیل نه رینی کچرکن بوغولدی . وفاتی ایله عصیان یاتیشدی . چو جو قلیرینی ، مملوکلرینی ، بوتون طرفدارلرینی توقیف ایتدیلر .

سلطان ، الجایک عهدده سنده بولنان اردو قوماندانلارینی طرابلس والیسی عزالدین ایدمره ویردی . عینی زمانده مصرده بویک بر قیطلق وقوعه کلدی و بونی وبا تعقیب ایتدی . خطور آینده [۱۱] نیل آلاچالدقدنصکره خلاف معتاد پک زیاده قباردی . سلطان صوکره حلب والیسی اشفتمری بر اردو ایله کوچوک

ارمنستان کوندردی [۱۲] . مسلمانلر مملکتک پاختی اولان سیس شهرینی بش آی محاصره دن صوکره اله کچیردیلر و ارمنستان قرالنی مصره اسیر کتیردیلر . بومظفریت سایه سندداره نستان قرالغی تماماً محو اولدی . سیس والیلکی امیر آق بوغایه ویرلدی . بوکا طرسوس ، آطنه ، آياس شهرلریله ده سائر برقاچ قصبه لرده الحاق ایدیلدی . مصرده بر وبا ، صوکره [۱۳] قیطلق ظهور ایتدی .

[۱] مصر لیلرک بر آیدر .

[۲] ۷۷۶ سنه سنده .

[۳] ۷۷۷ سنه سنده .

اکمکک اوقه سی ایکی دیناره ساتیلدی . انسانلر نعللر یورلردی .
 حلبده بابالر چوجوقلرینی ساتیورلردی . قیطلق روم الکاسنه
 قدر یاییلدی . حتی بعضیلری کندی چوجوقلرینی یدیلر .
 بو آفت کچینجه فقیرلر ، یدکلری مردار شیلردن دولانی
 اولمکه باشلادیلر . برچیان چیقهرق التهابلانیوردی . طوتولانلر
 درحال تلف اولویورلردی . مال ده زاردن Mal des Ardens نامی
 ویریلن عینی خسته لق برسنه اول فرالسه ده ، ایتالیاده وانکترده
 اجرای تخریبات ایتشدی . قیطلق سوریه ده اوچ سنه سوردی .
 اک بویوک شدتی بر سنه ایدی . ایرتاسی سنه آزالشدر .

۱۳۷۷

سامان صوکرده مکّه حجه کیتمک تصویرینه دوشمش اولدینی
 ایچون برادرلرینی وچوجوقلرینی کرکه کوندردی (۱۱) . غیبوتی
 اناسنده اوراده قالمالرینی ایسته میوردی . مملوکلردن قسم اعظمی
 بو سیاحته معارض ایدیلر . سلطان ، عادت وجهه سیریا قوسه
 کوچوک بر سیاحت یاپدقن صوکرده (۱۲) مختشم بر معیت ایله
 مکّه متوجهاً یوله چیقدی . آلتون مزینات ایله یکریمی قطار
 دوه ، ایپکلی مزینات ایله اون بش قطار دوه و خلیفه ایچون
 سیاه قاش ایله مستور بر قطار دوه ، قادینلر ایچون . اض اورتولرله
 بر قطار دوه واردی . بربرندن قیمتدار طاقملرله یوز بارگیر ،
 اک قیمتدار قاشلردن پاپلش چادیرلر ، برچوق دوه یه یوکه تیلش

[۱] ۷۷۸ سنه سی رمنانک ۱۹ نده .

[۲] شوال آینه ده .

هر درلو لوازمده برلکده کیدیوردی، بو لوازم میاننده صلاحته،
 نانه، خاوج و سائره کبی سبزدر بولونیوردی. بونلر تازه
 دورمق ایچون طوپراغه کومولشاردی. ایجاب ایدن مشروبات
 واغدیده برلکده آلمشدی. بشر اوقهلق اوتوز بیک قابرچل
 واردی. صاندال، مسک و اود آغاجی ده اونوتولماشدی. بو،
 سلطانک لوازمی ایدی. امیرلرک اشیا لری ولوازمی آیری ایدی.
 قوملرله مستور چوللر آراسنده یم یشیل فداندلر کورولیور،
 سرایلرده اولدینی کبی دبدبه وزینت ایچنده یاشانیوردی. سلطان
 قهره دن تقریباً اونایک میل مسافه ده وسویش یولی اوزرنده کائن
 برکة الحججه کتدی. حجه کیدنلر هپ بوراده طوپلانیرلر. مکه
 کاربانلری آنجق کیجه لین یوریرلر و کوندوزین دیکله نیرلر. بوده
 او اقلیمده غیر قابل تحمل اولان حرارتدن اجتناب ایچوندلر.
 آی ضیاسی اولمادیغی زمان کاربانلرک اوکنده انسانلر مشعه طاشیرلر.
 بوتون بویوروش اشناسنده دوهلر قویروقلرندن باغلانیر. برچوق
 سوروجی یه حاجت اولمادن یورورلر.

سلطان برکة الحجی ترک ایله حجازه کیردی. معیتنده بیکر ابوالمحاسن
 کشی یه قوماندا ایدن دوقوز امیر ایله طبلخانه دن بیکرمی بش امیر،
 اونرکشی یه قوماندا ایدن اون بش امیر واردی. سلطان، مصرده
 برنیابت حکومت تأسیس ایتمش اولمقله برابر، یوله چیقار چیقماز
 امر آراسنه نفاق دوشدی ۱۱۱. طاش تیمور، قرطای، اسندمر،

ایک سلطانک مملوکلری وقاعرهدده قالمش سائر مملوکلرله سلاحه
 صاریلدیله، شعبانک اوغلی امیر علینک کندیلرینه ویریلهسی
 طلیله حصاره قوشدیله. سلطان شعبانک وفات ایتدیکنی
 کندیسنه خلف اولق اوزره علی نی کوستردیکنی اعلان
 ایدیورلردی. امیر علی اونلره ویریلهدیکی وقایلر قاپلی طوتولدیغی
 جهتله پنجره لری قیردیله، بورادن حصارک دبویلرندن برینه
 کیرهک یغما ایتدیله. کندیلرینه علی نی تسلیم ایتکه مجبور
 قالدیلر. اونلرده بونی سلطان اعلان ایله دیله. عاصیلر بو حکمدار
 ابوالمحاسن ایله بویوک ایوانه کیتدیله. بوراسی سرایدن خارجدده بریرایدی.
 سیوطی اوزرنده غایت یوکسک وپک کوزل برقه واردی که متعدد ستونلر
 ابن شحنه اوزرینه استناد ایدیورلردی. مشهور سلطان محمد طرفندن بنا
 ایتدیر یاشدی. سلطانلر اوراده علی رسم قبوللرینی اجرا ایدرلردی.
 علی بیعت ایدهرک کندیسنه منصور عنواتی ویردیله.
 بو حکمدار او زمان آنجق یدی یاشنده ایدی. صوکره،
 حجازدن کلدیکنی ادعا ایتدکلری بر آدمی توقیف ایدهرک
 امیرلرک حضورینه کورتوردیلر. بو آدم، سلطان، عقبه ده قرارگاه
 قوردیغی زمان بر چوق امرانک عصیان ایتدکلرینی و سلطانک
 بر کته عجروته [۲] التجا مجبوریتنده قالدیغی خبر ویردی.
 فی الحقیقه، عاصیلر قبة الظفره کیده رک اوراده سلطانله رفاقت ایتش
 اولان امرادن بعضیسنی کوردیلر. بونلردن سلطانک قاهره یه

[۲] مکّه کیدرکن تصادف اولونان برعل.

کلدیکی وصائلاندیغنی خبر آلتجه تحریات یاپدیردیله. شعبان قادین قیافتنده دردست ایدیلدی و جبل حصارینه کوتورلدی. اوراده کندیسنی بوغدیله. نعشی بر قویویه آتلدی.

شعبانک وفاتندن سوکره عقبهده قاش اولان امیرلر سیاحته اشتراک ایتیش اولان خلیفه متوکللی بوله رق اونلی سلطان اعلان ایتک ایسته دیله. قاهره ده جریان ایدن وقعهدن خبرلری یوقدی. خلیفه بوتکلیفی ردایتدی. بونک اوزرینه بوتون کاربان اسیار العالییه دوندی (۱۱). عجرودده سلطانک وفاتی خبر آلتجه برکة الحججه کیدیلدی. امیرلر، قاهره عصاتنک یاپدق لرندن ممنون کورنمه دکلری ایچون بونلر کلوب کندیلرینه هجوم ایتدیله و بوزدیله.

شعبان، اون دوت سنه، ایکی آی ویکرمی کون سلطنت سورمشدی. فضائلندن دولایی خلق کندیسنک وفاتنه تأسفلر ایتدی. عالیجناب ایدی. ارباب خیری و علمایی سوردی. فقرایه یار دیه ایدر، تبعه سنه قارشلی عادلانه حرکت ایدردی. کندیسندن اولکی سلطانلرک اعتیادی خلافتده اوله رق، قارده شلرینه، یکنلرینه، بوتون اقرباسنه حسن معامله ده بولونور، اونلره منصبلر و مهم تخصیصاتلر و یرپردی. بوتون علما اونک سراینده کندیلرینه برملجاً بولورلردی. زمان حکومتنده علوم و فنون و صنایع پک رواج یولاشدر. شرفانک یشیل صاریق صارمالرینی الاول امر ایدن اودر. شعبانک وفاتندن سوکره امرایله خلیفه جبل حصارنده

ابوالمحسن طویلاندیلر [۱] ، علینک سلطنتی تجدیداً قبول ایله کندیسنه
 ابن شحنه منصور علاءالدین لقبی ویردیله . سلطانه سیاه نوابلر کیدیریلدی .
 سلطنت خلعتی قونولدی . ایپک صاچاقلی خرمانی اوموزلرینه
 ویریلدی . صوکره سلطان ، بوتون امراسیله برلکده ستاره
 قاپسندن دیوانه قدر کیده رک اوراده تخته چیقدی . امیرلر حضورنده
 برلره قاپاندیلر . بیعت ایتدیلر . سلطان کندیلرینه عادت موجدنجه
 خلعتلر ویردی . سرایه عودت ایتدیکی زمان طاش تیموری مصر
 اردولری اتابکلر کهنه تعیین ایتدی . قرطای بوتون ولایت والیلری
 رئیس اولدی [۲] . دهاسائر ضابطان ده نصب ایتدی . جبل حصارنده
 محبوس بولونان بعض امرایی سر بست براقدی . بعضیلرینی اسکندریه
 حبس خانه سنه کوندردی . صوکره [۳] خلیفه نیک اصدار ایتش
 اولدینگی فرمان او قوندی . فرمانی استحصال ایچون عادت اولان
 یوزبیک آلتون سکه خلیفه یه ویریلدی . طاش تیمور بوصیرالرده
 وفات ایتدیکی جهته یرینه قرطای کچیریلدی [۴] .

بوامیر ایپک نامنده کی دامادی ایله چوق کچمه دن داریلدی .
 ایپک اصطبل عامره مدیری ایدی . دامادینه ویردیکی برضیافتده
 ایکسی ده او قدر چوق ایچدیله که بربرلریله غوغایه باشلا دیلر .
 یارلندن قالقاراق سلاحرینه قوشدیله . ترامپت چالندی . بوتون

[۱] ذال الحجه نیک سکرنجی پنجشنبه کونی .

[۲] عربجه ده رأس نوبت الکبیر دیورلر .

[۳] ذی الحجه نیک ۱۲ سنده .

[۴] ۷۷۹ سنه سی محرمنده .

امرا سلطانك ياننه كيتديلر. سلطان اچون مؤسف نتيجهلر توليد ايدە بيله جك بو اغتشاش تسكين اولوندى . پك كسب ضعف ايدن قرطاي حلب واليلىكنى طلب و استحصال ايتدى . ايبك عليهنده بولونمش اولان امرايي توقيف ايتديرەرك اسكندريه حبس خانەلرينە كوندردى .

ايبك حكم و نفوذى الله كچيرنجە خليفە متوكلى قوصە سوردى . صوكرە حلب ايدەرك خلافتدن اينديردى و متوكلك اوغلى ذكريايە خليفە عنوانى ويردى . بوكامعتم لقبى ويردىلر . بعض امرا ايبك بو حرلتنى بكنمەدىلر . معتصم درحال خلع ايدىلدى . ايبك بعض مدارسى ضبط ايدەرك اچلرينە مملوكلارنى قويدى ، اك بويوك مأمورلاريتلرى اوغللرينە ويردى . هر كسى بيزار ايدن حرقاتى سوريەدە عصيانلرە سبب اولدى . شام و اليسى سلاحه ساريادى . ايبك على العجلا عسكرى طويلاندى . سلطان ايله برابر ديوانيه كيدەرك اورادە برقاق كون قالدى ۱۱۱ . فقط ايبك قاردهشى قوطلو خواجەنك قومانداسى آلتندە اوكدن يوروين بر قسم ميليس عساكرى عصيان ايتدكلرى جهتله ايبك سلطان ايله برابر قاھرەيە دوندى . سلطانى اصطبل دائرەسندە براقدى . بوراسى غايت محتشم دائرەلرە مالك بر سرايدى . قوتلوق تيمور ايله آلتون بوغا كيجه لين ميليسك بر قسمى ايله پلوسدن كلدىلر وقبة الظفرە چكىلدىلر . بونلرك مواصلتندن خبردار اولان .

[۱] ربيع الآخر ابتداسنه قدر .

ایک اورادن طردایچون برادرینی ایکی یوز مملوک ایله کوندردی .
فقط اهالی عاصیلره التحاق ایتدکلری جهته قوطلو خواجه
پوسکور تولدی و اسیر ایدیلدی . عاصیلرک مقداری هر آن
آرتیوردی . ایک نه یاپه جغنی بیله میهرک بار کیرله کیان طرفلرینه
قاچدی . ارقه سندن تعقیب ایتدیلر . بار کیرلریله اثوابلرندن
باشق برشی بوالادیلر . مع مافیله صوکره توقیف ایدیلرک اسکندریه
حبسخانه سنه کوندریلشدر .

اونک فرارندن صوکره امرا جبل حصارینه چقدیلر .
اوراده یکیدن ارالرنده اختلاف ظهور ایتدی . بمضیلری توقیف
اولوندی . صوکره اداره حکومتی اله آلان یل بوغا ، رچوق
امرای اسکندریه حبسخانه سنه کوندردی . بر مدت صوکره
بونلری سربست براقدیرو سورییه سوق ایله دیلر . ولایت
والیلری واکبر مأمورین آراسنده بویوک تحولات وقوعه
کلدی . اولجه سوریه والیسی اولان طاش تیمور بر آزا اول
مصره کلمش ، ایشلری دوزلتمکجه چالیشیوردی . فقط بو تحولاتدن
خوشلانمایان برقوق ایله سائر بعض امرا ترامپت چالیدیملر ،
بوتون مملوکلریله برالنده بو اتا بکی توقیفه کیتدیلر (۱) . طاش
تیمورک مملوکلری مغلوب اولدقلری جهته بو امیر سلطانندن بر
مساعده نامه ایستهدی . صوکره بار کیرینه بپندی . فقط سائر
بعض امرا ایله برالنده درحال توقیف اولنهرق اسکندریه

۱۳۷۸

مراکشی

جاسخانەسەنە كۈندەريدى . بو سورتلە برقوق اردولرە اتا بك اولدى . كەنديسەنە بىكربىكى عنوانى دە ويريليوردى . معيتەندە اوچ بيك بش يوز مملوك واردى . بو موقە كچن برا ميرسرايك ابوالمحاسن الكويوك اميرى ايدى . برقوق وقتيلە بىكباشى ايدى . بىكباشيلرك مقدارى يكرمى درده بالغ اوليوردى . خدمتلىرى يوز مملوك واردى . برقوقك اوزمانىكى نفوذ واعتبارىنى چكەمەين بعض امراعليهئندە بر سوء قصد ترتيب ايتدىلر (۱) . فقط ، توقيف ايدىلدىكلرى جەتتە اغتشاش ياتىشىدى . بونى ايكنجى براغتشاش ۱۳۷۹ تعقيب ايتدىسە اونەدە موفقيت حصولة كەلدى (۲) . برقوقايلە ۱۳۸۰ كەنديسەنە دائما مربوط بولونان امير برکە آراسەندە دها مهم براوچنجى وفعەتحدث ايتدى (۳) . بونلر برقاچ كره بارىشدير ايشدى . نهايت آرارلەندەكى خسومت پاتلاق ويردى . برقوق مملوكلريالە بالذات سلطان حسن مدرسەسەنە كيرەرك اورايدقاپاندى . يوقارى يە چيقارق برکەنك آخورلرينە اوق آتدى . اودە درحال بوتون مملوكلرينى تسليح ايتدى . برقوق اوسرايى يغما ايتەلرى اچون خاقە مساعده ويردى . برکە ، هر طرمدن احاطە ايدىلدىكى كورنجە سرايى ترك ايلە مملوكلرينى آلەرق قبةالظفرە چكىلدى . اورادن جبل حصارينە برمقدار عسكر كوندردى . بر مصادمه اولدى . صوكرە هر كس افنديسەنك يانە كيتدى .

[۱] ۷۸۰ سەنەسى باشلانغچەندە .

[۲] ۷۸۱ سەنەسى شەبانىك ۲۴ نەدە .

[۳] ۷۸۲ سەنەسى صفر نەدە ومتعاقب آيلردە .

قبة الظفرده يكي بر مصادمه دها وقوعه كلدی [۱] . ابتدا بره
طرفی مغلوب اولدی . برکه ، طرفدارلرینك پریشانلقنی کورنجه
الكجسور آدملرینی آلهرق آته بپندی ، دشمنلرینی پوسکورتدی .
ایرته بی کونی برقوق سلطانی ، کندیسنك یانه اصطبل
سراینه آلدی . بوتون مملوکلری طویلاتدی . صوکره
اوزلاشمه تحلیفلری سردایدیلدی . برقوق بروالیک ویره رک یی
اوزاقلاشدیرمق ایسته یوردی . فقط برکه بونی قبول ایتمه دی .
بوتون آدملرینی ایکی طاقه آیردی . برقوق بونلره قارشى قوت
سوق ایله دی . متعده مصادمات اولدی . نهایت برکه ، طرفدارلرندن
بر قسمی طرفندن ترك ایدیلا ییکی جهته در دست ایدیله رک
اسکندریه یه کونده ریله دی ، اوراده وفات ایتمدی . بر آرز صوکره ده
سلطان خسته لاندی و اون ایکی یاشنده ایکن ترك حیات ایله دی [۲] .
سلطان علینك وفاتندن صوکره برقوق کندیسینی سلطان
اعلان ایتمه یی دوشونیوردی . فقط بر چوق امرانك بوکا
مخالف اولدقلرینی کورنجه خلیفه یی ، فقهای و اکابر حکومتی
طویلا دی وشعبانك اوغللرندن برینی تخته چیقارمه یی اونلره
تحلیف ایله دی . الك بویوکلری اولان حاجی ترجیح اولونه رق
سلطان اعلان ایدیله دی و کندیسنه صالح لقبی ویریلدی . برقوق
اردولره اتابك و نایب حکومت تعیین ایدیله دی . یکی سلطان

۱۳۸۱

[۱] ۸ ربیع الاولده .

[۲] ۷۸۳ سنه بی صفرینك ۲۳ نجی بازار کونی .

آنحق دوقوز ياشنده ایدی. بر قوقك اوزمان پك چوق دشمنی
اولدینی ایچون دائما تلاش واندیشه ایچنده یاشاردی. بعض
آدملر اوکا سلطانلغنی اعلان ایتمه سنی ترصیه ایله دیلر. بوکا راضی
اولدی. ایکی امیر کوندره رك حاجی یی طوتدیردی و سرایده حبس
ایتدی (۱۱). بونك اوزرینه برقوق سلطان اعلان اولوندی و مصر
تاجی ده بو امیرك منسوب اولدینی چركس ملتنه کچدی.

۱۳۸۲
بو مملوكلرك و کندیلرینه خلف اولان چركسلك زمان
اداره سنده بو حکومت مصر ایله برابر سوریه نی، حجازی یاخود
عربستانك بویوك بر قسمنی احتوا ایدیوردی. مصر جنوبی
و شمالی اولق اوزره ایکی قسمه آیریلشدی. قاهره ده باشلایان
و شلاله لر قدر امتداد ایدن جنوب قسمنده جیزه الکاسی
واردرکه بورادن نیل نهری و اصفیح نهری کچر. بوراده عینی
اسمده بر شهرده موجوددر. غرب چوانك بولوندینی الکاسیه
فیوم نامی ویریلر. بوراده خرب بویوك بر شهره تصادف اولونور.
اسمی ده یوسف دز. باهناس یاخود یهنسا الکاسنده عینی اسمده
بر شهر واردر. اشموئین الکاسی عینی اسمله بر شهر احتوا
ایدر. منیات برده حسیب نامیه باشقه بر شهرده مالکدر.
اسیوط الکاسی عینی اسمده بر شهردر. منغلوط نامنده
باشقه بر شهر ده محتویدر. نیلك غربنده الواحات الکاسی
بولونورکه بوراده الوح شهری کاشندر. اسیوطك جنوبنده

قوص الكاسی کلیر. قوص آصوان شهرلری بوالکا داخانده در. صوکره قونوز الكاسی وارد در. بوندن اوتده شلاله لره تصادف ایدیلیر. ظاهرینک روایتنه کوره تباییده بیکدن زیاده خرسیان کلیسانی یاخود مناستری موجود ایدی.

مصرک بحری قسمی قاهره دن دکیزه قدر امتداد ایدر. بوراده ایلت تصادف اولونان الکا قلیوب در. بوقطعه ده عینی اسمله بر شهردها موجود ایسه ده بویوک قسمی خرابدر. شرقه خنیقه بللیس یاخود پلوس و صالحیه الکالری کائندر. مصرک بردیواری مثابه سنده اولان قاسیه شهری که بوقطعه یه کیرمک ایچون مطلقا اورادن کچمک لازمدر بوقطعه لر داخانده دکلدر. عینی طرفلرده متعدد عرب مسکنلری وار سه ده حکومت دفاترنده مقید بولونما یورلر. شمالده کی الکایه ده قلیه المرتجه نامی ویریلیر. ایکی اسمدن دولانی یک چوق کشیلر بونی آیری آیری ایکی قضا تلقی ایدرلر. بوراده درت شهر وارد در که اسملری : منصوره ، اشمون الرمان ، فارسقور ، منزله در. مصرک الکمنبت الکاسی بودر. دهها شمالده و ده کنز کنارنده دمیاط الکاسی بولونور که غایت کوزل بر لیمانی وارد در. بر چوق کمیلر بورایه کیره بلیرلر. نیلک غربنده کائن غربی الکاده محله ، نهریه ، فوه ، سمنود شهرلری کائندر. صوکره منوفیه الکاسی کلیر که بوراده بولونان منوف نهری حال خرابیده در. بوراده ابونصر آطه سنده تصادف اولونور. نهرک دلتاسی اوراده باشلار. ابیار شهری ده بوراده کائندر.

يلاك عربنده اك صوك الكا بحيردر . دمنهور شهرى بوالكا
داخلندهدر . اسكندريه شهرى مصر ك حدوديدر . اطرافنده
چيفته برسور وارددر . سورده متعدد برجلى ياشددر . برجلى
مانجىقلر واردى . سورك اطرافى ده صو دولو بر هندك ايله
چهور ياشدى .

مصره تابع اولان سوريه يه شام دنيىر . ظاهرينك افاده سنه
نظراً بوقطعه مكه نك شمالنده كائن اولديغى ايچون بوندىن اختصار
ايديلهرك بورايه شام نامى وير ياشددر . ناصل كه صاغ طرف معناسنى
افاده ايدن يمن ككه سى ده مكه نك صاغ طرفنده كائن اولان
قطعه يه علم اولمشددر . سوريه اوزمان بش پارچه يه منقسم ايدى .
برنجيسى فلسطين ايدى كه عمجه ده باشلار ، غزه يه و فلسطين
رمله سنه قدر امتداد ايدردى . عمجه دن لاجونه قدر اون كونلك
مسافه حساب ايديلردى . كنيشلىكى يافه دن شريعه يه قدردى .
بوالكانك باشليجه شهرلىرى قدس ، عسقلان ، لوط ، نابلس
وحبرون ايدى . ايكنجيسى حوران ايدى كه بوراده بويوك طبريه
شهرى ايله غور ، يرموك ، بيسان قصبه لرى واردى . اوچنجيسى
غوطه در كه شام ، طرابلس ، صفد و بعلبك شهرلىرى بوراده كاشندى .
دردنجيسى حص در كه بوالكا داخلنده ييلان وعقرب بولونمازدى .
سلميه بوالكا داخلندهدر . بشنجيسى قنسرين الكاسيدر كه حلب ،
حما ، سرمين و آنطا كيه شهرلىرى احتوا ايدر .
بوندىن باشقه ، سوريه يى مختلف حكومتاره تقسيم ايدرلردى .

بونلر برر ولایت وجوده کتیریورلردی . غزه ولایتنک مقرر
 اداره سی عینی اسمده کی شهر ایدی . رماه یالکیز بعض ملحقانه
 مالک بر قطعه دن عبارتندی . کرک حکومتی سوریه دن معدود دکلدی .
 آیری بر ولایت تشکیل ایدردی . عینی اسمله یاد ایدیلن پایتختی
 غایت مستحکمدی . شوبک بورایه تابعدی . صفد حکومتنک
 پایتختی ده عینی نامی طاشیردی . خراب صور شهری ایله ساحل
 بحر ده کائن معشوقه شهری بورایه تابعدی . بو شهر ده
 خراب ایدی . بو حکومت داخنده بویوک شهر لر قدر حائز اهمیت
 قصبات واردی . شام حکومتنک پایتختی شام شهری ایدی .
 بیسان ، سلط ، نابلس ، عجلون ، حسیان ، صرخد ، حبیبیه ،
 یاخود ظاهر اییه نظر آ نام دیگر له بانیاس ، حوران ، غوطه
 و بوتون اراضیسی ، فوران ، زبدانی ، تیم وادینی احتوا ایدن
 نوح کرکی ، سویدیه ، بعابک ، حمص . بصری ، بقاع العزیز ،
 صیدا یاخود قدیم سیدون ، بیروت بورایه تابعدیلر . پایتختی
 طرابلس شهری اولان طرابلس حکومتی صهیون ، مرقب حصاری ،
 حصن الا کراد . قدموس حصاری ، لاذقیه ، جبیل ، عرقه ، عکار
 حصاری ، جلالی قف ، روآفه شهرلرینی احتوا ایدردی .
 پایتختی حما اولان حما حکومتی ده سلمیه ، معرد ، قاضویه قلعه سی
 و مصیات شهرینی شاملدی . پایتختی حلب اولان حلب حکومتی
 داخنده آنطاکیه ، جعبر ، رحبه ، سنجار ، سرمین ، باب و بزاغه
 قطعه لری ، قالیف ، اعزاز ، حریره ، حدیثه ، آیاس ، سیس ؛

طرسوس، مرسین، اطنه، رمضانیه، عزیزیه، قیصریه، عینتاب،
شیخ، مسلمانلر حصاری، بیره، رها، یاخود ادسه، کرکر،
کاخته، حصن المنصور، بهسنی، دارنده، دیوریک، عربکیر،
جاشمقار، خوتوبرت [خرپوت] شهرلری واردی. ملاطیه
حکومتی ده ذکر اولونیورکه بوراسنی سلطان قلاون فتح ایتشدی.
برکه الکاسی ده مملوکلره تابعدی.

بوذی قدرت ایمپراطور لئک یاتختی اولان قاهره غایت واسع،
متعدد محللره منقسم، جامع، مدرسه ودها سائر مبانی عمومیه
ایله دولو بر شهر ایدی. بونک اوچ شهر دن ترکیب ایتدیکنی
یوقاریلرده سویله مشدک: فسطاط قسمنی عمرو بنا ایتشدی.
بوراسی اسکی قاهره ایدی. اصل قاهره بی خلیفه معزک
اردولرینک قوماندانی جوهر بنا ایلشدی. اوچنجی پارچه بی
تشکیل ایدن جبل حصاری ده سلطان صلاح الدین حسابنه قراقوس
طرفندن بنا ایدیلشدی. غایت یوکسک و محکم سورلرله محاط
اولان بو سرای عمل خدمتنی کورن برقا یا اوزرنده کائندر. بورایه
او قدر راحت بر مردیون یاپیلشدی که بارکیلر و دوهلر یوکلی اوله رق
چیقا بیلیرلردی. ایچنده برچوق سرایلر، اثره لر، سالونلر، میدانلر،
مکمل آخورلر، بازارلر، حماملر، مدرسه و جامعلر موجود ایدی.
بوسرایلردن ابلق نامیله یاد ایدیلن بردانه سی اوچ سرایدن
ترکیب ایدیوردی. دوشه مه لری مختلف رنگده مرمر دندی.
طاوانلر یال دیزلی و ماوی بویالی ایدی. اوزرلرنده غریب نقوش

واردی. بوسرای نی سلطان محمد یاپدیرمشدی. تبااید قطعه سندن
صورت مخصوصه ده بویوک هر مرستونلر کتیرتمشدی. بوسرای
بویوک اجتماعلره مخصوص ایدی. عینی حکمدار، دیوانی، بویوک جامعی ده
انشا ایتدیرمشدی. جامعه ده بش بیك کشی نماز قیلا بیلیدی.
صوک درجه ده قالین ستونلر واردی. بو حصارک سلطان مملوکلری
ایچون اون ایکی دائرہ سی واردی. بونلردن هربری برکوی
جسامتده ایدی. بیك مملوک بوراده ساکن اوله بیلیدی.
سرایلرک اطرافنده بویوک باغچهلر تنظیم اولونمشدی.

مصر اردولرینه اردولر اتابکی نام دیکرله بکلربکی قوماندانی
ایدردی. سلطانک سلاخلرینی طاشیمغه مأمور اولان امیرسلاح
اکثریابر رئیس صفتیله قوماندانلق ایتکده ایدی. بوایمپراطورلغک
قدرت و سطوتی آکلاتمق اوزره اردوسنک جدولنی اراهه
ایدهلم [۱].

مصرک میلیس عسکری	۳۴۰۰۰	نفره بالغ اولیوردی.
سلطانک مملوکلری	۰۱۰۰۰۰	»
امیرلرک	۸۰۰۰	»
شام ولایتنک میلیسی	۱۲۰۰۰	»
امیرلرک مملوکلری	۳۰۰۰	»
جاب میلیسی	۶۰۰۰	»

[۱] بو جدول چرکس مملوکلری زمانی ایچون یایلشدر. فقط
بحریه مملوکلرینه ده قابل تطبیق قدر.

»	»	۲۰۰۰	اميرلرک مملوکلری
»	»	۴۰۰۰	طرابلس میلیسی
»	»	۱۰۰۰	اميرلرک مملوکلری
»	»	۱۰۰۰	صفد میلیسی
»	»	۱۰۰۰	اميرلرک مملوکلری

حلقه لر یا خود مختلف شهرلرک قوه محافظه سی نامی ویریلن
 بوعسکرلردن باشقه مصر شهرلرنده اوشهرلرک والیلرینه مربوط
 بر میلیس واردی که مقداری آلتش بیکه بالغ اولوردی .
 سلطانلرک معیتنده کی عرب میلیس ایسه بوجه آتی ترکب
 ایدیوردی :

مقدارلری ۲۴۰۰۰ ه بالغ اولیوردی .			بنی نویره
»	۲۴۰۰۰	»	حجاز عربلری
»	۲۰۰۰	»	علی عائله سی عربلری
»	۲۰۰۰	»	عراق عربلری
»	۲۰۰۰	»	یلملم عربلری
»	۲۰۰۰	»	جزیره عربلری
»	۱۰۰۰	»	مترون عربلری
»	۱۰۰۰	»	جارم عربلری
»	۱۰۰۰	»	بنی عقبه و بنی مهدی
»	۱۰۰۰	»	عمرو عائله سی عربلری
»	۱۰۰۰	»	جذام عربلری

»	۱۰۰۰۰	»	عید
»	۱۰۰۰۰	»	فزاره
»	۱۰۰۰۰	»	محارب
»	۱۰۰۰۰	»	قتیل
»	۱۰۰۰۰	»	غثاب

مصرده داغنیق بر حالدہ بولنوب

یوزر سواری اوله رق تقسیم ایدیش

»	۳۰۰۰۰	»	اولان عربلر
---	-------	---	-------------

»	۱۸۰۰۰	»	تورکمن سواریلری
---	-------	---	-----------------

»	۲۰۰۰۰۰	»	کورد سواریلری
---	--------	---	---------------

مصرک جنوبندن کتیریلن سواری

»	۶۶۰۰۰۰	»	فرقه سی
---	--------	---	---------

ایشته بوتون بو مختلف اقسام بر آرایه کلنجه اوچ یوز بیکه یقین بر قوت تشکیل ایدیورلردی . هرامیره بر مقدار اراضی تخصیص اولونمشدی . بوندن باشقه اهالی کندیلرینه بعض ذخائر ویرمک مجبوریتنده ایدیلر . عسکرلر کبی امیرلرده معین مقدارده اکمک توزیع ایدرلردی . عسکرده بو صورتده پاره ویرمک و بسلامتک اغلب احتمال کوره قدیم مصریلردن قالمه بر عادتدر . چونکه اسکی مصرلر هر عسکره بر مقدار اراضی ایله بش اوقه اکمک، ایکی اوقه ات و بر مقدار شراب ویریلردی . صوک درجهده منبت بر مملکت اولان مصرده پاره ویرمکدن ایسه ذخیره ویرمک

هر زمان دها قولای بر ایش ایدی . مصر پک واسع اولماقله
برابر مصر حکمدارلری عظیم اردولر چیقاره جق درجه ده صاحب
سلطوت ایدیلر . ذاتاً سوریه یاخود سوریه نك بویوک بر قسمی
من القديم مصرک ملحقا تندن ایدی . تاریخ بزه اسکی عصرلرک
انقلاباتی بیلیردیکی صیراده دها اسکی عصرلرده وقوعه کلمش
اولان وقایعک طرز جریان حقیقده ده بر فکر ویریر . صوک
زمانلرده ایکی ایمپراطورلق آراسنده دائماً بر یخنه حرب تشکیل
ایدن بر ولایت هیچ شبه یوق اسکی عصرلرده ده عینی وضعیتده
ایدی . هله بو ایمپراطورلقلره صاحب اولان حکمدارلر مصر
حکمدارلری کبی پک صاحب سلطوت اولورلر سه . مصر نه قدر
منبت و معمور ایسه حکمدارلری ده او قدر فتوحاته میال و حریص
اولمشلر در . سوریه ده بر طاقم کوچوک حکمدارلره تصادف
ایتدیکنر زمان بونلرک مصر حکمدارلرینک خراجکمداری
اولدقلرینه حکم ایده بیلیرز .

ھونلرک تارىخ عمومىسى

يكرى ايكنجى كىتاب

برجيه مملوكلى ياخود مصرده چركسلىر

عن اصل تورك اولان مملوكلىرىنىڭ تىغلى آلتىندە ازىلن مصر
سلطانلىرى توركارىك نفوذىنە بر سىد چىكىمك اوزره چركس
مملوكلىرى، آرادىاروبونلىرىك برنجى مناصبە چىقاردىلر. بوچركس
مملوكلىرى حكومتى كىندى ملتىرىنە كچىرمك ايچون صرف مساعيدە
تاخر ايتىدىلر ونهايت موفق اولدىلر. كىندى لسانلىرىندە قىرقس
Kikes دىيە ياد ايتىلن چركسلىر سىبىريادە پايقال كولى جوارىندە
ساكن اولان قىرغىز Kerkes ياخود Kergis لر ايله عىنى قومدرلر.

بوتانلىرىك مختلف قىسىملىرى مؤخرأ بحر حزرىك غىربنە كچمىشلىرى.
الآن اورادە اوتورمق دەدرلر. بونلىرىك مەھاجرت تارىخلىرى
مجهول ايسەدە اورايە موغوللر ايله برابر كلمەلىرى اغلب احتمالدر.

ژان دولوقا موغوللارنىك باشقى بر دالى اولان نوغاي تاتارلىرىلە بويوك بر
تارىخلىك تارىخ مشابىتلىرى واردر. بونلىر اورمانلىرىك كشىف محملرىندە وبعض

عمومىسى كوياردە ساكن اولورلر. كويلرىنى پىك زيادە تحكىم ايدرلر.
لامبرىتى برقىسمى خرىستىيان برقىسمى مسلماندر. فقط ھېسى، پىك جاھلدرلر.

اسير تجارتيله پك مشغولدرلر . قاديئلرينك كوزلالكي نوغايلىرى
بورايه آقېن يامغە صيق صيق سوق ايدر . باركېرلىرى پك
مقبولدر . شايان حيرت آقېنلر ياپان سېيريا قرغيزلرينك باركېرلىرى ده
بويله ايدى .

مصر ده تورك مملوكلرينك زمان ساطنتنده بويوك بر چركس ابوالمحاسن
كولهسى تجارتى واردى . قەسا قبيلاسنه منسوب اولان برقوق
چركستاندن آلنەرق قرىمە كوتورلدى . اوراده عثمان نامنده
برى كندىسنى اشترا ايتدى ، مصره كتىردى ، اميريل بوغايه
ص اتدى [۱] . بو امير اولديرلەكەن و مملوكلەردن بر قەسمى
داغيتلەقەن صوكرە برقوق ايله برەكە وسائر مملوكلر حبس
ايدىلدىلر . صوكرە بو ايكي مملوك تخليه ايدىلنچە شام واليسى
امير منجكك خدمتتە داخل اولدىلر . برقوق ايكي سەنە يعنى
سلطان شعبان يل بوغانك مملوكلرينى مصره جلب ايدىنچە يەقەر
اوراده قالدى . مصر ده سلطانك اوغللرينك خدمتتە كىردى .
ايك ايله قرطايك غوغاسنده اييك طرفنى التزام ايتدى .
غالب كلن اييك ارکا طبليخانه ده بر امير منصبى ويىدى .
صوكرە اييكە قارشى عصيان ايله دى . دائما متفقى اولان
برەكە ايله برەكە بيكباشى اولدىلر . نهايت اصطبل عامرە ، دىر يتنە ارتقا
ايتدى . چوق كچمەدن ايكي ارقداش بوتون حكەم و نفوذى
اللىنە آلدىلر . برقوق اردولر اتابكلكنى ، برەكە ايسە بوتون

[۱] ۷۶۴ تاريخ هجرىسندە . ۱۳۶۴ تاريخ ميلادىسندە .

والیلر رئیس-کنی درعهده ایتدی . فقط صوکره ارالرینه نفاق
کیردیکی جهته برقوق برکهی ازاله ایتدی . خلیفه متوکلک ،
بوتون قاضیلرک و شیخالاسلامک و اونلردن صوکره بالعموم
امرانک موافقتیله تختی اله کچیردی (۱۸۱) . خلیفه دن فرمان آلدی .
کندیسنه ظاهر عنواتی ویردی . بو خبر مصر ایمپراطورلغنک
بوتون ولایتلرینه اعلان ایدیلدی . بوتون مناصبی اسرا آراسنده
توزیع ایتدی . کندیسنک تحته حیقماسینه خدمت ایتش اولانلره
مکافاتلر ویردی . مع مافیة البستانه بر قیام وقوعه کلدی .
بورانک وانسی اولان آلتون بوغا دارنده حصارینه قاپاندی .
فقط درحال بو قلعه یی محاصره یه کیدن حلب والیسی یل بوغا
عاصی یی تاتارلر نزدینه قاچمغه مجبور براقدی . آلتون بوغا بر
چرکسه بنده اولمغی ایسته مدیکنی علناً سویله یوردی .

۱۳۸۳

اوتارلخده نیل صوگ درجه فیضانه واصل اولونجه (۱۲)
سلطان ، بیبرسلرک زمان حکومتلریدن بری ، اهمال ایدیش اولان
برعادتی احیا ایتدی . بویوک بر آلا یایله جبل حصارندن ایندی ،
نیل کچدی . نهرک ارتفاعی مقیاسده اولچدکن صوکره
صولرک بوشالمه سنه خدمت ایدن خلیجی یاخود قانالی آچدی .
معلوم اولدینگی اوزره مصرک منبتله کی نیل صولرینک یوکسکله کینه
تابعدر . من القديم بو مملکتک حکمدارلری متعدد نقطه لرده

۱۳۸۳

[۱] ۷۸۴ سنه سی رمضانک ۱۹ نجی چارشنبه کونی .

[۲] ۷۸۵ سنه سی جمادی الاولک ۲۸ نجی کونی .

ستونلر ياپديرارق صولرك بوككلكنى تعيين ايتشلردر . بونلره
 نيلومتريه (مقياس نيل) ديرلردى . عربلر مقياس نامى ويرمشلردر .
 اوتارمخده قاهره نك اورتە سنده كائن روضه آطە سنده غايت مكممل
 برمقياس واردى . بو، مربع الشكل بر قويوايدى . هر صفحه سى
 اونيدى فرانسز قدمى جسامتمندە ايدى . بو قويونك طيشندە فورمون
 بياض مرمردن قورينتيەن اسلوبندە سكرستون اوزرينە مستند
 بر غالىرى واردر . ستونلرك هر برى سكر قدم ارتفاعندە در .
 قويونك ايچندە بر مرديومەندىن ديبە قدر اينيليردى . صويك سويەسى
 اوقدر كوزل ترتيب اولنشدى كه نهر ك سطحندن نه آلاچاقده
 قاليردى نه يوقارى يە چيقاردى . اورتەدە بياض مرمردن برستون
 واردى . مختلف ايكي قبه آلتندن كيرن و چيقان نيل نهرينك
 قبارماسنى بيلديرەنك اوزرە بوستونك اوزرينە درجات چيزلمشدى .
 مائس اينك اون التنجى ياخود يكرمنجى كونسندن اعتباراً صولر
 يوكسلمكه باشلار . ۲۸ ياخود ۲۹ حزيراندە صويك قبارمەسى
 اولچرلر و هر كون بوتون قاهرەدە بونى اعلان ايدرلردى .
 على العادە ، آغستوسك اون دردينە دوغرو مبذوليتە دلالت
 ايدن معين بر ارتفاعە واصل اولونجە بوتون اكبر صولرى آقيتمق
 اوزرە آلاى ايله كيدەرك خليجى آچارلردى . بو مراسم اوسنە
 محصولاتك مبذول اولە جغنە دلالت ايدردى . خلق بويوك
 شەكلىر ياپارلردى . نيل نهرى كافى درجەدە يوكسلمە يە جك اولور سە
 قيطلق تەلەكەسى قارشيسندە قالينيردى . بونك ايچون ، ترايدك

مختلف درجاتی او کر نمکده بوتون خالق علاقه دارد. مورخلر نيلك اك چوق چيقه جنى ارتفاعك نهدن عبارت اولديغنى هر سنه نهايتنده قيد ايتمكى عادت اتخاذ ايله مشر در .

صوكره ، سلطان، خليفه متوكلك توركمين ادير قارات ايله متفقاً، تقريباً سكر يوز سواری قوتی آله رق حصار دن چيقوب ميدان كيره جكي صيراده . نديسنه هجوم ايديه جكنى خبر آلدی (۱۱) . مقصدلری كنديسنى اولدير مك و خليفه يي تخته چيقارمقدی . بوسوء قصدی ترتيب ايدنلری وبالحاصله خليفه يي حضورينه كيتيرتدی . بونلرك في الحقيقه بويله بر شى حاضر لادقلى تحقق ايتدی . قارات ايله ابراهيم زنجيره اورولديلر . سلطان قاضيلری طوپلایه رق خليفه نك اعدامی جائز اولوب اولماديغنى صورتی . بوكا اولماز ديه جواب ویرديلر . لکن ، حصارك بر طرفنده كنديسنى زنجيره اورديلر ویرينه واثق خليفه يادیلر .

اوتار نخلرده تیمور انك امير قرا محمدی تبریز دن طرد ايتمشدی . اوده ايكي يوز سواری ايله ملاطيه چكيا مشدی . آمد ، تاتارلر طرفندن ضبط اولونمشدی . برقوق كندی مملكتلری اچون پك حقل اوله رق تلاشه دوشديكندن قاضيلری ، علمائی ، امرای طوپلادی ۱۲۱ . عسكر ك آزانی و خزينه نك مضایقه سی حسبيله بوتون اوقفی ضبط ايتك تكليفنده بولوندی . بوكی احوالده

۱۳۸۷

[۱] ۷۸۵ سنه سی رجب ابتدالرنده .

[۲] ۷۸۹ سنه سی جمادی الآخرنده .

شیمدی به قدر بواملاکه وضع ید ایدیلش اولمقله برابر برقوقك
تکلیفی بك چوق اعتراضات دعوت ایتدی برقوق بر آن اول
بونلرك میللیس عسا کرینه توزیعنی ایسته یوردی . بو تصور دن
واز کچیلدی . درت بیکباشی امیر کوندرلمسی و بونلره حلقه دن
اوچ یوز سوار ی علاوه اولونماسی قرار لاشدی . هپسی
حلبه کیتدیلر [۱] . او زمان اوراده سودون [۲]
والی ایدی . قرا محمد ایله تیمورلنك آراسنده وقوعه
کلن محاربه دن سوکره تیمورلنك کندی مملکتنه دوندیکی
خبری حلبه واصل اولمشدی . مصر اردوسی دیاربکر . کیتمکله
اکتفا ایتدی . بر آرزوکره شام شهرلرینه دوندی . اوراده
وجودینه لزوم کورولمشدی . ملاطیه والیسی اولوب منطاش
نامی آلتنده دها معروف اولان تیمور بوغا [۳] عصیان ایتمشدی .
سیواس حاکمی قاضی برهان الدین احمد ایله تورکمن قرا محمد ،
بیره والیسی وده سائر برقوق مملوکار و تورکمنلر کندیسنه
مظاهرت ایدیورلردی . سلطان دزحال ، عسکره توزیع ایدیله جك
مهم بر مبلغ ایله دوا دار ملکتمری یوله چیقاردی .

بو اثناده قاهره ایله تکمیل جوارلرنده بر وبا ظهور ایددرک

بك چوق کشی تلف اولدی [۴] . سوریه اردوسی سیواس ۱۳۸۸

[۱] قاهره دن رجب ایتاسنده حرکت ایتدیلر .

[۲] لقبی المظفری در .

[۳] لقبی افضل الاشرفی در .

[۴] ۷۹۰ سنه سی ربیع الاولنده .

اوزرینه حرکته باشلامش، اوراده راست کلدیکی قوتی بوزمش ایدی. سیواس اهالیسی اورایه کلمش اولان آلتش بیک تاتارک معاونتی رجا ایتشلر سده سیواسی محاصره ایدن سوریه اردوسی بوتاتارلری مغلوب ایتشدی. سلطان اردویه الی بیک آلتون کوندردی [۱]. محاصره پک اوزادی. اردو چکیلمکه حاضر لانیوردی. بوصیراده تاتارلر اردویه آرقه دن بر باصقین یایمق ایسته دیلر. فقط مهم ضایعات ایله پوسکور تولدیلر. کندیلرندن پک چوق اسیر آلدقدن باشقه اون بیک قدرده بارکیر ضبط ایدیلدی. صوکره اردو حلبه دوندی. مصر عساکری قاهره یه کلدیلر [۲]. بومظفریت مناسبتیه قاهره ده بویوک شناه کار یاپیلدی.

مصر ده باشقه عصیانلر ددوموعه کلدی. شام والیسی آلتون بوغا نامنده (۳) بری سلاحه صاریلدی. فقط همان در حال توقیف ایدیلدی. سلطان عینی زمانده سائر بعض امرا ده توقیف ایتدیردیکی ایچون بویوزدن خلقی کندی علینه چویردی. دیگر طرفدن قرا محمد تبریزی ضبط ایتدکدن صوکره مصر سلطاننه عرض تابعیت ایتک ایسته دیکنه، سکه لرده اسمنی ضرب ایتدیره جکنه، خطبه لرده نامنی اوقوته جفنه، مصر حکومتی حسابنه تبریز والیه کنه تعیین ایدیلک آرزو سننده بولوندیغنه دائر خبر کلدی [۴].

[۱] جامذی الآخراک ۲۷ سنده .

[۲] ۷۹۰ سنه سی شعبانک ۳ نده .

[۳] لقبی الجبائی در .

[۴] ذی القعدة نک ایکسند .

سلطان بوکا رضا کو ستردی . فقط بلا سبب توقیف ایتدیردیکی
امرانك چوقلغی کندیسنه هر طرفده یکی دشمنلر پیدا ایدیوردی .
۱۳۸۹ حلب والیسی یل بوغا [۱] عصیان ایتدی [۲] . سلطان قاهره
امیرلرله طوپلانهرق و کندیلرینه ضیافتلر و یردرک بونلری حلب
ایتمکه چالیشدی . صوکره امیر یل بوغایه هدیهلر کوندردی
وامیر منطاش ایشنی مذاکره ایتک اوزره قاهرهیه دعوت ایتدی .
توقیف ایدیلدن قورقان یل بوغا سوریه ده قالمق ایچون، تورکمنلرک
حرکاتی و منطاشك عصیاننی بهانه طوتدی . سلطان یل بوغایه یکی هدیهلرله
امیر ملکتمری کوندردی . یل بوغای توقیف و قتل ایتمسی
ایچون کیزلیجه امرلر ویردی . مصر امراسنی کندی افندیسی
طرفنی آچیقدن احیقه التزام ایتکه حلب ایچون او صیراده
قاهره ده بولونان یل بوغانك بر مملوکی بوامردن خبر آلدی و درحال
یل بوغایه خبر ویردی .

فی الحقیقه ، ملکتمر حلبه یاقلاشدیغی زمان ، بوتون تدابیر
احتیاطیهی التزام ایتش اولان والی عادت وجهله کندیسنی استقباله
چیقدی . سلطانه مطیع کوروندی ، هدیهلری آلدی . امیری
حلب سراینه کوتوردی . سلطانك اوامرینی دیکله مک اوزره
امرائی وقاضیلری اورایه طوپلامشدی . یل بوغا ایله مملوکلرینك
جسارتنه واقف اولان حلب اتابکی سودون اولو بواجتماعه کلمك

[۱] لقی الناصریدر .

[۲] ۷۹۱ سنه سی محرمنده .

دعوتی ردایتدی . چونکه قان دوکواه جکئی تخمین ایدیوردی .
فقط تکرار دعوت ایدیلنجه اثوابلرینک التندە کزلی سلاحرلە
کیتدی . یل بوغان قورقیوردی . سرايک قاپسندن کیردیکی
زمان، یل بوغانک اصطلبل عامرە مدیری امیرقازان اثوابلرینک
اومومنی آچدی . مسلح اولدیغنی کورونجه درحال قیلینجی
چکەرک برضربە ایندی . یل بوغانک بوتون مملوکلری سلاحرینە
صاریلارق سودونی اولدوردیلر . ایکی طرفک مملوکلری بر
ساعت قدر چارپیشدیلر . یل بوغانمتعدد امرای توقیف ایتدی .
وعلى العجلە کیدەرک قلعه یی الە کچیردی . صوکرە تورکمنلری
وعربلری کندی طرفنە جلب ایتدی . امیر منطاشە مکتوب
یازدی . اودە درحال یانە کلدی . ملکتمر بوفنا خبر ایله
قاهرە یە دوندی [۱] .

سلطان ، حلبه باشقە والی تعیین ایتک لازم کادیکنە
حکم ایله عاصی یە خلف اولق اوزرە شام اتابکی اینالی نصب
ایلدی . صوکرە امرای جبل حصارینە طوپلایارق
اونلرە یل بوغانک عصیاننە دائر مذاکرە بولوندی . اورایە
بر اردو کوندەرلەکه قرار ویریلدی . فقط دها اول سلطان ،
میدانده قورولان غایت مزین برچادیرده کندیسنە بیعت مراسمنی
تکرار ایتدی . وعسکرە بویوک برضیافت ویردی . بو امرانک
صداقتی تأمین ایتەسنک عقبندە شامدن برساعی کلەرک [۲] امیر

[۱] صفرک ۱۹ نده .

[۲] صفرک ۲۴ نده .

قارەبوغا ايله بزلا ر ، تيمور طاش و كمشبغانك و دها سائر بعض
ايرلر ك برچوك مملوكلر له برايكده طرا بلس شامه طوپلان دقلرينه
واوشهر ك واليسى اسندمرى توقيف و برچوق امر اى قتل ايتدكلرينه
ونهايت يل بوغايه عرض تبعيت ايلدكلرينه دائر خبر كتيردى .
مصر اردوسى يوله چيقار يله جنى صيراده حما واليسى سودونك [۱]
مملوكلرينك او امير عليهنده حر كتده بولون دقلرى وشهرى يل بوغايه
تسليم ايتدكلرى حقنده خبر وارد اولدى . بوقدر فنا خبرلر
سلطاني شاشيرتدى . سلطان ، عسكرى كنديسنه جلب اچون
يكيدن پارملر داغيتديردى . برقوق طرفندن ويريلن امر اوزرينه
جبل حصارى قوماندانى كيدوب خليفه متوكلى سراينده توقيف
ايتدى و اونى حصار ك بر برجنه كتيردى . اوراده كيمسه ايله
اختلاط ايتمسنه ميدان براقاما يه جق صورتده غايت صيقى ترصد
ايدىلدى . فقط ايرتهسى كوني امرانك توصيهسى اوزرينه تخليه
اولوندى . صوكره سلطانك بوتون چو جوقلرى توقيف ايدىلدى [۲] .
كيمسه بونلر ك نه اولدقلر ندين خبر آله مادی .

برقوق ميليس عسكرينه يكيدن پاره داغيتدى . اولجه هر مملوكه
بش بك كوموش دينار ويرمشدى . بودفعه هر بيرينه بار كير ،
دوه وسلاحدن ماعدا بيكر دينر ويردى . رؤسايه متعدد دوهلر ،

[۱] لقي الثمانيدر . اولجه قتل ايدىلش اولان سودون المظفريدن

آيريدر .

[۲] ربيع الاولك ايكيسنده .

چادیرلر ودها سـ ئـ شیلر توزیع اولوندی . صوکره ، حصار
 خارجنده برجامعه بر اجتماع عقدایدیلدی . خلیفه ده بوراده بولوندی .
 سلطان خلیفه یه قارشى پك چوق ملتفت داورانقدن باشقه بر طاقم
 هدایا ایله برابر اون پك دینار ویردی . مع مافیه سوریه امراسنك
 قسم متبافیسى ایله مملوكلرك ، توركمنلر و عربلر رؤساسنك یل بوغایه
 تابع اولدقلرى ، شام ، بعلبك و كرك قلعهلرى مستثنا اولمق اوزره
 بر چوق قلعهلرك عاصیلره عرض تسلیمیت ایتدكلرى خبری ده
 آلندی . بو حوادث بوتون قاهره نی قاریشدیردی . اردو در حال
 حرکت ایتدی [۱] ، ریدانیه یه کیتدی . سلطان ، خلق کندی طرفنه
 جلب ایچون متعدد و بر كولرى الغا ایتدی . فقط عاصیلرك مقداری
 هر کون آرتیوردی . بعلبك والیسى کمشبغا ایله بر چوق شام
 امراسى بوتون مملوكلریله برلکده عاصیلره التحاق ایتشلردی .
 دیگر طرفدن ، قرا محمد ایله ماردین حکمداری عیسا [۲] سلطان
 معاونت تالیفنده بولندیلر و عاصیلره هجوم نیشیه خابور اوزرینه
 یورودیلر . غزه نی کچمش اولان مصر اردوسى یل بوغانك
 موصلتندن بر آز اول شامه کیتدی [۳] . یل بوغا شام شهرینی
 علی الغفله باصمق واله کچیرمك اوزره یوله چیقمشدی . سلطانك
 مملوكلرى شامده ارتکاب ایتدكلرى احوال دولایسییه اهالی نی

[۱] ربيع الاولك ۱۴ نده .

[۲] لقبی ظاهر مجدالدین در .

[۳] ربيع الآخرك ۷ نجی بازار ایرته سی کونی .

فنا حالده رنجیده ایتدیله . بوندن دولای خلق اونلری قوغمق
وسلطانہ قارشى عصیان ایتک فکرینه دوشدی . یل بوغانک
شام جوارلرینه موصلتی خبر آندیغی زمان ۱۱۸۱ هـالی بو
استعدادده ایدی . اوردو عاصیلره قارشى یوروک اوزره
درحال شامدن چیقدی . شدتلی بر محاربه وقوعه کلدی . مصر
اردوسی احراز غلبه ایتدی . عاصیلر تکرار طوپلاندقلى
جهتله ایکنجی بر مصادمهده تکرار مغلوب ایدیلدیله . فقط
اوچنجی بر محارباده برچوق امرا یل بوغا طرفنه التجا ایتدکلى
جهتله مصرلیر بوزولدیله و قاجغه مجبور اولدیله . تورکمنلره
عرار فراریلری تعقیب ایله پک چوقلرینی اولدیردیلر . بوتون
مصر اردوسی دارمه داغنیق اولدی . قوماندانلردن ایتیش
کیدوب شام قلعه سینه قاپاندی واوراده تحصن ایتدی . یل بوغا
درحال شامه یاقلاشدی ، قلعه یی ضبط ایله دی ، امیر ایتیشی
وشام والیسی ایله طرنطانی اسیر آلدی . سائر امرانک
وملوکلرکده قسم اعظمی اسیر دوشدیله .

بو فتا خبره مطلع اولان برقوق جبل حصارینک دیوانه
کیتدی . اوراده بوتون امراسیله بر مجلس عقد ایتدی . عاصیلره
قارشى ایکنجی بر اردو کوندریلمه سی قرارلاشدی . برقوق
عسکرلره وضابطانه پک چوق پاره داغیتدی . چونکه سائر
وقتلر اردویه یالکز ذخیره ویریلیدی . برقوق بالذات کندی

مملوكلرىنى دە يوللادى . ھابۇكە بونلار دائىما سىلطانلارنى ياندىدە بولۇپ ئورلاردى . بوسىرادە غىزە ئايە رەئەنك عاصىلارنى ئىنەدوشىش اولدىغى خىر ئالدى . بىر قوق تىكرار قاضىلارنى ، امىرلارنى ، طوپىلادى ۋاۋىلارنى ھىزۇرىدە خەلىفە يەيىت يىنى ئىتىردى . سۈكە خەلىفە يەك چوق سەدىيە روپىردى ، ۋاردا ئى ئارتىردى ۋە جىل ھىزارىدە كىندىسە دائىرە تەخسىس ئىتىردى . بوتون بۇ احتىياطلارە رىغما خەلق بىر قوق ئىقىندە تەختى غائب ئىدىجىنى كورىيوردى . خەلىفە ، سىلطاننىكى امرىيە قاضىلارنى ، مفتى ۋە سائر امىرلارلە بىرلىكدە ئاتە يىندى ، بوتون قاهرەدە سىلطاننىكى تەكمىل ۋىر كۈلرى الغا ئىتىدىكىنى اعلان ئىلادى ۱۹۱۱ ۋە خەلق اللەھى اعمادائىمكى ۋە ھىكمىدارە صادق قالمە تشۈيۈق ئىتىدى . خەلىفە بىر بىاننامە اوقۇردى . عاصىلارنى طرىق ۋەزىفە يە جىل ئىچۈن ياپىلان بوتون تشىبئات ھىكايە ئىدىلىيور ، عاصىلارنىكى تىكاب ئىتىدىكىرى تىجۋازات آكلاتىليور ، نىھائىت تىكلىف اولونان مەسالىھىي قىبول ئىتىدىكىرى بىلدىرىلييوردى . بوتون خەلق بۇ ۋىسۈرتلە مطاع اولدىغى احوالدىن دىھشتە دوشدى . بىر قوقدىن امىدىنى كىسىدى ۋە عاصىلارنىكى استىقبالە ھازىرلاندى . ايلارنى كىلنار بىر قوقنىكى آرتق تەختىدە اوزون مدت قالمەيە جىغنى تەقىر ئىتىدىلار .

سىلطان بوتون استىھكاماتى تەقىر ئىتىردى . بىر مەھسەرە يە مەقاۋىت ئىچۈن لازىم كىلن دىخىرەيى طوپىلاتدى . خەلقنى كىندىسە

قارشى لاقيد قالديغنى كورمكدن پك متأثر ایدی . آياق طاقى
يغمايه قويولمق ايجون اغتشاش زمانى صبر سزلقله بکله يوردى .
هرکس جان قورقوبسنة دوشمشدى . آرتق سوريه خبرلى
آلنه مايورنى . چونكه غزه دوشمشدى . كرك ده عاصيلرك
آلنه كچمشدى . سوريه يه كیده جك امرا ايله بوتون ميليس
سلطانك پك آز مربوط اولدقلى جهتلهر قوق تەبايىندن بر عرب
قوة معاونه سى كيتيرتمك لزومنى حس ايتدى وبونلره حصارك
اتككنده قراركاه قوردى . كنىش برهندك قازدىردى ، حصارك
قرافه ، حراس ، دارفيل ، قاپيلرىنى تحكيم ايتدىردى . سائر
طرفلى قاپاندىردى ومتوكله خايغه عنوانى اعاده ايلهدى [۱] .
برآز اول اوندىن بو عنوان نزع ايتمشدى . سلطانك اردولرىنه
هر يردن نفرت دعالى ايدىلدى . عاصيلر طرفندن قتل ايدىلنلرك
يرينه ضابطلر تعيين اولوندى . بوتون مانجىنيقلر حصارك سورلرىنه
يرلشدىرلدى . بوتون سوارى حلقه عسا كرىنه باز كيره يىنمه لرى
ايجون امر ويرلدى . بوتون بوقارغشهلر ائناسنده وبا علتى ده
بر طرفدن قاهره يى تخریب ايدىوردى .

يل بوغا ايله منطاش شاسى ضبط ايتدكدن صوكره بوتون
سوريه ده ولايت والىلرىنىك ميليسلر يله برلىكده بورا يه كلمه لرى لزومنى
اعلان ايتشلىردى . كوردلر ، توركمنلر ، عربلر ودها پك چوق عسكر

[۱] جاذى الاولاك اوننده .

شامده مصریوانی طو تدیله . غزه ده برقوق کندیله رینه قارشى چیتقه جق
 یرده حصارده تحصن ایتیش اولدیغنى خبر آلدیلر . اورادن قاسیه یه
 کیتدیله . اوراده قاهره امراسندن برچوغى کلوب کندیلرینی
 بولدیله . کشفه کلن کوچوک برمفرزه یی اسیرایتدیله . بوامیرلرک
 قاهره دن چیققلری کون برقوق دیوانه کیتدی [۱] وهر مملوکه
 بالذات بش یوز کوموش دینار توزیع ایله اونلری وظیفه لری
 اجرایه دعوت ایله دی . کندی بارکیلرینی بیله بومملوکلره ویردی .
 اهلی یی ضبط ایچون برقوق پاره توزیع ایتدیله .

عاصیلر صالحیه یی ضبط ایتیشلردی . بعض عرب قوتلری
 بوراده عاصیلره التحاق ایتدیله . عاصیلر غایت یورغون اولدقلری
 جهتله بوراده دیکندیله . اوزمان قدر اوراده بر اردویه تصادف
 ایتمکدن قورقشلردی . سلطان اردوسنی سوق ایتیش اولسه یدی
 پک ضعیفلامش اولان عاصیلر اغلب احتماله کوره مغلوب اولاجقلردی .
 سلطان ، اتابک قارا تیمورطاشی دشمنلرک اصفح طریقیه کلمه لرندن
 قورقدیغی ایچون کشف مقصدیه برکة الحبشه کوندرمشدی .
 امیر قاس ده چایرلر طرفنه کیتمشدی . سلطان ، میللیس عسکرینه
 یکیدن پاره داغیتدی ، اسکندریه دن پیاده تیراندازلر جلب ایتدی .
 بواثناده سلطان اسطبل دائره سنده پک اندیشک ایدی . اورادن
 صیق صیق قبة الظفره امیرلر کوندره رک جریان ایدن احوالی آکلاق
 ایسته یوردی . مملوکلرندن و امیرلردن برچوغى توزیع ایدیان

پارەلری آلدقدن صولرە، پلوسە واصل اولمش اولان عاصیلرک
نزدینە التجا ایتدیلر . عاصیلر بئرا بیضیه واصل اولدقلری زمان
سلطانک اردوسنک قسم اعظمی دارمه داغنیق اولدی و کندیلرینە
التحاق ایتدی .

دشمن کیتدکجه یاقلاش-مقده اولدیغی جهتلە بوتون قاهرە
میلیسی سلاخلاندی . نهایت یل بوغا قاهرە قریبندە برکە الجبدە
کوروندی . قاهرەنک بوتون قاپیلری قاپاندی . یالکیز زویله قاپیسی
آچیق بر اقلمشدی . عوام طافی عصیانە و هر طرفی یغمایه باشلادی .
سلطان بو اغتشاشی تسکین ایچون س-وقاغە چیقتی . هر کون
بعض امرا کندیسنی ترک ایدیوردی . یانده پک آزا میر قالمشدی .
بونلرە پک چوقا احسانلر و یرە رک کندیسنە ربط ایتک ایسته یوردی .
شهرده اغتشاش او قدر چوقدی که محبوسلر حبسخانه قاپیلرینی
زورلادیلر و هر طرفه داغیلدیلر . آياق طاقنک عاصیلرە التحاقنە
مانع اولمغه چالیشان بعض مملوکلر طاشه طوتولدیلر و اتلاف ایدیلدیلر .
هر کس طرفندن ترک ایدیلن بر قوق کیدوب تسلیم اولمق
ایسته دی . فقط بعضیلری اولونجه یه قدر حرب ایدە جکلرینی
تأمین ایدە رک بوکامانع اولدیلر . یل بوغا اردوسنک الک جسور
افرادندن پک بش یوز کشی حصار پیشکاهنە کلنجه و بوکا ممانعت
ایتمک ایستە ین امرا قبة الظفره قدر پوسکور تیانجه بر قوق قلنجی
یل بوغایه کوندردی و حیات-ه دوقونولماسنی طلب ایتدی . بو
آرزوسی قبول اولوندی . قاهرە شهرینک آياق طاقی بوندن

خبردار اولونجه حصارى يغما ايتدى. يل بوغا اغتشاشى تسكين
ايچون هيچ استعجال كوسترمدى. صوكره ۱۱۱ منطاش حصاره
كيتدى وخليفه يى قبة الظفره كيتردى. بواشاده تور كمنلرله عربلر
اميرلر ك سرايلرى واهالينك اولرىنى يغما ايدىيورلردى. يل ب فانك
اردوسى ايچرى يه كبرديكى زمان شهر ك يغماسى بوتون بوتون
كرمى بولدى. يل بوغا سكونى تأسيس ايتدكن صوكره قاضيلرى
واكار حكومتى توپلادى. ياپيله جق شى حقنده اونلرله مذاكره ده
بولوندى. برچوقلرى كنديسنى تخته چيقارمق فكرىنى درميان
ايدىيورلردى. فقط بونى دائما رد ايتدى. اولاه اسكندريه ده
محبوس بولونان امرا سربست براقديريلدى. يل بوغا خيل حصارينه
چيقدى. ديكر برسلطان اتخاب ايتك ايچون بويوك بر مجلس
توپلادى. اكثريت، اشرفك ارغلى اولوب مخلوع بولونان
صالح حاجى لهنده اعطاي راي ايتديكى جهتله، او، سلطان اعلان
ايديلدى. كنديسنه وقيله حائز اولدغى صالح عنوانى يرينه منسور
لقبنى ويرديلر. كيزلنمش اولان برقوق صوكره در دست ايديلار ك
كر كه كوندريلدى. اون برسنه بش آي ويكرمى يدى كون حكومت
سورمشدى.

برقوق برقوق وير كوي الغا ايتمشدى. از جمله قاهره الكاسى
داخلنده كى برلاس، سورس، بلاشيم اهااليسنك ويرمكه مجبور
اولدقلرى ويركولرله دمياطده كى بشداى رسومي، جيزه ده كى

وغرب مملكتلارندەكى مانىفاظورە رسومى بوقىلدندى. عىنتابدەكى
 طوزر-مى، بىرەدەكى اون رسمى، طرابلس اھالىسىنىڭ ھىروالى
 ورودندە تۇدۇرۇپ، مەجبۇر اولدۇقلىرى ھەدىلەر؛ شەرقىي كەلگەندە
 اوتتايان بار كىرلەردىن، دۈەلەردىن، سىغىرلەردىن، قويونلاردىن ھەرسىنە
 آلان رسوم؛ عقود و مەقاولات رسمى دە قالدۇرىلدى.

يېڭى سەلتەن، يىل بۇغايى اردولۇك اتا بىلەن كەنە و ھۆكۈمەت
 نىيەتتە تەيىن ايتىدى. يىل بۇغا درھال تور كەنەلەر سائەت سەرايە
 دىخولارنى مەنەع اولۇق اوزرە سەرايە بىر طاقم امرا كىتىردى.
 كەندىسى، سەلتەننىڭ اصطبل دائىرەسىدە اقامەت ايلەدى. بىر قۇقۇك
 قالدۇرۇپ، بۇتون وىرگۈلۈرى يېڭىدىن وۇش و بۇتون چىركەس
 مەلۇكلۇرى اچىون بىر عفو عومى نەشەر ايلەدى. مەجبۇس
 بولۇنغان امىرلار اسكەندىرىيەدىن كىتىردى، سەلتەننىڭ
 ھەزرىتى كەلگۈلۈرى زامان سائەت بىرەمىس امرايى توقىف ايتىردى.
 بۇنلۇك قىسم اعظمى بىر قۇقۇك صادق قالمىش كىمەسەلەردى. سۈكۈرە،
 مىلىس عسكەرىنىڭ سەلتەننى بىر اقدىردى. ھەلە قەسرەيە كىرەكلىرى
 زاماندىن بىر بويۇك اغتەشاشانە سەبب اولان، سۇقۇقلاردىن، ھامىلاردىن
 قەدىنلەر قەچىران تور كەنەلەرنى سەلتەننىڭ آلدى. كىمەسە بۇنلۇرى
 توقىفە جەسارت ائەمىيوردى. بىر قۇقۇك ساقلى اولدىنى پەرايىشە
 بۇ سەرايە مەيدانە چىقارۇش. بىر قۇقۇك ھەزرىتى كىچە بىن بىيان
 چىقىمىش، جەزەيە كىتىمىش، اورادە امرا مەلەر كەچەرك اۈچ
 كىچە قالمىش. سۈكۈرە بۇ يەردە نامەندە بىر امىر ك اۈبىنە ساقلامىش.

برقوق اختفا کاهنده توقیف اولوندى . کندیسنى حصاره
 کرتوردیلر . امرادن قسم اعظمى اعدامى فکرنده بولوندىلر .
 اقلیت ایسه حبسنه طرفدار ایدی . یل بوغاده بو فکرى التزام
 ایدنجه برقوقى کرکه کوندردیلر . اورایه سوق اولوندىنى صیراده
 یل بوغا، برچوق امرانك تقريباً برقوقك درت یوز قدر مملوکی
 ایله برلکده شامى ضبط ایتك ایستدکلرینی خبر آلدی . بوندن
 دولایى منطاش یل بوغانك برقوقى اولدیرتمك ایستهمه مسندن
 دولایى مؤاخذاتده بولوندى . معافییه برقوقه کرکده حسن
 معامله ایدیلدی . قلعه قوماندانی امیر حسام الدین [۱] اوکاقرشی
 بالخاصه مربوطیت کوستردی .

بوتون سوریه عساکری وبرقوقك مملوکلرینك قسم اعظمى
 مصردن کوندریش اولدیغی ایچون یل بوغایله منطاش آراسنده
 چوق کچمه دن نفاق چیقدی [۲] . منطاش خستهلق
 بهانه سیله سرایه کلرک عرض تعظیامتدن وازکچدی . حتی یل بوغانك
 کندیسنه کوندرمش اولدیغی امرا ایله مملوکلره قارشى معامله
 شدیدده بولوندى . صوکره بوتون طرفدارلریله برلکده
 باب الزنجیره کیتدی ، بوتون بازکیرلری ضبط ایتدی ویل بوغانى
 یا قالامق ایچون بو قاپی زورلامى ایسته دی . فقط یل بوغانك
 مملوکلرینك آتدقلری اوقلردن دولایى سراینه عودته مجبور

[۱] لقى الجى کی در .

[۲] شعبانك آلتیسنده .

اولدی . یولده بعض امیرلرک اولرینی یغمالادی . سلطان حسن مدرسه‌سینی ضبط ایدهرک تحصن ایتدی . یل بوغانک طرفدارلرینی اورادن اوقه طوتیوردی . یل بوغا بوتون مملوکلرینی تسلیح ایتدی وقاهره قاپیلری قاپاندی . شهر بر صحنه حرب اولدی . منطاش احسانلریله عوام خلقی قازاندی ، قوتی هر کون آرتیوردی . هر کون یل بوغانک طرفنی ترک ایدن امیرلر و مملوکلر کنديسنه التجاق ایدیورلردی . یل بوغا بر چوق آدم طوپلامشدی . بونلر طاشلر و سائر مادهلر آتیورلردی . یل بوغا بونلره ، شهاب‌الدین احمد نامنده ریاضیودن برینک قومانداسی آلتنده کیددرک منطاشک اوینه جبراً کیرمه‌لرینی و کنديسنی قتل ایتلرینی امر ایلهدی . منطاش بونلری مغلوب ایدهرک مانجینیقلری اله کچیردی واونلری دشمنلرینه چویردی . منطاشه قارشى باشقه مانجینیقلر قوردیلر ، طرفدارلرندن بر چوغنی یارالادیلر . یل بوغا بوتون قوتلریله عاصییه قارشى بالذات یوردی . فقط آياق طاغی ايله مصادمه‌یه کیریشمک مجبوریتند . قالدی و رجعت ایتدی . منطاش طرفدارلری دشمنندن وقوعه کان دخالتلرله تزايد ایتدیکندن منطاش ویرکولری قالدیردق و کنديسنی امیر اکبر اعلان ایتدهرک شهرده آسایشی تأسیس ایتمکه چالیشدی . بونک اوزرینه یل بوغا صلح طلب ایتک اوزره خلیفه متوکل یولادی . منطاش خلیفه‌یه شوسوزلری سویلادی :

« بن سلطانه دائماً مطیعم . بنم افندمدر ، افندی زاد مدر

وبوتون امرا قارداشمدرلر. بن يالکيزيل بوغايه قيزغينم. چونکه سيواسده، حلبده، شامده بکاداء متحدا اوله جغمزه، سلطانک آمر بولونه جغه دائر يمينلر ايتشد. حالبوکه کنای کنديسني اردولرک اتا بکي تعين ايتدی. بوتون حکم و نفوذی الله کچيردی. کندي بندهلريني يرلشديرمک اچون بي حکومتدن اوزاقلاشديردی. بکا آنجق يوز بيک دينار ويردی. اک اي اراضي بي کنديسنه آيرارق بکا اک فنا يرلری براقدی. بونلردن سنهده آنجق آلتی يوز بيک دينار آليورم. اونک اچون ايکيمزدن بری دنيا يوزندن قالقماليدر. »

خليفه کنديسني تسکينه چالیشدی. فقط بردورلو اقناعه موفق اولامادی.

بونک اوزرينه ييل بوغا بوتون مملوککريله آيييندی، دشمنه قارشى يورودى. باب الزنجير قارشيسنده صف حرب ترتيب ايتدی. ايکي طرف قانلى حربيه کيريشديلر. برقوقه مربوط بعض امرا بوصيراده منطاش طرفنه التحاق ايتديلر. ييل بوغامغلوب اولدی. تکرار قوت طوپلايه رق کلدی. ايکنجی دفعه يينه پوسکور تولدی. منطاشک طرفدارلرينک مقدارى کيتدکجه آرتيوردي. حصارک اوستندن و قاهره نك مختلف سرايلرندن مواد مشتعله و اوق آتمقدن خالى قالمایورلردی. بونلره سلطان حسن مدرسه سندن مقابله ايدیلیوردي. سوقاقلره چيتمق هرلکلی ایدی. عوام طاقتی هرکسی توقيف ايدیور، هانکی طرفدن اولديغنی

صوريوردی . سرائيلر بونلر طرفندن يغمما ايدیلیوردی . يار بوغا
بر قوق خلع ايتش اولديغنه اسفايتدی . حصاره چيقدی و قرافه
قايسندن قاقچق ايستیدی . فقط بونی خبر آلان منطاش درجا .
کیده رك سلطانك آخورلرینی ضبط ایتدی ویل بوغالیله برالکده
قاجان امیرلرک سرائيلرینی يغممالايتدی . صوکره سلطانك حضورینه
چيقه رق کندایسنه دائما طاعته حاضر اولدیغنی ، چونکه وقتیا پدیری
شعبانك مملوکلرندز بولوندیغنی وانجق سلطانك اعلاي شان و قدرتی
ایچون سلاحه صاریلدیغنی سویله دی . بعض امرای زنجیره اوردیردی .
بعضیلرینی تخلیه ایتدیردی . یل بوغا سیریا قوس یولی اوزرند
توقیف ایدیارك اسکندریه حبسخانه لرینه کوندریلدی . مناصب ،
سائر امرایه توزیع اولوندی [۱] . منطاش کندی طرفدارلرینه
پك چوق پاره داغیتدی .

منطاش ، کندی طرفنی اتزام ایدن برقوق مملوکلرینه ، یار بوغانی
طردایدر ایتمز افندیلرینی سربست براقغنی وعد ایتشدی .
فقط بوسوزی طوتمق شویله دورسون بومملوکاره هیچ اراضی
و تخصیصات بیله ویرمدی . کندی مملوکلرینی یرشدیردك اونلری
اوزاقلاشدیرمغه چالشدی . بونلر شکایته باشلامش اولدقلری
جهتله خدمتلرینه مکافات ویرمك بهانه سیله کندیلرینی طوپلاندی [۲] .
هپسی حصاره کلدکلری زمان توفیف ایتدیردی . مقدارلری
ایکی یوز راده سنده ایدی .

[۱] شعبانك ۲۱ نده .

[۲] ۷۹۱ سنه سی رمضانك اکیسندده .

صوكرده، ولايتلرده عصيانلر چيقدى. امير نغرايله توركمينلر
رئيسى ذوالقدرك اوغلى سولى سلاحه صاريله رق حلب الكاسنى
تخريب ايتديلر. منطاش بونلره مكتوب يازدى و التفاتلرله
كنديلرني دائره وظيفه يه ادخاله چاليشدى. شام واليسى بزلاره
قارشى ده عيني معامله يي ياپدى و بر آرزو كره اونى توقيف ايتديردى.
بزلا ر برقوق طرفدارى ايدى. اوتوزبيك كشي ايله مصر اوزرينه
يورومك تهديدنى اظهار ايتمشدى. فقط منطاش بواميرك توقيفى
دولايسىيله اظهار شادمانى ايتديكى سيرا ده برقوقك محبس دن چيقتيغنى،
كركى اله كچيرديكنى و كرك واليسى حسام الدينك برقوق عربلرله
برابر برقوقه عرض تابعيت ايتديكنى خبر و يرديلر.

منطاش مصره حاكم اولور اولماز برقوقك اولديريله سى
اچون امر و يرمشدى. وقتيله كرك قاضيسنك قزيله اولنش كننج
بركركلنى بو كاه امور ايتمشدى. بو كننج آدم قاربسندن آريغنه
مجبور اولاش وقا دين ده باشقه برينه وارمشدى. بوندن متاثر اولان
دلقانلى قاهره يه چكيلمش، اورا ده بر ساعيله كه تعيين ايتيمشدى.
منطاشك او امرنى حامله قاهره دن كلديكى زمان قاضينك مقيم
اولديغى مقير كوينده توقف ايتدى. او كا قارشى بوتون حدتى
اظهار ايله تكميل عائله سيله برابر كنديسنى اولديرته جكنى سويله دى.
قاضينك اقربالرى قورقه رق در حال كركه خبر كوندرديلر.
او صورته كه ساي كركه واصل اولديغى زمان كنديسنك و رودندن
شهر خبردار اولاشدى. والى دائره سنده هر كسك مواجهه سنده

سلطانك ومنطاشك مکتوبى اوقودى . بونلرده مختلف شيلر يازيلدى ، فقط برقوڭ قتلندن هيچ بحث اولمايوردى . ضابطان ايله اهالى چكىلدكن صوكرده ساعى منطاشك ديكرب مکتوبى وىردى . بونده منطاشى اولديرتمهسى حسامالدينه امر ايدىليوردى . والى مکتوبى آلدى ، اوامرى اجرا ايدى جگنى سويلدى . صوكرده برقوڭ بولدى ومکتوبى كوستردى ، برقوڭ تلاشه دوشدى . فقط حسامالدين كنديسنه دائما صادق قاله جغنى سويله يهرك برقوڭ تسكين ايتدى . عىنى زمانده كرك اهالىسى ده برقوڭ لهنده قيام ايتدىلر ، ساعى ي اولديرديلر [۱] . بوندن والينك وبرقوڭ ده خبرى يوقدى . صوكرده برقوڭ محبوس بولنديغى برجدن چىقاردىلر . ميليس عسكرى برقوڭ لهنى التزام ايتدى . اهالى برقوڭ مدافعه يه قادر برحاله قويه بيلمك اچون باركيرلرنى وبولدقلى شيلرك كافه سنى وىردىلر . آرتق برقوڭ طرفى قوت بولمغه باشلادى .

منطاش بووقعه نى خبر آلتجه كندى سلامتتى دوشوندى . وقتيله برقوڭ مملوكلىرى مياننده بولونمش اولان بعض امرايى توقيف ايتدىردى . ساثر امرايه برچوق احسانلرده بولوندى . اسندمر ايله قوطلوبوغا ، منىكلى بك و تيموربوغا قومانداسى آلتنده غزه يه دىرت بيك سوارى كوندرمكه قرار وىرىلدى . بو قوماندانلرك هربرينه يوز بيك كوموش دىنار وىردى . حجاز طرفنه ده بر مقدار عسكركوندردى . سلطان طرفندن كنديسنه اردول

آتابکی عنوانی ویردیدی . بو صورتله خلقه تختی ضبط ایتک
فکرنده اولمادیغنی آکلاتمق ایسته یوردی . - لطانہ صادق قلنغہ
تشویق ایچون بعض امرایه یکی مناصب توجیه ایدیلدی . مع مافیه
برقوق طرفنه کچر قورقوسیه اردو غزه یه کوندریلمه دی .
ینه بوسیدن دولانی ، وقتیلر برقوقک مملوکلرندن اولان بعض
کیمسه لر قوص جهتلرینه اعزام اولوندی . مملوکلرک قوصه
سورولمه سی عاصیلرک مقدارینی آرتیرمقدن باشقه رشیه یارامادی .
چونکه عصیان ایتش اولان قوص امراسی والی یی توقیف
ابدرک شهری اله کچیرمشلردی . برقوق عربلرده کندیلرینه
التحاق ایتشدی . منطاش حلب والیسی کمشبعانک ده عصیان
ایتدیکنی خبر آلدی . ته باید عاصیلری هرکون تزايد ایتدیکی
جهتله اوزرلرینه بش بیک سواریدن مرکب برقوق کوندریلمک
لزومی حس ایدیلدی . آصوان والیسی ایه درقه قوصه کیتمشدی .
اوراده تقریباً اوتوزامیرایله برقوقک مملوکلرندن برچوغی واردی .
عینی زمانده جنوب الکاسی والیسی مبارک شاه مملوکلرندن اوچ
یوزکشی و برقوق عرب قبیله لری ایله عاصیلرک التحاق ایتشدی .
بوتون مملکت عاصیلرک انه کچمشدی .

منطاشک اردوسی آخونده قدر کیتدی . مبارک شاه اوراده
بواردوی باصدی . اسندمر قومانداسنده کی دیگر بر مفرزه ده
مغلوب اولدی . منطاش حلقه عسکرینی اعزامه حاضر لاندیغی
حیراده اسندمرک مباده شاهی اسیر ایددرک قاهره یه اعزام ایتدیکی

خبرنى آلى . بونك اوزرىنه كركه كوندرك اوزره درت بش
بيك كشى ايله اوچ يوز مملوك تفریق ايدىلدى . برقوق كركده برقوق
كشى طوپلامش حتى تجاوزى بر حر كته كبريشمكه بيله حاضر لاشدى .
آغىرلقلى كركدن چىقمشدى . ندىسى ده آرقه دن يورومك اوزره
ايدى . بوصيراده شهر ك ايلرى كلنلى قاضى عمادالدينى بولوب برقوق
توقيف اتمك وبونك حبس خانه دن چىقماسى آياق طبقه سىنك
اثر عصيانى اولدىغى سلطان بىلدىر مك تىكلىفنده بولوندىلر . شهر ك
قايلارنى قاپاتىردىلر . بوصورتله برقوق طرفدارلردن آيرى
دوشىدى . فقط كرك كاتى اولان قاضىنك برادىر برقوق ايله
برلده قاپىنك اوكنه كلدى . او قدر يالواردى كه عاصىلر قاپىنى
آچدىلر . برقوق دىشارى چىقدى ، طرفدارلرىنه التحاق ايتدى ،
كرك خار جنده باشه ده بركون قالقدن صو كره شام يولنى طوتدى (۱۱) .
شام رالىسى جنتمر سائر برقوق امرا ايله برلكده عسكەرلىرىنى
طوپلايىرق برقوقه قارشى يورودىلر . ايكى اردو شام قربنده
شاشوب موقعنده قارشىلاشدىلر . اوراده شدتلى بر محاربه
وقوعه كلدى . برقوق ابتدا مغلوب اولدى . فقط صو كره عسكەرلىرىنى
طوپلامغه موفق اولدىغى جهتله دشمنلىرىنى پرىشان و چوقلىرىنى
اتلاف ايتدى . جنتمر قلعه يه قاپاندى . صو كره برقوق ، بر عرب
مفرزه سيله كندىسنىك اوزرىنه يوروين غزه واليسىنه قارشى چىقدى .
غز واليسى بوزدى ، بوتون آغىرلىقلىرىنى ضبط ايتدى .

سوريه ده بولونان مملوكلر كقسم اعظمى برقوق طرفنى التزام ايتديلر .
 شام امراسندن برچوغى ده بوحر كته امثال ايله ديلىر . برقوق
 شامك بعض طرفلر ينه آتش ويردى . اهالى مدافعه ده بولونديلر .
 والى حلبدن برقوقه يكي قوت امداديه كلكده اولديغنى خبر الانجه
 بونلرى باصق اوزره بش يوز سواري كوندردى ايسه بوقوتك
 اطرافى چه وريلدى . بوموفميت برقوق طرفدارلرينك جسارتى
 دها چوق آرتيردى . برقوق شام محاصره سنه دها شدتله دوام
 ايتدى . برقوق يكي بوموفميت دها احراز ايدرك برچوق اشياء
 اسلحه و چاير اغتنام ايتدى . عسكرلرى بويوزدن صقنتيده ايديلر .
 بونلرى الده ايدنجه دها ابي مدافعه ايدى بيلير برحاله كلديلر .

بومؤسف خبرلرى دويان منطاش ۱۱۱ برقوقك تشبثاتنه ممانعت
 ايتك اوزره سوريه يه كچمكه سلطاني اقناع ايتدى . بوسياحت
 اچون لازم اولان بوتون حاضر قللى كورمكه وزير موفق الدين
 مأمور ايديلدى . فقط خزينه ده برشى قالمامش اولديغى اچون
 ارباب خير و حسناتك ايتام اچون وصيت ايتمش اولدقلى مبالغى
 آلق اوزره قاضى القضاته مراجعت ايله ديلىر . قاضى كمال متانتله
 ممانعت ايتدى . تهديداته قارشى ده لاقيد داوراندى . قاهره ده
 بونلرله مشغول اولدقلى صيراده غزه واليسى ابن يعيشك برقوق
 طرفدن مغلوب و بوتون اشيا نك يغمما ايدىلدى يكي خبرى كلىدى . بو خبر
 اورته لغه يأس و نوميدى ويردى . سوريه يه كيتمك اچون ياپيلان

تداركات تأخير ايدىلدى. خليفه عسا كرى دهشت ايجنده قالدى. بونك اوزرينه منطاش خليفه متوكل ايله سائر علمايه مراجعت ايدىدرك هر كون يكي بر طاقم غلبه احراز ايدىن وصفدى ده انه كچيرن برقوق عليهنده بر فرمان اصدار ايتىلرني ايستىدى. منطاش قاهره نك قديم حبس خانه سنك قايلرني آچديره رق بر چوق مملوكلى تخلصه ايتىردى. بر امير نى زنده بش يوز بيك درهم واللى بيك دينار بولدى. ديكى بر اميرده ده اوچ يوز بيك مصر دينارى بولهرق ضبط ايتدى. برقوقدن قاچان سوريه امراسنك قسم اعظمى او صروده مصره واصل اوليورلدى. منطاش علما ايله خليفه دن سلطانك مقام سلطنتده تاييدنى ميين يكي وثائق آلدى و برقوق ايله حرب ايتىك اوزره سوريه كيديله جكنى اعلان ايتدى. عربلره بارلىرلره بى نىمه لرى ايجور امر وىرىلدى. برقوق اوزرينه يورومكى امر ايدىن فتوا قرايت اولوندى. سلطان امر ايله هيدىلر وييه جىلر وىردى.

بو صيراده ده اسندىر ايله يعقوب شاه قومانداسى آلتنده بولونان ته بايد اردوسنك قوصده برقوق طرفدارلرني مغلوب ايتىش اولدىنى خبر آلدى ۱۱۱. پاره يه پىك زياده احتياج اولدىنى جهته منطاش خرىستيانلرك پطريقى ماتيوسى كى ندىسنه يوز بيك درهم وىر مكه مجبور ايتدىكى كى يهودىلرك خاخم خانه رى ندىندن ده اللى بيك درهم آلدى. كى نك بوتون ديوان ضابطاتى معين

بر مقدار مبلغ ویرمکه و بر آت تأمین ایتکه اجبار ایله دی .
سائر ضابطانه ده تکالیف تحمیل اولوندی . نهایت سلطان بوتون
امراسیله جبل حصارندن چیقدی و قاهره خارجه ریدانییه
کیتدی .

منطاش قاضی القضاة صدرالدینی اردو ایله برلکده سوریه یه
کلمکه اجبار ایتک ایسته یوردی . فقط صدرالدین موافقت
ایتمدیکی جهته یرینه باشقه بری تعیین ایدیلدی . بونک ایتام
پاراسنی ویره جکی و کندی جینندن ده آیریجه یوزبیک درهم
کوموش علاوه ایده جکی شرط قوناشدی . بو صورتله فنرا
صندوقدن اوچ یوزبیک درهم آلدی . شرقدروئسای دین دیمک
اولان سائر برچوق علمادن کیمیسی بشیوزبیک درهم کیمیسی
یوزبیک درهم کیمیسی یوزبیک درهم ویردیله ، سلطان قاضیلری بو
صورتله برخیلی پاره ویرمکه مجبور ایتد کدن سو کرده غزه یولانی طوتدی ۱۸۱ .
برقوق طرفدارلری هر کون برچوق تورکمنلرله عربلرک
التحانندن طولانی تر اید ایتکده اولدیغی و شامی ضبط ایتمه سندن
قورقولدیغی جهته علی العجله شام جوارلرینه کیدیلدی . مصر
اردوسی برقوق بولوندیغی شاشوب موقعندن برکون مسافه ده کائن
ملیحه کوینده قرارگاه تأسیس ایتدی . طرفیندن صف حرب ترتیب
ایدیلدی . محاربه باشلادی . [۲] منطاش صاغ جناحک باشنده

[۱] ۷۹۲ سنه سی محرمناک ۸ دده .

[۲] محرمناک ۱۴ دده .

بر قوقك صول جناحنه هجوم ايتدى . بو محاربه غايت معنده
اولدى . بر قوقك صول و صاغ جناحلى پريشان ايدى .
منطاش ددقاچانلى تعقيب ايدى . فقط بر قوق مركزى ثابت قدم قالدى
وساطان حاجى طرفندن قوماندا ايدى . هجوم ايتدى .
سلطان حاجى ، خليفه وقاضىلر كافهسى اسير دوشدىلر . فراريلرى
تعقيبده دوام ايدى و حاجىنىك هزيمتندن خبردار اولماي منطاش
شامه قدر كيتدى . اوراده ، احراز ايتدىكى مظهرى اعلان
ايلهدى . فراريلر كر كه و حلبه قاچدىلر . محاربدهن صوكره
سلطانك سنجاغى آلتنده طوپلانان مصر عساكرىنىك قسم اعظمى
اوراده بر قوق بولمقدن خبرته دوشهرك اوكا عرض تابعيت ايتدىلر .
مع مافيه بر قوق بر باصقينه اوغرامق قورقوسيله كونك قسم متباقيسىنى
وبوتون كيجه يى آت اوزرندى كچيردى . شفق سو كنجه منطاشك
اوزرينه يورودى . بونكاه ايكنجى بر محاربه وقوء . كلهر ك
غروب شمسه قدر دوام ايتدى . منطاش طرفنه غير مساعد بر
ياغمور ايله مترافق بولونان شدتلى روزكار منطاشى فراره مجبور
براقدى .

۱۳۹۰

بو بويوك محاربدهن صوكره بر قوق خليفه ايله قاضىلرى
طوپلايهرق سلطان حاجى يى خلع و كنديسىنى يكيدين سلطان
اعلان ايتدى . در حال مصر يولنى طوتدى . مصر ، بر قوق
طرفدارلرىنىك چيقاردقلى اغتشاشات يوزندن پك قاراشيق ايدى .
منطاش طرفدارلرىنىك كافهسىنى توقيف ايتشلىردى . بوسالسمنده

برامير سلطانی استقبال ايجون ايجاب ايدن تکميل حاضر لقلری ياپدی . برقوق صالحیه کيتدی [۱] . بوتون قاهره اهالیسی کندیسنی اورایه استقباله کلدیله . قاهره سوقاقلرینه ایپک خالیر سردیلر . برقوق آتایله بونلرک اوستندن کچدی . اسکی سلطان وفاتنه قدر [۲] بوشهرده اوتوردی وبرقوق طرفندن دائما حرمت کوردی . حاجیه ، سرایي داخلنده پک چوق نفرت بسله نیوردی . چونکه قادیئلرینه قارشى صوگ درجده ظالمانه داورانیردی . چوق کره قادیئلره بش یوز دکنک اوردیردیغی اولوردی .

برقوق تخته صاحب اولور اولماز ، اسکندریه ده محبوس بولونان بوتون امرایي قاهره ده کتیرتدی . منطاشک طرفنی التزام ایتش اولانلرک یرینه باشقه ضابطلر تعیین ایتدی . تخته چیقماسنه یار دیم ایتش اولانلره مکافاتلر ویردی . صوکره رسمی آلاى ایله دیوانه کیتدی [۳] . بورایه سرای عدالت نامی ویریلیوردی . اوراده مختلف امیرلره خلعتلر توزیع ایتدی . منطاشک هنوز مقاومت ایدن بعض طرفدارلری ده برقوقه عرض تابعیت ایتدیله . مع مافیه منطاش شامه صاحب ایدی . بعلبکی ده اله کچیرمشدی . برقوقک سوریه کوندردیکی اوردو منطاشی بوایکی شهر دن طرد ایتدی . منطاش چوق کچمه دن یکی

[۱] صفرك اوننده .

[۲] ۸۱۴ سنه سی شوالک ۱۹ نده . ۱۴۱۲ سنه میلادی سنده .

[۳] صفرك یکره میسنده .

بر آوردو طوپلایه رق شام اردوسی سفره چیتمه مجبور
ایله دی . شام اردوسی سلمیه ده بولوندیغی صیراده شامده
بر طاقم مملوکلر عصیان ایدرک شهری اله کچیرمک ایسته دیلر .
اردودن درحال بر مفرزه بولر قارشی سوق ایدیلدی . عاصیلر
مغلوب اولدیلر . منطاشک یاپدیغی کبی ، سلمیه اردوسی ده
اوجه آریلدی . بریسنه ناصری لقیله یاد ایدیلن امیر یل بوغا ،
ایکنجیسنه جبانی ، اوچنجیسنه طرابلس قوماندانی قاراتیمور
طاش قوماندا ایدیوردی . یل بوغا امیر نغیری مغلوب ایتدی .
منطاشه شخصاً عداوتی اولان قاراتیمور طاش اوکا قارشی
یورودی . وقوعه کلن محاربه ده بربرلرینه متعدد قیلیج ضربه لری
ایندیردیلر . قاراتیمور طاشک بر قاچ پارمنی کسیددی . منطاش
اوموزندن یارالاندی . مرکزیه قوماندا ایدن جبانی به بعض
مملوکلر خیانت ایدرک محاربه اثناسنده آرقه سندن اوروب
اولدیردیلر . اونخله برابر سائر بعض امراده مقتول دوشدی .
بر نتیجه قطعیه و یرمه یین بومصادمه ده پک چوق کشی تلف
اولدی . عربلر تورکمنلرله برلکده هرایکی اردونک ده
اشیلارنی یغما ایتدیلر . منطاش تهلیکه لی صورتده مجروح
دوشمشدی . یل بوغا شامه چکیددی . اورادن علی عائله سینه
منسوب عربلر قارشی بر سفره چیققدی . بولرک بوتون چادیرلرینی
ضبط ایتدی . صوکره جبانیلرک یرینه شام والیلکینه نصب

اولوندى . قاره تيمورطاش ده حلبه والى كوندريلىدى ۱۱۱ .
 صوكره برقوق المنجكى لقبيله يادايدىلن امير تيمور بوغانى اردوبى
 عىنتابه دوغرو قارشى يوزويه بيله جـك بر حاله كتىرمك از زره
 بك چوق مبالغ ايله سوريه يه كودردى .

يىل بوغا عاصىلىرى صورت قطعیه ده ازماك فكريه باشقه
 برامير ايله برلىكده - سلطان قارشى عصيان ایدیور كى كوروندىلر .
 سلاخلاندىلر ومنطاش طرفدارلرينك كندىلرينه التحاق ایتمه سنى
 اعلان ايله دىلر . بر چوق كشى مراجعت ایتدی . بونلرى
 همان حبس خانه لره طيقادىلر (۲) ، عینی زمانده اردولر عىنتاب اوزرينه
 يورودىلر . منطاش مرعشه قاچدى . اوراده طرفدارلرندن بر قسمى
 كندىسنى ترك ايله سلطان عرض انقياد ایتدىلر . بو كار غما منطاش ينه شام
 اوزرينه حركت ایتدی . يىل بوغاده در حال كندىسنى قارشى چىقدى .
 عصات اردوسنك بر مفرزدسى شامده امرانك آخورلرینی يغما
 ایتدی . بر قاچ كون صوكرده منطاش بالذات شامه كىردى
 (۳) وسرايه يرلشدى . دها اول حما و حمص شهرلرینی ضبط
 ایتشدى . بىل بوغا كندىسى بىر مصادمه يه كىريشدى . صوكره
 قاعده منطاشى محاصره يه آلدى . فقط منطاش تور كمنلرله بر بر
 قاچق چاره سنى بولدى . آرقه سندن يتيشمك قابل اولامادى .

۱۳۹۱

[۱] ذى الحجه نك ۱ نده .

[۲] ۷۹۳ سنه سى محرم نك آتیشدن صوكره .

[۳] جمادى الآخرة ۲۹ نده .

بونك اوزرينه ، سلطان براردو ايله بالذات سوريديه عزيمتي
 تنسيب ايله ريدانيهيه كيتدى . اوردن شامه واصل اولدى .
 ورودى پك چوق ممنونيت توليد ايتدى . سلطان ، شامده
 بر مدت قالدقن صوكره حصه ۱۱۱ ، صوكره حمايه و نهايت
 حلبه كيتدى . اوراد ، سالم اسمنده براميرك منطاشى طوتديغنى ،
 ماردین حا كمنك منطاش طرفدارلرندن پك چوغنى اسير ايتديكنى
 خبر آلدی . منطاشى كيرمك ارزرد همان قارا تيمور طاشى
 كوندردى . فقط سالم ، منطاشى تسليم ايتك ايسته مديكى جهته
 كوچوك برمصادمه وقوعه كلدى . سالم منطاش ايله برابر سنجاره
 قاچدق اوراده تحصن ايتدى . ماردین حا كمى اسير آلدقلىنك
 كافه سنى تسليم ايله دى .

قاره تيمور طاشك آرقه سندن كوندريلن يل بوغا . منطاشك
 قاچديغنى كورنجه قاره تيمور طاشه پك شدتلى موأخذاتده بولوندى .
 ايكي امير بربرلرينه سوكمكه باشلاديلر ، اوروشمغه قالدقديلر سده
 اطرافدن مانعت ايدىلدى . سلايانه يل بوغانك منطاش ايله ماستدار
 اولديغنى ، شامك ضبطنى تسهيل ايتمش بولونديغنى ، قولايجه قابى
 اجرا اولديغى بر زمانده منطاشى طوتما ديغنى سويله ديلر . حتى سالم
 ايله منطاشك اونك طرفندن درميان ايديلن فكر اوزرينه
 سنجاره چكيلمش اولدقلىرى بيله ادعا اولونجوردى . بواهمات
 اوزرينه يل بوغا توقيف اولونه رق دها بعض امرا ايله برلكده

قتل ایدیادی . صوکره سلطان حلبی ترك ايله شامه کلدی (۱) .
اورادن ده قاهره یه دوندی (۲) .

منطاش طرفدارلری هنوز ازیلمه مشلردی . شامده
منطاش لهنده بر قیام وقوعه کلدی . سفره چیقمه
مجبوریت حس ایدن حلب اردوسی منطاش ايله قارشیلانمش ،
مصادمه یه کیریشمش و صوکره منطاش فراتک اوتیه طرفه
چکیلیمشدی . منطاش اوراده یکی عسکر طوپلادی . متعدد
تورکمن امراسیله سلمیه یه کلدی . فقط بر عرب امیری کندیسنی
مغلوب ایتدی . آز قالدی اسیردوشه جکدی . منطاش هما اوزرینه
برتشبده بولوندی ، فقط پوسکور تولدی . نهایت منطاش حلب
والیسی طرفندن دردست اولوندی (۳) . حلب والیسی اوردوسیله

۱۳۹۲

امیر نهرک یرلرینی تخریبه باشلامشدی . صوکره عاصینک تسلیم
ایدیمه سنی اوندن ایستهدی . منطاش قاچارکن یاقه لاندی . کندیسنی
دشمنلرینه النده کورنجه خنچیری چکه رک دوت کره وجودینه

۱۳۹۳

صاپلادی . فقط در حال اولمه دیکی جهته حلب قلعه سنه کوتور وادی .
اوراده اشکنجه ایدیادی . اوتوسی بریسی قیریلدقد . صوکره
احراق اولوندی . باشی کسپارک شهرده مزارق اوچند .
دولاشدیریلدی . صوکره برقاچ کون قاهرده زویله قاپیسنده
شهر ایدیادی و نهایت دفن ایتک اوزره زوجه سنه ویریلدی .

[۱] ۲۳ ذی الحجه ده .

[۲] ۷۹۴ سنه بحرمنک ۳ نده .

[۳] بونک خبری قاهره یه ۷۹۵ سنه سی رمضانک اوچند کلدی .

بو عصیان تسکین ایدیلر ایدیلر ده اشد تلی بر محاربه ظهور ایتدی .
 مار دین حکمداری عیسا [۱] تیمور لنگک تبریزی آلاقدن صوکره
 کندیسنی عرض انقیاده دعوت ایتش اولدیغنی بیلدیردی [۲] .
 عیسا ، مصر سلطاننک موافقتی اولمقسزین بونی یاپه مایه جنی
 یولنده جواب ویرمشدی . فقط مار دین حکومتی اوزر رنده بر قوقک
 هیچ بر حکم ونفوذی اولمادیغنی بیلن تیمور لنگک عیسا یه بر خلعت
 کوندردی و آرتق اونى کندی تبعه سی بر امیر کی تلقی ایتک
 باشلادی . بغداد سلطاننده بر خلعت ارسال ایتدی و بر مدت صوکره
 بو شهرى ضبط ایله دی . احمد حلبه بر قوقک ممالکنه قاچدی ،
 اورادن قاهره یه کوتورولدی . سلطان بوتون امراسیاه استقباله
 چیقدی [۳] . ایکی حکمدار مصافحه ایتدیلر و بر برلینه متقابلاً
 التفاتلرده بولوندیلر . احمد حصاره چیقدی . اوراده کندیسنه
 بردائرده حاضر لامشلردی . سلطان کندیسنه ایکی یوز بیک درهم
 کوموش اقیچه ، دوراه دورلو خلعتلر ، مملوکلر ، جاریه لر کوندردی .
 صوکره ایکی حکمدار چیزه حوارنده آوه کیتدیلر .

رها و ملاطیه والیلرنک تیمور لنگک عساکری طرفندن
 مغلوب ایدیلر کلری خبری کلدی . عینی زمانده تاتار فاتحندن
 تهدید ایله مالی بر مکتوب آلدیلر . سلطانده اوکا مغرورانده

[۱] لقبی طاهر محمد الدین در .

[۲] شعبان آینده .

[۳] ۷۹۶ سنه سی ربيع الاولک ۲۷ سنده .

وحتى محقرانه جواب ویردی . سفیری توقیف ایتدیردی .
 سورییه کچمک اوزرماردوسنه حاضرلق امری اصدار ایلادی .
 سلطان، ریدانییه کیتدی . اوراده امیر نعیرک بغدادی استرداد
 ایتش اولدیفنی خبر آلدی . شامه کیتدی [۱] . عینی زمانده هر
 دورلو ارزاق و لوازم ایله سلطان احمدی بغداده کوندردی .
 برقوقه، قاپچاقده حکمران اولان توقتمش خاندن سفیرلرکادی .
 قاپچاق خانی تیمورلنکه قارشى اتفاق تسکلف ایدیوردی .
 آناتولی حکمداری بایدید کندیسنه قوه معاونه کوندرمک
 تکلیفنده بولونمشدی . سیواس حاکمی برهان الدین امداد
 استه یوردی . برقوق حلبه کیتدی . اوراده بعض امرایى توقیف
 ایتدیردی . سورییه مواصلتی تیمورلنکی دوشوندیردی . اوراده
 چوق مدت قالمغه جسارت ایدممدی . سلطان شامه دوندی ۱۴۱
 و برقاج کون صوکره قاهره یولنی طوتدی .

۱۳۹۷

ارتق مصر حکومتی نعمت صلحدن مستفید اولدی . سلطان ،
 سر یاقوسه متعدد سیاحتلری ایلادی [۳] . صوکره بردها بورایه دونممدی .
 اوراده کی سرای ده خراب اولدی . خلفی اولان حکمدارلر دوتون
 میانینک خرابیسنه قارشى لاقید قالدیلر . برقوق بقیه سلطنتی
 سکونت ایچنده کچدی . یالکیز علی بک کندیسنه قارشى بر

[۱] جادی الاولک که میسنه اورایه واصل اولدی .

[۲] ۷۹۷ سنه سی محرمک یدیسنده .

[۳] ۸۰۰ سنه سی محرمده .

سوء قصد ترتيب ايتدى . خليجك كشادىنى اجرا ايدەجى صيراده
سلطانى قتل ايتك ايستە يوردى . بومناسبتله [۱] بويوك برقارغشەلق

چاقىدى . عاصيلار جزايە چارپىرلدىلار . باشقىلار دفعە [۲] بوتون
ديواندە ياخود سراى عدالتدە بولوندىنى صيراده بىردن برە اغتشاش

ظهور ايتدىسەدە درحال تسكين اولوندى . نہايت سلسان ، بر

جىرىد اويونىدن صوكرە خستەلاندى [۳] . برنوع سوء ھضمە ۱۳۹۹

طوتولدى ، بو ، اوکايوكسك برحرارت وىردى . قوتدن دوشدى .

حياتىدن اميدىنى كىسنىجە خليفەنى و بوتون اكابر دوائى يانە

چاغىراق اوغلى فرجى كىندىلرینە توصیہ وولى عهد سلطنت

اولق اوزرە تقدیم ايتدى . ھرکس كىنج شەزادە يە بیعت ایلەدى .

باب الظفر خار جندە كىندىسەنە ترە ياپىلمايى ايچون پارە تخصیص ايتدىكى

كى فقر ايدە ۱۴۹۹۹ آلتون سكه براقىدى . ايكنجى دفعە اولەرق

دوقوز سەنە سكر آى حكومت سورد كىن صوكرە آلتش باشندە

اولدىنى حالە وفات ايتدى [۴] .

وفاتى عمومك بادىء تاثرى اولان بوسلطان اوچ ارکك

واوچ قىز اولاد براقىدى . نقد اولەرق خزینە سەندە درتیوز

بيك آلتون سكه وبراوقدرده اشيا بولوندى . آخوړلرندە آلتى

[۱] ذى القعدة نك ۱۰ ندە .

[۲] ۲۱ ذى القعدة ددە .

[۳] ۸۰۱ سنەنى شوالك بشندە .

[۴] شوالك ۱۵ نجى جمعه كىجەنى وفات ايتدى .

بيك باراير ، بش بيك دود ، برچوق قاطر ومركب واردى .
 بش بيك مملوك اشترا ايتشدى . بونلك اداره سى ايچون آيدە
 درتيوز بيك درهم كوموش صرف ايدردى . هر آى باركيولر
 ايچون اون اوج بيك كيله آريه لازمدى . كنديسنه مخصوص
 آتارله دودلر ، صيغيرلر وسائر حيوانات ايچون اون بر بيك
 كيله آريه احتياج واردى . فقرايه پك چوق صدقه ، علمايه
 پك چوق احسان ويريردى . برچوق ويركولرى الفا ايتدى .
 قاهرده مختشم برمدرسە انشا ايتديرەرك بورايە مختدر معلملر
 بولدى . طلبەنك اعاشەسى ايچون لازم اولان شيلر هر كون
 كنديلرينە توزيع ايديليردى . نهر الشريه اوزرندە بر كوپرو
 ياپديرديغى كى اسكندريه دودە ترسانه يى تعمير ايتديرمش ،
 فيومدە داغلرى قابل زراعت برحاله كتيرمش ودها سائر برچوق
 مبانى مفيدە ياپديرمشدى .

ابوالمحسن
 عينتابى
 برقوقك اوغلى وخلفى فرج اون ياشيندە تختە چيقاركن
 ناصر زين الدين ابوالسعاده عنوانلرىنى آلدى . شيرين اسمنى
 طاشيان والدهسى روم ايدى . جمع صبايحى بوتون امرا خليفه
 وتكميل علما اياه برلكدە جبل حصارينه طوپلانديلر . فرجه
 حكمدارلق اثوابى كيديريدى وسلطان اعلان ايديلدى . بوتون
 اميرلر حضورندە يره قايلانديلر . ايتيش نائب حكومت تعيين
 اولوندى . بوتون ولايتلردە برقوقك وفاتى وفرجك جلوسنى
 اعلان ايتديلر . برطاقم قوماندانلر تعيين ، بعضيلرى عزل

ایدیلدی . حصارده بعض اغتشاشلار چیقدی . عاصیلردن چوغی زنجیره اورولدی . سلطان ، تبریز حاکمی قرا محمدک اوغلی قرا یوسفی رها والیدکننده ایقا ایتدی . سلطان روم یاخود سلطان عثمانیان اولان بایزیدک سوریه اوزرینه یورویمکه حاضر لاندیغی خبر آلدی (۱۱) . البستان ایله ملاطیه یی ضبط ایتدیکی خبری ده کلنجه مصر مجلس حکومتی کندیسنه قرشی بر آوردو سوق ایتکه قرار ویردی . فقط مملوکلر بوکا ممانعت ایتدیلر . بونی ، کندیلرینی مصر دن اورا قلاشدیر مق ایچون بر وسیله ظن ایدیورلردی . عینی تارینخده امیر تم شامده عصیان ایتدی .

صوکره (۲) ، امرا آراسنه بویوک نفاقلر دوشدی ، اغتشاش ظهور ایتدی . سودون ایله ده بعض امرا بشبک ایله بر نشدیلر ، سوریه ده تمه بر مکتوب کوندردرک کندیسنه او حوالیده صلاحیت کامله ویردیلر . چونکه بو امیرک علیهلرنده حرکت ایتمه سندن قورقیورلری . تم ده جوارده کی والیارک کافه سنه ، کندیسنه عرض اطاعت ایتلری ایچون امرلر کوندردی . یالکیز حاکم والیسی اطاعت ایتدی . عین زمانده ، نائب حکومتک حکم ونفوذنی قیصقانان بشبک ، اونی عزل ایتک ایسته دی . سلطانی تشویق ایتدیلر و ایتیمیشه بالذات اداره حکومت آرزوسنده

[۱] شوالک ۲۸ نده .

[۲] ۸۰۲ سنه یی محرم نده .

بولونديغنى سويله تديرديلر . نائىب حكومت بر چوق امر ايله
 اوينه چكىلدى . بوتون مىللىت عساكرى ده بو غوغايه اشتراك
 ايتدى . بر قىسمى ايتىش طرفى التزام ايدىوردى . طوغانچىلار
 امراسى و مملوكلىرى رئيسلىرى بو مىانده ايدىلر . خصكىه امراسى
 ايله سىباق مملوكلىرى بشبك طرفى التزام ايتدىلر . ايتىش
 اصطبللىرى ترك ايله اوينه چكىلدىكەنە ندامت ايتدىسه ده ايش ايشدن
 كچمىشىدى . طرفدارى اولان اميرلر سالاخاندىلر و سىرايه
 عودت ايتمەسنى كندىسنە نصيحت ايله دىلر . مىللىت خارچ اولمق
 اوزره ، معيتنده كىلرك مقدارى بىك كىشى يە بالغ اوليوردى .
 مختلف مفرزەلر ترتيب اولوندى . بو حرەكتدن خبردار اولان
 بشك دشمنلارنى دفع ايدە بىلەك ترتيبىنى آلدى . معيتنده كىلرى
 تشجيع و تشويق ايتدى . عاصىلرك مقصدى ايتىشى تخته چىقارمق
 اولديغنى سويله يەرك اولونجه يە قدر سلطانى مدافعه ايتارنى توفىيه
 ايله دى . كۈن حصارده ترامپت چالدىردى . سالاخنى آلدى .
 سلطان . اصطبل دائرەلرینه كچدى . حرب باشلادى و بوتون كىجه
 دوام ايتدى . ايتىشك طرفى تفوق ايدىيوردى . فقط ايتىش چركس
 مملوكلىرىنى كىم طوتارده كتىرسە مكافات كۈره جەكنى اعلان
 ايتك كى بر خطابه بولوندى . معيتنده بولونان بر چوق چركس
 مملوكلىرى كندىسنى ترك ايدەرك سلطان طرفنه كچدىلر . ايتىش
 مغلوب اولدى . اوى يغما ايدىلدى . بوتون قاھرە بويوك بر قاراشىتاق
 اچىنده قالدى . ايتىش طرفدارلر يە بىلەكە سورىيە ، تىمك يانە

قاجدی . دها برچوق غیر ممنونلرده تنه التحاق ایتیشلردی .
 تم ، حمصی ضبط ایتیشسه ده حما قریبده مغلوب اولمشدی . طرابلسی
 ضبط ایله مشغول اولدینی صرهدده قاهرده جریان ایدن وقایعدن
 وایتیشك شامه دوغرو فرارندن خبر آلدی . بو ائشاده کندیسك
 عسکرلری طرابلسی یغما ایتدیلر . حمای محاصره ایتکده اولان
 تم شامه کیتدی وایتیشی استقبال ایتدی [۱] . بر آرز صوکره ،
 سلطانن ایتیشی توقیف ایتک امرینی آلدی . فقط بوکاهیچ
 آلا یرمادی وایتیشه مربوط قالدی . حلب والیسی بو عاصیلر
 طرفی التزام ایتدی .

مصر سرانی تذبذب ایچند ایدی . سلطانك سوریه سیاحت
 تصورنده اولماسی مملوکلرک خوشنه کیمه دی . برچوق امرا
 بربرلریله منازعه و یکدیگری علیه حرکت قیام ایله یورلردی .
 تم ، قاهره یه کیتک اوزره شامدن چیقمشدی . سلطان منلیس
 عساکرینه ، تنه قارشى یوروک امرینی ویردی . فقط بونلرک
 قسم اعظمی اطاعت ایتدیکندن بش یوز بیک آلتون سکه توزیع
 ایتکه مجبور اولدیلر . سفره چیقمق اوزره دبویلردن سلطانك
 چادیرلری آلدی . حرکت ایدیه جکی صیراده منفلوط والیسی ،
 اوغلی واسطه سیله کوندردینی خبرده ، جنوب حوالیسی والیسی
 آلتون بوغانك ، سائر بعض امرا ایله برلکده عصیان ایتدیکنی ،
 عاصیلرک منفلوط الکاسنی تخریب ایله دکلرینی بیلدیردی . سلطان

بعض امرايه اردو ايله در حال تهبايمده كيتمهلرني امر ايتدى
ايسهده پك آز حكم ونفوذى اولديغنى ايچون هيسچ برى اطاعت
كوسترمديلر . سلطان ، اردوسيله ريداييه يه كيتدى (۱۱) وينه
تقريباً يكرمى بش بيك آلتون سكه توزيع ايتدى . تم ، طرابلس ،
حلب و حما واليلرى و ايتيش ايله برللكده غزه يه كلمشدى .

سلطان هر كون فنا خبر آليوردى . المعمورى لقبيله ياد ايديلن
امير سودونك دمياط امراسيله برللكده اسكندريه طرفنه كيتديكنى ،
ديردنه واردقلى زمان المجنون لقبيله ياد ايديلن يل بوغانك
كنديلرى توقيف ايتديروب زنجيره اورديغنى و عيني زمانده ،
قاهره دن كليركن ديردنه توقف ايتمش اولان بر سفينه يي ده ضبط
ايتديكنى ، بحره واليسنه ، تصادف ايده چكى بوتون باركيلرى
آلهرق كنديسنه التحاق ايچون امر و يرديكنى ، اورادن منهوره
كيررك والى توقيف ايتديرديكنى ، بحره المكاسى اهالىسنى
ايكى سنه ايچون هر دورلو تكاليفدن آزاده طوتديغنى ، طروجه ده
وساير يرلرده سلطان عايد اولان مبالغى اله كچيرديكنى و طرفدارلرينك
كوندن كونه آرتديغنى ، صالحيه ده ايكن سلطان سويله ديلر . سلطان
اسكندريه ده متبصر بولونماسنى توصيه ايتمكدن و بحره عربلرينه
يل بوغانى توقيف ايتمه لرينه دائر امر لوندركدن باشقه برشى ياپه مادي .
قاهره ده قوماندن بولونان امير بېرسه ده حوالى مذكوره يه
درت يوز مملوك اعزام ايتمه سى ايچون امر و يريلدى . يل بوغان بونى

خبر آنجه غرب حواليسنه كجدي و محله يي يغما ايتدی . سمنود ،
اشمون الكالريني ، شرق حواليسني دولاشدی ، اورادن
عباسيه كلدي . بيسر جيزه ده اوتلايان بوتون باركيرلری
ضبط ايديلك قورقوسيه چكديردي . بيسر بو عصيان
تسكين ايدجكني اميدايلا ديكي صيرالرده جنوب عربلری طرفندن
باشقه قياملر وقوعه كلدي . تهلكيه دوشن قاهره ايجون تلاش
ايتدی ويل بوغايه قارشى عسكر كوندردی .

بو اثناده سلطان ، غزه قربنده تل عجوله واصل اولمشدی .
اوراده تم اردوسنه منسوب برمفرزهك هجومه معروض قالدی .
صبح وقتندن اوكله يه قدر سرب ايدیلدی . عاصينك اردوسنه
منسوب متعدد مفرزملر ايلريله دكلری جهته محاربه ده معنده
برشكل آلدی . بوصيراده ينك اميرلرندن بعضيلری قاچديلر .
سلطان غزه يي ضبط ايتدی . تم رمله ده قرارگاه قوردی . فقط
محاربه يه تنك آنجق بر قسم عسكری اشتراك ايتش اولديغنه
دائر بروايت شايع اولو حجه سلطانك عساكری آراسنه قورقو
دوشدی . بونلر عايلره مصالحه تكليف ايدوب ايتمهك ايجو
آرالرند مذکور ايتديلر وفي الحقيقه بو تصورلری موقع اجرايه
قويديلر . بعض ضابطان مکتوبلری حامله كيدوب تنی بولديلر .
تمه ايسته ديكي قدر شامده قالمق يا خود مصره كملك ايسته يورسه
اردولر اتا بكي ونائب حكومت اعلان ايديلك وكنديسنه كيمسه
تشريك ايديلهك تكليف اولونيوردي . حتی بعض امرا ده

ایلری به کیتدی لر . یازدقلری مکتوبلرده شو صورتله اداره لسان
ایتدی لر :

« سز بزم پدرمز ، برادرمز ، افندمز سگز . سوری بی آرزو
ایدیورسه کز سوری سز کدر . مصری ایسته یورسه کز هیمز
امریکزه مهیا قوللر کز . مسلمان قانک دو کوله سنه میدان
ویرمه یکز . تیمورلنکه قارش یورومک اوزره مسلمان اردولرینک
قوتی محافظه ایدیکز »

بومکتوبلری حامل اولان قاضی ، تمی قرارگاهنده . طبق بر
سلطان وضعیتله بولدی . تم بشیک ایله سودون و سائر بعض
امرا کندینده تسلیم ایدیلندن ، ایتیش موقعه اعاده اولنادن
سلاحنی بر اقایا جغنی بیادیردی . سلطان بوکا موافقت اینک
ایسته مدیکی جهته تم اردوسنک باشنده غزه یه دوغرو
یورودی . طرفیندن صف حرب ترتیب ایدیلدی . فقط محارب
باشلار باشلاماز تم بار کیردن دوشدیککی جهته ، بو قضا عسکردن
برچو غنک فرارینه سببیت ویردی . برچوق امرا ایله برلکده
تم اسیر ایدیلدی . ایتیش ایله دیکرلری شامه قاجدی لر . اوراده
اهالی عصیان ایدمک کندیلرینی توقیف ایله دی .

بواشناده مصرده کی حرکات عصیانیه بی یک ایلری به کوتورن
یل و غا قاهره ، یاقلاشدی . بیبرس ع . کریله برلکده قبة الظفره
کیتدی . اشاره باغچه لر نده بر مصادمه وقوعه کلدی . سوکره خاص فیومه
چکیلدی . برچوق بار کیرلر ضبط ایتدی . اورادن ته بابیده کیتدی . برچوق

عرب کنديسنة التحاق ايتدى. سلطان بوتون عاصياري اعدام ايتدير درك
سوريه يي تسكين ايتد كدن صو كرده مصر ده و نمكدده استعجال كوستردى.
اوراده وجودينه لزوم واردى [۱]. يل بوغايه قارشى بر اردو
كوندردى [۲]. فقط اردو هنوز حركت ايدرايتز بواميرك مغلوب
اولديني وقاچار كن نيل نهر يي بار كرايد. كچديكى صيراده بوغولديني
خبرى كلى .

صو كره ، قاهرده امير بشبك ايله سودون آراسنده باشقه
كورولتولر چيقدى . عيني زمانده ، حلب عساكرى ده بغداد
سالاني احمد ايله حربه كيريشديلر. مصرده موقعنه لايق بر حرمت
كامله ايله قبول ايديش اولان بو حكمدار ، بغداده عودت ايدنجه
تبعه سنى او درجه از عايج و تضيق ايتشدى كه بونلر شيراز حكمدار يني ،
كلوب بغدادى ضبطه تشويق ايتشاردى . مغلوب اولان احمد ،
توركمنلر رئيسى قرا يوسفك ياننه چكىلدى . اونكله برالكدده
بغداده دوندى . ايكنجى بره غلوبيت كنديسنى فرات ساحللىرينه
فراره مجبور ايتدى . اوراده حلب واليسى تيمورطاشدن ، سوريه يه
كچمك مساعده سنى ايسته دى . فقط معيتنده يدى بيك كشى
بولنديني ايچون تيمورطاش كندى ولايتنك عسكرلر يني توپلادى
وكيدوب احمدى احاطه ايتدى . فقط احمد ، تيمورطاشى مغلوب
ايدرك [۳] معيتنده كيلردن بر چوغنى اولديردى . بو محاربه دن

[۱] قهره يه ۸۰۲ سنه سى رمضانك ۲۶ نجى كونى واصل اولدى .

[۲] قهره دن شوالك ۱۳ نده چيقدى .

[۳] شوالك يكرمى درنده .

صوكره احمد ايله قرا يوسف مصر سلطاننه مکتوب يازهرق
کنديسنه هجوم فکرنده قطعياً بولونماقلريني و حلب واليسنك
اونلري حربه مجبور ايتش اولديغني بيلدیردیلر . سويله دکلرينه
مصرده هيچ اهميت ویريلمیدی ودر حال سوريه عساکرينه سفره
حيقهرق احمد ايله قرا يوسفی طوتمالري و قاهره يه کوتورمه لري
ايچون امر کوندريلدی .

ابوالمحسن جريان ایدجك وقعیه انتظار ایدیلکده اولديغني صيراده
ابن شحنة تیمورلشکك قرا يوسف ايله برلکده بروسه يه قاچش اولان
عینتابی بايزيدك اوغلی سليمانی مغلوب ایتدکدن صوكره سيواسی ضبط
شرف الدين ایتدبکی خبر آلندی (۱) . صوكره امداد ایسته مک اوزره
بايزيد طرفندن سفیرلر کلدی . فقط بايزيد ، برقوقك وفاتندن
صوكره ، ملاطيه يي ضبط ايتش اولديغني ايچون کنديسنه عسکر
کوندرمك تنسیب اولونمادی . هرکسک کندی مملکتني الندن
کلديکی قدر مدافعه ایتسی لازم کله چکی يولنده جواب ویریلدی .
دیگر طرفدن مصر امراسی تیمورلشکك ایلر یاه مسنه قارشى قويمق
خصوصنده پک مسارعتکار داورانمادیلر . هرکس يالکیز کندی
منتهی ايله مشغول ایدی . تیمورلشک ملاطيه يي ضبط ايله عینتاب ياقلاشدی .
سوريه امراسی امداد طلب ایتک اوزره مصره ساعیلر کوندرمکدن
خالى قالمادقلري جهتله سلطان خليفه يي ، قاضیلری و بوتون ارکان
حکومتی طوپلاتدی . تجارلرک اوقافک پاره لری آلتق تکلیف

اولوندى . فقط قاضىلار بۇكا ممانعت ايتدىلار . سوريه عساكرىنى
حركتە كاتيرمك اوزره اورايە بر امير كوندرمىكدن باشقە
ياپەحق بر شى كورەمدىلار . سورەلىلار بۇك بر يأس ودهشت
ايچندە ايدىلار . شەرلرنى ترك ايتك ايسەتميورلردى . فقط
مصر اردوسى كلەجك دىيە كندىلرئىنە مانع اوليورلردى .
نهایت ، تيمورلنكك بەسنىنى ضبط ايتدكدن صوكرە عىنتاب
جوارلرئىنە واصل اولدىغنى خبر آلنجە [۱] عسكر كوندرمكە
قرار ويرىلدى .

سوريه كوندريش اولان اسنبوغا شامە واصل اولدى .
بر آز صوكرە تيمورلنكك بر سفير كلەرك افنديسك مظفرياتى
مفصلاً حكاية ايلهدى . مصر دە تيمورلنك نامنە خطبە او قونماسنى
سكە ضرب ايدىلمەسنى ، وقتىلا بر قوق طرفندىن توقىف ايدىش
اولان موغول سفيرى آتلىشك تخليه اولونماسنى طلب ايتدى .
فقط شام واليسى سودون بوسفيرى اولدىرتدى .

تيمورلنك اوغلى ميرزا شادرخ قومانداسندە بر مفرزە
آيىر شدى . شادرخ آقئىنجىلرئىلە بەسنى او كئەكلەش ، آرقەسندىن ،
تيمورلنك واصل اولەرق قلەئەك وضعيتنى تدقيق ايچون بر تپە
اوزرندە قراركاه قورمشدى . شەر اوزون مدت مقاومت ايتدى .
يغمايە معروض قالدى . مقبل قلەە داخلىندە ثبات كوستردى .
بويوك طاشلار آتدىردى وبونلردىن بردانەسى تيمورلنكك چاديرىنك

[۱] صفرك يكرى دردندە .

اوكنه دوشدى . تيمورلنك ده بويە مانجىنقلار قوردىردى . قلعه نك ديوارلىرى دىندىن اويدورمغە باشلادى . صوك درخەيە كان مقبل تىلىمىت تىكلىنىدە بولوندى . فقط بو قلعه غىر قابل تسخير دىيە معروف اولدىغى اچچون كندىلىكىندىن تسليم اولماسى تيمورلنك كېرىنە دوقونيور ، اونى جېرا ضبط ايتك ايتىپوردى . مع مافىە مقبل ، قاضىلىرى واماملىرى كوندورخە تيمورلنك يوموشادى . قلعه كندىسنە تسليم ايدىلدى كىن صوكرە ۱۱ عىنتابە دوغرو يورودى . بوراسى ، استىحكامانە رغما درحال تسليم اولدى . صوكرە ، تيمورلنك بوتون اردوسىلە حلب قىرىندە بزاعەيە كىتدى . بوتون سوريە والىلىرى حلبدە توپلاندىلدى . اورادىن متصل . صرە يازەرق امداد ايتىپوردى . طرابلس واليسى شىخ محمودى ، ىدى يوز سوارى ايلە كىدەرك بر تاتار مغرىسەنە هجوم ايتدى . بونلردىن دىرت ضابط اسير آلى . اسرا شېرك قاپىلىرىنە آصىلدى .

اوزمان حلبدە شام واليسى سودو : ؛ هما واليسى طوقاق ؛ صفد واليسى آلتون بوغا ؛ غزە واليسى عمر واردى . ھېسى دە مىلىسلىرىلە براىكدە كەشلىردى . بونلر بويوك براردو تشكىل ايدىپوردى . عىنتابك ضېمىندىن صوكرە ، تيمورلنك ، حلب واليسى تيمورطاش ، بر ضابط كوندەرك سىفىرىنى قىل ايتدىرەش اولان سودونى كندىسنە تسليم ايدەجك اولورسە موقعىدە براقە جىغى .

وعد ایلهدی . تیمور طاش بو ضابطی والیلرک یاننه کوندردی .
 ضابط اوراده ، سودونی طلب ایتش اولدیغنی انکار ایدهرک
 تیمورلنکی سوریه به دعوتی متضمن مکتوب یازدیغنی ، سوریه نی
 قولایجه ضبط ایده بیله جکینی ، چونکه کندیسنه قارشی حیقاریله حق
 اردو اولمادیغنی . — و یله دیکینی تیمور طاشک یوزینه اوردی .
 بوسوزلردن حیرته دوشن تیمور طاش ضابطک باشنی کسیدردی
 و والیلره ایشیتدکاری سوزک کندی آرالینه نفاق صوفق ایچون
 اویدیریش شیلر اولدیغنی تأمین ایتدی . مع مافیله تیمور طاش
 حقنده شهلر تاماً زائل اولمادی و مسئله تعمیق ایدیلهدی .
 سوریه والیلری ، یاواش یاواش ایلریله ین تیمورلنکله قارشیلانمغه
 حاضر لاندیلر . سلطانک کله جکندن امیدلرینی کسمه مشلردی .
 نهایت ، و غوللر حلب جوارنده کائن حبلان کوینده کوروندیلر
 ۱۸۱ و ایرته سی کون شهرک اطرافنی احاطه ایتدیلر . ایکی کون
 کوچوک کوچوک مصادمات وقوعه کلدی . صوکره ، بر جمعه ایرته سی
 کونی ، بوتون سوریه اوردوسی ، آرقه سندن حلب سکنه سی ده
 کلدیکی حالده ، شهر خارجنده قرارگاه قوردی و صف حرب
 ترتیب ایتدی . سودون کندی مملوکلری و شام عساگریله
 صاغ جناحی تشکیل ایدیوردی . تیمور طاش صول جناحه
 قوماندا اتمکده ایدی . دیگر والیلر ایسه مرکزده ایدیلر .
 بر مقدار حلب عساگری ده دمدار وظیفه سنی یاپیوردی .

[۱۸] ربيع الاولک ۹ نجی بخشنه کونی .

تیمورانك ده چوچوقلرىنى اردوسىنىڭ جناحلىرىنى قويمىش ،
كىندىسى مركىزده قاباش ايدى . او كىندە برصيرا قوجه مان فيللىر
واردى . بونلرك اوزرىندە تيرانداز عساكر ايله دولو قلەلر
بولونيوردى . برتپە اوزرىندە برمفرزە اقامە ايتدى . موغوللرك
صاغ جناحى سورىيەلىلرك صول جناحىنى ھجوم ايله اونلرى
قاچىرتدى . سورىيەلىلرك صاغ جناحى دھا اوزون مدت ثبات
كوستردى و پك شجىعەنە حركىتلردە بولوندى . فقط كرىلەمكە
مجبور اولدى . بوتون سورىيە اردوسى دشمنە آرقە چويردى
و پك بويوك قارشىقىلق اىچىندە حلبە دوغرو قاچدى . حلب
اھالىسى قاديىنلرە و چوچوقلرە وارنجىيە قدر اوردونك آرقەسىندىن
كامش اولدقلىرى جھتتە سور قايسىندىن اىچرىيە كىرمك اىچون
مدھش برقارغشەلق اولدى . قاديىنلر و چوچوقلر بار كىرلرك آياغى
آلتىندە چىكىنىدىلر . ھىندكلر جىسدلرلە ياخر دىجرو و حىلرلە دولدى .
تاتارلر غلبەلىق ايله برابر شھرە كىردىلر و بويوك برقتال ياپدىلر . تھر
يغمايە ترك ايدىلدى . والىلر حرب اىچىندە قورتارا بىلدكلرى
اشيانك كاكەسىيە قاعەيە قاپاندىلر . برچوق قاديىن و چوچوق
جامعلرە قاچىشلردى . تاتارلر بونلرى طوتدىلر ، اىپىرلە باغلادىلر .
بوتون چوچوقلرى كىدىلر . قاديىنلرە بابالرىنىڭ و قوجهلرىنىڭ
اوكىندە تسلط ايلەد كىن سو كره سوقاقلرك اررتەسىندە چرچىلاق
تشيپر ايلدىلر . بوتون بو فئالقلرى ياپىقدىن سو كره اھالىيى
وعساكرى قتل ايتدىلر . جامعلر ، سىنوقاقلر نەشلىرلە و جان

چكىشنلرلە دولمشىدى . بوقتال جمعه ايرتەسى كۈنىدىن سالى
لۈننە قدر دوام ايتدى .

حلب قلەئەسى ، سۈرىيەدەكى قلەئەلەككە مستحكملىرىدىن بىرى ايدى .
بورايە قاپانغىش اولان عسكر پەك چوق غىرە ژوا آتشی و كو كورت ايله
دولى تىجرەلر آتدىلر . تيمورلەك ديوارلەك بىرینە لغم قويدىر مش
اولدىغى جەھتەلە والىلر ، آرالرىندە بىر مجلس عقد ايتىلدن سو كره
تسليم اولمىق تەلپىقندە بولوندىلر . تيمورلەك والىلردن بعضىلەرنىڭ
كىندى حضورىنە كەلەلەرنى اىستەدى . تيمور طاش المەندىن اىندى
وسائەلەرى اچون تەمىنات آلدى . فقط تانارلر قلەئەيە كىر كىر مش
امرايى توقىف ايتىدىلر ، ايكىشەر ايكىشەر باغلادىلر و بو حالدە
تيمورلەككە حضورىنە كو توردىلر . تيمورلەككە سفيرىنى قىل ايتدىر مش
اولان سودون بالخاصە پەك شدتلى مؤاخذاتە معروض قالدى .
تيمورلەك بوتون خزاغى ضبط ايله عسكەرلەرنە تەقسىم ايتدى .
اولدىرىش اولانلەك باشىدىن متعدد قلەلەر ياپدىردى . تەقريباً
يكرمى بىك باش واردى .

تيمورلەك حلب او كىندە بولوندىغى صىرادە اوغللرىدىن بعضىلەرنى
بىر مفرزە ايله ھمايە دوغرىو كۈندىر مشدى . بونلردە شەرك بوتون
خارجى محلەلەرنى ضبط ايتدىلر [۱] . قاديىنلەرى و چوجوقلەرى
اسىرايدەك دورلو دورلو حقارت و تسلطلەرە معروض براقدىلر .
شەرك سورلەرى خار جەندە اولان ىرلەك كافەسىنى تەخرىب ايتدىلر .

[۱] ربيع الاولك اور دردىجى سالى كۈنى .

صوكره اهالىنى سورلرڭ برقايسىنى آچىغە سوقايدەرك، كىمىسە يە
 برشى ياپىلما، جىنى وعدىلە، ايچرى يە كىردىلر . اهالى كىندىلر يە
 يەجك وىرمش اولدقلىرى جەتتە تاتارلر بوشەردن آيرىلدىلر .
 يالكرز برمقدار محافظ براقدىلر . قلەنك تسلىم اولمامش اولان
 محافظلىرى بو تاتارلر اوزرىنە بر خروج حركىتى ياپەرق
 ھېسىنى قىلىجىدن كىچرىدىلر . بوندن خبردار اولان تيمورلنك
 ھمايە كلدى، . تامامىلە تخرىب ايتدى . قىش ياقلاشىدىنى ويوروش
 اولان عسكر قشلامغە محتاج بولوندىنى جەتتە طرابلس طرفلىرىنە
 كىچىك ايسىتە يورلردى . فقط تيمورلنك دشمنلىرىنە طوپلامغە
 وقت براقق ايسىتەمدىكى ايچون محاربە دوامە قرار وىردى
 و حص اوزرىنە يورودى . حصلىلر تسلىم اولدىلر . تيمورلنك
 صوكرە بەلبكى ضبط ايتدى . اورادن كوندردىن مختلف قوللر
 صيدا و يىروت طرفلىرىنە آقىنلر ياپدىلر وبوتون سوريە سواحلى
 تخرىب ايتدىلر .

عىنى زماندە تيمورلنك شامە ياقلاشيوردى . اهالى، ھانك
 ضبطندن برى بويوك دەشت ايچندە ايدى . شامى ترك ايتىك
 ايسىتە يورلردى . ضابطان بوتون مانجىنيقلر و غرەژوا آتشى آتاجق
 ما كىنەلرى شەرك سورلرىنە يراشدىرتدىلر . تيمورلنك والى
 و كىلنى، شەرى تسلىم ايلامكە دعوت ايلەمشدى . بو قوماندان
 چىقوب كىتمكە حاضر لانيوردى . فقط اهالى كىندىسىنى توقىف
 ايتدى . قادينلر چوققلىرىلە نرە يە كىدە جكارىنى بىلمەدن اوتە يە

بری به قوشوشیه ورلردی . والی وکیلنک مدافعه یه قرار ویرمش
اولدیغی خبر آلتینجه بو قارغشهلوق سکونت بولدی . سلطانک
اردوسیله سورییه کلمکد اولدیغی ده خبر آلتدی . فی الحقیقه
سلطان بوتون اهلینک آلقیشلری آراسنده شامه کیردی ۱۱۱۰
اوراده ایکی کون قالدقن صوکره شهر خارجنده قرارگاه
قوردی و تاتارلرله محاربه یه کیریشمکه حاضرلاندی . جمعه
ایرتسی کونی تیمورلنک اردوسنک مقداری تقریباً بیکه وارن
آقینجیلری کورونمکه باشلادیلر . سلطانک اردوسندن یوز
سواری ایلریله دی . بونلری پریشان ایتدی . صوکره بر طاق
تاتارلر کله رک سلطانعه عرض تسلیمیت ایتدیلر و تیمورلنک
بقاع العزیزده قرارگاه قورمش اولدیغی سلطانعه خبر ویردیلر .
عینی زمانده طرابلس غرب والی وکیل اسندمرک مکتوبی
حاملأ اورانک امراسندن بش ذات کلدی . بومکتوب، تورکمنلر
امیری احمدک سائر عساکر ایله برلکده حلبه یا قلاشهرق اوراده
قالان اوچ بیک تاتار سواریسنی قتل ایتدکدن صوکره شهری
اله کچیردیکی ، تیمورلنکک طرابلس حوالیسینه کوندومش
اولدیغی مفرزه یی ، کویلیلرک داغلرده ناصه رق طاشلارله محو
ایتدیلری بیلدیریلیوردی . عینی زمانده تیمورلنک اردوسنک
بر قسمنک سلطانعه عرض تابعیت ایتک ایسته دیکی ، فقط بولک
تیمورلنک طرفندن تصور ایدیلن بر طوزاق اولدیغی ده خبر

ويريليوردي . قبريس قرالنك مسلمانلره امداد ايچون بعض
سفاان كوند مك تكليفنده بولنديغى ده ينه بو مکتوب ده يازيلي
ايدى . فقط دشمن ياقلاشمقده اولديغى جهتله بومکتوب به اهميت
ويريلمه دى ، يالگىز مدافعه چاره لرى دوشونولدى . تيمورلنك
طرفندن كشف ايچون كوندريلن بعض مفرزهر مسلمانلرى
بولديلر و هجوم ايتديلر . بر ساعت مصادمه وقوع بولدى . سلطانك
صول جناحى بوزولدى ، حورانده قاچدى . فقط صاغ جناح مزراق
هجوميله تاتارلرى پوسكورتدى . تاتارلر شامى ضبط ايتك ايچون اورايه
دوغرو ايلريله مكه چاليشيورلردى . ايكي اردوده ميدان حربدن
چكيلمه دى .

تيمورلنك ، انتظامدن محروم اقوام قارشيسنده بولونماديغى
ايچون الميش كنديسنه اعاده ايديلك و اونك طرفندن ده
حلبده اسير ايديلن امرا اعاده اولونمق شرطيله صلح عقد
ايتك تكليفنى حامله سلطانده بر ضابط كوندردى . طويلانان
اميرلر ك كافه سى بو شرائطى رد ايدهر ك حرب ايتك لازم كلديكنه
قرار ويرديلر . تيمورلنك ايكنجى دفعه برسفير دها كوندرديسه ده
تكليفى مسموع اولمادى . محاربه يه حاضر لاندیغى صيراده (۱)

برخيلى مصر امرا سى ، سلطانك مملوكلارندن بر قسميله برابر . اردودن
چكيدلر . كنديلرينه بعض مسندلر ويريلمه مش اولديغى ايچون
غير ممنون ايديلر . تيمورلنك چكياوب كيتمكى دوشونمكده ايكن

۱۴۰۱

[۱] جادى الآ خرك ۱۲ سنده .

سلطان اردوسندن وقوعه کلن بو فرار کيفیتی اونى ایقاظ ایتدی .
 امرا ، شیخ لاجینی تخته چیقارمق فکریله مصر یولنی طوتمشردی .
 سائر امرانك کافه سی بو حرکتدن قورقدیلر . حربدن زیاده بو ایشه
 اهمیت ویردیلر . سلطانك بر مفرزه ایله علی العجله مصره کیتمه سی
 لازم اولدیغنه کندی آرالرنده قرار ویردکلری جهتله بر ییجه
 اردونك خبری اولمادن سلطانی قاچیردیلر ، اردویی باشسز
 براقه رق سرعتله مصره یورودیلر . کیجه کوندوز قطع مسافه
 ایدهرک صفده کیتدیلر . غزه ده فراریلره یتیشدیلر . بونلر عرض
 معذرت ایدهرک . کندیلرینه عطف اولوندیغی کبی ، بر مقصدلری
 اولمادیغنی تأمین ایتدیلر . امرا شامی بو صورتله ترك ایتدکلرینه
 نادم اولدیلر [۱] .

اونلرک عزیمتندن صوکره عسکرلر ، کندیلرینه التحاق ایچون
 طاقم طاقم آرقه لرندن یورودیلر . قسم اعظمی تاتارلرک انه اسیر
 دوشهرک قتل ایدیلدیلر . قسم متباقیسی شام اهالیسییه برابر صوکره
 نقطه یه قدر مدافعه یه قرار ویردیلر . تیمورلنك سورلره یاقلاشدی .
 اهالی بر خروج حرکتی یاهره ق تاتارلری پوسکور تیدیلر و بولدقلرینی
 تلف ایتدیلر . تیمورلنك بو محاصره نك اوزون سورده جکنه حکم
 ایدهرک ایکی تاتار کوندردی . بونلر سورلره یاقلاشه رق
 صالح تکلیفنده بولوندیلر ، شرائطی قرارلاشدیرمق اوزره برامیر

[۱] شرف الدین ، تیمورلنکی مدح ایچون بوتون بو حکایه نی تحریف
 ایتکده در .

اعزامنى ايستەدىلر . شاملىلر طرفدن در حال قاضى تقى الدين
 ابراهيم كوندريدى . قاضى . تيمورلنكك التفاتلرينه ووعدارينه
 آلداندى . تيمورلنك بر چوق انبيانك اوتورمش اولديغى شام
 شهرينه قارشى بويوك بر حرمتى اولديغنى سويله يرك يالكىز تاتار
 عادتى موجبجه هر جنسدن دو قوزر دانه اولمق اوزره كنديسنه
 هدايا و يرلمه سنى طلب ايله اكتفا ايتدى . قاضى بو تكليفى شام
 اهالي سینه خبر و يردىكى زمان اختلاف افكار حصوله
 كلدى . بعضيلرى قبول فكرنده ايدىلر . بعضيلرى ايسه
 مدافعه ده ثبات ايديله سینه طرفدار بولونيورلردى . بو وكرده
 اولانلرى قتل ايتىد حاضراندقلرى جهته قاضينك طرفى غلبه
 چالدى . تيمورلنكك مرخصى شهره ادخال ايدىلدى . بوتون
 خلقه اموال و ثروتلر يله متناسب بر رسم طرح اولوندى . فقط
 بو وركوي ارساله حاضر لاندقلرى صيراده قلعه واليسى
 شام شهرى ياقه جغنى سويله يرك تهديدانده بولوندى . اوكا،
 جواباً قلعه يه حا كم اولديغنى ، فقط شهر اوزرنده هيچ بر حكم
 و نفوذى بولونما ديغنى سويله دىلر . شام كابرى هديه لري يله بر لىكده
 تيمورلنكك چادرينه كيتدىلر . صوكره ، بوتون خلقه امان بخش
 ايله ين اماننامه يى حامله شهره دوندىلر . تيمورلنكك بو اماننامه سى
 جامع امويده قرائت اولنديغى زمان شهر ك كوچك قايسى
 آچىلدى . اچرى يه كيره بيله جك تاتار لرك ، چيقار مالرى ملحوظ اولان
 قاريشقلى منع بهانه سيله تيمورلنكك بر ضابطى شامه داخل اولدى .

اهالی بۇتدېر احتياطينىڭ ئىمىن اولدىلار ، تيمورلۇكى بىرچوقمىدە
 ايتدىلار و كىندىسەنە يىگىدن ھدايا تەقدىم ايتىمكە قىرار وېردىلار .
 فقط بۇ ھىندىلار كۈندۈزلىرى زىمان تيمورلۇكى قىممەتلىرىنىڭ آنچىق
 بىر مىليون آلتون سىككە بەلغ اولدىغى بەھانەسىگە ھىندىلەر ئون
 مىليون تىلەپ ايتدى . قاضى ھەرقەدە يىگى رەسمىي تەرجىمە ايتدى .
 سوكرە تيمورلۇكى تەرىپىدىن شام والىسى تەيىن اولونان شاھىدلىك
 شامە كىردى . بۇ ئىشنىڭ ئىچى قەلئە مەھسەرىگە ايدىلىدى .
 تيمورلۇكى عىسا كرى اخشاب بىر قەلئە ياپمىشلىرى ، بۇنىڭ ئۈستىدىن قەلئە
 مەھسەرىگە ھۇجۇمە ھازىرلايدى . فقط بۇ قەلئە سۈرىيەلىرىگە ئاتىلىدى
 نەتىجىدىن احرار ايدىلىدىكى جەھەتتە تاتارلار يىگىدن دىھان بۇيۇك بىر قەلئە
 ياپدىلار و قەلئە مەھسەرى بۇ ھالەتتە عرض تەسلىمىگە اجبار ايتدىلار .
 تيمورلۇكى قاضى واسىتەسىگە شامى بۇتۇن تەرىپى ، سەلەملىرىنى ،
 مەھەتتى توپىلايدىن سوكرە خەلىپىنى شەھەرگە ئوخشاش مەھەتتى
 يوللادى و اھالىنى غەيت ظالمانە ئىشەنچىگە تايىق توپىلايدى .
 يىگىدن پارە ئىستەدى . قەدىنلەر و چوققىلار سىرا ئىندى . ار كىلەر قارشى
 ھىچ ايشىدىلەك مەظالم ياپىلدى . شەھەرگە ئاتىش وېرىلدى . سوكرە
 تيمورلۇكى چىكىلدى كىتدى ۱۱۱ . شامە سەككىسەن كۈن قالمىشدى ۱۲۱ .

[۱] رەبىك اوچىندە .

[۲] تاتارلار مەلۇمە ، بەستەن ، دارىندە ، زەبۇرە ، كاختە ،

كەركە ، شەھەرلىرى ، ھەسەن ، مەنەۋىرى ، بەسەنلى ، قەلئەلەرى ،
 عىنتابى ، تەن باشلىرى ، اعزەزى ، مەركەزى ، تەخرىب ايتىلدى .
 سەيدانى ، قەدى ، بىرۈتتى ، ھەسەن ، بىرۈتتى ، رەۋەندە ،
 تەزىن ، شەبەت ، ھارم ، سەرمەن ، شەھەر ، كەركە ، تەرابەس ،
 قەدىس ، غەزە ، بىسەن ، عەلۈن ، تەبەس ، اھالىسى شەھەرلىرىنى تەرك ايتىلدى .

سلطان قاهره به موصلت ایتشدی . اورا ده بوتون اموال اوزرینه
 بر رسم وضع ایتد کدن صو کره تاتارلره قارش یورومک اوزره براردو
 طوپلامغه باشلادی . تیمورلنکدن بر مکتوب آلدی . بونی بر مملوک
 کتیرمشدی . تیمورلنک بو مکتوب بنده اتیشی ایسته یوردی . سلطان تاتار
 سفیرینی نصارک بر جندن چیقارتدی و متعدد امرا رفاققیله کوندردی .
 بو صیراده سوریه به تخصیص ایدیلن اردو قاهره دن چیقدی .
 فقط تیمورلنک طرفندن اسیر ایدیش اولان طرابلس والیسی
 شیخ محمودی مصره واصل اولدیغی و تاتارلرک مملکتلرینه
 دوندیکنی سلطان به خبر ویردیکی جهته اردو قاهره به دوندی .
 تیمورلنکک عودتی سلطانک مملکتنده سکونتی اعاده ایتمه مشدی .
 امرا آراسنده حکمفرما اولان دشمنلق ، اغتشاش تولید ایتکره
 بردوام قالدی ۱۱۱ . سلطان ، یشبک ایله برلکده بعض مملوکلرک
 سوریه به اعزامی ایچون بر امرنامه اسطار ایتشدی . بو مملوکلر
 اطاعت ایتدیلر . بعض امرا بوکا آچیقدن آچیغه مخالفت
 کوستردیلر و امیر نوروزک یاننده طوپلان دیلر . او ، بوایشه قاریشماق
 ایسته مدی . بونک اوزرینه مریدانی لقیله یاد ایدیلن سودونه
 کیتدیلر ، او ، سلطانک امرینک اجراسنه مانع اولماسی ایچون
 سودون نزدنده توسطه بولوندی . فقط بو امیردن برشی استحصال
 ایدمه نیجه سلطان به مراجعتله بو مملوکلردن بیک دانه سنک عصیان
 فکریله حصار دیبنده طوپلانمش اولدقلرینی خبر ویردی . سلمان

بونلره بر ضابط کوندردی. مملوکلر بوضابطه سوءعامله ایتدیله.
 بعض امرا کندیلرینی تسکین ایتک ایسته دیلر سده قاریشقلق
 دها زیاده آرتدی. سوقاقلر سدایدیلدی. بوتون امرا سلطان
 نزدنده اجتماع ایچون امر آلدیلر. برچوقلری سرایه کیتدیله.
 سائرلری عاصیلره التحاق ایتدیله. بونلر کیجه بی سلاح آلتنده
 کچیردکن صوکره ایرته سی صباح شفقله برابر برکة الحبشه
 کیتدیله. یشبک درحال بر چرکس نفری اولان شیخ لاجینی
 توقیف ایتدی. مصر سفری ائاسنده بعض امرا بونی
 تحته چیقارمق فکرینه دوشمشلردی. سلطان اصطبل دائر دسنه
 کیده رک عصاتک ایلری کلنلرندن حکمه صفد والیلکنی ویرمک
 ایسته دی. حکم بونی رد ایدنجه قاهرده آسایشی تسکین ایته سنی
 رجا ایچون نزدینه بر قاچ امیر کوندردیله. فقط بوکاده موافقت
 کوسترمدی. بو اغتشاشاتک مسببی یشبک ایدی.

حکم ایله نوروز وسودون طراز بر نوع قول اردو تشکیل
 ایدهرک کیدوب یشبکه هجوم ایتدیله. یشبک کندی طرفنی
 التزام ایدهرک هر مملوکه اون بیک درهم وعد ایتدیکی جهته بر
 چوق مملوکلر طویلاندی. یشبک بونلرک باشنه کچدی. فقط
 نوروز طرفندن مغلوب ایدیلدیکی جهته اوینه التجا ایتدی.
 اوراده بر ساعت قدر مدافعه ده بولوندی، صوکره قاچدی. اوی
 یغم ایدیلدی. حکم بعض امرای توقیف ایله زنجیره اوردیردی. یشبک
 دردست واسکندریه اعزام اولوندی. حکم اونک رینه کچدی

وبوتون اموالنه متصرف اولدی .

بوندن بر آرزو کره یکی براغتاشاش چیقدی [۱] . خاروی
لقبیه یاد ایدیلن سودون . امیر نوروز ، حکم ، سودون طاز
وسائر بعض امرا ایله ائتلاف ایدید . بونلر سلطانک خدمتندن
چکیلدیرک قاراشیقلاق چیقارمق ایسته دیلر . سودون خاروی اوند
سلاح طوپلاتدی . مع مافیه کورولتو تسکین ایدیلدی . خاروی
صفد والیاکنه تعیین اوزندی . بر آرزو کره [۲] نوروز ،
حکم و سودون طاز سلطانک سراینه کیدوب عرض تعظیلات
ایتمکدن امتناع کوستردیلر و عصیان ایتدیلر . سلطان اصطبل
دائرده سنه کیتدی . سودون طاز اوراده ایدی . صباحدن اقشامه قدر
دو کوشدیلر . بواغتاشاش ، خلیفه متوکلک توسطیه تسکین ایدیلدی .
مع مافیه . حالا غیر ممنون اولان حکم کیجه لین برچوق امرا ایله
برلکده برکة الحبشه چکیلیدی . سائر برچوقلری ده اوراده حکمه
التحاق ایتدیلر . سلطان ، مملوکلرینک باشنه کچدی ، اونلرک
اوزرینه یورودی . نوروز ، حکم ودها سائر بعض امرا ته باییده
دم غرو چکیلدیلر و خیه القاعده قدر کیتدیلر . صوکره سمودیه
دوندیلر . اورادن ده بولاق قارشیسنده و جیزه قربنده مونبابا
الکاسنه چکیلدیلر . کیجه لین نوروز نیلی کچدی [۳] . فقط

۱۴۰۲

[۱] ۸۰۴ سنه سی صفر نده .

[۲] رمضان آبنده .

[۳] شوال آبنده .

على الغفلة كندیسنی باسدیلر . حکم صلح طلبنده بولودی .
دشمنلری کندیسنی الرینه کچیردکلری زمان اسکندریه حبسخانه سنه
کوندردیلر .

سوریه احوالی بوندن دها دوزکون دکلدی . حلبده عصیان
واردی . یکی والی طوقاق بر مقدار عسکر طوپلادقدن صوکره
بر آرتور کمنرله بر لکده اسکی حلب والیسی تیمور طاشه قارشی
یورودی . فقط مغلوب اوله رق شامه قاقچق مجبوریتنده قالدی .
اورادن بوتون سوریه امراسنه امدادینه کلملری ایچون مکتوبلر
یازدی . صوکره یکیدن حلبه دوغرو ایلریلادی . تیمور طاشی
بوزدی و بور کمنرک نزدینه قاقچغه مجبور ایتدی .

مصرده قاریش قتلقلر تکرار باشلادی . بعضی امرا بر
اکلنجه ترتیب ایدهرک اتابک بیرسلک نزدنده طوپلانشاردی (۱) .
تقریباً بیک قدر مملوک سودون طازی قتل ایچون اورتهیه
چیقدیلر . فقط سودون طاز قاقچرق قورتولدی . صوکره (۲)
بوتون طرفدارلریله قاهره دن چیقدی ، سیریاقوسه کیتدی .
کندیسنه التحاق ایدهرک بر چوق طرفدارلری اوراده بکله دی .
یشبک حبسخانه دن چیقدقدن صوکره اسکی حکم و نفوذی
قلماش اولدیغندن دولای غیر ممنون ایدی . مأموریتلرینه اعاده
ایدیله جکی وعد اولونه رق قاهره یه جلب ایدملک ایسته نیلدی .

[۱] ذی القعدة آئنده .

[۲] ۸۰۵ سنه سی صفرنده .

فقط یا پیلان تکلیفاتك هیچ برنی قبول ایتك ایسته مدیکندن
سلطان بر مقدار عسکرک باشنه کچهرک اوزرینه یورودی .
سودون طازدر حال چکیادی . پلوسه کیده جکی تخمین ایدی یوردی
فقط دیگر بر یولدن قاهره یه کله رک جبل حصارینه هجوم ایتدی .
سلطان همان قوشدی . شهرک سوقاقلرنده بر محاربه وقوع بولدی .
برجوقاری سودون طازک طرفنی ترک ایتدکاری جهته بوامیر ،
یشبکک نزدینه چکیادی . اوکا پک چوق التفاتلرده بولوندی .
صوکره بر سفینه یه را کبا دمیا طه التجا ایتدی . اوراده بر چوق
عرب طوپلادی . فقط بر آرزو کره توقیف اید بلهرک اسکندریه یه
کوندریادی .

۱۴۰۳

بر مدت صوکره ۱۱۱ تورکمن رئیس قرا یوسف شامه التجا
ایتدی . سلطان احمد ایله حرب اید ذرک بغدادی ضبط ایلامشدی ،
صوکره تیمورلنکک کوندردیکی تاتار اردوسنی ده مغلوب اتمشسه ده
ایکنجی بر مصادمه ده پریشان اولمشدی . ابتدا رجبیه التجا ایتدیکی
جهته عربلر بوتون اشیاسنی یغما ایلامشلردی .

یکی بر قیام مصری غایت بویوک قاریشقلقلره آتدی . یبک نائب
حکومت ایدی ، بوتون حکم و نفوذی الله آلمشدی . طرفدارلری
اصطبل عامره مدیری اولای اینال بانی سلطانک همشیره سنی تزوج
ایدهرک سلطان نزدنده بویوک بر نفوذ قازانه جغندن دولای عزل
ایتمه سنی توصیه ایدیورلردی . هپسی آرتق سرایه کیتمه مکه

قرار ویردیله [۱۸]. سلطان یکی اغتشاشات چیقارما لارینی نصیحت
ایچون بو امرایه اینال بای کوندرمک ایسته دی . فقط سلطانک
مملوکلرندن بر قسمی اینال بانک کیدوب او امرایله کوروشمه سینه
مانع اولدیله . نفاق کیتدکجه آرتدی . سلطان یشبکدن شبه
ایتمک باشلادیغی جهتله امیر بیرسک اوندقه قاضیلر طویلاندی ۱۲۱ .
۱۴۰۴ بونلری امرای تسکینه مأمور ایتدی . فقط قاضیلرک سوزینی
دیکله مدیلر . یشبک طرفدارلری سلطان حسن مدرسه سنده
تحصن ایتدیله . بوده نیتلرینک فنا اولدیغی سلطانده آکلاتیوردی . هرکس
سلاحلاندی . سلطان اینال بای طرفنی التزام ایتدی . رؤسا و امراء
بیکباشیلر ، اون باشیلر ، طبیحخان رؤسا سی ، سلطانک مملوکلری ده اونک
طرفنده ایدیله . یشبک طرفنده آلتی بیکباشی امیرایله دهاسائر
بعض امرای و سلطانک مملوکلری واردی . یشبک سلطان حسن
مدرسه سینه نفت و اوق آتجق ماکنه لر قوردیردی . بونلری
سلطانک اصطلل دائره لرینه توجه ایدیوردی . بازار صباحندن
پنجشنبه اقشامنه قدر دائمی صورتده محاربه ایدیله . فقط یشبک
فنا بر موقعه ده بولوندیغی جهتله ، جمعه کیجه سی بوتون طرفدارلریله
آته بیندی ، بولوندیغی محله سندن جیقدی و سوریه طرفنه قاچدی
هیچ کیمسه طرفندن تعقیب وازعاج ایدیله دی .
یشبک قاسیه و عریش طرفیه غزه یه کیتدی . والی کندیسینه

[۱] ۸۰۷ سنه سی صفرنده .

[۲] صفرک ایکنجه جمعیله ایتدی کونی .

التحاق ايتدى. اورادن بونى شام واليسى شيخ محمودى به اخبار ايتدى. شيخ محمودى معاونت وعنده بولوندى. فى الحقيقه در حال يشبكه ارزاق كوندردى. اوده غزه ده بولديغى تكميل ارزاقى ضبط ايدى درك سفره چيقدى. كرك وشوبك اهااليسى ايله جوارده كى عربلر ك كافه سى كندايىنه عرض حرمت ايتديلر. يشبك شامه كيتدى [۱۱]. اوراده شيخ محمودى طرفدن پك چوق حسن قبول كوردى.

يشبكك حر كىتدن صوكره سلطان بعض امرا نك تخليه سنى امر ايتش وعاصيلر ك اولجه اشغال ايتدكلرى مناصبى بشقه لرينه ويرمشدى. يشبك طرفدارلرى سوريه ده كيتد كجه قوت بوليورلردى. طرابلسى اله كچيرمش وعاصيلر طرفنى التزام ايتش اولان جكم حماني، صوكره، تيمور طاشك والى بولنديغى حلبي ضبط ايله دى. شيخ محمودى صفد قلعه سنى غافل باصمق اچون براوردو كوندردى. فقط بوتاشبث موفيتلا نتيجه لنه نديكى اچون نفت وطاش اتهرق بر چوق ما كنه حاضر لاتدى. صفدى محاصره اچون بويوك براوردو ايله يورودى [۲]. والى به تسليم توكليفنده بولوندى. اوده قايىچندن باشقه برشى بولونمادىغى يولنده جواب ويردى. بونك اوزرينه شهر هر طرفدن احاطه ايدلدى. بر چوق كشى مقتول دوشدى.

۱۴۰۵

[۱] رجبك دردنده.

[۲] شعبانك اون يديسده.

بو ائنادە جگم شامە کیتدی . کندیسنى سلطان اعلان
ایتدیرمك و ملك العادل لىبنى آلمق تصور نىدە ایدی . فقط اوز مانا قدر
بو آرزوسنى موقع فعله قويمامشدى ، چونكه شيخ محمودى به
التحاق اتمەي دها مناسب كورمىشدى . شامە واصل اولونجه
اوراده قالمش اولان امرا ايله متفقاً آرتق حسيات آچىغە ووردى
و بوتون حكمدارلق علاماتى طاقندى . بوايسە صند پيشكاهندەكى
اميرلك خېشنە كىتمدى . جگم سوكرە يكي عسكر طوپلامق
اوزرە صفەدەدوندى .

يشبك ايله شيخ محمودى يكرمى ايكي كون محاصره ايتدىلر
حالده صفدى ضبط ايدەمدىلرندن پك ضايعاته اوغرامش اولان
اردو ايله شامە عودت ايتدىلر . جگم اونلردن سوكرە شامە كلدى .
شيخ محمودى بوا ميرك طاقنديغى نفوذ و صلاحيته قارشى سويلنمەكە
باشلايدىغى جەنلە شامەدە خليفە نامنە خطبە او قونماسنە و مصرە
كىدىلمەسنە قىر رو يىلدى . يشبك ايلە قرايوسف تكرر اصفدا وزرينە
يورودىلر . حماو طرابلس واليلىرىنىك مصر سلطاننىك حكىم و نفوذىنى
طانيدقلىرىنى خبر آلان والى بكتەر عاصىلرە اولكەندن زيادە شدتە
مقارمەت كوستردى . اونلرە قارشى يورودى و مغلوب ايتدى .
ايكي رئيس طبريە يە قاچدىلر . شيخ محمودى اوراده كىندىلرينە
التحاق ايتدى . سوكرە برلكدە غزە يە كىتدىلر . بو ائنادە
جگم دە رەلە يە كىدىوردى .

بو صيراده ، عاصىلرى ازمك ايچون كندى عسكرلرىنى

طوپلامغە مشغول اولان ۱۱۱ مصر سلطانی، عسکرلرینە پاره
 ویره بیلەمک ایچون الماسلرینی رهنە قویمغە واراۋیسنەن بر قسمنی
 صاتمغە مجبور اولاشدی . فقط بو عسکرلر حرکت ایدە بیلا جک
 حالە کلمە دن پلوسدن کو کر جین پوستەسی واسەنە سیلا عاصیلرک قاسیە یە
 واصل اولدقلرینی خبر آلدیلر . سلطان در حال قاهرە دن چیقادی
 وانتظامسز بر حالە دیوانیە یە کیتدی . عاصیلر دە صالحیە کلەرک
 بولدنلرینی اللرینە کچیردیلر . سلطان کیجه لین عکارشە یە، اورادن
 پلوسە کیدەرک ایکی کون قالدی . سو کرە سعیدیە یە کلدی وعاصیلرک
 کیجه لین کندیسنی باصمق ایستە دکلرینی خبر آلدی . عاصیلرک
 اوزرینە یورویەرک اونلرلە حربە کیریشدی . فقط مغلوب اولدیغی
 جهتە قاهرە یە دوغری قاچدی . عسکرلر داغیلدی ، اشیلرینی
 غائب ایتدیلر . قسم اعظمی قاهرە یە قاچدیلر . هنوز کورونمە یین
 سلطان ایچون قاهرە دە پک مراق ایدیلیوردی . اقشامە دوغری
 سلطان پک یورغون بر حالە قاهرە یە واصل اولدی ۱۴۱ . عاصیلر
 حصارە یاقلاشدیلر . اورادە بر محاربە وقوعە کلدی . ایچلرندن
 بر چوغی سلطانک طرفنە کچدیکی جهتە دیکرلری تکرار
 سوریە یە عودتدن باشقە برشی دوشونمە دیلر . اشیلرینی براقدیلر،
 علی العجلا قاچدیلر . بوصورتە قاهرە دە سکونت تأسس ایتدی .
 حکم ایلا شیخ محمودی، تقریباً بش یوز تورکمن سواریسی

۱۱۱ ذی القعدە آیدە .

۱۴۱ ذی الحجت ۱۳۱۳ .

ایله غزیه واصل اولدیلر . صفد و طرابلس والیلری کلوب
کندیلرینه هجوم ایتدیلر و بوزدیلر . بونلر فنا بر حالد شاهمه واردیلر .
حلب سلطانده عرض انقیاد ایتدی . شیخ محمودی ایله یشبک عنقولرینی
سلطاندن استرحام ایتدیلر سهده (۱۸) یرلرینه باشقه والیلر تعیین
اولوندی .

بو اغتشاشک تسکینندن بر آی صوکره چرکس مملوکلری
سلطانده بعض امرانی توقیف ایتمه سی ایچون رجاده بولوندیلر (۱۲) .
بو، یی بر عصیان سبب اولدی . سلطان بو مملوکلرک کستا خلقلرینی
قیرمق ایسته دی . بعض امرا اونلرک اعدا منی توصیه ایتدیلر .
بو مملوکلرک ایسته مدکلری بعض امرانی صاقلادیلر . عصیان سکونت
بوله حق کبی کورونیوردی . فقط بر آز صوکره (۳) مملوکلر
کورولتولی بر صورتده حصار قربنده طویلانه رق بعض امرانک
باشلرینی ایسته دیلر . بو امرا اورتدن غائب ایدیلدی . بو ائنده
سلطان ، سراینده کندی مملوکلریله اکلنجه ده ایدی . سرخوش
اولدی . اونلرله برابر حمامه کیرمک ایسته دی . هپسی ده سرخوش
اولدقلری جهته لاقیردی یی آزی تدیلر . بعضیلری دوکوشمک
ایسته دیلر . سلطان منع ایتدی . فقط صوکره ، کندی سنی اولدیرمک
ایسته دکلرینی خبر آلنجه قاهرده صاقلانمق فیکریله حصاردن
چیقدی . امرا ، سلطانک زرده اولدیغنی بیلمه یورلردی . طاقم طاقم

[۱] ۸۰۸ سنه سی محرمنده .

[۲] صفر آینده .

[۳] ربیع الاولده .

طوپلاندىلار (۱). كيمىسى سلطان طرفى التزام ايدىيوردى .
 كيمىسى عصيان ايتدىلار . اوافق تفك متعدد مصادمات وقوعه
 كلدى . نهايت باشقه بر سلطان تعيين ايتكه قرار وىردىلار .
 فرجك برادرى عبدالعزىزى انتخاب ايتدىلار .
 يكي سلطان ملك المنصور عزالدين عنواتى آلدى . برادرينك
 چكىلمە سنك ايرتەسى كوني سلطاننى اعلان اولوندى ۱۴۱ .
 فرجك نە اولدىنى معلوم دكلدى . بعضىلارى سوريە يەچكلدىكى
 ظن ايدىيورلردى . بعضىلارى اولدىرايكى فكر نە ايدىلار . بعضىلارى دە
 قاهرە دە صاقل بولونماسنە احتمال وىرييورلردى . يكي سلطانك و الەسى ،
 فرجك ميدانە چىقماسندن قورقيوردى . بىرس اردولر اتابكى
 تعيين ايدىلدى . ايمپراطورلار بوتون حكيم و نفوذى اونك الە
 كچدى . شعبانى لقبيلە ياد ايدىلار سودون و بوتون طرفدارلارى
 تلاشە دوشدىلار و سلطان فرجك تختنى بويلا ترك ايتسندن دولانى
 بك مايوس اولدىلار . ايمپراطورلار ق متزلزل بر حالە ايدى . متعدد
 عصيانلر حكومتى تهديد ايدىيورلردى . نوروزى مغلوب ايتمش
 اولان شىخ محمودى نى كتيىر مك اچون سوريە يە برضا بط كوندريلدى .
 شام والىلكنە تعيين ايدىلش اولان نوروز . طرابلس شامە ، اورادن
 حايە قاچغه مجبور اولمشدى . شىخ محمودى ايله حكيم حمصە
 قراركە تاسيس ايدىر ك اورادن طرابلس اوزرينە بورومشلردى .

[۱] ربيع الاول ۲۵ نە .

[۲] ۸۰۸ سنەسى ربيع الاول ۲۶ نجى بازار ايرتەسى كوني .

بونك واليسى بكتمر جلق حمایه كیتمك اوزره طرا باسدن قاچشدى .
 بوتون بونفاقلردن خبردار اولان حلب واليسى علان جلق سفره
 چیقمش ، حكیم ایله شیخ محمودی یه قارشى یوروكمك اوزره
 نوروزه التحاق ایتشدى .

سوریه ده بو حرکات مصر امراسى اوزرنده مختلف تأثیرات
 حصوله کتیردی . بیبرس بوکا صیقلیور ، یشبك ایچندن ممنون
 اولیوردی . باخصوص سلطانك خسته اغی کندیسینك ممنونیتى
 آرتیریوردی . سلطانك طرفدارلری کوندن کونه ضعیفلا یوردی .
 اك آتشان طرفدارلرندن برى کندیسینه کلوب فرجك حصارى
 ترك ایتدیكى تاریخدن برى اونك نزدنده بولندیغنى خبر ویرنجه
 بو امیر قورقمغه باشلادی . یشبك آرتق اسكى سلطانى تخته
 چیقارمقدن باشقه بر شى دوشونمدى ، عبدالعزیزك خسته اغی
 اثناسنده برخیلی اوغراشدى . آرتق فرجك قاهرده اولدیغنى
 دویولدى . مملوكلر فرجك عودتندن علناً بحث ایتمكه باشلادیلر .
 بیبرس ، اولدیرتمك مقصدله فرجى آراتدیردی . حصارده تحصن ایتدی .
 عبدالعزیزه مره حیتلرینی محافظه ایچون مملوكلره بویوك مكافاتلر
 وعدایتدی . نهایت فرج بر کجه قاضى سعدالدینك اوندن بویوك
 بر آلاى ایله چیقدی ، عسکرک باشنه کچدی ، امیرلری ، مملوکلری
 چاغیرتدی . بونلر مسلحاً هپ بردن فرجك نزدینه کیتدیلر .
 صوکره فرج حصاره تقرب ایتدی . اوراده مقاومته تصادف
 ایله دی . بر مصادمه وقوعه کلدی . فقط امیر سومای فرجى کورنجه .

محافظه‌سنة مأمور اولدینی قاپی آچدی ، حصار ضبط ایدیلدی ۱۱۱. بوصیراده بیرس باشقه برقاییده حرب ایدییوردی . فرج کندیسنه آرقه‌دن هجوم ایدرک فراره مجبور ایلدی . نهایت بیرس دردست ایدیلرک اسکندریه کوندریلدی . آنجق ایکی آی اون کون سلطنت سورمش اولان عبدالعزیز والده‌سیله برلکده سرایه حبس ایدیلدی . فرج صوکره‌اونی دیگر برادری ابراهیم ایله برلکده اسکندریه کوندردی و تسمیم ایدیلرکی ایچون کیزلیجه مرویردی .

یکیدن سلطان اعلان ایدیلن فرج ، یشبکه اردولرک اتا بکی منصبی ویردی . سائر امرانک کافه‌سنة مکافاتلر بخش ایتدی . شیخ محمودی شام‌والیلکنده ابقا اولندی . حکم حلب‌والیلکنه تعیین ایدیلدی . حلب والیسی تیمورطاش ایسه تورکمنلرک یاننه چکاردی . دیگر طرفدن ، حلبی اله کچیرمک ایسته‌ین طوقاق ، حکم طرفندن مغلوب و قتل ایدیلدی .

بوصیراده خلیفه متوکل وفات ایتدیکی جهته‌اوغلی مستعین خلافت کچیریلدی . سوریه‌ده بر جوق تحولات وقوعه کلدی . بوتون والیلر ولایتلرینی ضبط ایدیورلردی . حکم براردو باشنده ۱۲۱ بواغتشاشاتی تکیین ایتکه چالیشیوردی . سلطان بو یزدن سوریه کچمک مجبوریتنده قالیوردی .

۱۴۰۶

[۱] ۱۵ جمادی‌الآخرده .

[۲] ۸۰۹ سنه‌سی محرمنده .

فرج ابتدا بر مقدار عسکرایله بعض امرای سوق ایتدی .
 بر آرزو کره [۱] اردو سنک قسم متباقیسیله کندیسیده یوله چقدی .
 ریدانیه دن بر جمعه کونی حرکت ایتشدی . بوتون اماملربونی تقبیح
 ایتدیلر . فرج شامه [۲] ، اورادن حلبه کیتدی . حکم در حال
 حلبی ترک ایلله نوروز ، تیمور بوغابو یهوده یرده تعقیب ایدیلن سائر امرای
 ایلله بر لاکده فراتی کچدی . سلطان جرکیسی حلبه اقامه ایلله
 شامه دوندی . فقط شامه دوز دونمز ، حلب اهلایسندن بعضیلری
 ایلله بر چوق مملوکلر عصیان ایتدیلر . نوروز بوفرصتدن استفاده
 ایلله شهره کیردی و والی قوغدی . آرقه سندن حکم کلدی .
 صو کره حما اوزرینه یورودی .

سلطان ، بارکیلری فنا حالده بولونان سواریلرینک کافه سنی
 مصره کوندردی . کندیسیده چوق کچمه دن مصره کیتدی .
 سوریه امراسی سلطانه مغبر اولمشلردی . برخیلی امرانک اتحاق
 ایتش اولدقلری نوروز رمله طرفنه بر اردو کوندردی . غزه
 ضبط ، قاسیه تخریب ایدیلدی . حکم کندیسینی حلبده سلطان اعلان
 ایتدیردی و عادل لقبی آلدی . فراتدن غزه یه قدر اولان بوتون
 ممالکده ، شیخ محمودینک ضبط ایتش اولدیغی صفد دستنه اولمق
 اوزره ، نامنه خطبه او قوتدی . صو کره عربلره و مصر کویلیلرینه ،
 آرتق سلطانه یرکی ویرمه ملرینی اعلان ایتدی . شامی ضبط

[۱] ربیع الاولک سکزنده .

[۲] ربیع الآخرک یدنجی بازار ایرته سی کونی .

ایله کرک سوریه کرک مصر ایچون قوماندانلر تعیین ایلهدی .
 حکم کندی ممالکی داخلنده تأمین سکون و انضباط
 ایتدکن صوکره اردوسیله برابر حلبدن چیقدی . آمد
 و دیاربکر الکاسی دینلر ممالک حکمداری امیر عثمان قارشى حربه
 کیتدی . طورعاینک اوغلی اولان امیر عثمان قاره ایلوک لقبی
 تاشیوردی . حکم بیره محاصره وضبط ایتدی . قاره ایلوک
 صاحب تکلیفنده بولونمش و قیمتدار هدیه لرله حلبه کلمکی و دیاربکرده
 کندیسنک حکمدارلغنی قبول ایتدیرمکی و عد ایله مش ایسه ده
 یکی سلطان بو تکلیفاتی ردایله ماردینه یاقلاشدی . بوراده ارتقی
 عائله سندن مجدالدین عیسا حکمران اولویوردی . مجدالدین عیسا
 عساکریله حکمه التحاق ایدهرک کندیسنی امداوزرینه یورومکه
 تشویق ایلهدی . قاره یلوك کندیلرینه قارشى چیقدی . بر
 محاربه وقوعه کلدی . بونده حکم قاره ایلوکک اوغلی ا. اهیمی
 کندی ایله اولدیردی . صوکره قاره ایلوک اوزرینه هجوم ایتدی .
 اوده آمده قاچهرق اوراده تحصن ایلهدی . قاره ایلوک شهر
 جوارنده کی بوتون باغچه لرى صو آلتنده براقدیغی جهتلایلر یله مه سی
 و لری به چکیلمه سی پک مشکل اوله حق بروضعیتده بولونان حکم،
 تورکمنلر طرفندن اولدیریلدی . بوزار صاپانلرله تاش آتدیلر (۱)
 و صوکره حکمک عسکرینه هجوم ایدهرک پریشان ایله دیلر . قاره

۱۴۰۷

ایلوک جکمی اولولر آراسنده آراتدی. باشنی کسیدردرک. صبره یوللادی.

جکم بو سفر ایله مشغول اولدیغنی صیراده صفده چکیلیمش اولان شیخ محمودی، غزه ده عسیر طرفداری اولان امیرلره هجومه کیتدی. بونلری مغلوب ایتدکن صوکره صفده دوندی. سلطان، سوریه یه کچمک فکرله دیوانیه یه کیتدی ۱۱. اوراددو جودینه لزوم واردی.

نوروز ۲۱، صفده امداده محتاج بر حالد بولونان شیخ محمودی یه هجومه کیتمک اوزره شامدن چیقمشدی. فقط برقاچ کون محاصره دن صوکره شامه دوندی. اورادن شیخ محمودی یی شام والیدکنه اعاده ایتمک شرطیله صلح یایمق تکلیفنده بولوندی. سلطانک سوریه یه کلمکده اولدیغنی بیان شیخ محمودی بو شرائطه و لاق آصمق ایسته مدی، معیتنده کی کوچوک اردولریله شامه یاقلاشدی. نوروزک امراسندن بر قسمی اونک طرفنه کچدیله. سلطانک اردوسی غزه یه واصل اولمش اولدیغنی جهتله نوروز چکیلیمکه قرار ویدی. شیخ محمودینک عساکری شامه کیردی. سلطان بر آز صوکره مواصلت ایله دی ۱۳.

سوریه نک محتاج اولدیغنی صلح و سکونی سلطان تأمین ایتمه یوردی.

[۱] ۸۱۰ سنه سی محرمنک ۲۸ نجی بازار ارتیه سی کونی.

[۲] الحافظی اقبیله یاد ایدیلیر.

[۳] صفر آینده.

شامه کیر کیر من شیخ محمودی بی و شعبانی لقبیله یادایدیلان امیر
یشبکی قلعهیه حبس ایتدیردی [۱] فقط بونلر مؤخرآ قلعهدن
قاچدیلمر . آرقه لرندن تعقیب ایدیلر یسه ده یتیشیله مدی . فراریلمر
حصه دوغری چکیلدیلر . اوراده بیك سوارینك باشنه کچهرک
بونلرله جوار اهاالیسندن ویرکو آلمغه باشلادیلمر . سلطان ،
حلبده بولونان امیر نوروز ۱۲۱ بوعاصیلر قارشى یورومه سنی امر
ایله کندیسنه شام والیلکنی ویردی . صوکره مصر یولنی
طوتدی ۱۳۱ . کندیسيله برابر برچوق امراییده موقوف برحاله
مصره کونده ریوردی . شیخ محمودی سلطانك شامدن چیقدیغنی
خبر آلیر آلماز همان کله رک شامی ضبط ایتدی . نوروزك غیوبتنده
شامده اوکا وکالت ایدن بکتمر بعلمکه قاچدی . نوروز بوشهر
قربنده یشبک ایله جرکسی مغلوب ایتدی . ایکسی ده محاربه ده
تلف اولدیلمر . شیخ محمودی بونی خبر آلنجه شامی ترک ایتدی .
شهر نوروزك انه کچدی . سلطان بومهم وقعهلری عریشده
خبر آلدی .

صوکره امیر نوروز ، شیخ محمودی ایله صلح یاپدی . شیخ
محمودییه طرابلس شام والیاکی ویریلدی . ابتدا سلطان کندیسنك
امری اولمق سزین یاپیلان بوایشلردن ممنون اولمادی . فقط شیخ

[۱] صفرک ۲۵ نده .

[۲] الحافظی لقبیله یاد ایدیلر .

[۳] ربیع الآخرک یدیسنده .

محمودی، طلب عفو همچون برقاج کره عریضه‌لر تقدیم ایدنجه سلطان کندیسنی مأموریتنه اعاده ایله شام‌والیسی نصب ایله‌دی. شیخ محودی فرمانی آلمقدن استنکاف ایتدی. چونکه کندیسنه ایملک ایتش اولان نوروز علیهنده بولونماسی ایسته‌نیوردی. بو امیره قارشی مدیون اولدیغی حرمتی ابرازده ثبات ایتدی. نوروز، بکتمره قارشی مدافعه‌یه حاضر لانیوردی [۱]. غزه‌نی حمایه مقصدیله برمایه کیتدی. غزه‌یه امیر سودونی والی یاماشدی. سلطان، سودونی طردایتک اوزره غزه‌یه براردو کوندردی. فقط بکتمر ذاتاً غزه‌نی ضبط ایتش و سودون، نوروز نزدینه قاچمشدی. ایکسی ده غزه‌یه دوندیله. بکتمر صفده چکیلدی. غزه تکرار ضبط ایدیلدی. عریشده بونی خبرالان مصراردوسی مصره دوندی. سلطان، بو عاصیلارک حرکاتندن بویوک براندیشه ایچنده اولدیغی صیراده آرالرینه نفاق دوشمش اولدیغی، شیخ محمودینک قره‌العینده قرارگاه تأسیس ایتیلنی خبر آلدی. نوروز، مغلوب ایدیلرکن صوکره حلبه قاچمشدی. بکتمر بوفرصتدن استفاده ایدهرک شامه کیرمش و شهری سلطان نامنه ضبط ایله‌مشدی. شامه والی اعلان ایدیلن شیخ محودی، بکتمر و بوتون شامه ساگری ایله برالکده نوروزک اوزرینه یورودی. نوروز حلب والیسنک امید کی کندیسنی قبول ایتهدیکنی کورنجه ملاطیه حاکی تورکمن بازک نزدینه کیتدی. شیخ محودی نوروزی تعقیب

ایتدیردی، نوروز تورکمنلر طرفندن توقیف اولوندی . مع مافیه
الارندن قاچدی . روم قلعه یه چکیلدی . طرفدارلارندن برچوغی
شامی ترک ایدهرک اوراده کندیسنه التحاق ایتدیلر .

بوصیراده سلطانه شیخ محمودینک عصیان ایتدیکنی سویله مشلردی .
بوندن خبردار اولان شیخ محمودی ، بوتون قاضیلری و شامک
ایلری کلنلرینی طوپلادی . بونلرک مواجهه سنده بروثیقه تنظیم
ایتدیرهک سلطانه اطاعت کامله سنی تأمین ایلادی . بر عریضه ایله
برالکده بوکاغدی سلطانه کوندردی . بومکته بنده سلطانک کندی
حقنده کی فکرینی تصحیح ایتکه چالیشیور ونوروزک طرفداریری
امرای هنوز کوندره مدیکندن دولایی عرض معذرت ایدیوردی .
سلطان، بومعذرتلری قبول ایتدی . یکر می التی کونه قدر بو امیرلر
مصره واصل اولمایه جق اولورلر سه کندیسینی سوریه یه کله جکته
دائر جواب کوندردی . شیخ محمودی بونلری اعزامه حاضر لاندی .
فقط سلطانک یوله چیقمش اولدیغنی خبر آنجه نوروز جهتنه
دونه رک اونکله صلح یاپدی . بونک اوزرینه ، حلب والیسی
تیمور طاش علی العجله تورکمنلری و عربلری طوپلادی . طرابلس
والیسی بکتمر ایله اطاکیه والیسی ده کندیسنه التحاق ایتدیلر .
یکنی تغری بردینک قومانداسی آلتنده دابق اواسنه بر مفرزه
کوندردی . قسم متباقی ایله کندیسینی ده آرقه دن یورودی . مقصد،
عینتابده بولونان نوروز اوزرینه کیتمکدی . نوروز بر چوق
ضایعات ویردکن صولره مرعشه دوغری قاچدی . تیمور طاش
عینتابی آلدی و حلبه دوندی .

سلطان بونلردن خبردار اولونجه سوريه ده وجودينه نه قدر
 احتياج بولنديغنى حس ايتدى. على العجله حرکت ايتك لزومنى
 آكلاديغندن پيشدار فرقهسى ريدانيه يه كيتدى (۱). شيخ محمودى،
 سلطان موقوف اوله رق كوندركه مجبور اولديغى امرانى درحال
 تخلیه ايتدى. رمله ده كى عساكر شامه دوغرو چكيديلر. شيخ
 محمودى شامدن چيتمغه خاضر لانيوردى. بوصيراده سلطان لاجونه
 مواصلت ايتدى (۲). بيسانده مملو طر آراسنده بر منازعه
 چيقدى. بر چوقلرى سلطانى ترك ايدرك شيخ محمودى طرفنه
 كچيديلر. مع مافيه سلطان يولنده دوام ايتدى. شام پيشگاهنه
 وارد يغى زمان شيخ محمودينك بصره يه چكيلمش اولديغى او كرندي.
 سلطان، شامه تصاحب ايتدكدن صوكره آقنجيلرى حايه
 قارشى يوروديلر و طرفدارلرندن مركب بعض مفرزه لرى بوزديلر.
 سلطان بصرا يولنى طوته رق بونلرك آرقه سندن يورودى.
 جراق دنيلن بر كويده دوردى. حوران داخلىنده كرك الميتينيه يه
 كيدرك كيجه نى اوراده كچيدى. ايرتهسى كوني بصرا پيشگاهنه
 واصل اولدى. شيخ محمودى صرخده چكيلمشدى. سلطان
 مقاومت ايتك اوزره بصرا ده براقدينى امرا درحال قاجديلر.
 سلطان بو كوچوك اردويى ازمك قولاي اولاجغنه قناعت
 كتيرمرك صرخد يولنى طوتدى. اوراده بر مصادمه وقوعه كلدى.

[۱] ۸۱۲ سنهسى محرمناك ۷ نجى چارشنبه كوني.

[۲] صفرناك برنجى جمعه ايرتهسى كوني.

اردو سنك بر قسمی شیخ محمودی طرفنی التزام ایتدی . هر کون فرار و قوعاتی آرتیوردی . فقط سلطان بوکا هیچ اهمیت ویردیور کورونمکده ایدی . معیتنده اون بولولکده قالسه عاصییه قارشی یورو مکدن فراغت ایتیه جگنی علناً سویله یوردی . ایکی اردو قارشیلان شیدیلر و حربه طوتوشدیلر . سلطان متصل ایلر یله یوردی . عاصی نی شهره قدر سوردی . کندیسید شهره کیردی . صرخد جامعنی ضبط ایتدی . اورادن شیخ محمودی اوزرینه نفت و چین اوقلری آتیوردی . سوکره بالذات شیخ محمودی اوزرینه هجوم ایلر اونی یکر می سوار ی ایلر ایچ قلعه یه چکیلمکده مجبور ایتدی . حصار در حال محاصره اولوندی . شیخ محمودی طرفدار لرندن بعض امیرلر شامه چکیلمک ایسته دیلر سده خلق کندیلرینی قوغدی . بر قسمی کرکه بر قسمی حمایه التجا ایتدیلر .

سلطان بو محاربه ده مثلی بولونماز بر جسارت اثری کوسترمشدی ، امراسندن بعضیلری طرفندن قتل ایدیلک تهلمکده سینه معروض قالمشدی . معیتنده کی خواص ضابطان مصره دوئمه سنی توصیه ایلشلردی . فقط بورائی قبول ایتهمش ، سوء قصدک ترتیب ایدیلدیکی غزه شهرینه حرکت ایلر عاصی نی تعقیبدن خالی قالمشدی . عاصی ، سلطانک جسارتندن او قدر قورقوردی که معیتنده کیلردن ری شوسوزلری سویله مشدی : مادام که سلطانک جسارتنی بیلورسکنز ، عصیان ایتدملی ، حکمدار لغه کوزدیکمه ملی ایدیکز . شیخ محمودی شو جوانی ویردی : بن تخت دعواسنده

دکلم . بومحاربه يه آنجق معروض بولونديغم تهلکه لردن قورتولمق
ايچون کيزيشدم .

سلطان ، حصاری محاصره ايتدی . بوصیراده ، تورکمنلرک
نوروزی تماماً پریشان ایتدکلرینی خبر آلدی . حبیبه دن ، صفددن ،
شامدن نفت و طاش آتجق ماکنه لری کتیرتدی . بونلری
قلعه يه قارشى قوردیلر . برمانجنیق لره آلتش اوقه ثلتنده طاشلر
آتیورلردی . نهایت شامدن ایکی یوز دوه صیرتنده برمانجنیق
کلدی که شام اوقه سیله دوقسان اوقه آغیراغنده طاشلر آت بیلیوردی .
شیخ محمودی کنديسنه قارشى قورولان بو قدر ماکنه لردن
قورقه رق اوقلرله بر طاقم کاغدلر آتدیردی . بونلرده مسلمان قانی
دو کولمه مسنی رجا ایدهرک سلطان دن امان دیله یوردی . سلطان
مرحمت ایتدی . شیخ محمودی کلوب سلطانک ضابطلرینه تسلیم
اولدی [۱] . صرخد حصارینه تصرف ایدیلر کدن صوکره سلطان
شامه دوندی . شیخ محمودی یه طرابلس والیاکی ویریلدی .
سلطان ، قاهره یولنی طوتدی . بکتمر ، شیخ محمودینک ایچری یه
کیرمه سنه قطعياً مساعده ایتمه مک امریله شامده بر اقلمشدی .
شامه یا قلاشمق املنده اولان شیخ محمودی شوشوبه کلدی .
بونک اوزرینه بکتمر اوکا قارشى بر مقدار عسکر کوندردی .
بوقوت پریشان اولدینگی کبی صوکره کنه یسی ده مغلوب اولدی .
بوصورتله شیخ محمودی شامه کیردی . بعض ایشلرینی بیتیرمک

[۱] ۸۱۲ سنه سی ربیع الاولک ۲۲ نجی جمعه ایرته سی کونی .

اوزره يالکز شهر خارچنده ميدان موقعنده قرارگاه قورمق ايسته بوردی . فقط بکتمر بونی رد ایتکده اصرار ایشدی .
 . وقعه اوزرینه بکتمر صفده قاچدی .

سلطان بووقه بی، قاهرده واصل اولدیغی زمان اورایه کلمش اولان بالذات بکتمر دن خبر آلدی . عرض انقیاد ایتش اولان امیر نوروز بوصیراده سلطان دن شام والیلکنی استحصال ایتشدی .
 شیخ محمودی اونک کلوب شام ولایتنه وضع ید ایده جکنی خبر آنجه سلطان به بر مکتوب یازدی . سلطان بو مکتوبی کتیر نلری حبسه آتدیردی . بونک اوزرینه امیر شیخ محمودی تکرار سلاحه صاریله دیق نوروزی محاصره ایتک ایچون حمایه کیتدی .

سوییه ده دهها باشقه اختلاللر داولدی . بونلر حمایه محاصره ایتکده اولان شیخ محمودینک طرفدارلرینی آرتدیرمقدن باشقه بر شیخ یارامادی . تیمور طاش ، نوروزک امدادی به کلمک اوزره حلبدن چیتدی . شیخ محمودی اونکله بر محاربه به کیریشدی و مغلوب ایتدی ۱۱۱ . اورادن حصه کیتدی . ینه سلطان به بر مکتوب یازدی . بونده صداقتندن بحث ایدیور و جریان ایدن احوالک بوتون مسئولیتنی بکتمره یوکله تیوردی . بوندن ماعداء، برقوقک زمانندن بری نوروزک متصل کندیسنی سلطان اعلان ایتدیرمکه چالیشمقدن باشقه برشی ایله مشغول اولما دیغنی ده آلا تیوردی . مکتوبلرینه هیچ بر اهمیت و یریه دیکی جهتلر کیدوب حمایه محاصره ایتدی . محاصره اوزون

۱۴۱۰

سوردی، برچوق تلفات وقوعه کلدی. نهایت نوروز و شیخ محمودی
 صالح یاپدیله. بواشاده سلطان سوریه یه کچمکه حاضر لانیوردی. ۱۱۱۰
 سلطانک یدی یاشنده بر قزیله اوله ن بکتمر پیشدار فرقه سی
 ایله حرکت ایتدی و ریدانیه یه کیتدی [۲]. بر آرز صوکره
 سلطان ده آرقه سندن کلدی. سلطان اردوسنک باشنده اورایه
 آلتنجی دفعه اوله رق کیتمک لزومنی حس ایدیوردی. شامه
 کیردی [۳]. شیخ محمودی شامدن علی العجله قاچمشدی. صوکره
 سلطان، اردوسیله برابر حلبه حرکت ایتدی. نوروزه و شیخ
 محمود برر مکتوب یازد رق مقصدی سوریه ده تأسیس سکون
 و آسایشدن عبارت اولدینی جهته ایجاب ایدرسه سنه لرحه اوراده
 قله جغنی سیدیردی. شیخ محمودی کندیسنه ذاتاً صادق اولدینی،
 فقط توقیف ایدیلکدن قورقدینی جهته حضوره کله مدیکی
 یولنده جواب ویردی. سلطان البستانه قدر کیتدی، اورادن
 حلبه دوندی. عاصیلرک عینتابدن چیقارق شام یولنی طوئدقلرینی
 خبر آلتجه سلطان ده در حال یوله چیفدی [۴] و علی العجله شامه
 کیتدی. عاصیلر طرفه منسوب متعده امرا سلطانیه عرض انقیاد
 ایتدیلر. البستانده مغلوب اولان سائر عاصی امیرلر عینتابه قاچه رق
 اورادن اوتایه بری یه داغیلمشلردی.

[۱] ۸۱۳ سنه سی محرمنک بر مجی کونی.

[۲] صفرک ۲۳ نده.

[۳] ۲۸ ر مع الاولده.

[۴] ۲۳ ر حیدده.

شیخ محمودی ایله نوروز تدمره چکیامشردی . عاصیلردن
برقیمی بورادن صرخده، قدسه وغزه یه قدر کیتدیله . سلطان
بونلره قارشى براردو سوقايتدیکی جهتله غزه یی یغما ایتدکدن
صوکره مصر یوانی طوتدیله وقاسیه یی تخریب ایله دیله . نهایت
قاهره یه کیردیله (۱) . حصار ایله اصطبل دائره لرینک ، سلطان
حسن واشرف مدرسه لرینک تحکیم ایدیلش اولدیغنی توردیله .
قاهره خارجنده بولاق قارشیسنده مساره طرفنه کیتدیله . صوکره
حصار ایتکنده قرارگاه قوردیله . عاصیلرک اوزرینه هر دورلو
مانجینیقلرله مر میلهر آتلدی . بر خروج حرکتی یاپان اینل مغلوب
اولدی . شیخ محمودی، شهرده سکون و آسایشی تأمین ایچون بر
والی تعیین ایتدی . بوصورتله پک چوق طرفدار قازاندی .
صوکره، ایکی مدرسه یی اله کچیره رک مانجینیقلرله حصارى دوکمه
باشلادی . عینی زمانده شهرک برقاچ قاپیسنى زور لایه رق ایچری
کیردی وشهری یغما ایتدی . امیرلری ، حصارى تسلیم ایتکه
دعوت ایله دیسه ده بونلر موافقت ایتدیله . عاصیلر سلطانکینه
فرج اسمنه کی اوغلنى اله کچیرمک ایسته یورلردی . محاصره یه
شدتله دوام ایدیادیکی جهتله وقت قازانمق امیدیه بو شهراده نک
تسلیم موافقت ایدیله . سلطانک اردوسنک باقلاشدیغی خبر
آلنشدی . فی الحقیقه بر آرزوکره اوردو کوروندی . عاصیلر
در حال چکیادیله ، قاچدیله .

بکتمر قاهره یه کیردی . عاصیلرک تکمیل طرفدارلرینی
توقیف ایتدیردی . شیخ محمودی ابتدا اصفیحه، اورادن سویشه
قاچدی . اوراده تجارلرک مغازلرینی یغمالیتدی . فقط شوبکده
اهالی طرفندن پوسکورتلدیکی جهته کرکه کیدیرک اوراسنی اله
اچیردی . حماده بولندیغی صیراده اهالی بردن بره اوزرینه
هجوم ایتدی . آزقالدی قتل اولنه جقدی . رؤسادن بعضیلری
بو مجادله ده تلف اولدیلر . فقط شیخ محمودی قاچدی و قلعه یه
قاپاندی .

بو اغتشاشات اثناسنده سلطان شامده قالشدی . شامدن

چیقهرق اردوسیله کرک پشکاهنه کلدی [۱] . عاصیلر، هر طرفدن
محاصره ایدلکلرینی کورنجه سلطانک عاطفت و مرحمتنه التجا
ایتدیلر . سلطان ، کندی امیرلرینک شفاعتی اوزرینه مرحمه
کلدی . شیخ محمودی یه حلب والیالکنک ، نوروز ، طرابلس
والیالکنک و یرمه سی قرارلاشدی . کرک سلطان اعاده ایدیادی .
سلطان قدسه کیتدی . اورادن قاهره یه کچدی . بوتون بواغتشاش
بوصورتله تسکین اولندی [۲] .

مع مافیه بر مدت صوکره سوریه دن، بوايکی امیرک یکیدن
بعض تصوراته دوشدکلری خبر و یریلدی . شیخ محمودی بیری
وروم قلعه یی محاصره ایچون براردو کوندرمش ، نوروز ایسه

[۱] ذی القعدة نک ۲۴ نده .

[۲] ۸۱۴ سنه سی محرمنک ۱۲ سنده .

حصن الاكرادى محاصره آماشدى . سلطان كنديسيه عقد
ايتدكلرى مقاوليه رعايت ايتلرني امر ايلادى ايسهده بونلرك
عصيان ايتك وحماني اله كچيرمك ايسته دكلرى حقنندهكى شايعه
كيتدكجه قوتلندى . سلطان تكرار سوريهيه كيتمكى دوشونمك
مجبوريتنده قالدى .

ديكر طرفدن مصرده ساكن دكلدى . آوه كيتمك اچون
قاهره دن چيقمش اولان سلطان ۱۱۱ كيجه يي كچيرمك اوزره
سيرياقوسه واصل اولونجه مملوكلردن بعضيلرينك كنديسنه قارشى بر
سوء قصد ترتيب ايتش اولدقلىنى خبر آلدى . على العجله قاهره يه
دوندى . بورادن عسكر كوندردى . بونلر عاصيلرى مغلوب
ايدرك اچلرندن باشليجه لرني اولدورديلر . بومناسبتله توقيف
ايديلن امرانك ومملوكلرك برچوغى اعدام اولونمشدى . صوكره
سلطان ، اردوسيله اسكندريه يه كيتدى ۱۲۱ . اورادن پك چوق
قيمتدار اشيا آلدقن صوكره قاهره يه دوندى وقاهره دن ده ، ياننده
خليفه متوكل اولديغى حالده بويوك بر احتشام ايله سوريه يه
متوج، آ يوله چيقدى (۳) . غزه يه واصل اولديغى زمان ،
پيشدار فوتى كنديسنى ترك ايله عاصيلره التحاق ايتش اولديغندن شامه
كيتمك اوزره استعجال كوستردى ۱۴۱ . بعض امر اشامده سلطان

۱۴۱۲

[۱] رجب آينده .

[۲] شوال آينده .

[۳] ذى الحجه آينده .

[۴] ۸۱۵ سنه سى محرمنده .

تأسيس سکون و انتظام ایچون قاهره یه دوغری کیتمک لازم کلدیکنی
سویله دیلر . چونکه سلطانی سونلر اوکا رفاقت ایده جکلر
ودیکرلری صاقلانمق شقنی ترجیح ایده جکلردی . صوکره بر
عفو عمومی اعلان اولونور، بوصورتله برچوق مملوکلرک اعدامنه
محل قالمازدی . بومملوکلرده سلطانه دها چوق متتدار و مربوط
قالیرلردی . سلطان بوفیکری قبول ایتهدی . چونکه مملوکلرک کندیسنی
قتل ایتمک ایسته دکلرینه قانع ایدی . عاصیلرله حرب ایتمک اوزره
شامدن چیقدی . حمصده بونلرک بعلبکه چکیلیمش اولدقلرینی خبر
آلدیغندن لاجونه کیتدی . بوراده اردوسنک بر قسمی کندیسنی
ترک ایتدی . اوکندن دائما قاچان عاصیلره نهایت یتشدیکی زمان
بونلرله بر محاربه یه کیریشدی . فقط مغلوب اولدی . پک پریشان
برحاله شامه چکیدلی .

بوموفقیتدن صوکره عاصی امرانک هربری ریاست دعواسنه
قالقدی . سلطان اوزمان شامده ایدی ، بر محاربه یه مقاومت
ایچون حاضر لانیوردی . عاصیلر شهری احاطه ایتدیلر، ایچندن
کچن نبری کسدیلر . محاصره یه شدتله دوام ایتدکلری صیراده،
اسیر دوشمش اولان خلیفه مستعین ، سلطانی خلع ایتدی (۱) .
عاصیلر شدتلی ممانعته رغما خلیفه یی تخته چیقارمغه قرار ویردیلر .
خلیفه ، سلطان نامنی قبول ایتمکده مضطر قالدی . بونک اوزرینه
خلق فرج طرفی ترک ایتمکه باشلادی . فرج شام قلعه سنده بر طاقم

قاتلار طرفندن اولديريلدى (۱). نەشى، ھەركىك كوزى او كنده
چىپلاق بر حالدە قالدی و پك چوق حقارته معروض اولدى .
كيجه لين شام اھاليسندن بعضيلرى نەشى قالدیرەرق دفن ایلە دیلر .
فرج یکر می دوت سنه سکرز آی وبر قاچ کون معمر اولمشدر .
زمان سلطنتنده مملکت خراب اولدی ، دورلو دورلو مصائبه
مع وض قالدی ، بونلردن کنديسنى مسئون طوتیورلر .

پدری متوکلک وفاتندن صو کره خایفه اعلان ایدیلمیستعین ،
عاصیلرک اتخابی اوزرینه فرجه سلطان صفیله خلف اولدی .
مصر امراسی ده کنديسنى سلطان اولدیرق قبول ایتدیلمی .
جلوس مراسمی اکمال ایدیلمی ایدیلمی ، شیخ محمودی ایلە نوروز
هجوملارینی تشدید ایلە دیلر . قاپیلر جبراً الە کچیریلدی ، شهر یغما
اولوندی . فرج حصارى تسلیم ایتکه مجبور اولدی . کنديسی ده
دشمنلرینک انه تسلیم نفس ایتدی . فرجی اولدیرتدیلمی . هرشی
تسکین ایدیلمکدن صو کره شیخ محمودی ایلە نوروزک سلطان
مستعین ایلە برلکده مصره کیتمه ی قرارلاشدی . بوایکی امیر
آراسنده هر آن بر اختلاف چیقماسنه انتظار اولونیوردی .
فی الحقیقه شیخ محمودی بر آرزو کره ، کنديسنىک سوریه ده
بر اقلماشنى ایستهدی . اوراده عریشدن فراته قدر اولان
بوتون حوالی یه قوماندا ایدیوردی . نوروزک سلطان ایلە برلکده
مصره کیتمه سنى توصیه ایلە دی . نوروزایسه بونک تمامیه ضدی .

بر سحلیفده بولوندى . خلیفه نوروزى شام والىلىکنده ايتايدورک
 بوتون سوريه والىلرينه حاکم اوله جغنى اعلان ايتدى . بوصورتله
 سوريه قطعه سنده بر نوع سلطان موقعنى احراز ایدیوردی .
 مستعین بوتون سوريه ده نشر ایتدیکی بر فرمانده، نوروزه اطاعت
 کوستریشنى امرایله دی . اسکندریه ده موقوف بر لزان امرانک
 تخلیه ایدیله سی ایچون مصره یازدی . قاهره یه متوجهاً حرکت
 ایله بر آرزو کره مواصلت ایله دی ۱۲۱ . حصارده ایتوردی .
 اوزمانه قدر، مستعینک خلیفه سراینده اوتوراجغنى ظن
 ایدیوردی . حصاره کله سی اوزرینه سلطانلره خاص اولان
 بالجمله حکم و نفوذى جداً اکتساب ایتک املنده اولدیغنى
 آکلایجه کنديسنى خلقک و امرانک کوزندن دوشورمک
 فکر یله طوزاقلر ترتیب ایتک باشلادی . چوق کچمه دن مستعینده
 سلطانلغک یالکیز اسمى قالدی و بوايشه کیردیکنه اونى پشیمان
 ایتدی . بوتون مناصبی ایسته دیکی کبی توجیه اید بیلن شیخ محمودی،
 بوتون امرانی کیزلیجه طوپلاقتی و اونلره کنديسنه قارشى صداقت
 یمینی ایتدیردی . صوکره حصاره چیقدی ، سلطانلغنى اعلان
 ایله دی ۱۲۱ . مستعین آنجق یدی آى سلطنت سورمشدی .

شیخ محمودی تخته چیقارکن ابونصر سیف الدین عنواتی
 آلدی . بوتون ولایتلره بو خبری اعلان ایتدی . نوروز بوکا

[۱] ربیع الآخرک ایکیسنده .

[۲] شعبانک برنده .

اینانمادیغی کبی شیخ محمودیدن امر تاقی ایتیه جکنی ده سویله دی .
 تخمین ایتدیکی شی اوامشدی . حتی قاهره یه کوندردیکی ضابطه ،
 یکی سلطان حضورنده یراوپه مک ایچون امر ویرمشدی . فقط
 ضابطه قاهره یه کیرنجه تشریفاته اطاعت ایتمه که مجبور اولدی .
 سلطان ، نوروزی اطاعته دعوت ایچون سوریه یه برامیر کوندردی .
 فقط نوروز دها اول بوتون سوریه امرانی طوپلایه رق اونلره
 برچوق هدیه لر ویرمشدی . کندیسنه کوندریلن امیری توقیف
 ایتدیردی و سلاحه صاریلدی . سلطان ده کندی طرفندن بر شام
 والیسی نصب ایله دی . یکی والی در حال یوله چیقدی (۱) .

۱۴۱۳

سلطان بالذات سوریه یه کچمه که حاضر لاندی . فقط بر
 خسته لق سببیه قاهرده قالمغه مجبور اولدیغندن ، شام والیکنه
 تعیین ایدیلن قرقاس ، صفد اوزرینه یورودی . شامه کیتمک اوزره
 اورادد عسکر طوپلایه جقدی . نوروزایسه حلبده ایدی . فقط
 نوروزک عودتی خبر آنجه قرقاس رمله ده توقف ایتدی .
 نوروز کندیسنه قارشی ایلریله دیکی ایچون مصره دونمه که مجبور
 اولدی .

بو اثناده ۱۲۱ سلطان قاهرده امیر طوغان طرفندن
 آز قالدی قتل ایدیله جکدی . طوغان کیجه لین طرفدارلرندن بر
 چوغنی طوپلایه رق سلطاننه هجوم ایتک فیکرنده ایدی . فقط

[۱] ۸۱۶ سنه سی محرمک یکر دیسنده .

[۲] جاذی الامل آینده .

سو قصده داخل اولانلر قصدلرني اجرايه جسارت ايدمه دكلرندن
يالكلر باشنه قالان طوغان صاقلانمغه مجبور اولدى . بر مدت
صوكره توقيف ايديلارلك اسكندريه يه كوندريلدى .

سوريه ده يكي ترقياته نائل اولان عاصيلر سرمين ايله تل باشري
ضبطه تشبث ايتشلردى . بورادن پوسكور تلديلر سده كنديلرندن
حلبى ضبطه قيام ايدن تيمور طاش مغلوب اولدى . سلطان مصر ده
شبه لندريكي بعض امرايى حبسه آتدير مقندن يا خود بونلرلك واليلكلريني
دكيشدير مكدن باشقه بر شيله مشغول اولمايوردى . نهايت ،

سوريه يه كچمك نيتيله اردوسيله برلكده ريدانيه يه كيتدى [۱] ۱۴۱۴
وبر آز صوكره شام جوارلرينه واصل اولدى . سلطاني، اثنای
مشيتده پك چوق تعجيز ايدمه لك اولان نوروز، سلطاننه
قارشى يورومهك وشامده قاپانلق خطاسنى ياپدى . شامده
تحصن ايتدى . واقعا، سلطان ده نوروزى شامده قالمغه تشويق! چون
بعض امرا طرفندن كنديسنه مکتوبلر كوندرتمشدى . بوامرا،
شامه كلير كلمز نوروزه التحاق ايدمه جكلريني وعد ايتشلردى .
نوروز بواميد ايله سلطانك ياپديرديغى صلح تكميللريني رد ايتدى
ومحاربه يه طوتوشمقده اصرار كوستردي . فقط مغلوب اولدى .
پريشان بر حالده ايچ قلعه يه قاچدى . اوراده در حال محاصره
ايديلدى . بويونك بر شفته كيجه كوندوز محاصره يه دوام اولوندى .
نوروز يكرمى بش كون محاصره يه مقاومت ايتدكدن صوكره

عرض تسلیمیت ایچون آداملر کوندردی . مادهلر قرالاسدی .
 نوروز، سلطانك زدينه کیتدی [۱۸] . فقط سلطان ایتدیکی یمینده
 قورنارلق ایتش اولدیغی ایچون درحال نوروزی توقیف و محبسده
 اعزام ایتدی . نوروز حبسخانهده اتلاف ایتدیریلشدر .
 سلطان شامده سکونی تأسیس ایتدکن صوکره حلبه ،
 اورادن ده البستانه کچمشدی . ملاطیه یه بر والی تعیین ایتدی .
 شامه دوندی [۲۱] . قدسه کچدی . مصر یولنی طوتدی . مکه ده
 بر عصیان چیقمش اولدیغنی قاهره ده خبر آلدی . منتظماً مکه یه
 حجه کیدن کاربان رئیس چقماق ، مسلح بر حالده کعبه یه کیرن بر
 خدمتچی دولایسیله شه فایله غوغا ایتشدی . چقماق ، بو او شاغی
 حبسه آتدیردیغی ایچون شریفار اعتراض ایتشلر ، بر عصیان
 چیقارمشلر ، مسلحاً کعبه یه کیرمشلردی ، کاربان رئیس ده عینی
 صورته حرکت ایتش و کعبه نك قدسیته تجاوز وقوع بولمشدی .
 آرالرنده وقوعه کلن مصادمه نتیجه سنده چقماق طرد اولونمشدی .
 سلطان ، عراق حاکمی قاره یوسفک تیمورلنکک اوغلی شاه رخ
 ایله صلح عقد ایتدیکنی و بو ایکی حکمدارک بربرلیله اتفاق
 ایتدکلرخی ده خبر آلدی . بو خبر کندیسنی اندیشناک ایتدی .
 چونکه آراق تاتارلردن بر قورقوسی قالمایان قاره یوسف سوریلدی
 استیلا ایدمیلیردی . دیگر طرفدن عثمانلیرده قره مان بکی محمد
 بکی مغلوب ایتشلردی .

[۱] ربیع الآخرک ۲۱ نده .

[۲] رجبک اوچنده .

سوریه ده یکی بر عصیان تهدیدی دها کورونیوردی . غزه
والیسی سوربای سلاحه صاریلدی وشام والیسی قان بایه التحاق
ایتدی . حما ، حلب ، حصن روم و طرابلس والیلریله سائر امراده
بومثاله اقتضا ایتدیلر . سلطان بورالرینی تسکین ایچون بعض امرا
کوندردی ۱۱۱ . بر آرزو کره کندیسیدی ده یوله چیقدی . ریدانییه
اورادن غزه یه ۱۲۱ ونهایت شامه کیتدی . بوراده چوق قالمادی .
در حال آق بایی بر مفرزه ایله تل سلطانه کوندردی . کندیسیدی
سرمینه کیتدی . عسکرلری یوله پک اضطراب چکمشلردی .
قان بای ایله اینال آق بایک حرکت ایتدیکنی خبر آلهجه قارشی
یورودیلر ومغلوب ایتدیلر . آق بای ، سائر بعض امرا ایله برلکده
اسیرایدیلدی . فقط عاصیلر سلطانی بکله مکه جسارت ایدمه دیلر .
آرالرنده ظهور ایدن بعض اختلافات قان بایی ، اردوینی ترک ایله
کیدوب صاقلانمغه مجبور ایتدی .

دیگر طرفدن ، طرابلس ، حما ، غزه ، حصن روم والیلری ،
بغداد سلطانی قاره یوسفک نزدینه التجا ایتدیلر . سلطان حلبه
کیتدی . قان بایی مغلوب واسیر ایتدی . طرفدارلرندن بعض امرا
ایله برلکده اعدام اولوندی . باشلری قاهره یه کوندریلدی . سلطان
بر مدت حلبده قالدقن صوکره حمایه کیتدی . مصرده ظهور ایدن
اغتشاشات حسبیله اورادن علی العجله حرکتی مجبور اولدی .

[۱] ۸۱۸ سنه سی جمادی الاولنده .

[۲] ۲۹ رجیده بورایه واصل اولدی .

مصرده بويوك برقيطلق واردى. اهالى سلطانك غيبوبتندن دولايى
شكايت ايدىيورلردى .

۱۴۱۶

سلطان قاهره يه مواصلته [۱] قيطانقدن پك مضطرب اولان
خله بويوك احسانلرد بولوندى [۲]. جنوبدر بغدادى كتيرتدى.
تبعه سنك حالى بالذات تدقيق ايددرك كنديسنى اونلره پك چوق
سوديردى . جامعلرده اداى صلات ايدىايدىكى زمان خطيبلرك
اللهك و پيغمبرك اسملرينى ذكر ايتدكدن سوكره سلطانك اسمنى
ذكر اچون بر باصه ماق آشاغى اينهلرى اچون امر ويردى .
بوحركت متواضعانه عمومأ تقدي اولوندى . سلطان محتشم برجامع
بنا ايتديردى . بونك اچون هر طرفدن مرمرلر كتيرتدى .
صوكره سوريه يه دوندى [۳] و بوتون سوريه يي قورقوتدى .

۱۴۱۷

قرامان بكى كنديسنه طرسوسى ويردى . ارمنيلىر سيسك
آناختارينى كوندرديلر . اورايه بروالى تعيين ايتدى . صوكره
كوينكده قرارگاه قوردى . اوراده شام واليسى آق بايدن مكتوبلر
آلدى . بونده كوپك اوغلى حسينك ملاطيه يي ياقه رقدىوريكى ده
قرارگاه تأسيس ايتدىكى بيلديريليوردى . سلطان ، اوغلى صارمى
ابراهيمه برقول اردوايله البستانه كيدوب توركمنلر رئيسى ذوالقدر
اوغلى ناصرالدين محمدى توقيف ايتمه سنى امر ايله دى . فقط ناصرالدين

[۱] ذى الحجه نهايتلرنده .

[۲] ۸۱۹ سنه سى محرمنده .

[۳] ۸۲۰ سنه سى ربيع الاولك برمجى كوني .

محمد اوراده دورمادی . سلطانك عسکرلری کلمه دن اول البستاندن
چیقدی . اورادن قول دلی دنیان بر محله کیده رک تورکمنلرک
قرارگاهنی یغمالادیلر . ساروسده ده عینی شیئی یابدیلر، صوکره
ذوالقدر اوغلی ناصرالدین بکه یتیشهرک آغیرلقلرینی ضبط
ایتدیلر .

بو سئردن - وکره سلطان البستان جوارلرینه کیتدی .
کوپک اوغلی حسینی تعقیب ایتش ارلان شام والیسی آق بایده
بوراده سلطاننه التجاق ایتدی . بو تورکمن امراسی بوتون
حدودلری تخریب ویغما ایدیورلردی . کاخنه وکرکر طرفلرینه ده
عسکر کوندریلدی . بونلر ، ناصرالدین بکی ، سلطان ایله صلح
یاپمغه ودارنده حصارینی سلطاننه تسلیم ایتمکه مجبور ایله دیلر .
طرسوس ضبط اولوندی ۱۸۱۱ . بونی قرامان بکی اله کچیرمیشدی .
سلطان دارنده یه قدر ایلریله دی . بوراده هندروس حصارینک
آناختارلرینی کندیسنه کوندریلر . هنوز تسلیم ایدیلمه مش
اولان دارنده یه جبراً کیردی . بوتون او حوالی یی دولاشدی .
بهسنی دن ، کاخنه دن ، کرکردن کچدی وبورالری ضبط ایتدی .
تورکمنلر وقرامان بکنک قوماندانلری کندیسنه عرض تابعیت
ایتدیلر . بو جوارلرده ایکن آمد حکمداری قرا ایلوکک وکفا
حکمداری عادلک سفیرلرینی قبول ایله دی . سلطان ، کاخنه
جوارنده حسن منصور قربنده قرارگاه تأسیس ایتمشدی .

ملاطيه واليسى، منشارى تخریبه کاش اولان قرا ایلوکلک عسکرلرینی بوزدی .

سلطان صوکره حابه کیتدی . اوراده وجودینه لزوم واردی . چونکه قارایوسفک موصلتندن قورقویوردی . اورادن شامه (۱) و نهایت قدسه کیتدی . اوراده پک چوق تصدقاتده بولوندی . قاهره یه دخولی بویوک مراسمه ایله وقوعه کلدی، شهرده عظیم مسرت تولید ایتدی . برمدت صوکره (۱۴)، شام والیسی تان بک، شام قلعه سینده محبوس بولونان آق بایک حبسیدن چیقماق و سائر محبوسین ایله برابردد قلعه قوماندانه هجوم ایدوب اونی شهرده قاچیرماق یوانی بولدیغنی، قلعه ده تحصن ایتدیکنی و اوراده کندیسنی محاصره یه حاضر لاندقلرینی بیادیردی . فقط چوق کچمه دن قلعه نك ضبط ایدیلدیکنه دائر خبر کلدی . سلطان ، اوغلی صارمی ابراهیمی عرب رؤسایینی توقیف ایچون جنوب حوالیسنه کوندردی (۱۳) . سلطان حجه کیتمک و کړنده ایدی (۱۴) . فقط قارا ایلوکی مغلوب ایچش اولان قارایوسفک کندی م لکنه یاقلاشدیغنی خبر آنجه فیکرینی دکیشدیردی . سوریه اردوسنه سفربرلک امرینی ویردی و کندیسیده حرکته حاضر لاندی . قارا یوسف عینتابه واصل اولمشدی . فقط اردوسنك . قسمی سوریه لیلر طرفندن

۱۴۱۸

[۱] ۸۲۰ سنه سی رمضانك ۱۴ ینه قمر اوراده قالدی .

[۲] ذی القعدة آینده .

[۳] ۸ ذی الحجه ده .

[۴] ۸۲۱ سنه سی جاذی الاولنده .

مغلوب ایدیلدیکی و حلب و الیسی کندی عسا کریه سرمینه کیتدیکی
جهتله قارا یوسف کندیسینک دعواسی یالکز قارا ایلوک ایله
اولدیغنی بیلیردی . فی الحقیقه، در حال فرات نهرینک تکرار اوتیه
طرفنه کچدی . بواشاده سلطان، میلپس عسا کری آراسنده
انتظامی تأسیس ایله مشغول اولدی . عسکرلرینه بر رسم کچید
پایدیردی [۱] . معاشلرینی تسویه ایتدی . مماشانک بویوک بر
قسمی امرا طرفندن یئمشدی . او زمان مصر اردوسی اوچ
قسمه آیریلشدی . برنجیسی، حلقه عسا کرینی احتوا ایدیوردی که
بونلر سرای داخلنده خدمت ایدرلردی . معاشلری قاهرده
تسویه اولونوردی . ایکنجی قسم ، سلطانک مملوکلرندن ترکب
ایدردی . اوچنجیسی ایسه، امرانک مملوکلری ایدیلر . امرأ حلفه
عسا کرینک معاشاتندن بر قسمی کندیلرینه آلمشلردی . بو
سببه عسکرک مقداری پک آزالمشدی .

قارا یوسف کری. دوزکن عینتاب ایله بیره پی یاقیشدی .
دیگر طرفدن قره مان بکی طرسوسی محاصره یه کلمش و وقوع
بولان بر مصادمه ده طرفیندن بر چوق کشی اولمشدی . عینی
زمانده تورکمنلر طرابلس جوارنده صافیتانی یغما ایتمشلر و
بو شهر و الیسنی مغلوب ایله مشلردی . سلطان ، بونلرک آقینلرینه
مانع اولمق اوزره اوغلی صارمی ابراهیمی بر اردو ایله سوریه یه

۱۴۱۹ کوندردی ۱۱. صارمی ابراهیم شامدن وحلبدن کچیدی. قیسریه رومه کیتدی. اوراده سلطان نامنه خطبه او قوتدی.

بو ائاده مصرده مدھش بر وبا واردی. بر چوق کشی تلف اولمشدی. سلاسان نمازده حاضر بولونمش و قربانلر کسدرمشدی. مسلمانلرک حبشستانده دوچار اولدقلری تجاوزات یوزندن مصرده خرستیانلره قارشى تضییقات اجرا اولوندی. بطریق، سلطانک حضورینه جلب ایدیلدی. خرستیانلر دأموریتلرندن چیقاریلدی. آنجق اشکە یئمەلریه مساعده ایدیلدی. خرستیانلر بونی یایمقدن امتناع ایلەدیلر. چونکە دائمی ورتە حقارتا معروض قالیورلردی. آناتولی ایچریلرینه دوغرو ایلریلە مکدە دوام ایدن سلطانک اوغلی قونییه قدر یورودی. شام دالیسی آطنه یی و طرسوسی ضبط ایتدی. صارمی ابراهیم کیدوب نیکدەنی محاصره و جبراً ضبط ایتدی. ارکلیدن کچەرک دارندە یە کیتدی. قرمان بک زاده محمد قاچدی. کندیسنک بوتون ممالکتنی تخریب ایتدکدن سوکرە حلبە دوندیلر. سلطان بر آرزو کرە [۳] قارا یوسفە

۱۴۲۰ دوغرو یورو مک اوزرە شرق طرفلرینه کیتمک تصورینه دوشدی. فقط خستە لنى بوسفرە چیقماسنە مانع اولیوردی. اوغلی صارمی ابراهیم اوتاریخلارده وفات ایتدی. نیل نہری، فیض و برکت تآمین ایدەجک درجەدە قارباماش اولدینی ایچون سلطان، اوزوج

[۱] ۸۲۲ سنەسى محررمنده .

[۲] ۸۲۳ سنەسى ربیع الاولک ۲۳ ندە .

طوتولماسنی خلقه امر ایلهدی و کندیسیده اوروج طوتدی .
ایدیلن دعالرده حاضر بولوندی . سلطان جامعه کیتدیکی صیراده
افراد ناسدن بری کندیسنه دعا و ظفر تمنی ایدنجه سلطان شو
جوابی ویردی: جناب حقه، بزی بورایه سوقایدن شی ایچون
یالوارکز . بنده سزك کبی بر قوم .
بر مدت صوکره قارا یوسف طرفندن ارزنجان والیسی
بولونان پیر عمرک باشنی آمد حکمداری قارا ایلوک ساطانه کوندردی .
قازه یوسفه مصرده کافر نظریه باقیلییوردی . قاضیلر کندیسنک
بغدادده کی حرکاتندن دولای علیهنده حرب ایدیلنه سنه فتوا
ویرمشلردی . بونک اوزرینه سوریه سفری امر ایدیلدی .
سلطان پک راحتسز اولدیغی ایچون وفاتی خبری شایع اولدی .
فی الحقیقه پک فنا لاشمشدی . کندیسنه کلدیکی زمان خلیفه یی ،
قاضیلری ، باشلیجه امرای طوپلایه رق بر سنه بش آیلق اوغلی
احمد بیعت ایتدیردی . نیابت زماننده اداره امور ایچون ضابطان تعیین
ایلهدی . مع مافیہ ایلشدی . قاهرده کندینی کوستره بیله جک
بر حاله کلدی وشهرده دولاشدی . حتی جیزیه آوه چیقدی .
قاهره خارجنده انشا ایتدیرمش اولدیغی منظره نامنده بر کوشکه
کیتدی . وقتیه سلطانلر سیریا قوسه ناصل کیدرلر سه اوده بورایه
کیدردی . صوکره ، بحیره ده کی دیگر بر سرایه کیتمک ایسته دی .
سرانه یه واصل اولدیغی زمان او قدر آغیر صورتده خسته لاندی که
کندیسنی قاهرده کتیرمکه مجبور اولدیلر . سلطان بر مدت ده

معمر اولدی. صلاح الدین احفادندن اولوب حصن کیفاده حکمران اولان عادل قارا یوسفک وفاتی سلطانہ خبر ویریلدی ایسه ده، چکدیکی اضطرار بادن بو خبرک کیفی دویه مادی. بر آز سوکیره وفات ایتدی [۱]. سکز سنه بش آی سکز کون سلطنت سورمشدی. فضائل و مزیانندن دولایی بوتون تبعه سی طرفندن، وفاتی تأثرلرله تلقی ایدیلدی. عالیجناب و حلیم ایدی. چوقدن بری مصر بویله بر حکمدار کورمه مشدی. ارباب علمی بالخاصه سور واونلرله صیق صیق کوروشوردی.

بوسلطانک صوک کونلرنده بوتون امیرلرک آراسنه اختلاف دوشمشدی. کیمیسی سلطانک اوغلی احمدک تختہ چیقار یئاسنی ایسته یوردی. کیمیسی بوشه زاده نک پک کوچوک اولدیغنی ایلری سورهرک مخالفت ایدیوردی. مع مافیہ، امرابرلشدیلر و سلطانک وفات کونی احمد بوتون حکمدارلق مزیناتی کیدیردیله. یکی سلطان ستاره قاپسندن حصار دن چیقادی. امرالوکده یوریوردی. سلطان آنجق بر سنه سکز آیلق اولدینی ایچون اطرافنده کی کورولتو و غلبه لک کندیسنی آغلالتدی. امیرلر سلطانی اوقشایه رق و او یونجا قار ویردرک تسکینه چالشدیلر. بر صورتله سلطان سرایه کلدی. کندیسنی تختہ اوتورتدیله. بوتون امرالر حضورنده ییله قاپاندیلر. یکی سلطانہ مظفر لقی ویریلدی. ایرتسی کونی عمومی بر رسم قبول یاپلیدی. امرالر موقع و درجه ملاحظه سنه

قاپسار قاپسارچە كورولتو چىقاردىلار . باشلىچە امرادىن بەزىلارنى
 حاضر دىكەلدى . بونلار كىرىنى دولدىرىمىق لازىم كىيوردى . ططر
 امير مجلس منصبىنى حائزىدى . بوندىن دولايى سلطانك ساغىندە ،
 امير لىرك التىندە اوتورمىق ايجاب ايدىردى . تان بك سولە ،
 اصطبل عامرە مەدىرىنىك اوستىندە اوتوراجقىدى . ططر اونى ،
 امير كىبرىك بىرىنى آلىق نىتىلە ساغە كىچىرىك اىستەدى . بوندىن
 دولايى بر چوق اعتراضات تولد ايتدى . تان بك جامع ازهرە
 چكىلىمكە قالقىدى . ططر يىرنە قالغە مەجبور اولدى . مىللىس
 عساكرىنىك اسامىسى اوقوندى . فقط كىمسە جواب وىرمىدىكى
 اىچون عساكر مفتشى قرائىتىدىن وار كچدى . سوكرە ططر سوز
 آلدى ، نىابت حكومتى تان بكە وىرمىكى تەكلىف ايتدى . بو
 قبول ايتىمەرك ططرى تەسەلەدى . بوتون امرا درحال موافقت
 كوستردىلار . ططردە خففىف براعتراض ايله مقاومت ايتدى . بر
 ضىافت وىرىلدى . سوكرە بو امير بىكى منصبىنى احراز ايتدى .
 سلطانى حرم دائىرەسىنە كوتوردەرك والەسىنە وىردىلار .

ططر ، نائىب حكومت اعلان ايدىلار ايدىلار خزىنە يەكەندەرك
 قاضىلار موارجەسىندە سلطانك مملوكلىرىنە توزىع ايدىلار اوزرە
 درت يوز بىك آلتون سەكە اىدىن سوكرە خزىنەنى مەھلەدى .
 دىھا اواقشام قەھرەدە ، نەردىن كەلدىكى مەھول قالان بويوك بىر كورولتو
 اولدى . ياكىز بويوك دىوادار مەبلىك ، مملوكلىرىلە برابر سالاھىلانەرق
 سوريە طرفىنە قاچدىغى خەبەر آلدى . امرا ، شفق سوكرەكن

حصارہ کیددرک ططری خبردار وایچلرندن برقاچنک فراریلری
تعقیبه کوندزلمه سنی رجا ایتدیلر . فقط نائب حکومت بو رأی
تصویب ایتهدی . خزینهدن آلمش اولدیمی مبالغی مملوکلره
داغیتدی . هربرینه یوزمصر دیناری دوشدی . کوپرو انشاسی
ایچون وضع ایدیش اولان بعض آغیر ویرکولری لغوایتدی .
و برچوق ضابطان تعیین ایلهدی ۱۸۱ .

ططره عمومی بر اطاعت کوستریتهدی . شام والیسی امیر
چماق [۲] شام قلعه سنی واوراده بولونان بوتون مهماتی ضبط
ایتدی . ططر تکمیل امرای طوپلایدرق بو عصیان اولنره خبر
ویردی . عصیان ططارک حکم ونفوذینی اعظمی درجهیه چیقارمقدن
باشقه بر شیئه یارامادی . آرتق بر سلطان عنوانی اکسیک
فالیوردی . مناسب کوردیکی امرانک کافه سنی عزل ایدیه یامک
صلاحیتی کندیسنه ویریلدی . بناء عایه ططر ، سوریه یه کچمک
ایچون هر حاضرلنی یاپدقدن صوکرده سلطان ایله برلیکده مصردن
چیقدی [۳] . ریدانییه اورادن غزه یه کیتدی . شام امراسنندن
بر قسمی کلهرک اوراده عرض انقیاد ایتدیلر . غزه دن بیسانه
کیتدی [۴] .

[۱] ۸۲۴ سنه سی محرمنده .

[۲] آرغونشاوی اقبیله معروف ایدی .

[۳] ربیع الآخرک ۲۹ نده .

[۴] جاذی الاول آینده .

چقماق و آلتون بوغانك [۱] رياستى آلتنده بولونان عاصيلر، طرفدارلارندن بعضيلارينك چكىلمه سنى خبر آلتجه اختلافه دوشمشلردى . آلتون بوغا عرض انقياد ايديله سى فكم رنده ايدى . عاصيلر بربرلرندن شهبه لنديلر . چقماق آلتون بوغايى توقيف ايتديرمك ايسته دى . اوده سلاحه صاريلارق صف حرب نظامنده شام قلعه سنك پيشگاهنه كلدى . چقماق مغلوب اولدى . تقريباً ايكي كيشى ايله صرخنده دوغرو قاچدى . شامك صاحبي قالان غالب كيدوب درحال ططره عرض تسليميت ايتدى . اوده شامه كيردى . قلعه يه داخل اولور اولماز آلتون بوغايى و بوتون طرفدارلارنى توقيف ايتديردى و چقماقنى تعقيب ايجون برمفرزه كوندردى .

ططر، شامده بولونديغى صيراده سلطانك والده سيلاه اولندى . صوكره حلبه كيتدى [۲] . بو صيراده صرخد ضبط ايديلدى . ططر شامه عودتنده چقماق اوراده اعدام ايديلدى . آرتق ططر، حكومتى اله كچيرسك تصويرينه دوشمشدى . فقط بونى سوريه ده ايكن مى مصرده ايكن مى ياقم مناسب اوله جغنده تردد ايدىوردى . آمالنه مخالف كې ظن ايتديكى بعض امرا ايله مملوكلىرى توقيف ايتديردى . صوكره سلطانلغنى اعلان ايله دى [۳] .

[۱] لقى قارميشيدر .

[۲] رجب بدايتنده بورانه واردى .

[۳] شعبانك ۲۹ نده .

احمد آنجق یدی آی یکرمی کون تختنده قالمشدی . برادری
ابراهیم ایله برابر قاهره حصارینه حبس ایدیلدی . اولونجه یه قدر
اوراده قالدی .

یکی سلطان ظاهر سیف الدین لقبی آلدی . عموم طرفندن
سلطان قبول ایدیلدن سوکره مصریولنی طوتدی . فقط مصره
واصل اولور اولماز (۱) اخسته لاندی . بوتون اکبر حکومتی طوپلادی ،
اوغلی محمد بیعت ایتدیردی . امیر برسبای کنج شهزاده نك
تربیه سنه مأمور ایله دی . بر آرز سوکره وفات ایتدی ۱۴۱ . آنجق
دوقسان درت کون سلطنت سورمشدی .

طارک اوغلی و خلفی محمد صالح ناصر الدین لقبی ویریلدی .
اون یاشنده ایدی . جانبیک الصوفی نائب حکومت اعلان ایدیلدی .
برچوق امرا یاپیلان شیلردن غیر ممنون اولدیلر . میللیس عسکری
کستاخانه اوضاع ایله آیلق ایسته دی . جانبیک اغتشاشی تسکین
ایچون عسکرک باشنه کچمکه مجبور اولدی . امیر برسبای مسایحاً
حصار اوزرینه یورودی . بر ساعت طرفیندن اوقلر آتلدی .
برسبای حصارى ضبط ایتدی . وقاهره ده سکونی تأسیس ایله دی .
فقط سوریه ده یکی اغتشاشات چیقدی . حلب والیسی امیر تغربردی ،
اوشهرده کی بوتون امرانی توقیف ایتدیره رک تور کمئلری و عربلری
امداده چاغیردی . فقط براز سوکره (۱۳) طرابلس والیسی

۱۴۲۲

[۱] شوال آینده .

[۲] ۴ ذی الحجه ده .

[۳] ۸۲۵ سنه سی محرمنده .

طرفندن مغلوب ایدیله یکی جهته فرار ایتدی . چوق کچمدن
امیرسوربای اداره حکومتی امر بر سبایک الندن آلق ایسته دی .
فقط طرفنی التزام ایدن بعض امرایله بر لکده توقیف اولوندی .
برسبای سلطانی خلع ایتدیره رک کندیسى تخته چیقدی .
برسبای (۱) اشرف زین الدین ابونصر عنوانی آلدی . دها
ایلك کونندن امرایله اهلینک حضورده یراوپه لرینی قالدیردی .
بوعادت فاطمیلرک زمان حکومتندن بری مصرده جاری ایدی .
بونک یرینه آل اوپمک اصولی وضع ایتدیسده چوق سورمدی
ینه اسکی عاده عودت ایدیله ی . یهودیلری خرس تیانلری دیواندن
چیقاردی .

بو صیراده حلب ، حما و حص الکالرینی و باعلتی تخریب
ایدیوردی . بوندن دولایی سلطان تبعه سنی مکیه حجه کیتمه
تشویق ایله دی . عینی زمانده حلب والیسنه ، بهسنی بی محاصره یه
کیتمه سی ایچون امر ویردی . امیر تغر بردی اورایه التجا ایتشدی .
صفد والیسی اینالیک سلطان قورشى عصیان ایتدی . بو امیری
سلطان ططر یتیشدیرمش اولدیغی ایچون اونک عائله سنه پک
مربوط ایدی . اوغلی محمدک خلعدن پک متأثر اوله رق صفد
حبس خانه لرنده طونولان بوتون امرایی کندیسنه جلب ایتدی . بونلر
آراسنده یشبک ، جکمی لقبیله یاد ایدیلن اینال ، جلبان و سه ر ه واردی .

[۱] الدقاق الظاهری لقبیله یاد ایدیلمیوردی . ۸۲۵ سنه سی
ربیع الآخرینک ۸ هجری چارشنبه کونی سلطان اعلان ایدیلمشدر .

آمالنه مخافت ايدنلرك كافه سنى ده توقيف ايتدIRMشدى .
سلطان در حال صفد والىلكنى امير مقبله ويردى وشام واليسى
عاصيلره قارشى كوندردى . ديكر صرفدن، غزه واليسى يونس
عربلر طرفندن مغلوب ايدىلدى . بوتون ته بايد قطعه سى اغتشاش
ايچنده ايدى . بعض امرا اينالى ترك ايدهرك شامه چكىلدىلر .
قبريس آطه سنده كى فرانكلر بوتون سواحلى اوصيرالرده تخریب
ايتمكده ايدىلر . اسكندريه دن ضبط ايتدكلرى بر كمينك حمله سى
يوز بيك آلتون آقچه يه بالغ اوليوردى (۱) . بواثناده مقبله
قوماندانى آلتنده بولونان سوريه اردوسى صفدى ضبط ايتدى .
سلطان، اوراده اسير ايدىلن اوتوز كشينك اللرىنى كسدىردى .
بو عاصيلرك رئيسى اولان اينال ، كندىسييله ياپىلان ماهدديه
رغمآء اعدام ايدىلدى . حالبوكه بومعه ده نامه موجبنجه طرابلس
شامده ساده جه بر امير صفتيله براقيله جقدى .

بهرسنى ده عصيان ايتش اولان امير تغرى بردى بوراسنى تسليم
ايتدى وموقوفاً حلبه سوق اولوندى . بوتارنخده قاهرده غريب
بر حادته وقوعه كلدى (۲) . بوتون كون غايت مدهش بر روز كار
اسدى . غروب شمسدن بر ساعت اول هر طرف غايت كشيف
ظلمت ايچنده قالدى . بو ظلمت بر ساعت سوردى . صوكره
بوتون كيجه ينه روز كار اسدى . روز كار اوقدر شدتلى ايدى كه

۱۴۲۳

[۱] شعبان آينده .

[۲] ۸۲۶ سنه سى ربيع الاولنك ۲۵ نجى صالى كونى .

برچوق بنالری ییقدی. دیاط، بوتون ساحل حتی تدباید قطع سی
عینی قاصیرغیه معروض قالدی. خلق او قدر قورقدی که قیامت
قویه جغنی ظن ایتدی. عینی زمانده وباده شام شهرلرینی (۱۸)
وغزه یی تخریب ایدیوردی. فقط سلطانی اک چوق مکدر
ایدن شی اولکی اداره ده اردولر اتابکی ونائب حکومت اولان
جانبیکک محبوس بولوندیغی اسکندریه حبس خانه سندن فراز ایتدیکنی
دویمق اولدی. بو مناسبتله سلطان پک ظالم کسیددی، برچوق
امرایی توقیف ایتدیردی.

بو صیراده، قدر کلیساسنک قاپادماسندن حد تلنمش اولان
حبش ایمپراطوری ابرام اسحق (۲۱) کندی حکومتی داخلنده
بولونان برچوق مسلمانلری قتل ایتدیردی، ماللرینی ضبط ایتدی.
قاریلرینی وچو جو قلیرینی اسیر یاپدی. سلطان، انتقام آلمق
ایچون بطریق و بوتون مصر خرسیتیانلرینی اولدیرمک ایسته دی.
فقط کندیسینی تسکین ایتدیلر. سلطان ده شام والیسی
تانباکک (۳) عصیار مسئله سیله مشغول اولدی (۴). شامده کی
امرایی عاصی یی توقیف ایتکه تشویق ایله دی واونک یرینه امیر
سودونی نصب ایتدی (۵). شام امراسی سرایه چیقدیلر.

[۱] جاذی الآخر آینده.

[۲] ابن داود ابن سیف اراد.

[۳] لقبی بجاسی در.

[۴] ۸۲۷ سنه یی محرم منده.

[۵] محرمک ۲۳ نده.

سلطانك اوامرينى ديكلمك اوزرە تانباكى دە اورايە دعوت ايلادىلار .
كنديسنى توقيف ايتك ايستەدكلرينى بيلان تانباك غايت اىي مسلح
اولان بوتون مملوكلار يە برابر سرايە كيتىدى . اورادە بر برلر يە
اوروشدىلار . شام امراسى مغلوب اولدىلار . بر قسمى قلعه يە
قاچدى . قسم ديكرى اوزمان صفدە بولنان امير سودونك
يانە التجا ايتدى . تانباك شامى ضبط ايلەدى . جانيبكك
طرفدارلار دن بر قسمى دە كنديسنە التحاق ايدنجه عسكرلرينك
باشنە كچدى وسودونە قارشى يورودى . سودون يعقوب كوپروسى
يانەدە قرارگاه قورمشدى . باصقينه اوغرامق قورقوسيله كوپرونى
كسدى . بوتون بر كون طرفيندن اوqlر آتيلدى . تانباك يكي
قوۋ امداد يە بكلەمك اوزرە حبيبە يە چكىلدى . بو ائنادە سودون
على الغفله شامە كيردى . تانباك در حال شام اوزرينە كلەرك شەرى
محاصره ايتدى . فقط اوموزندن يازالانديغى جەتله بار كيردن
دوشدى ، اسير ايدىلدى . طرفدارلار دن بعضيلار يە قلعه يە كوتورلدى .
بو خبر قاھرەدە بويوك بر مسرت توليد ايتدى . سلمان سوريە يە
كچمكە حاضر لانمشدى .

آرتق يالكلار جانيبك قالپوردى . سلطان بونك حر كاتى
دقتله تعقيب ايتكەدە ايدى . بو اسيرى كنديسنە كتيرون آدمە
بيك آلون سكه وعد ايتدى . عسكر اولديغى تقدير دە اون باشيلق
ايله تلطيف ايدەجكنى اعلان ايلەدى . سلطان ، مكە شرفاسندندە
مشتكى اولديغى جەتله اورايە بر اردو كوندرمكە قرار وىردى .

دیگر طرفدن، مسلمانلره تجاوزدن کری دورمایان فرانقلر، دمیاط
 قربنده غایت زنکین حمله ایله ایکی کمی دها ضبط ایتدکاری
 ایچون سلطان، ممالکی داخلنده بولونان بوتون فرانقلری توقیف
 ایتدیردی. اموالترینی مهرلندی. بو صورته دیگر فرانقلری،
 آلدقلرینی اعادهیه اجبار ایتک ایسته یوردی. فرانقلره قارشی
 یوروک اوزره بوتون میللیس عساکرینه امر ویردی. کمیلر
 قاهره خارجنده بولاقه کیتدیر ۱۱۱. بونلره غایت ایی مسلح
 برچوق مملوک ارکاب ایدیلشدی. طرابلسه کیتمک ویولده راست
 کله جملاری بوتون سفینهلری ضبط ایتک، صوکرده فرانقلر
 اوزرینه آقینلر یاتمق اوزره امر آلمشلردی. بو سفینهلر
 کیدوب ماغوسه شهرینی یغما ایتدیلر و صوکره لیمپسویه
 دوندیلر. اهالی کندیلرینه مقاومت حاضر لاش اولماق برابر
 مغلوب اولدیلر. مسلمانلر اونلرک سفینهلرندن بر مقدارینی
 یاقدیلر. فقط بورانک قاعه سی پک قوتلی اولدینی حهمله محاصرهیه
 جسارت ایتدیلر. بر چوق غنائم ایله مضره دوندیلر (۲).
 سلطان بر چوق سفائن تجهر ایتدیردی (۳). کذلک، ساحل
 بحر ده سینا قربنده بر قله یاپدیرارق ایچنه بر مقدار عسکر اقامه
 ایتدی. چونکه فرانقلر کمیلرله سینایه قدر ایلر یله یورلر،

[۱] رمضانک ۱۹ نجی جمعه کونی.

[۲] ذی القعدة نک ۲۰ سنده.

[۳] ۸۲۸ سنه سی محرمنده.

اوراد قاسیه و عریشه قدر آقین یاییورلردی . بو قله فارامیه
 خرابه سنده بولونان طاشلرله بنا ایدیشدر . سلطان هر طرفدن
 عسکر طوپیلادی . مقداری قرقه وارن سفینهلری طراباس
 شامه کیتدکن صوکره ماغوسه یه یاقلا شهرق شهری محاصره ایتدیلر .
 والی عرض انقیاد ایتدی . قبریس قرالک یاپدیغی تدارکاتی مسلمانلره
 خبر ویردی . مسلمانلر آطه نك غرب سمنه یاییلمفدن خالی
 قالمادیلر . بورلرینی یغما ایتدیلر . ماغوسه ده اوچ کون قالدقن
 صوکره ساحلی تعقیب ایدهرک ملا ۱۱۰ حریقنی طوندیلر .
 اورده درت یوزکشی براقشیلردی . اونلر بوشهر قربنده کندیلرینه
 التحاق ایتدیلر . شهر یغما اولوندی . صوکره هپ سفینهلره
 بئندیلر . فقط شفق سوکدیگی زمان اوزرلرینه دوغرو اون فرانق
 سفینه سنك ایلریله دیکنی کوردیلر . فرانق سفینهلری همان درحال
 فرار ایتدکن صوکره چوق کچمه دن مسلمان دونانماسنی آچیق
 ده کیزه جاب ایتک واوراده محاربه یه کیریشمک املیه تکرار کوروندیلر .
 مسلمانلر فرانقلرک اوزرینه یورودیلر و شدتلی بر محاربه دن صوکره
 اونلری چکیلمکه مجبور ایتدیلر . ایرته سی کونی قبریس قرالک
 قاردشی بر اردو ایله کوروندی . مسلمان اردوسنك یالکز
 نصفی حربه اشتراک ایتدی و مظفریت قازاندی . صوکره ، امیر
 جرباش کیجه لین بوتون قوتی قاره یه چیقاردی و آطه یی تخریبه
 سوق ایله دی . مسلمانلر او قدر اسیر آلدیلر که برچوغنی قاره ده

براقغه مجبور اولدیلار . فقط قبریس قرالی ژانک یاپدغی بویوک تدارکات اونلری دمیاط یولنی طوتمغه اجبار ایلهدی .

سلطان ، مکه طرفنده عینی صورتله بختیار اولدی . هر شی تسکین ایدیلدی [۱] . سلطان کندی ممالکنده تداول ابدن برفرانق سکه سنی [۲] منع ایتدیره زکیرینه یکی آلتون سکه لر ضرب ایتدیردی . سلطان منحصراً قبریس سفریله مشغول اولیور ، بونک ایچون پک چوق کمی انشا ایتدیریوردی . استانبول ایمراطوری یوللادیغی برسفیر واسطه سیله سلطانی بوفکرندن واز کچیر مکه چالیشدیسه ده سلطان سوریهدن برچوق امیر ، مملوک و عسکر کتیریدی [۳] . بونلر بویوک میدانده قرارگاه قوردیلار . سلطان بو عسکره ۱۴۲۶ برچوق پاره توزیع ایتدیردی . بوتون اردوده بویوک برشوق و خواهش واردی . قاهرده یالکمز سفره اشتراک ایدمه یین عسکرلردن باشقه غیر ممنون کیمسه یوقدی . بونلر بولاقدن چیقیدیلر [۴] . اسکندریه یه و دمیاطه لیتدیلر . رئیس لری امیر دینال الجسکمی ایدی . سفائنک قومانداسی بوکا مودوع ایدی . یاننده امیر قاره مراد خواجده واردی . قوه بریه قوماندانی امیر تغری بردی [۵] ایدی . بونکده یاننده امیر ح - یین واردی . یولده باتان درت سفینه

[۱] ۸۲۹ سنه سی محرمنده .

[۲] بوسکه نک اسمی آفرانی ایدی . احتمالک برفرانق قیمتنده ایدی .

[۳] جهادی الآخرک ۲۳ نده .

[۴] زحیک ایکنجی جمعه کونی .

[۵] لقبی الحمودی الناصری در .

آز قالدی بو بویوک سفره مانع اولاجقدی . بو حادثه مشؤم تالق
ایدیلیور ، سلطان دونامای کری کتیرتمک ایسته یوردی . فقط
اسکندریه یه کیتیمک اوزره روزدن حرکت ایدرکن مسلمانلر
بعض فرانق سفینه لرینه راست کلمش و روزده بولونانلر طرفندن
وقتنده امداد آلمش اولدقلر، جهته ایکی کون غایت معنده
بر محاربه وقوع بولدی . نتیجه ده فرانقلر فراره مجبور قالدیلر .
بوموفقیت مسلمانلرک وبالخاصه سلطانک جسارتی تازه لهدی .

یوتون بواردو نهایت قبریس قلعه لرندن بری اولان لامسون
یاخود لیمیسو پیشگاهنه مواصلت ایلدی . اوفقوسی یاخود نیقوسیاده
بولونان قبریس قرالی ژان مسلمانلره قارش یورو مک اوزره ذاتاً
تدارکات عظیمه ده بولونمشدی . فقط سائر فرانقلردن آلمش
اولدیغی امدادلره رغماً مسلمانلرک لیمیسویه چیقما لرینه و بو قلعه نی
ضبط ایتما لرینه مانع اولامادی [۱] . مسلمانلر بوراسنی تمامیه
تخریب ایتدکن سوکره ایکی مفرزه تشکیل ایتدیلر . بریسی
امیر تغری بردی و امیر حسینک قومانداسی آلتنده آطه ده قالدی .
دیگری اینال وقارا مراد خواجه طرفندن قوماندایدیلن سفینه لره
بیندی . بوقوت فرانقلر طرفندن آنی بر باد قینه معروض قالمق
قورقوسییه ساحل قارش یسنده دولاشدی . آطه ده قالان مفرزه
ملاحه یه یاقلاشدی . قبریس قرالک کندیلرینه قارش ی چیقما یه جفی
قناعتیه صفره دقت ایتمکسزین عادتاً سیاحته کلمش کیمسه لر کی

[۱] شعبانث ۲۶ نجی چارشنبه کونی .

يورپورلردى ، ذاتاً حرارت كندىلرني پك ازعاج ايدىيوردى .
فقطدها . لاحه يه واصل اولمادىن اول قبرىس عسا كرىنك مدانه
چيقدىغنى كوردىلر . پك ايلرى صوقولمىش اولان مسلمان قوتلرى
اسير دوشىدى . مسلمانلر درحال طوپلاندىلر . خرىستيانلر
اوزرىنه هجوم ايتدىلر واونلرى قاچىردىلر . قبرىس قرالى ملكتك
برجوقا كابرى ايله برلكده اسير ايدىلدى .

بويوك مصادمه نتيجه سنده نيقوسيه سقوط ايتدى . مسلمانلر
بوتون ملكته يايىله زق تخرىب ايدىلر ، بوراده قرمان اوغلى
على بك قومانداسنده برتور كمن قطعه سى بولدىلر . بونلر فرانكلر
امدادىنه كەشلىدى . بونلر ك قسم اعظمى اولدىردىلر . صوكره ،
ملاحه يه مواصلت ايدىن دونانمايه ملاقى اولدىلر [۱۸] . ملاحه ده
برقاج كون قالدىلر [۲۱] . نهايت ، آطنك پاتختى اولان نيقوسيه
يولنى طوتدىلر . بواشناده ، غايت اىي مسلح اون درت فرانك سفينه سى
كوروندىكى و مسلمان دونانماسنه هجوم ايتك . زره ايلر يله ديكى
خبر الدىلر . مسلمان سفينه لرى فرانكلره قارشى يورويهرك
پريشان ايله دى . قاره ده كى اردو ، يولى اوستىنده راست كلديكى
يرلر ك كافه سنى يغما و تخرىب ايدهرك نيقوسيه يه كيتدى . قرال ك
سرايى يغما ايدىلدى كدن صوكره ملاحه يه عودت اولوندى . بوراده
يدى كون استراحت ايدىلدى [۳۱] . صوكره مصر يولى طوتولدى .

[۱۸] رهضانك ۲ نجى بازار ايرته سى كوفى . بوشهر ايله لازناقه ايكي سى زدر .

[۲] عىنى آبك بشنه قدر .

[۳۰] ابوالحسن قبرىس آطه سنك ايكي يوز ميل و ستمىنده اولدىغنى سويله يور .
بومىل درت بىك ذراع طوانده اولوب برفرسنك ده اوچ ميل طوانده در .

بو مطفریت سببیه مصرده شنگار یاپلادی . شاعرلر قصیده لر
انشاد ایتدیلر .

مسلمان اردوسی قاهرده مظفرانه داخل اولدی . فراتلردن
آلزان غنائم عاناً طاشینیوردی . بونلر آراسنده قبریس قرالنک
تاجیده واردی . بر چوقده اسرا کتیریلشدی . قبریس قرالی
اسرا اراسنده برقاطیره زنجیرله باغلی ایدی . اینال ایله قاهره مراد
خواجه آراسنده ایدی . بو صورتله بوتون قاهره دولاشدی ،
حصاره کیدیلدی . اوراده آتلردن اینلیدی . سلطان بر چوق
امرادن مرکب بر آلایک اورتاسنده ایدی . اسیر قرال رفقاسی ایله
برلره قاپاندی . بوتون غنائم سلطانک اوکندن کچیریلیرکن آیاقده
دوردی . طالعسر قبریس قرالی کندیسنی سلطاننه تقدیم ایتدکلری
زمان بر قاق دفعه بایلادی . صوکره قرالی حصارک بر طرفنه کوتوردیلر
اوراده قالدی . بوتون غنائم ساتلقدن صولره سلطان قبریس
قیرالندن فدیة نجاتی ایسته دی . قرال : بر درهمه بیله مالک دکلم ،
حیاتم الکیزده در ، دیه جواب ویردی .

بر مدت صوکره . سلطان قرالی حضورینه کتیرتدی .
اونی بوتون فراتق اسراسنه کوستردی . بونلر پک چوق متالم
اولدیلر چونکه چوغی قرالک اسیر دوستدیکنه اینانق ایسته مه مشلردی
صوکره سلطان فراتق نکله مصرده بولونان قونسلوسلری طوپلادی ۱۱۱
قرال ایچون فدیة نجات ، یرمه یه جک اولورسه کندیسنی قتل ایتدیره جکنی

[۱] عرب مؤرخی بوکلایی استعمال ایتکده در .

سویلهدی. مع مافیہ کنڈیسنه اثوابلر ویردیردی، هر کونیه جک کوندردی و خدمتجیلر تعیین ایتدی. فرانقلردن بعضیلرینی کورمسنه مساعدہ ایلهدی. سلطان، قرال ایچون فدیہ نجات اولق اوزره بش یوز بیک آلتون سکه طلب ایدیوردی. فقط مؤخرأ دھامساعد داوراندی، ایکی یوز بیک ایله اکتفا ایلهدی. قونساوسلر بونک نصفنی درحال، نصفنی ده قرالک قبریسه عودتندن صوکره تأدیہ ایتکی تعهد ایله یورلردی. بوندن باشقه قرالک هر سنه یکرمی بیک آلتون سکه تأدیہ ایتمه سی و آطه ده بولونان وندیک وقاتالان عسکرلرینی کری کوندرمه سی ده قرارلاشدی. ایشته بو شرائط ایله صلح عقد اولوندی و برمدت صوکره قبریس قرالی تخلیه ایدیلدی ۱۸۱۱. قرال قاهره ده اوتوردی. ردوس شووالیه لری رئیسندن سفیرلر کلدیکنی کوردی. بونلر آرتق مسلمانلره هیچ تجاوز ایتهمکی و سلطان ایله دوستانه یاشامه یی وعدا یدرک صلح تکلیفنده بولونمغه کامشلردی. ردوس شووالیه لری، سلطانک ردوس اوزرینه تصور ایتدیکی سفری اجرا ایتسندن قورقیورلردی. عینی زمانده مدینه ده بعض قاریشقلقلر وقوعه کلدی و تسکین ایدیلدی.

تاریخ آرتق بویوک وقایعدن بحث ایتیهور. مورخار، بعض امرانک عزانی، سلطانک سیاحتلرینی و بونلر قدر اهمیتسز سائر بعض تفرعاتی بیلدیرمکله اکتفا ایدیورلر. مصرده وقوعه

- ۱۴۲۷ ن ۱ شدتلی بر فرطنه دن بحث ایله یورلر. بوفیر طنه ایله برابر غایت
مبدول بر یاغمورده یاغمشدر. مصرده بو پک شایان دقت بر
حادثه در. قاهرده مملوکلر ایله امرای آراسنده بویوک بر منازعه
۱۴۲۸ ظهور ایتدی. فرانقلر اسکندریه جهتلرینه بعض آقینلر یایدیلر [۱۲]
ومغلوب اولدیلر. عینی زمانده سلطان شرقه براردو کوندردی.
ره ایلوك، خربترتی [خرپوت] ضبط و تحکیم ایتشدی. مصر
۱۴۲۹ وسوریه عساکری بر اشهرکرها [اورفه] پی محاصره یه کیتدیلر [۳].
هابل [۱۴] بورایه تحصن ایتشدی. چوق کچمه دن بو شهر
مصر لیلرک انه دوشدی. اونی یغما ایتدیلر. بر آرزو کرده
قلعه ضبط ایدیلدی. اردو رؤساسنک ممانعتنه رغماً مدھش بر قتال
وقوعه کلدی. میلیس عسکری هر طرفی آتسه ویردی ورهای تماماً
خراب ایله دی. بو اثناده وبا علتی ده سوریه و مصری تخریب
ایدیوردی. خسته لق ایرتئسی سنه ده حکم سوردی. هر کسک اوروج
۱۴۳۰ طوتماسی نماز قیلمه سی امر ایدلای [۱۵]. و بانک صوکر افرانقلر مملکتنه
کچدیکی سویله نیور.
صوکره [۱۶] سلطان، ملاطیه یی یاقش اولان قاره ایلوکه

[۱] ۸۳۱ سنه سی محرمنک ۱۵ نده.

[۲] دی القمبی آینده.

[۳] ۸۳۲ سنه سی شوالنده.

[۴] امیر عثمان ابن طور علی.

[۵] ۸۳۳ سنه سی جاذی الاولنده.

[۶] ۸۳۴ سنه سی محرمنده.

قارشى شرقه بر اردو كوندردى . فقط بو اردو يولده ايكن
سوريه ليلرك قاره ايلوكى طرد ايتش اولدقلىنى خبر آلتجه

۱۴۳۱ قاهره ده دوندى . بر مدت صوكره قبريس قرالى وفات ايدنجه [۱]

سلطان معاهداتى تجديد ايتك ويكى قبريس قرالنه بر خلعت ايله
سلطان نامنه واليك عنوانى ويرمك اوزره سراى اركاندن برى

۱۴۳۲ آلتش مملوك ايله كوندردى . بوسفير ملاحه يه [۲] اورادن نيقوسيه يه

كيتدى . بوشهر ك تكميل اهاليلى كنديسىنى استقباله چيقديلر .

يكي قبريس قرالى ژان كمال تعظيم ايله سفيرى قبول ايدمرك سراينه

مسافر ايتدى . سلطانه دائما صادق ومنقاد بولونديغنى سويله دى .

ويركوي ويردى . سفير اونى والى صفتيله مقامنه اصعاد ايتدى .

مصر تاريخنده آرتق شايان دقت هان هيچ بر تفصيلاته

دسترس اولونمايور . جدوللرده اسملىرىنى قيد ايتديكم متعدد

حكمدارلر ، مصر تاريخنه كنديسيلاه نهايت ويرديكم بو سلطانه

خلف اولديلر . بونلر يك صاحب قوت وسطوت ايديلر . هان

كافه سى خلع ايديشلردر . بزم زمانمزه دوغرو ياقلاشديقجه مورخلر

كسب ندرت ايدىورلر . مملوكلرك تاريخنه دوام ايچون محتاج

اولايله جكمز يكي اثرلر فرانسه يه كتير يله مشدر . يوقا ريده كيريشديكم

تفصيلات بوراده بعض مختصر وقورو معلومات اعطاسندن بنى

منع ايتكده در . بو مجمل شيلرده ، ۱۵۱۶ تاريخنه قدر حكمران

اولان سلطانلرك جلوسى ووفاتلىرى تاريخندن باشقه بر شيئه تصادف

[۱] ۸۳۵ سنه سنده .

[۲] ۸۳۶ سنه سى محرمنده .

ایدیله مکده در . مملوك سلطانلرندن بری اولان غوری، عثمانلیلر
ایمپراطوری سلیمک اوغلی قورقودک، زدیینه التجاسنی قبول ایتدیکی
جهتله سلیم مصر ایله حرب ایتمه قرار ویردی . حلب قربنده غوری ایله
قانی بر محاربه وقوعه کلدی . غوری مغلوب و مقتول اولدی . قاهرده
تومانبای تخته چیتاریلدی . مملوکلر، بعض صلح تمکلیفاتنده بولونمق اوزره
قاهرده مواصلت ایتش اولان سلیمک سفیرینی تحقیر ایتدکن
صوکرده محاربه یه و غزه یه دوغرو براردو سوقندمتفقاً قرار ویردیلر .
قاسیه قدر نفوذ ایتش اولان عثمانلیلر بومملوکلری بوزدیلر و قاهره
پیشگاهنه کلدیلر . شهر هجوم ایله ضبط اولوندی . تومانبای ته باید
طرفلرینه قاچدی و تورکلر اوزرنده بعض موفقیات الده ایتدی .
نهایت یکی بر محاربه وقوعه کلدی . بونی غائب ایتدی . دشمنلرینه
سلیم ایدیلدی . اونلرده کندیسنی آصدیلر .

ایشته ایکنجی مملوك خاندانی بوصورتله نهایت بولدی . مصر
عثمانلیلرک تحت اداره سنه کچهرک بو آنه قدر اونلرده قالدی .
معافیله دائماً آزچوق بر استقلال محافظه ایتشدر . قسم اعظمی
مرتدلردن ترکب ایدن بر چوق مملوکلر حکومت صاحبدرلر .
پادشاهک اورایه کوندردیکی پاشانک امرلرینه هر زمان اطاعت
کوستریلر . بوپاشا، بک تسمیه ایدیلن بومملوکلرک موافقتی اولمقسزین
برشی یاپه ماز . مملوکلر میلایس عسکرینه قوماندا ایدرلر، بولونقلری
الکالرک وارداتی جبايت و مصارفاتی تسویه ایلرلر . حاصلی، حکومت
آز چوق قدیم مملوکلرک زماننده اولدیغی حالده قالمشدر . عینی
اختلافلر دمعرضدر . فقطدها آزشدت ایله . بوتون بومملوکلر بربرلرینی
محوه سعی ایدن و خلقه دائماً ظلم ایله ین برر کوچوک مستبددرلر .

عثمانلىر

عثمانلى توركلارنىڭ منشاىى او قدر كىشف ظلمتلرله محاطدر كىبونى
تدقيقه كىریشلار شىمدى يه قدر بونلرى ازاله يه موفق اولاماشلردر .
كىمىسى بو توركلرك بر حيدود چته سندن كلدكلرىنى سويلر .
كىمىسى بونلرك اجدادلرى پك مشهور اولديغنى ادعايدر . پرنس
قانتيمير Cantimir بو توركلرك استانبولده تاسيس ايتدكلرى
ايمپراطورلغك تاريخنه دائريازديغى ائرده بو مختلف افكار خصوصيه يى
تدقيق ومناقشه ايله رده قالمار وبوتوركلرك كندىلرينك قبول
ايتدكلرى روايتك دوغرولغنى اثبات ايتك ايستر . عموميتله ،
بر بىلتك تاريخى حقنده دسترس اولونه جق الك موثوق شهادت ،
اومىلك كندى خزينه محرراتندن استخراج ايدىلك لازم كلير .
فقط بومورخلرك سويله دكلرى شىلرك كافه سنى راست كله قبول
ايتك اولاماز . انسانلرك كندىلرينه تعاق ايدن خصوصاتده
قايىله بيله جكلرى حس طرفكبرى يه قارشى دائما متقيظ بولونمق
اقتضاليدر . بر مدت هيچ برشى يازمايان وديكر طرفدن ده اجرا آت
وحركانى ايله اكتساب شهرت ايدن بر قوم ، كندى تاريخنك تملنى
قورمق ايچون جوار قوملردن معاونت كوره بيلير . ايلك توركلرك

اوزون اوزون محارباته كيريشدكلرى روملر بوقوملردن، اونلرى كوردكلرى حال ووضعت دائرەسندە بحث ايتىش اولاجقلردر . فقط دين فرقى بو روملرى كندىلرندن استخفاف واسحقار ايله بحث ايتمكه سوق ايدەجكى طبعيدر . هر حالە بويلا برشبه بسلەمك اقتضا ايدر . فقط عيني زمانده ، توركلرك يراشدكلرى زمانده يتيشمش عرب مورخلىرى — كه توركلر علمينده اسباب دينيه دن دولايى هيچ برخصومت بسلەمزلر — توركلردن ، روملك بحث ايتدكلرى كى بحث ايدەجك اولورلرسە مى مورخلك شهادتلىرى مشكوك برحاله كلير . هله بومورخلىر ملتريىنك رؤساسنه غايت مشهور بر نسب تعيين ايدرلرسە وويردكلرى ايضاحاتده برچوق تاريخ خطالرينه تصادف اولونورسە بويازيلر بوتون بوتون نظر شبه ايله كورولمك احباب ايلر .

ايشته عثمانلىلرك تاريخنك ايلك عصرى بويلادر . بونى تدقيقه كيريشن پرنس قانتيمير ، اجنبى مورخلىرىنك حكايله رينى رد ايله تورك مورخلىرىنك روايتلرينى قبول ايله مشدر . پك شايدان تقدير وحرمت اولان بومورخك ، شرق تاريخى حقنده ذره قدر معلوماتى اولماديغنى بوراده كال تأسفله سويلاهمك مجبوريتنده يز . اك محقق وقايى بيله شبهلى عد ايدىيور و عثمان خاندانه تقدم ايدن متعدد خاندانلىرى بربرينه قاريشديرييور . اونك ايچون يازديغى تاريخه يالكلز بوتوركلك تأسسلرندن

صوکره کی تفصیلات جھتندہ اعتماد ایدیلیدر . بناء علیہ ، محقق دیہ کوستردیکی شیلرک کافہسنی رد ایله عثمانلیلرک منشانی ، عنعنات ایله جوار اقوام تاریخی تالیف ایددرک مختصراً تعینہ چالیشہ جغم . فقط بوتورکلرک مفصل بر تاریخی یازمغه کیریشمه . یہ حکم . بوتاریخ بورادہ قویہ ایتکه مجبور اولاجغم بر چوق مورخلرک آثاریلہ بزه معلوم اولمشدر . لزومسز یرہ جلدلری آرتیرمامق ایچون عثمانلیلرک یالکیز منشألرینی تنویر ایله اکتفا ایتک ایستہ یورم .

یوقاریدہ نقل ایتدیکم تورک تاریخ عمومییسی بزی طبیعتیلہ بوتورکلرک نسلندن اینن عثمانلیلرک تاریخ خصوصییسنہ سوق ایتک اقتضا ایدر . اونلرک منشألرینک ایلاک ایزلرینی وایلاک تدقیقده احتمالدن اوزاق کی کورونن فقط دها اسکی تاریخده موجودیتی مشاهدہ ایدیلن عنعنہلرینک تأییدینی اورادہ بولمق لازم کلیر . مراکشی معاصر بر عرب مورخی بزه بیلدیریورکه موغوللر جنک : خانک وخلفلرینک سوق وادارہسی آلتندہ ، قونیہ سلچوقیلرینک التندہ بولونان آناتولی الکالرینی ضبط ایتدکلری وقت تورک امراسندن قسم اعظمی داغلرہ چکیلہرک اورالردہ مستقل بر حالہ قالدیلر ومختلف بکلکلر وجودہ کتیردیلر (۱۸) . ایشته بوصورتلہ عثمانلی تورکلری قونیہ سلچوقی تورکلرینک بقایاسی کی تلقی

[۱] قونیہ سلچوقیلری تاریخنک نہایتندہ بونلرہ دائر تفصیلات

ایدیلیدر . فقط بو عثمانلی تورکلرنده منشاألرینه دائر موجود
عنعنات تدقیقه شایاندر . زمانلرینک بر چوق و قایعنی ذکر
ایدیورلرکه بوتون بونلرک مفروض و خیالی شیلر اولدیغنه احتمال
ویرمک مشکلدیر .

۱ — پرنس قانتیمیر طرفندن ذکر و اشهاد ایدیلن سعدی
افندی ، ایرانه کچمک اوزره سلچوقیلر ماوراءالنهری ترک
ایتدکلری زمان اوغوزلرک بکی اولان سلیمان شاهک پدری
قای خان خوراسانده مرو شاه جهاندن حرکت ایله ماهانی ضبط
ایتدیکنی ، فقط جنکیز خانک استیلاسی زماننده اردنستانده
اخلاط جوارنده یرلشمش اولان ینه بوسلیمان شاهک یاخود
قایا آلپک آناطولییه کچدیکنی سویله یور .

اسکی تاریخ حقنده بعض معلوماتی وارکی کورونن بوتورک
مورخی شو حکایه سننده بعض تاریخ خطالرینه دوشمشدرکه
نقل ایتدیکی وقعیه نه کی بر سبب تأثیریه احتمال ویرمش
اولدیغنی آراشدیر هرق بونلری میدان قویمق لازمدر . سلچوقیلر
ایرانده اون برنجی عصر ابتداسنده جنکیز خان ایسه اون
اوچنجی عصر ابتداسنده کورونمشلردر . اونک ایچون ، آزاده
بومورخک کوستردیکندن زیاده نسللر کچمک اقتضا ایدر .
سلیمان شاه قای خانک اوغلی اولاماز . بوراسی برطرف ایدیلیرسه
حکایه ناک قسم متباقیسی قابل ایضاحدر . سلچوقیلرک ایرانده
یرلشمش بولوندکلری زمانده اوغوزلر ایله عینی شی اولمق لازم

کلن ، غز نامیه یاد ایدیلن و آوروپاده اوز Uzes لر نامیه معروف اولان تورکمنلر خوراسانه بویوک بر آقین یاهورق (۱) اوراده یرلشدیلر . صوکره خوارزم سلطانلرینه تابع اولدیلر واونلرک اردوسنده خدمت ایتدیلر . جلال الدینک وفاتندن صوکره ارمنستانه ، سورییه و آناتولییه کچن خوارزمیلر آراسنده بونلرده کثرتله بولوندیغی شهه سزدر . سعدی افندینک حکایه سی بو وقعه ایله مناسبتدار اولدیغی میدانده در . ایشته بوصورتله عثمانلیلر ، بومورخه نظرآ ، غزلردن وبوتون سورییه نی تخریب ایدن اوامیرلردن ظهور ایتک لازم کلیر .

۳ — ذکر ایتدیکمز مورخدن ده اقدم دیگر برمورخ ، اوغوزلرک ارمنستانده اخلاط الکاسنده یرلشدکلرینی و ۶۱۱ هجری و ۱۲۱۴ میلادی تاریخنده سلیمان شاه ایله آناتولییه ایلاک سفرلرینی یایدققرینی سویله یور . موغوللرک تخریباتی بوامیری اورادن چیقمغه مجبور ایتدیکی جهته آذربایجان کچمش ، برمدت اوراده سرسریانه بر حیات سورمش ، ۶۱۶ هجری و ۱۲۱۹ میلادی تاریخنده الی بیک کشیک بر اوردوا ایله آناتولی یولنی طوتمش و فرات نهرینی کچمک ایسترکن بوغولمشدر . سلیمان شاه درت اوغول براقدی : سونغور تکین ، کون دوغدی ، بونلر اسکی مملکتلرینه دوندیلر . دندار یاخود دمدارکه بولوندیغی یرده بر آز صوکره وفات ایتشدر . ارطغرلکه

[۱] سلچوقیلرک تاریخی حقنده ویردیکمز تفصیلاته باقکز .

آناطولییه کچمش ، اوراده قونیه سلطانی علاءالدیندن یر ایسته مشدر . بو حکمدارک اردوسنده خدمت ایتد کدن ومتعدد مصادماتده موغوللری مغلوب ایتد کدن صوکره ارطغرل ، بعضلرینه نظراً ۶۸۰ ، بعضلرینه نظراً ۶۸۷ تاریخنده یعنی ۱۲۸۱ یا خود ۱۲۸۸ تاریخ میلادیسنده وفات ایتش و اوغلی عثمانی کندیسنه خلف براقشدر .

بو حکایه یه پرنس قانتیمیرک، سلیمان شاه ایله ارطغرلک حیاتی حقنده ویردیکی معلوماتی علاوه ایده جکز . بونده برطاقم وقایع عظیمه یه تصادف اولونیورکه اوزمانک تاریخی هیچ بحث ایتمه مش اولسه ایدی ، یا کلاشقلری کوزه چارپاردی . جنکیز خان، بلخ شهرینی خاکیله یکسان ایتد کدن و خوارزم سلطانی طرد ایله د کدن صوکره اوغوز تاتارلرینک بکی اولان سلیمان شاه اللی بیگ عسکرایله ۶۱۱ هجری و ۱۲۱۴ میلادی تاریخنده (۲۱) خوراسانده مرو شاه جهان شهرینی ترک ایله آذربایجانیه کیردی و اخلاطه قدر بوتون بومملکتی تحت انقیاده آلدی . فقط موغوللر بوقطعه یی تخریبه کلدکلری جهته سلیمان شاه آناطولییه کیتمک اوزره ۶۱۶ هجری و ۱۲۱۹ میلادی تاریخنده اورادن حرکت ایتدی . فراتده بوغولدی ، حلبدن آز اوزاقده بریره دفن اولوندی . اوغلی ارطغرل قیصریه ایله حلب آراسنده کائن بوتون اراضییه صاحب اولدی ، زماننک اک شجیع آدمی

[۲] بلخ دها صوکره یعنی ۱۲۲۱ تاریخنده ضبط ایدیلشدر .

اولق یولنده احراز ایتدیکی شهرت قونیه سلطانی علاءالدینی کندیسنه ممالیکی داخلنده و بالخاصه آنقره حوالیسندن پرویرمکه سوق ایله دی . ارطغرل، موغوللاری بو شهر قریبندن مغلوب ایندی . مؤخرآ اونلرک آقینلرینی دور دوردی . روملردن ۶۸۰ هجری و ۱۲۸۱ میلادی تاریخنده کوتاهییه یی ضبط ایتدی . بر مدت صوکره وفات ایله دی . یرینه اوغلی عثمان کچدی و سلطان علاءالدیندن، ارطغرل طرفندن ضبط ایدیلن یرلرک بکالکینی آلدی . عادتاً بر حکمدار مستقل اولدی . فقط علاءالدین بر حیات بولندیغی مدتجه سلطان عنواتی آلمق ایسته مدی . علاءالدین ۶۹۹ هجری و ۱۲۹۹ میلادی تاریخنده [۱] موغوللار طرفندن مغلوب ایدیلدیکی جهته میشل پاله ئولوغک نزدینه قاچدی . او کندیسنی حبس ایتدیردی . اوزمان عثمان بوایمپراطور لقه حکمدار اعلان ایدیلدی . ایشته ملی مورخلرک نقل ایتدکلری شکله عثمانلیلرک منشائی . بونی عثمانلیلرک زمانندن اولکی تاریخده تدقیقات یاپه رق تنویره چالیشه لم . اولاً ، بلخ خوارزم سلطانندن جنکیز خان طرفندن ۱۲۲۱ تاریخنده ضبط ایدیلشدر . خوارزم سلطانی هندستانه چکیلدکن صوکره بویوک براردو باشنده تکرار میدانه چیقدی . بواردوده تبعه سندن بولونان برچوق غزلرده واردی . خوارزم سلطانی آذربایجانی تحت انقیاده آلدی ، ارمنستان شهرلرندن

[۱] قونیه سلطانی میشل پاله ئولوغک یانه ۱۲۶۱ ده چکیلدی .

سلطانک اسمی عزالدین ایدی .

اخلاطى ضبط ايتدى . اردوسنده كى بوتون قوماندانلارك اسملىرىنى بىلمدىكمز اچون اونلارك اراسنده سلىمان شاه اسمى بولامىز . فقط سلىمان شاهك او مىانده بولوندىغنه اينامق اقتضا ايدر . چونكه تورك مورخلىرى سائر تفصيلات و تفرعات خصوصنده خوارزم وقونيه سلطانلىرىنىڭ تارىخىيە غايت تام صورتدە ئاتلاف ايتىكەدرلر .

ثانياً ، موغوللارك مؤخرأً آذربايجانە كيدەرك خوارزم سلطانى مغلوب ايتدىلىرى و سلطان كوردلر طرفندن اولدىرلىكى جەتله خوارزم قوماندانلىرى ۶۲۸ هجرى ۱۲۳۰ ميلادى تارىخىندە قونيه سلطانى علاءالدينك خدمتنە كچمشلردر (۱) .

ثالثاً ، سلىمان شاهك فراتى كچركن بوغولدىغى و اوغلى ارطغرلك حلب ايله قىصريە آراسنده بولونان بوتون ممالكى ضبط ايتدىكى سويلەنيور . بورادە اونوتوليوركە بو خوارزمىلر ، علاءالدينك وفاتىدىن سوكرە خلفىك خدمتنى تركا ياك سوريە يە كچمشلر واورادە حاجى محاسرە ، بوتون او ملىكتلىرى شىزريا خود قىسارىيە قدر تخريب ايتمشلر ، بوتون او ممالكى حتى قدسى بىلە مصون براقامشلردر . مؤخرأً مغلوب اولمشلر و هر طرفە داغىامشلردر . بر قسمى موغوللارك نىزدينە كچدىلر . بر قسمى دە اغلب احتمالە كورە آناطولى يە كيتمشلردر . اورادە بلكەدە كندىلر ندىن اول براشمش اولانلرە تصادف ايتمشلردر .

[۱] بونلارك تارىخلىرىنە مراجعت ايدىكز .

بووقايە سلاجوقىلار و خوارزمىلار تارىخىيە پك كوزل قابىل
تأليف اولدىغى جەھتتە عثمانلىلار آناطولىيە يرلشمەكەكن غزلردن
غىرى اولدقلىرىنى ظن ایتەمزە محل يوقدر . آناطولیدە بونلر
قونیه سلطاننك خدمتندە ایدیلر . سائر تفرعات ایله هیچ اشتغال
ایدەجك دكلر . علاءالدین حقیقتدە اولدیغندن پك چوق زیاده
معمار کوستریلیور . بعض دورلردە یاکلشلق یاییلیور . فقط
وقعلر دوغرودر . بونلرە قونیه سلاجوقیلرینك تارىخندە تصادف
ایدیلر . مثلاً سلطانك میشل پالەئولوغ غز دینه فراری بوقییلندر .
فقط علاءالدین طرفندن عثمانە برات ویریلەسى محقق کورونمە یور .
بو وقعە پك آز حائر اهمیتدر . عثمانلىلار منشائى یوکسلىتمك
مقصدیلە نقل ایدیلش اولاییلر . سلیمان شاه ایله ارطغرلک بوتون
خوارزمىلار یاخود غزلرک رئیس عمومىسى کوستریلەسى دە عینی
سببدن ایلری کلمشدر . چونکە باشقە رئیسلردە واردی . حتی
بونلرک آراسندە سلیمان شاهک اسمنه بیله تصادف اولونماز .
بوتون بوملتك یایدیغى دەھپ اوکاعطف اولونمشدر . چونکە کندیسنك
او ملتك حکمدارى اولدیغى ایناندر یلق ایستەنمشدر . تارىخك
اسملرىنى محافظە ایتدیكى خوارزم رئیسلىرى برکت خان ، کشلو
خان ، صاروخان ، غایر خان ، بوزى خان ، قیر خان ، الخادر .
سلاجوقیلارک احساسندن صوکرە آناطولىيى ضبط ایدن تورک
بکلری آراسندە صاروخانك اسمنه تصادف ایدیلیور .

آسیاده یرلەشن خوارزمى امیرلریله بعض سلاجوقى امراسى

مملكتلارنىڭ موغوللار طرفىدىن تخرىب ايدىلدىكى ، قونىيە
سلطانلىرىنىڭ قدرت و سـطوتىنىڭ تامامىيە محو اولدىغى كوردەرك
ھېسى چكىلمىش اولدىقلىرى يىرلىرى ضبط ايتدىلار وبونلاردىن برر
كوچوك حكومت تشكىل ايلەدىلار كە بزجەپك آز معلومدرلار ۱۱۱ .
بو حكومتلار بو امرانىڭ ، روملاردىن ضبط ايتدىلار يىرلىرى احتوا
ايدىيوردى . بوامرا آراسىندە بردانىسى واردى كە معاصر عرب
مورخلىرى صمان ياخود آصمان ۱۲۱ نامىيە ياد ايدىلار . بوامير ،
امور خان Amerkhan (۳) ودها سائربعض امرا ايله برلشەرك
روم ايمپراطورلغىنىڭ شرق ولايتلىرىنى تخرىب ايلەدىلار . آصمان ،
ياخود عمومىتە دىيىلدىكى اوزرە ، عثمان ازىق جوارىنى تخرىب
ايتدى . امور خانك اوغلى على صوك قونىيە سلطانى اولان مسعودى
بر محاربەدە اولدىردىكن صوكرە غايت سـطوت پيدا ايتدى .
فقط دها ذى قدرت اولان عثمان ، روملىرى دها چوق ازعاج
ايدىيوردى . على يى روملارە عقد ايتىش اولدىغى صالحى اخلاص
سوق ايتدى . امرانىڭ قسم اعظمى آقنىلر يامق اوزرە كندىسنە
التحاق ايتدىلار . روم ايمپراطورلىغى بوعلىنىڭ ، عثمانك ، آيدىنىڭ

[۱] قونىيە ساچوقىلىرى فصلندە كورولمىشدر .

[۲] بو بر تورك اسمىدركە عرب اسمى اولان عثمان ايله

قارىشىد بىرلىشدر .

[۳] ياخىمىرە Pachynere بو كا آمورىوس Amurios دىيور .

لامپىساس Lamusius نامندە باشقە برامىردىن بحث ايدىيورسەدە بو

طائىمايورم .

منتشانك ، سليار پاشانك [۱] ودها سائر بلكر كيايدقلىرى آقنلاردن پاخيمر
يك متضرر اولدى . بونلر مندرس جوارنده بولونان بوتون قالحوند
قصباتى ضبط ايتديلر ، تريپولى Tripoly يى باصديلر . كيننره
Kenkrée يى ، ساقيز آطهسى ، آياثلوغى ودها بر چوق يرلىرى
تحت اطاعته آلديلر . عثمان بروسه يى محاصره ايتدى و بر چوق
مظفرياتدن صوكره ۱۳۳۰ ياخود ديكىر بر روايته نظراً ۱۳۲۶
تاريخنده وفات ايلهدى . سادهجه براميردن عبارتدى . كوچوك
برقضايه صاحبدى . بر نوع جمهوريت وجوده كتيرهن سائر
توركlerle برلكده حرب ايدردى .

بو حكمدار حقنده دها بويوك تفصيلايه كيريشمكه جسارت
ايدمه يورز . چونكه مورخلرده قارا كلى ، ياكش ، ضد
شيردن باشقه بر معلوماته تصادف ايتمه يورز . عثمانلى ايمپراطورلغى
اوتارخنده تشكىل ايتش كى عد ايتمكدن چوق اوزاغز . بوتون
بو اميرلره و مالك اولدقلىرى يرلره دائر دها دوغرى تفصيلايه
مالك اولمق لازمدر . فقط بزه بونى بيلديرهن بر مورخه تصادف
ايدمه دم . توركلكر كندى حكمدارلرينك شمشه لرني اعلايچون
سائرلرني عادتاً اورته دن قالديريورلر . هر حالده اورخان پدرى
عثمانه خلف اولدى . ليدى قطعه سنى ، قاپادوسيانك بر قسمنى
فتح ايتدى . بيتينى قطعه سنده ازنيق Nicée ي محاصره و ضبط
ايلهدى ، ايمپراطور آندرونيق مغلوب ايتديكى كى سائر تورك

[۱] پاخيمره بوكا سالامپاكسيدهس Salampaxides دير .

بحر یله ده محاربه ده بولودی ، مظفریات و فتوحات یله تدریجاً اونلارک اوستنه چیقدی . کوچوک حکومتک پایتختی اولان بروسه ده وفات ایتدی . کندیسنه خلف اوله جق اوغلی سلیمان فتوحاتی ائناسنده وفات ایتشدی . یرینی مراد آلدی . بو حکمدار براردو باشنده آوروپا یه کچدی ، ادرنه یی پایتخت یاپدی . چوق کچمه دن تکرار آسیا یه دوندی . اوراد ، عاصیلری بوزدی ، آوروپا ده کندی علی بنده سلاحه ساریش اولان اوغلنک کوزبنه میل چکدردی . تریبال Triballes له محاربه ایله مشغول اولدیغی صیراده اوردو کاهنده قتل ایدیلدی . دشمنلرینه قارشى ظالم اولان بو حکمدار تبعه سنی پک بویوک بر حلم و اعتدال ایله اداره ایتشدر .

اوغلی و خانی بایزیده ییلدیریم عنوانی و یریلدی . بو حکمدار ، فتح ایتدیکی ممالکده سلطان دیه طانمق اوزره خلیفه دن بر برات طاب ایچون مصره سفیر کوندردی [۱] . ارزنجانی ، ارمنستانده ملاطیه یی ضبط ایلهدی [۲] . بو شهرلر ظاهرالدینه تابع ایدیلر . اورادن ادرنه یه دوندی . ادرنه ده صرب حکمدارینک قیزیله اولندی . آوروپا جه تنده کی مملکتی تنظیم ایتد کدن صوکره آسیا یه کچدی . کیلیکیاده ، قاپادوسیاده یراشمش اولان تورک بکلرینه هجوم ایتدی . قونییه یی قره مان اوغلی علاءالدینک الندن آلدی . قاره ایلو کده وارمنستانک سائر تورکمنلرینه قارشى یورودى . ما کدونیا یه عسکر کوندردی . بالذات ایللریا یه کیتدی . اورادن

دربلو

[۱] ابن سخنه یه نظراً ۷۹۷ تاریخ هجریسنده .

[۲] ۷۹۶ سنه سنده .

عودىله قويدى (Phocide) وتسالیه اوزرىنه هجوم ايتدى. كندىسىنى فوكيدىسقىپوسى دعوت ايدىيوردى. ماجارستان قىرالى سىترىسموندى مغلوب ايتدى. بونك اردوسنده قونت دو نه وەرك قومانداسى آلتىدە برچوق فرانسز اكابرى واردى. بايزيد صوكره كيدوب استانبولى دە محاصره ايتدىسەدە شەرك جوارىنى تخرىب ايدەرك محاصره يى رفاعە مجبور قالدى.

بو قدر فتوحاتدن تىلاشە دوشن تورك بىكرىلە توركىمنلر ، استانبولك بايزيدك الەدوشمە سندن قورقان خرىستىانلر تيمورلنكى چاغىرمق اچون ھې برلشديلر . تيمورلنك اچون اصلسىز بهانەلر كافى ايدى . بايزيدك عظمت وغرورىنە دوقونديلر . تاتارقاتحى طرفندن مغلوب ايدىلەرك اسير آلندى . اسارتدە ترك حيات ايلەدى . آنجق اولكى حىكمدار زمانندە صاغلاملاشمىغە باشلامش اولان عثمانلى ايمپراطورلغى بو وقىغە اوزرىنە ھان كاملاً يىقىلمش كىيدى . تيمورلنك طرفندن اسكى موقعلرىنە اعادە ايدىلن تورك امراسى ، بايزيدك اوغللرى تىخت غوغاسىلە مشغول اولدقلىرى صيرادە فتوحاتدە بولونويورلردى . تيمورلنك طرفندن سلطان اولەرق طانىلان موساچلى ايلە آوروپادەكى توركلر طرفندن سلطان اولەرق طانىلان سلیمان بربرلىلە قانلى بر محاربە يە كىرىشمىشلردى . بو محاربەدە سلیمان وفات ايتدى . یرینه برنجى محمد كچدى . موساى تىختدن محروم براقدى . متعدد صارصنتىلرلە ضعيفلامش اولان عثمانلى ايمپراطورلغى تىكرار تأسىس ايلەدى . اشقيادىن

مملكتى تظهير ايتدى . قرمان بكنى ازدى . بونك يرينه كچن مراد
ثانى سلاڭىكى ونديكىلر ك الندىن آلدى . ماجار قرالى لاديسلاس
ايله صلح ياپدى . لاديسلاس معاهده نامه يه تجاوز ايتدىكى جهتله
مراد تىكرار سلاحه سارمىلغه مجبور اولدى . صوكره ژان هونياد
اوزرىندە بويوك بر مظفريت احراز ايلەدى . وبر چوق مشهور
موفقياتدن صوكره اوغلى محمد ثاينك قوللىرى آراسىندە وفات
ايلەدى . بوكا دفعات ايله ايمپراطورلغى ترك ايتىش فقط يكيچىلر ك
ثباتسىزلىقى حسييله تىكرار آلمغه مجبور اولمشدى .

محمد ثانى روملرله صلح ياپدى . آقينلر يايىق ايچون
مردك وفاتىدىن استفادە ايتىك ايتىن قرمان بكنى مغلوب ايتدى .
صوكره ، مدەش بر اردو ايله استانبول پيشكاھنە كيدەرك
۱۴۵۳ سنە سىندە شەرى ضبط ايلەدى و كنىدىسنە پايتخت ياپدى .
بوتارىخدن اعتباراً توركلر آوروپادە و آسيادە ايلر يە مكدن خالى
قالماشلىرىدۇر . آناطولانىك وارمنستانك بوتون كوچوك حكومتلىرى
كنديلىرىنىك تحت تابعيتنە كىردى . سوريە ، صوكره مصر اللرينە
كچدى . بوتارىخ عموميدە مسلمان حكمدارلىرى طرفىدىن اشغال
ايدىلدىكىنى كوردىكمىز بوتون ممالىكى ايرانىلر ايله پايلاشمشلىرىدۇر .
توركلر ك آسيانىك بو قىسمىندە تاسيس ايتىش اولدقلىرى اوقدر
ايمپراطورلاردىن پايدار قالان يكانە حكومت بودۇر .

بربري متعاقب هون ، تورك ، موغول و تاتار نملريله
معروف اولان بوباربارلرلر دنياده باعث اولدقلرى بويوك انقلابات
ايشته بونلردن عبارتدر . بوغريب وقايعك روشى بو اثرده
بزه بوتون وسعتيله عرض ايدىلكددر . بوراددملتنك منشائى ،
تأسىسى ، انحطاطى ، انقسامى ، داغيامهسى ، اساسدن انشعاب
ايدن و مختلف برر ايمپراطورلقلر تأسيس ايدن بوتون قوللر
كوروليور . بوباربارلر چوق كره كائناك يوزى دكيشديرمشلر .
غايث متمدن معظم ايمپراطورلقلرى كسوفه اوغراتمشلر ، بوتون
دنيانى تخريب ايله مشلر ، انسانلرى باربارغه دالديرمشلر ، صوكره
علوم وفنونى ايلريتميشلر . مؤخر آ عيني جنسدن باشقه بابارلر
بونلرى عيني صورته تكرر ترقى ايتديرمشلر . برقاق دفعه
چينى تحت اطاعته آلديلر ، آوروپايى باشدن آشاغى دولاشديلر ،
همدى ، ايرانى ، سوريه يى كنديلرينه منقاد ايله ديلر . روما
ايمپراطورلغنك خراپىسنى تعجيل ، اوكا خلف اولان خليفه لر
ايمپراطورلغنى محوايدهرك باشقه ايمپراطورلقلر قورديلر . بونلر
غايث سطوت و شوكت صاحبي اولمشلر و عيني ملتك ساءر
قوللرى طرفندن منقرض ايديشلر .

يدنجى جلدك صوكى

فهرس

يكر منجى كتاب

- ۱ — تیمورلنك طرفدن تأسيس ايدلمش اولان موغوللار ايمپراطورلغنىك تاريخى — تاتارستانده هندستانده ، ايرانده ، سوريهده ، روسيهده تیمورلنك فتوحات عظيمهسى — خوراسانده وماوراءالنهرده خلفلى. — توركنلر واوزبكك طرفدن محو ايدىلملىرى ... ۷
- ۲ — تیمورلنك نسلدن كلن وعموميتله بويوك موغوللر تعبيرايدىلن هندستاندهكى موغول ايمپراطورينك مختصر تاريخى ۱۵۶
- ۳ — قالموكلرك تاريخنك خلاصهسى ، چينايلىرله محاربلىرى. ۱۶۴

يكرمى برنجى كتاب

- مصرده تأسيس ايدن بحريه مملوكلرينك يعنى قايچاق توركلرينك تاريخى . — ايوبيلرك تصوير احوالى . — سن لويىنك مصره سفرى ، اسارتى ، مملوكلرله مسئلهلىرى. — عباسى خليفه لرينك مصرده تأسيسلىرى. — جنكيز خان موغوللرينك بو مملوكلرله محاربلىرى . — اسماعيليه نك محاسى . — فرانكلرك سوريه يه سفرلىرى ، خريستيانلرك ارض مقدسدن تماماً طردى. — قبريس آطه سنده مملوكلرك محاربلىرى . — مصرده ياپيلان اجراآت . خريستيانلرك چيقاردقلى اغتشاشات — عربستانه سفر — آسيايى ، آفريقايى و آوروپايى تحريب ايدن قاره وبا حقنده تفصيلات . — بحريه مملوكلرينك محاسى — قوتلرينك تفصيلاتى ۱۷۹

يكرمى ايكنجى كتاب

- ۱ — مصرده يرلەشن برجيه مملوكلرينك تاريخى — توركنلر ، سائر سوريه حكمدارلرينه ، تیمورلنكه ، قبريس خريستيانلرينه قارشى محاربلىرى — مصرده اغتشاشات واختلالات — قبريس آطه سنك فتحي — بو مملوكلرك محاسى ومصرك عثمانيلرله التحاقى ... ۴۰۰
 - ۲ — عثمانلى توركلرينك منشاى — استانبول فتحنه قدرنارنخلرينك خلاصهسى ... ۵۱۸
- يدنجى جلدك صوكى

DATE DUE

To renew
call 292-3900

[illegible]

The Ohio State University
Form 10620

MAIN STACKS

stx
D141
G8193
1923
v.7